



ԳԵՂԱՍ
ՍԵՎԱՆ

ՀԱՅՈՇ
ՌԱՂԸ

Willy Dausse

Die Abkunft von
Mazandaran in der
Karte, aus Mazandaran
Fundamentale Zusammenhänge
ausgewertet durch Dausse

16. März. 1878

Zugang



ՀԱՅԱՍՏԱՆԻ ԳԵՂԱԿԱՆ
ՍՏՎԱԿԱՆ ԵՐԵՎԱՆԻ
ՊԵՏԱԿԱՆ ԳԵՂԱԿԱՆ
ՍՏՎԱԿԱՆ ԵՐԵՎԱՆԻ

Գ Ե Ղ Ա Ն
Ս Ե Վ Ա Ն

ՀԱՅՈՑ ԹԱՆԷ

“ՀԱՅԱՍՏԱՆ”
ՀՐԱՏԱՐԱԿՓՈՒԹՅՈՒՆ
ԵՐԵՎԱՆ 1967

Ար 2

Ս 41

Гегам Левонович Севан

«Армянская улица»

(на армянском языке)

Издательство «Айастан»

Ереван, 1967

7-3-3.

ՊԱՏՄՎԱԾՔ՝
ՎԱԶԳՈ ԸՆԿԵՐՈՒԹՅԱՆ, ԵՐԱԶԻ ԵՎ...
ՏԻԿՆԻԿՆԵՐՈՒ ՄԱՍԻՆ

1

Ապակեփեղկերու բացվածքեն ներս թափանցեց կայծա-
կի լույսը ու ինք մանկությունեն եկող վարժութեամբ մը
մտովի համրեց արագ-արագ՝ մե՛կ, երկո՛ւ, երե՛ք... շորս
ու հանկարծ կարծես վիթխարի աղմուկով մը լսվեցավ
որոտումը. որոտման հաջորդեց հորդառատ անձրևը: Շանթը
հարկ է ինկած ըլլար մոտակա տեղ մը: Հակառակ անոր, որ
արթուն էր ժամերն ի վեր, աչքերը հառած առաստաղին,
վերմակը քաշած մինչև շրթները. կհամենար անկողնին մեջ
ու կշանար կրկին քնանալ:

Երազները կշարունակվեին՝ իրար հրմշտկելով, կերազեր
բաց աչքերով: Պայթեցավ երկրորդ որոտումը, այս անգամ
արդեն բավականին հեռու. ինք երեսը շրջեց պատին ու փա-
կեց աչքերը:

— Պիտի քնանա՞ս տակավին, թե բերեմ սուրճդ,—
ձայնեց կինը:

Ելավ, նստավ անկողնին մեջ, դիտեց շուրջը, իր անփութ
նետված հագուստներն էին աթոռներուն վրա, հետո ճամ-
փորդական պայուսակներն էին կիսով բացված՝ հոն

Փարիզին բերած ինքնագործ ինքնաշարժն էր տղուն համար, սազին փոքր սեղանին վրա Հունաստանեն գնած պալատական փոքր զինվորը՝ կնոջական փեշով: Հետո իր աղջկան համար Պրագայեն վերցուցած այլ պուպրիկ մըն էր. գեղին ոսկեթել մազերով ու ուկրաինական խաչտարղև զգեստներով, տակավին չեխական հախճապակիչ մազեր էին, մոխրամաններ ու լիբլորի փոքր զավաթներ, կալին նաև ումինական մեկ քանի ձայնապնակներ՝ ցիկան երաժարութեամբ:

Գժկամ ելավ անկողնեն, արագ հագավ տափառն ու շապիկը ու.

— Բեր սուրճը, — պատասխանեց:

Կինը գուրգուրոտ հայացքով մը վարանոտ մտեցավ իրեն.

— Լրիվ զիշերը անհանգիստ էիր, Վազգեն, — ըսավ, — զառանցեցիր շարունակ, սա գործերուն մեջ մտնելեզ ի վեր կյանքերնիս շուտ եկավ, ջանս, ելիր հանգիստ գրասենյակ, կարգի դիր գործերդ, քիչ մը ետեկն ինկիր սա ապսպրանքներուն, երկու ամիս է դուրսերն ես, ամեն օր տաս հոգի կհեռաձայնեն, մեկը զրամ կուզե, մյուսը կհամառի հավատալ, որ Եվրոպա գացիր, վերջիվերջո ես ալ շվարեցա: Քու ինչ գործդ էր, այ մարդ, «իմփրեղարիտ»-ութեամբ սա քաղաքին մեջ, այսքան գալեր քեզի հա՞ց կթողուն, որ ուտես... Ինչ լավ էինք առաջ, երբ սահմանափակված էիր փոքր գրասենյակովդ: Գեշ էր, վատ էր, գոնե օրվան ապահով հաց մը ունեինք այն ատեն, մինչդեռ հիմա պարտքեր, պարտքեր ազգականներու, բարեկամներու արհամարհոտ նախածրններ, ծիծաղ ու օրական տասն անգամ պարտապահանջներու հեռախոսային դանդ...

— Օ՛հ, Աշխեն, չհասկցած գործերուդ մի՛ խառնվիր դուն, — սաստեց ակամա ջղայնութեամբ: — Մոտ օրեն կհարստանանք ու թող տեսնեն այն ատեն այդ արհամարհոտ հայացքով զիս դիտողները...

— Լա՛վ, լա՛վ, Աստված լսե քեզ, — ավելցուց կինը լուռ համակերպութեամբ:

Չպատասխանեց: Խմեց սուրճը ու արագ գուրս եկավ տունեն:

Հայրը դերասան էր Պոլսո մեջ Մնակյանի «Տրամաթիր»-ին, մայրը՝ դաշնակահար: Երկուքն ալ կորսնցուց վաղ, մնաց որբ ու անտեր: Մեծցուց զինք մորաքույրը, գործի տվաւ ու երբ հասավ երիտասարդութեան սեմին, երակներուն մեջ սկսավ խոսիլ ժառանգական արջունը, մտավ «Տարուլպետալի», բայց շարունակեց գործը, որ շինութիւններու ներկարարութիւն էր: Եթե թուրք ըլլար, թերևս տեղ մը հասներ բեմին վրա. բայց իր հայ ըլլալը զինքը պահեց միշտ շորրորդական, հինգերորդական դերերու աստիճանին ու կուլիսներու ետին. իր սիրտը սակայն հեռուներն էր, սահմաններն ալ անդին: Գիշեր ու ցերեկ կերաղեր ըլլալ հայրենիքին մեջ իր վարպետներուն՝ Փափաղյաններուն, ներսիսյաններուն հետ, հայրը շատ էր խոսած անոնց մասին: Կամ կցանկար անցնիլ Եվրոպա ու հոն փորձել բախտը, արտասահմանյան բաղմաթիվ հայ դերասան ու դերասանուհիներու հետ կապ կպահեր: Հայ մարդու համար Պոլիս թե Փարիզ նույնն էր անշուշտ, բայց խեղդվելի ետք զեթ խեղդվեր օվկիանոսի մեջ: Օտարութեան մեջ ամելի հանդուգն կըլլար մարդ, ձերբազատված շրջապատի կաշկանդումներեն, ըսի-ըսավներեն:

Մորաքույրը՝

— Վաղ անցիր սա թիյաթրոնիութիւնեդ, — կխրատեր տևաբար, — հաց չի բերեր, օղո՛ւ, ապերախտ գործ է, խելքդ միտքդ տուր գործիդ, դրամ շահե, տուն տեղ եղիր, հայրդ ու մայրդ տեսար իշտե, ա՛յ տղա...

Բայց եկուր ու հասկացուր դուն սա երակներուն մեջ շրջող արջունին: Եկավ զինվորութեան տարիքը, պատերազմի շրջանն էր. առին բանակ տարին զինք՝ Կիլիկիա: Բանակին մեջ թատերական խումբ կազմեց. բայց օրերը կապարի պես նստան ուսին: Տարի մը, երկու, երեք. զինվորացրման ո՛չ մեկ լուր ու շշուկ, վատ ժամանակներ էին, վաղը անհայտ: Խելառ մեկ քանի հայ տղաք փոփսացին իր ականջին, թե՛ կարելի էր մի անգամ ընդմիշտ ազատիլ այդ բռնորեն, մոտ էր սուրիական սահմանը, բուրդ մաքսանենգներ կային, որոնք կարող էին օժանդակել իրենց:

Երիտասարդ էին, ժամանակն էր նոր կյանքով ապրելու, միայն հարկ էր քիչ մը դրամ:

Քիչ մը դրամ ունեք ինք, բայց... ո՛չ մեկ բայց, ևոպ իր արյունը, օտար հորիզոններ, Սուրիա, Լիբանան, անկե ալ կամ Հայրենիք, կամ Եվրոպա: Կըլլա՞... Երիտասարդ, խելառ մարդու համար ի՞նչ կա շըլլալիք ու... եղալ: Եղալ, բայց ինչպես: Տաժանելի օրերե ետք անցան Սուրիա, Քեսապ: Հանձնվեցան սուրիական իշխանություններուն, մարդիկը շվտահեցան իրենց, խառն ժամանակներ էին, որոշեցին վերադարձնել ետ... Թուրքիա: Բայց տեղի հայությունը միջամտեց ու միջամտությունն ունեցավ այն բարիքը, որ փոխանակ հոռեզույնին գիմելու, ընտրեցին շարձաց փոքրագույնը ու... բանտարկեցին: Տարի մը տեեց այդ բուլտրը, հասավ արաբական երկիրներու ազատագրումը: Շունչ քաշեցին, բայց ո՛չ անձնագիր, ո՛չ պաշտոնական որևէ թուղթ: Մնացին մեջտեղ. փորձեցին ամեն տեսակի գործ. արվեստն ու դերասանությունը թվեցան դառն կատակ, լաշակալոր կիներու հետամնացության ու ավանդապաշտության խոր ճիրաններուն մեջ թաղված այդ շրջաններուն համար: Հիվանդացավ ինք, վարակվեցավ դեղնախտե. հասավ մահվան գուռը: Փռապան մը զինք իր մոտ առավ, սորվեցուց հաց թխել, եփել ու անցան տարիները: Ու երանելի օր մը, չէ՞ որ ամեն բան առաձգական է, այո՞, երանելի օր մը հավաքած դրամովը վերջապես կարգադրեցին կեղծ անձնագիր մը ու ինքզինքը նեաեց Բեյրութ: Տարիքը առաջացեր էր բավական, Բեյրութի մեջ շրջան մը աշխատեցավ որպես փոապան, հետո խոհարարի օգնական, սպասյակ ու վերջապես բռնեց իր նախկին գործը. շինություններու ներկարար: Այս վերջին գործն ալ եղալ իր փրկությունը: Հասավ փրկությունը, բայց դարձավ այն, ինչ արդեն էր Պոլիս գտնված շրջանին՝ սա տարբերությամբ, որ հոս գեթ հայ ըլլալով, ազատության մեջ ըլլալ կկարծեր: Առաձգական բառ մըն ալ սա ազատությունը: Չհասկացավ մեկ ճշմարտություն իր վյանքին մեջ, թե՛ ինչո՞ւ կյանքը մահեն ավելի լավ է: Եվ քանի չհասկեցավ լրիվ այդ մեկը՝ ամուսնացավ Աշխենին հետ: Բացավ ներկարարի գրասենյակ մը ու շինություններու ներկի գործեր առավ

վրան: Բանվորներ աշխատացուց, հետո ունեցավ առաջինը՝ մանչ զավակ մը, հետո երկրորդը՝ աղջիկ մը և ոչինչ: Գործը գնաց առաջ: Դերասանութունը... է՛հ, ամեն մարդ կյանքին մեջ ունի պարապ կողմ մը. իրեն հարցնեիք, կըսեր՝ գերասանութունն է միակ կյանքին իմաստը... Պարապ խոսք մըն ալ այս մեկը: Բայց եկուր տես, որ ո՛չ թատրոն կար երկրին մեջ, ո՛չ օփերա, հայկական ակումբներ կային, ընտրեց մեկը, լծվեցավ գործի ու թատերական խումբ մը կազմեց, իսկ ինք դարձավ «ռեժիսոր»:

— Թո՛ղ սա պարապ ժամավաճառութունդ,— ըսավ կինը օր մը:

— Օ՛ֆ, Աշխեն, չհասկցած գործերուդ մի խառնվիր դուն,— սաստեց ակամա ջղայնությամբ մը:

Ակումբ կար, բեմ չկար, բեմ կար՝ գերասանուհիներ չկային: Բայց ինք կհարթեր ամեն ինչ. կաշխատեր մինչև ուշ գիշերներ, տուները կերթար, կհամոզեր ծնողները ու մարդիկ տարօրինակ մը կնայեին իր վրան:

— Աղջիկնիս եթե բեմ ելլե, ետքեն անունը կելլե,— կըսեին:

— Ետքեն անունը ելած աղջիկը ո՛վ կնության կաննե:

Կխոսեր, քրտինք կթափեր: Բայց քանի ճանչված մարդ էր, նյութապես ալ ապահով, պատվավոր ընտանիքի հայր,— այս մեկն ալ ուրիշ ողբերգություն.— կվստահեին ու մեղով ծիծաղով մը.

— Պարոն Վաղգեն վարձքդ կատար,— կըսեին:

Բայց Բեյրութը «ազատության» քաղաք է, կային վեճեր, հակառակորդներ, իր ըրածը, ընտրածը չհավնողներ. հարցեր, վիճարանություններ, քվե և... զզվեցավ այդ բոլորեն: Օր մը հանդիպեցավ պոլսեցի նախկին ընկերոջ մը.

— Ի՛նչ կընես Կարպիս հոս,— հարցուց՝ զարմացած:

— Չե՛ս գիտեր:

— Ոչ, ուսկի՛ց պիտի գիտնայի:

— Իմփրեզարիություն, եկուր օր մը զրասենյակս, խոսիմք:

Ու զնաց, խոսեցան: Կարպիսը, իր ճանչցած Կարպիսը այժմ դարձեր էր Մուսյո Կարպո: Հարուստ, հարգված մարդ:

Ունեք ճոխ գրասենյակ, մեքենագրուհիներ, հեռախոսներ և այլն... Արդեն այսքանը ունենալի ետք հարգված ըլլալը սովորական երևույթ մըն էր: Կը ճամփորդեր Եվրոպա, կապ ունեք դերասանուհիներու հետ, համաձայնութիւններ կ'ընթեր, կրերեր Բեյրութ, ներկայացումներ կսարքեր, միասին լավ ժամանակ կանցնէին և այս բոլորեն ետք ալ ահագին գումարներ կանցնէր ձեռքը...

Ու հիմա Կարպիսը ցույց կուտար ֆրանսացի, գերմանացի, անգլիացի, իտալացի դերասանուհիներու կիսամերկ նկարներ: Հետո բանալիով մը ընկուլզի գրասեղանին կենտրոնական դարակը քաշելով, դուրս կհաներ Հավանայի երկու խոշոր սիգար ու մեկը կհրամցներ Վազգենին:

— Յա՛, եղբայրս, այսպես ահավասիկ. հանելի, շահաբեր ու բազմակողմանի արդյունքներով գործ է...

Հիացած կ'դիտեր Վազգեն:

— Իսկ այդ դերասանուհիներդ ինչպիսի՞ք են առհասարակ:

— Քապարեներու, սիրելիս, քապարեներու և հարուստ ամուրիներու հատուկ...

Չէ՛, ինք նման աղջիկներու ու քապարեներու հետ գործ չէր կարող ունենալ, ինք արվեստի մարդ էր, ընտանիքի հայր, հարգված մարդ ու հանկարծ...

— Կարպիս,— ըսավ,— կարելի չէ՞ լավ խումբեր բերել արտասահմանն, երաժշտական, թատերական և այլն...

— Ինչո՞ւ չէ, կարելի է:

— Դուն ինչո՞ւ չես բերեր:

— Վտանգավոր գործ է:

— Ինչո՞ւ է վտանգավոր:

— Ո՞վ է հասկցողը արվեստն, սիրելիս, արվեստը դրամ չի բերեր մեր մոտ, հոս հարգին դիտե՛ս ինչ է...

—

— Սրունք ու կուրծք է հարկավոր, ա՛յ, օրինակ,— ու քաշեց ընկուզենիի դարակներն մեկը. հանեց ճկարներու ալյոմ մը,— ա՛յ, օրինակ,— ըսավ,— այս կուրծքերը, որ կ'իռչվին ֆրոյլայն Չարահ, գերմանական են, ինձի բերին երկու հազար լիրանանյան թղթոսի, սա սրունքները, որ

Ֆրանսական են և կկոչվին մատմազել Սիմոն, շահեցուցին ինձի երեք հազար լիբանանյան, մոռցա ըսելու... իտալական են: Իսկ երաժշտություն, թատրոն, կարելի է անշուշտ: Բայց հարկ է մեծ կապեր ունենալ, մեծ գրամապլուխ: Ճիշտ է, շահու պարագային մեծ կըլլա ավարը, բայց հարկ է խորհիլ վնասին մասին ալ...

— Ինչպիսի՞ կապերու մասին է խոսքը:

— Ա՛յ, օրինակ, բարձր դասուն հետ: Հարկ է խումբը բերել և ետք մեծ սրահ մը վարձել, սրահը կարևոր է, ամեն մարդ ամեն տեղ շերթար. խումբը որքան ալ ըլլա նշանավոր, վարձելիք սրահը է նախ կարևորը, հետո հարկ է քաղաքիս ծանոթ ընտանիքները գիտնաս շարժել, որովհետև հասարակութունը պիտի գա ոչ թէ բերած խումբիդ համար, այլ որովհետև այդ ներկայացման ապահով պիտի ըլլա, թե՛ ներկա պիտի ըլլան անոնք, այդ մեծահարուստ ընտանիքները... ուրեմն ինքն ալ իր կարգին պիտի հազվի, կիները պիտի երթան վարսավիրանոց, գեղեցկանան, հարկ է հանեն իրենց ազամանդներն ու զարդերը, այսինքն քու բերելիք խումբդ պիտի ըլլա միջոց այդ բուլտրին: Հետո գիները հարկ է ըլլան բարձր, անմատչելի, որպեսզի անոնք վստահ ըլլան, թէ հասարակ ժողովուրդ պիտի շեցվի ներկայացման:

— Վստա՞հ ևս ըսածներուդ,— հարցուց վարանումով Վաղգեն:

— Որոշ չափով այդպես է կարգը:

— Որքա՞ն գրամ է հարկավոր:

— Նվազագույն տասն-քսան հազար:

— Շա՞հը:

— Կրկնակի, եռակի...

— Ես այդքան չունիմ,— ըսավ Վաղգեն ախար,— գուն չես մտնէր գործին մեջ, եթէ միասին ընենք:

— Չէ, եղբայրս, ես չկամ նման ռիսքերու մեջ, եթէ կուզես, կրնամ քեզի հասցեներ տալ:

— Տո՛ւր:

Մուսոյ Կարպոսն բացավ դարակը ու ավավ շարք մը հասցեներ:

— Մեծահարուստ մարդիկ են,— ըսավ,— եթէ խելքեր-

նին պառկի, կը մտնեն ընկերովի, կես առ կես հաշվով: Համենայն դեպս դու փորձե առանձինն ընել, ընկերովի գործին մեջ խեր չկա: Անփորձ ես, կխաբեն քեզ:

— Պիտի փորձեմ,— ըսավ Վազգեն:

Մուսյո Կարպոն բացավ դարակ մը. հանեց վիսքիի շիշ մը, երկու բաժակ լեցուց կիսով, սողա խառնեց մեջը ու երկարեց Վազգենին:

— Նոր ծրագիրներուդ կենացը,— ըսավ:

Խմեցին, բայց Վազգենը տարված էր երազներով, նույնիսկ շտեսավ, թե ինչպես Կարպիսը աչք քթթեց իր մեքենագրուհիներեն մեկուն ու այս վերջինը շինծու հապճեպով մը ձեռքը տարավ սրունքներուն ու վար քաշեց գիստերը գրկող նեղ փեշը...

3

Այս հանդիպումեն ետք քունը փախեր էր Վազգենի աչքերեն: Ի՞նչ էր իր կյանքը. անիմաստ պայքար մը փոր մը՝ հացի համար: Իր գո՞րծը. չէր սիրեր իր զբաղմունքը... ներկարարություն, բանվորներուն օրապահիկը, ապրանքներուն գիները ելլելի ետք, ամիսներու աշխատանքի մը վերջ հաղիվ՝ ապրուստ մը: Հետո սրտովը չէր: Փոսպանություն, թե ներկարարություն, նույնն էր վերջիվերջս, միշտ մը ապրիլ ու ընտանիք ապրեցնել կարենալու:

Մինչդեռ այլ բան է իմփրեզարիությունը, նախ գործունեք արվեստագետներու հետ, դերասաններ, դերասանուհիներ, հետո եթե շահեցար և առասպելային շահեր կարելի էր ձեռք ձգել, օրինակ՝ 1500 հոգինոց սրահ մը, միջին մուտք չորս ոսկիով, ըսենք՝ 6000 լիբանանյան՝ գիշերը, նախաձեռնեցիր չորս գիշեր: Եղավ 24.000. խումբին համար ու այլևայլ ծախսերու թող երթար կեսը, երկու երրորդը, կրկին կամար 6000 լիբանանյան, ըսե կեսը՝ 3000: Ինք, ամիսներու աշխատանքով այդ գրամին կեսն ալ չէր կարող երազել: Վերջապես առևտուրը առևտուր էր, բայց ուրիշ բան է տարերքին մեջ ըլլալ, միասին նստիլ, ելլել այդ մարզոց հետ. հետո տուր ձեռքդ Եվրոպա, հոս, հոն, նույնիսկ եթե շար հաց

մը հաներ, գեթ ապրածը, ղգացածը շահ կմնար: Հետո, այլ կհնչեր իմփրեզարիո Վազգենը, ներկարար Վազգենին քով: Նայեցավ Կարպիսին տված հասցեներուն, թող առայժմ անոնք մնային գրպանին մեջ: Խնայողութուններ ուներ, հետո վարկ ուներ շուկային մեջ: Որմե՞ ուզեր իրեն գրամ չէին տար, այսօր շրջեր իր բարեկամներուն՝ հինգ հազար մը ափին մեջ էր: Բարիք մը, եղակի բախտ մը եղավ սա Կարպիսին հանդիպիլը: Պիտի նետվեր, պիտի փորձեր բախտը, կյանքը ինք ուզե, թե չուզե կանցներ արդեն, գոնե լավ անուն մը ու գրամ կձգեր իր զավակներուն... Ի՞նչ տեսեր էր ինք կյանքեն. տառապանքե ու զրկանքե զատ, ինք սա Կարպիսին շափ ալ չկա՞ր: Գիշերները կերազեր մերթ Փարիզին մեջ ըլլալ, մերթ Բրյուսելի, ժնևի, Պրագայի, կղիտեր ներկայացումներ: Մարդիկ կհարգեին, կպատվեին զինք. պայմանագրութուններ կկնքեր: Իմփրեզարիո Վազգեն: Չէ, Վազգենը լավ չէր, վաղն իսկ հարկ է նոր թուղթեր տպել տալ, հասցե. հեռախոսի համար: Առայժմ կգործածեր իր համեստ գրասենյակը, հեռախոսը: Եվրոպայի մեջ մարդիկ ի՞նչ պիտի գիտնային, իսկ անո՞ւնը... անունը հարկ է փոխել ու փոխեց: Մուսյո Կարպոյի նմանողությամբ որոշեց զնել Վազգո և ավելցուց Վազգո ընկերութուն... այսպիսով ալ ծնունդ առավ մեր պատմվածքը՝ «Վազգո ընկերության, երազի և տիկնիկներու...» տիկնիկներու մասին մենք կպատմենք տակավին...

4

Ու սկսավ պրպտել, հետևիլ եվրոպական թերթերուն, ուշի-ուշով նայիլ արվեստի պարբերագրքեր, ժուռնալներ: Գրասենյակի հեռախոսը կհնչեր իզուր: Վերցուցած էր ներկերը, գործերը թողած երեսի վրա: Հարկ էր «Վազգո ընկերության» ապագային իսկ համար առաջին ձեռնարկը ըլլար աննախընթաց բան մը, հարկ էր ընդգրկեր ժողովրդային բոլոր խավերը: Իր խելքը չէր հասներ Կարպիսին ըսածներուն, թե՛ հարկ է գիտնալ քաղաքին մեծահարուստ ընտանիքները շարժել: Անիմաստ կգտներ այդ բոլորը. եթե ինքը

կարենար սապես ժողովրդային բոլոր խավերը ընդգրկող, խանդավառող, նվաշագույն պարագային հետաքրքրույ խումբ մը գտնել, հաջողած կարելի էր նկատել գործին կեսը: Բայց նյութական իր կարելիությունները կցցվեին հանկարծ. բազմանդամ խումբի մը համար, այդ խումբին Բեյրութի մեջ մնալիք օրերուն ծախսը, հյուրանոցի, ճաշի, պտույտի, հետսրահի վարձք, դերասաններուն տրվելիք գումարը, պետության տրվելիք շահարժինը, հայտարարության, տպագրության ծախսերը. տակավին չնախատեսված գումարներ, հանձն առնվելիք կաշառքներ. այո՛, այս բոլորը որքանով ալ կշանար կրճատել, կհասնեին Կարպիսին նախատեսած նվազագույն արդյունքին, տասն-քսան հազարի: Տակավին իր ուսումնասիրություններու առաջին իսկ քայլերուն հասած էր այն եզրակացության, թե՛ մամուլը կարևոր գործոն էր այդ բուլորի մեջ: Ինք փորձված շուկայիկ կյանքին, գիտեր, թե մամուլը կարող էր կաշառվիլ ի հարկին: Կարպիսն ալ ըստվ վերջերս: Խումբին որակեն ավելի հարկավոր է դրամ հասցընել մամուլի քննադատներուն գրողանը, որպեսզի լավ արտահայտվին: Մեկնած ուրեմն նույն սկզբունքեն կարելի չէ՞ր հետեկելով թերթերու, պարբերագիրքերու ու ժուռնալներու, իսկական կարծիք կազմել բերելիք խումբիդ մասին: Նույնիսկ եթե այդ բոլոր թերթերն ու ժուռնալները եվրոպական ըլլային: Ամենաապահովը ոխքեն շխուսափիլ էր. քանի վերջնականապես որոշած էր թե՛ պիտի նետվեր գործին մեջ: Ուրեմն լավ կըլլար, որ անիմաստ խնայողություններու մասին շտաժներ, ամենապատահելի ուղին, անձամբ երթալ էր եվրոպա, տեսնել իր իսկ սեփական աչքերով ու եզրակացության գալ: Ճիշտ է, եվրոպա պտույտ մը կնշանակեր նվազագույն երկուքեն-չորս հազար լիրանանյան թղթոսիկի. բայց չէ՞ որ առևտուրի զլխավոր սկզբունքը այն էր, թե՛ շահը գնման ատեն է, եթե կրցար ձեռնառու ու հարմար գիներով լավ ապրանք վերցնել. լավ թե ոչ, մնաք բարչավ հաջողություն: Իրավունք ունեին այդպես խորհողները: Կյանքի մեջ լավ կարենալ ստելու, խաբելու համար նույնիսկ փորձառություն է հարկավոր: Հարկավոր էր ամուր հիմքերու վրա սկսիլ գործի, հոգ չե, թե շահը մեկ քանի հազարով ըլլար պակաս

առաջին հերթին: Գեթ «առած ապրանքը» սեփական աշքերով տեսնելի ետք, վնասի հավանականությունը կնվազեր մեծ տոկոսով: Հետո այլ բան է նամակագրությունը խոսիլ, այլ բան է անձամբ սակարկել: Չէ', խելացի որոշում էր անձամբ Եվրոպա երթալը, նույնիսկ ավելի շահավոր: Ինք կարող էր համոզել խումբին ղեկավարությունը, առավել ձեռնառու պայմաններ ձեռք բերել և այսպիսով հանած կըլլար իր ճամփու ծախսը: Բայց ինչպե՞ս, ինչպե՞ս կարող էր հաղթահարել իր դեմ ցցված այդ բոլորը առանձին իրագործելու անկարելիությունը, իր ունեցածը, խնայողությունները, ըսենք վերցնելիք պարտքերը հաղիվ պիտի բավարարեին այդ ճամփորդության: Անհրաժեշտ էր խորամանկել. գտնել մեծահարուստ ազնիվ մարդ մը, համոզել, որ խումբին ծախսերը հանձն անոնք, կես-կեսի հաշվով: Հետո՝ հասույթեն ինք կվճարեր իր բաժինը: Վնասի՞ պարագային... Բայց ինչո՞ւ ըլլար վնաս, չէ՞ որ ինք պիտի ընտրեր խումբը. ալ ի՞նչ վնասի մասին է խոսքը. Կարպիսին չափ խելք ու ճաշակ ալ շուններ ինք: Անցնող առաջին ամսվան ընթացքին հասավ այդ եզրակացության ու որոշեց դիմել ու խորհրդակցիլ. Կարպիսին հանձնարարած հասցեներուն: Հետո Եվրոպան տեսնելու իրականության այդպես «պատճառարանված» ու «արդարացված» հեռանկարը՝ ուրախության, հուզումի մեծ ակիբով մը կպարուրեր իր էությունը: Հարուստ ընկեր մը ունենալ, թիկունքին կովան ունենալ կնշանակեր:

Եվրոպան տեսնել, պտտիլ, տարիներու իր երազն էր. պատանությունեն ի վեր գուրգուրված երազ, երա՞զ, զոր այժմ «անհրաժեշտություն» կթվեր իր աշքին ու կարգաբացներ իր խենթությունը, եթե ունենար մանավանդ թիկունքին... այդ կովանը: Գործն առանձինն ընելու ծրագրերը, երբ զրպանին մեջ շոշափելի գումար մը ըլլար առաջիկային. այն ատեն արդեն կարիք չէր մնար ընկեր որոնելու: Չէ, առայժմ այլ ելք չկար:

Դիմեց առաջին հասցեին: Միլիոնատեր, արար առևտրական մըն էր՝ Ֆուատ Ջաքարիա Ապու Քանիոսը: Հսկա հարկարածին մը իր գործատեղին, ուր սենյակներ էին, յուրաքանչյուր սենյակին մեջ հնչող զրամեքենաներ, պաշ-

տոնյաներ, քարտուղարներ: Վազգեն իր այցեատման ուղարկեց ներս ու խնդրեց ունկնդրութիւն: Քանիտս ընկերութիւնն ու Ֆուաա Զաքարիան հայտնի չէր, թէ իսկականին ինչ գործով էին զբաղված: Բազմազան ու բազմաճյուղ էին առևարական ձեռնարկութիւնները այդ տան: Ոչխարի մեծաբանակ ներմուծում Քուրքիայէն, հազարավոր տոննա բրինձի ներմուծում Հնդկաստանէն դեպի Անգլիա, հին գրամներու ու գեղարվեստական միջազգային վարպետներու կտավներու առուծախ: Պարսկաստանէն գորգերու ներմուծում Կիբանան: Պաուզներու արտածում դեպի Միացյալ Նահանգներ և Եվրոպա: Փորձված ու միլիոնատեր մարդ Ապու Քանիոսը իր գրամը կըքէր հոն, ուր շահ կար, ավար: Նույնիսկ ուներ առանձին գրասենյակ մը, ուր բարձր տոկոսով գրամ փոխկուտար այլ առևարականներու ձեռնարկներուն:

Քառորդ ժամ տեղեց շնորհված ունկնդրութիւնը Վազգենին ու եկան համաձայնութիւն:

— Գացե՛ք, ընտրեցե՛ք, բերե՛ք մանրամասնութիւններ, համաձայն եմ: Անշուշտ փորձի շրջան մը կանցընենք միասին, եթէ խելքերնիս պառկի, կշարունակենք,— ու հեռաձայնեց իր տասնյոթերորդ գրասենյակի քարտուղար Ագելին. սրպեսզի զբաղվի Վազգո ընկերութիւն ծրագիրներով ու... վերջ:

Ճիշտ է, Վազգենը իր կյանքին մեջ շատ էր շփում ունեցեր առևարականներու հետ, բայց անակնկալ էր իրեն համար մահուակենաց ու շարաթներ տեսող պրպտումներուն այսքան կարճ ժամանակի մեջ ընկալումը ու հավանութիւն արժանանալը:

Մարդը հարցուցեր էր միայն.

— Քանի՞ հազար ծախս մը կնախատեսեր:

— Տասն-քսան հազար:

— Կա՛վ, համաձայն ենք. փորձենք:

Այսքան:

Գործ ըսածդ այդպես պիտի ըլլար: Գրամի մասին պիտի չխորհեր մարդ. ի՞նչ էր որ սա մարդուն համար քսան հազարը. քսան դրուշի պես բան մը: Չէ՛, կեցցես Կարպիս, լավ է, որ ունեցեր էր նման մարդու մը ընկերութիւնը: Հիմա

այլևս կրնար թոխք տալ իր երևակայության: Հստակ է, երբ շահը տեսնեին, անշուշտ երրորդ, առավելագույն շորրորդ ձեռնարկին ընկերությունը կլքեր զինք, բայց իր ի՞նչ փոյթը. ինք մինչ այդ գեթ տերը կըլլար հիսուն, վաթսուն հազարի, ինք վերջիվերջո կարող էր առանձինն շարունակել: Վերջիվերջո մինակ ինք շպիտի ըլլար այդ գործով զբաղող, արդեն իրմե առաջ ալ տասնյակներով կային նման գրասենյակներ:

Ուրախ ու բարձր արամագրությամբ եկավ տուն:

Կինը թե՛

— Վազգեն, ջանս, գործդ ձգեր ես երեսի վրա, ամեն րոպե կզանգահարեն ու քեզ կփնտռեն...

— Օ՛Ֆ, Աշխեն, — ըսավ, — մի հիշեցներ ինձի սա անոթի մարդու խեղճուկրակ գործիս մասին:

— Բայց, սիրելիս, այդ գործն էր մեր տունը պահողը ցարդ... վա՛զ անցիր սա մեծ երազներեդ, կզղջաս վերջը...

— Օ՛Ֆ, Աշխեն, — սաստեց հանկարծ իրեն համար ալ անծանոթ ջղայնությամբ մը:

— Ի՞նչ խեղճուկրակ կին ես դուն, մարդ հարկ է երազ ունենա, թոխք... Դուն մի խառնվիր չհասկցած գործերուդ մեջ:

Ու կինը լռեց, զսպելով անսպասելի հասցված ծանր վիրավորանքը:

— Ես կմեկնիմ մոտ օրեն, — վրա բերավ Վազգեն, — կմեկնիմ Եվրոպա գործով, պիտի հարստանանք, մի վախնար, միայն աղոթե, որ աստված հաջողություն և ուժ տա ինձի:

— Աստված խելք ու կորով տա քեզի, — ըսավ կինը: — Աստված թող խղճա մեր զավակներուն: — Ու Վազգեն շաբաթվան մը ընթացքին, իր կյանքի մեջ եզակի հրճվանքի ու երազի մը մթնոլորտի մեջ, հանեց փաստոր, վերցուց իր ընկերներեն ու բարեկամներեն նկատելի գումար մը ու իբ կնոջ ու զավակներուն ողջերթի, հաջողության մաղթանքներու տարափին տակ, նոր կարել տված հագուստին մեջ՝ մանուկի մը ուրախությամբը խելահեղ, նստավ զվիցերական ընկերության օգանավերեն մեկը ու մեկնեցավ Եվրոպա, առաջին կայան ունենալով Հռոմը:

Ապակեփեղկերու բացվածքեն ներս թափանցեց կալծակի լույսը ու ինք մանկութունեն եկող վարժությամբ մը համբեց մտովի արագ-արագ մե'կ, երկո՛ւ, երե'ք... շորս ու հանկարծ կարծես վիթխարի ազմուկով մը լավեցավ որոտումը, որոտման հաշորդեց հորդառատ անձրևը: Հակառակ անոր, որ արթուն էր ժամերե ի վեր, աչքերը հառած առաստաղին, վերմակը քաշած մինչև շրթները, կհամենար անկողնին մեջ ու կջանար կրկին. քնանալ:

Երազները կշարունակվեին՝ իրար հրմշտկելով...

Վերադարձեր էր երեկ գիշեր, բայց տակավին հոն էր. Հոռմի, Փարիզի, Ժնևի, Տյուրիխի, Պրագայի, Բուխարեստի. Աթենքի մեջ, տակավին չէր անցած այն «գինովութունն» ու հոգեվիճակը, որը ապրեր էր ու հիմա կխորհեր, թե կյանքը անիմաստ կատակ մըն էր, տակավին իր կյանքը գորշ ծաղր մը: Օգանավը ու հոն վարը բուպեներու՝ ընթացքին սահող քաղաքները, գույն-գույն երազներով. երկիրները... յուրաքանչյուրին մեջ տարրեր կյանք, տարրեր մշակույթ, տարրեր հորիզոններ ու մարդը: Մարդը, որ ինքն էր, շեռ գիտեր ինչ անտեսանելի շղթաներու, ինչ անշոշափելի օրենքներու կարթի մը մեջ սահմանված: Այդ բոլորը տեսնելն ու ապրելն ետք վերադառնալու հարկադրանքին տակ գտնվիլ, այո, այդ բոլորեն ետք, այս խոշոր, այս փայլուն արևին տակ վերադառնալ տեղ մը, որ իր սրտովը չէր... հիմա ոտքերուն տակ Լեմանն էր, բիշ առաջ մեկնեցյան Փարիզեն, բայց ինք վերջապես հարկ էր երթար ու ապրեր, տքներ հոն, Բեյրութի իրենց փողոցեն մինչև իր գրասենյակը գանվող բիլումեթր մը ճամփու երկարության վրա, աշխատեր իր սրտովը չեղած գործով, գորշ առօրյայի մը, անհրապույր տան մը ու զզվեցուցիչ գործի մը իրեն պարտադրված սեղմ շրջանակին մեջ: Ո՞վ էր թելադրեր, ո՞վ էր սահմաներ այդ կյանքն իրեն. ո՞վ էր ղինք գամեր սա վիթխարի աշխարհին մեջ այդ գեղին անկյունը: Վերջապես չէ՞ որ ինչ-որ կարծր բան, ինչ-որ մարդոց ձևերով հաստատված անստարկելի օրենքներ քաշեր էին սահմաններ, հաստատեր ու հրապարակեր էին տետրեր, շիներ կնիքներ ու տուն, հակառակ հողվույց

թոխըքին, ակամա պարտավոր էիր վերադառնալ հոն, տևոնել նույն տաղտկալի, անշահ, շահամուղ դեմքերը, զգալ նույն ներկերու հոտը, խորամանկել, խարդախել տարիներե ի վեր հասարակ դարձած նույն միջոցներով, նույն բառերով, հանուն... փոր մը հացի:

— Օրիորդ, գինի մը, բոժուլե... կամ բուրկոյն:

Օրիորդը զվիցերական օդանավի հոսթեսն էր: Ինչքան սիրուն ու գրավիչ էր ան. ան ալ չէ՞ որ դատապարտված էր, նորօրինակ բանտի մը մեջ, շուռ տալե ետք աշխարհը, վերադառնալ Զվիցերիո շես գիտեր որ մասին մեջ զանվոզ, թերևս իր համար ալ հրապույրը կորսնցուցած, իր տան փոքր սենյակը... Չէ, ինչ-որ բան մը իր տեղը չէր այս կյանքին մեջ:

Առաջին այս ճամփորդութիւնը Վազգենի հոգու առջև բացալ բարդ ապրումներու, վտանգավոր վերիվայրումներու վարագույրը ու ստիպեց լրջորեն կանգ առնել իր կյանքին վրա: Օդանավի սլացքը ամպերեն վեր, անդիմադրելի երկնային գույներու երազային մթնոլորտին մեջ հուշեցին իրեն. թե — տխուր էր մարդոց ձեռքով մարդուն պարտադրված կյանքը: Տխուր ու դժբախտ: Բայց ինչո՞ւ չկար ընդվզող, ինչո՞ւ ամեն ինչ իր տեղն էր, ինչո՞ւ օրինակ սա ֆրանսացի ուրախ ու ժպտուն իջալ Օրլիի օդանավակայանը, ինչո՞ւ սա մյուսը սրտատրոփ կսպասե հասնելու համար ժնե, չէ՞ որ ամեն մարդ սեփական կայան մը, տուն մը ունի աշխարհի վրա, իսկ ի՞րը, իրը... չկար: Տունը տուն էր հայրենի հողի վրա միայն, հող չէ փոքր, անշուք, բայց հիմը բու հողիդ, բու քարիդ վրա. այդ էր տխուրը Վազգենին համար: Իսկ սա ամպե՞րք: Ի՞նչ փուլթ այդ ամպերը, եթե անոնց ետին մեկ վայրկյանն մյուսը իր աչքերուն առջև պարզվող լեռը չկոչվեր Արարատ: Ինչ ըներ կեմանն ինք. ինչ ըներ Միջերկրականը, երբ իրմե հեռու էր իր Սևանը. իսկ ինչո՞ւ էր կյանքը այդպես, բարձրացող, իր ոտքերուն տակ սահող սա քաղաքներեն, լիճերեն, ծովերեն ո՞րն էր իր սեփականը: Ա՛խ, գեթ շըլլար ինք դաղթական ու հիմա ունենար իր տունը, աշխարհի մեջ իր փոքրիկ, սեփական անկյունը, իր հարազատ, փոքրիկ հայրենի անկյունը: Ինչո՞ւ է Զվիցերիացի հոսթեսը

ժպտուն այժմ, ինչո՞ւ այն շունի նույն փոթորկումները: Թքեր է ինք «իմփրեզարիո»-ության վրա: Փոքրիկ/անկյան, հայրենի փոքրիկ անկյան մը կարոտը ունի հիմա ու կուզե: կցանկա փոքրիկ բեմ մը, փոքրիկ բեմ մը հայրենական, թող միայն ինք այդ բեմին վարագույրները բանար գոցեր, թող հուշարարը ըլլար այդ բեմին ու հավատացեք, որո՞ւն հոգը կըլլար այն ատեն դրամին սպառիչ մտահոգությունը. վախ մը եկավ վրան, ձախողելու վախը: Բաղմագան ու բաղմագույն այս հաճույքները վայելելի ետք, սնանկացած, թշվառացած մարդու վախը առօրյային:

Ու խոնավություն մը, իր մարմինեն իսկ ծորող քրտինքին տակ խոնավություն մը, տհաճ խոնավության մը նման զգաց իր ազգականներուն, բարեկամներուն նայվածքներուն արհամարհական շեշտը, Ֆուատ Զաքարիային հեղանկան ժպիտը ու իր կնոջ՝ Աշխենին զինք մեղքցող, ընկճող խոսքերը կարծես լսեց իր ականջներուն մեջ: Չէ՛, հարկ էր անպայման հաղթել, հարկ էր հեռացներ իրմե զգացական այդ սպրումները, որոնք առաջին թշնամին էին առևտուրին:

— Օրիորդ, զինի մը, բոժուլե... կամ բուրկոյն...

Մեկնեցան Լոռմեն, բայց իր հաշվետվությունը հիշեցուց իրեն թե՛ ավելի գիտած էր քաղաքին արձաններն ու թանգարանները, քան արվեստի խումբերը: Մնաց որ առասպելական պայմաններ էին: Փարիզը իր սրունքներուն տվավ հաճելի դող մը, հոն ալ նույնն էր պարագան. վերսայլի պալատ, կուվրի թանգարան, հետո թատրոններ ու առասպելային դումարներու հասնող առաջարկներ: Զվիցերիո մեջ կհիշե փոքրիկ, խմիչքի գիշերային տուն մը ու մատուցող մանկահասակ աղջիկը, որուն հետ ուշ գիշերին մնաց առանձին: Ինքն ալ չի գիտեր, թե ինչպես ստացվեցան այդ բուլտրը: Միայն գիտե, թե հիմա կապրի այդ աղջկա հուշերովը: Աղջիկ մը, սր թերևս ամեն գիշեր ուրիշինն է, բայց... Բայց առևտուրի մարդ չէ ինք վերջապես: Թեպետ այդ գիշեր իր հետ պատահածը ստոր առևտուրի փոքր գործարք մըն էր: Նույնիսկ աղջկան նկարն ունի հիմա իր գրպանին թաքուն մեկ անկյան մեջ: Ո՞վ էր այդ աղջիկը, ինչ հիմարն է ինք ու երբ աղջկան նկարը ուզեց, չէ՞ որ այս վերջինը տարօրինակ

մը նայեցաւ իր աչքերուն: Հետո Ռումինիա, Չեխոսլովակիա: Բուլղարիոյն այլ բան դուրս եկավ այս վերջին երկիրներէն... Հոն էր, որ զինք «Իմփրեզարիո»-ի տեղ դրին, տրամադրեցին հատուկ մեքենա, նախ պտտուցին քաղաքին տեսարժան վայրերը, Ֆարրիկները, թանգարանները, այդ բոլորը որպէս հյուրի: Հոն, այդ քաղաքներուն մեջ շկային եվրոպական գիշերային փոքր կրպակներ, խմիչք «սպասարկող» աղջիկներ:

Այլ էր գրված կյանքն այնտեղ, ինք չսած էր այդ բոլորին մասին, որոշ գաղափար ունէր: Բայց չէր խորհեր, ոտ հոն, այդ երկիրներուն մեջ իր կյանքին մեջ առաջին անգամ ըլլալով պիտի զգար, թե առևտրական ըլլալն առաջ մարդ էր ինք: Ու հիմա շես գիտեր ինչո՞ւ, երբ այդ մյուս աշխարհին մեջ, — այդպէս ալ բաժնեց ինք, այն աշխարհը և այս աշխարհը — միշտ կշեշտեր իր առևտրականի հանգամանքը, հոս կամըշնար գրեթէ: Բայց հոս մարդիկ կզգային իր ապրումները, դուրսութուններ կուտային, կվստահէին ավելի: Նույնիսկ կազմակերպեցին հատուկ ներկայացումներ, ինք ու ինչ-որ մարդիկ դիտեցին այդ բոլորը: Տվին ձայնապնակներ ցիկան երաժշտության, տետրեր ու առաջարկեցին հանձնել ներկայացուցչութուն փորձնական աշխատանքն մը ետք: Նույնը Չեխոսլովակիո մեջ: Ու ինչ-որ ապրեցաւ, ինչ-որ կհիշե այժմ՝ ծանր է, անմոռանալի: Չէ, կյանք չէ իրը: Բայց հարկ է ընել. մտնել այդ առևտուրին մեջ, դրամ շահիլ քիչ մը ու որոշել վերջնական ընթացքը իր կյանքին: Տարօրինակ թող չլի, նույնիսկ որոշեր է քիչ մը դրամ շահելն ետք, անցնիլ գործի, երթալ, հեռանալ այս աշխարհէն: Երթալ հոն, այն աշխարհը ու ապրիլ մարդ ըլլալով:

Իսկ եզրակացութիւն... եզրակացութիւն՝ իր միտքը կկենտրոնանա, շեխոսլովակյան խումբի մը վրա. Քարլովի վարիի տիկնիկային թատրոնին... մեծ չէ խումբը, տասներկու հոգի տիկնիկներու հետ փոքր բեմի մը վրա: Մանավանդ այդ տասներկու հոգիին մեջ կա խարտյաշ մաղերով փոքրիկ աղջնակ մը, իսկ այդ աղջկան նկարը բնավ չի հեռանար իր աչքերուն առջևէն: Փոքրիկ աղջնակը քսան տարեկան կա երբ դուրսն է բեմէն: Բայց իր հողերուն մաքրութիւնն ու սպիտակութիւնն ունի իր գեմքին ու իր հայրենի

երկինքին՝ ջինջ կապույտը աչքերուն: Երբ կխոսի աիկնիկնե-
րուն հետ, մանուկի կվերածվի ան, փոքրիկ, կապտաշյա՛, սպիտա՛կ, սպիտա՛կ դիմադիծով աղջնակի մը:

Պիտի՛ առաջարկե Քանիոս ընկերութեան, եղածը մեծ գումար ալ չէ, շատ մարդկային պայմաններ էին: Բոլորը տասնհինգ հազարի ծախս մը: Եթե ինք ունենար այդ գումարը, չէր խորհեր նույնիսկ. գործին մեջ կնետվեր: Բայց շունի, ինչ ընե՛լ. վնասի հավանականութեամբ: Երբեք: Սա այնպիսի բան մըն է, որ կշահագրգռե ժողովրդին բոլոր խավերը, փոքրերեն մինչև տարիքավորները: Հետո ինք աչքով տեսավ թե՛ ինչպես Պրազայի մեջ ամեն գիշեր կհորդնր սրահը: Թե ինչպես ծաղիկներով կողովներ բեմը ու աղջիկը կշառագուներ ծափերուն տակ: Հետո ինչ լավ կրնա ըլլալ ինք այդ աշխարհի տղոց ու այդ աղջկան հետ ամբողջ տասնհինգ-ըսան օր: Պատեցնել զանոնք, բարեկամանալ: Շահեցա՛ն եթե, իր կողմե թանկագին նվերներ կուտա յուրաքանչյուրին: Հետո կխորհի ուսմանական խումբերու մասին...

— Պիտի քնանա՛ս տակավին, թե բերեմ սուրճդ, — ձայնեց կիներ:

Ելավ, նստավ անկողնին մեջ, դիտեց շուրջը, իր անփույթ նետված հագուստներն էին աթոռներուն վրա, հետո համփորդական պայուսակներն էին կիսով բացված: Դժկամ ելավ անկողինեն, արագ հագվեցավ տափատն ու շապիկը և՛

— Բե՛ր սուրճը, — պատասխանեց:

Կխորհեր թե — ի՞նչ պայմաններով կարող էր գործի մտնել Քանիոս ընկերութեան հետ: Դրամը սա երկու ամսվան համփորդութեան ընթացքին բաշեր էր ջուրը, պարտքի տակ էր նույնիսկ: Եթե զգային, որ դրամ շուներ ինք, կծիծաղերն վրան ու կչպրտեին մեկ կողմ, կամ շատ-շատ փոքր շահաբաժին մը կուտային: Մինչ հարկ էր այդքան հոգնութեան ետք զեթ կես առ կես մասնակցեր ինք: Իսկ նախնական ծախսե՛րը: Հետո ինք կելլեր տակին: Պահանջչալ հարկին ծանոթ հարուստ ընկերութեան ապահովութեանը ցույց կուտար անոնց, իսկ իր ընկերները անպայման ձեռք կերկարերին իրեն:

— Լրիվ գիշերը անհանգիստ էիր, վաղգեն, զառանցեցիր շարունակ...

— Օ՛ֆ, Աշխեն, չհասկցած գործերուդ մի խառնվիր գուն,— սաստեց ակամա ջղայնութիամբ մը:

Խմեց սուրճը ու արագ գուրս եկավ տունեն և ուղղվեցավ Քանիոս ընկերութեան հիմնարկը:

6

Ֆուտա բեկ Զաքարիա Քանիոսին տեղ դինք ընդունեց 17-րդ գրասենյակի պատասխանատու Ադելը: Մտիկ ըրավ ծրագիրները, լսեց խումբին մասին, դիտեց Վազգենին բերած նկարները:

— Կավ դերասանուհիներ կա՞ն,— հարցուց երկիմաստ ծիծաղով մը մտերմաբար աչք քթթելով Վազգենին:

Վազգենը վիրավորվեցավ, բայց շուտեց հակաճառել,— մեկ աղջիկ մը կա միայն,— գոհացավ պատասխանելով:

Հաշվեցին նախնական ծախսերը, խումբին պահանջքը շատ մարդկային էր ու ձեռնտու վերին աստիճանի:

— Հանուն պրոպագանդայի շեխերը կընեն այդպիսի գործարք,— ըսավ Ադելը: Վազգենն առարկեց՝

— Հանուն արվեստին ու իրենց արվեստի պրոպագանդին,— պատասխանեց:

— Համայնավա՞ր եք,— հարցուց Ադելը:

— Ո՛չ երբեք, շեմ ալ խորհած այդ մասին, սակայն իմ տպավորութիւնն է այդպէս:

— Կավ, հանդիպեցեք վաղը:

Վաղը հանդիպեցավ Վազգեն:

— Ծախսերու և շահի, այսինքն շահու ու վնասի կես առ կես հաշվով պրոպագանդի աշխատանքը մեզ վրա, կառավարական գործերը՝ ձեր, ու կնքեցին պայմանագրութիւնը: Ընտր թե՛

— Գիտե՞ք ինչ, վստահ ենք անշուշտ ձեր պարկեշտութեան, սակայն հարկ է մեզի ալ ծանոթ, ճանշված ու հարուստ առևտրական մը ապահովե ձեզ, ունի՞ր այդպիսին:

— Ունիմ, անշուշտ,— ինքնաբերաբար պատասխանեց Վազգեն:

— Ուրեմն բերեք սրբան կարելի է շուտ, կնքենք

շեքերը ու կանցնինք գործի: Իսկ տիկնիկային նման թատրոնի մը համար լավագուն ժամանակը ծնունդի ու նոր տարվան օրերուն զուգադիպող դեկտեմբեր ամսվա երկրորդ կեսն է: Տակավին ամիս ու կես ժամանակ ունինք, այնպես որ...

Վաղզեն հեհե վաղեց իրենց ծանոթ բարեկամ առևտրականի մը մոտ: Խնդրեց, աղաչեց, պատմեց ծրագիրները: Այս վերջինը թեև դժկամ, բայց համաձայնեցավ վկայել Վաղզո բնկերության նյութական կարողության մասին, չվարանելով խրատ տալ թե՛

— Լավ էր իր գործը, ներկարարության գործը մեծցներ Վաղզեն, քան զբազեր շես գիտեր ինչպիսի խաղերու կարելիություն ունեցող նման գործով մը, մանավանդ այնպիսի մեծ բնկերության մը հետ, որոնք կարող էին ուղածդ վայրկյանին ճնշել գինը:

Չպատասխանեց Վաղզեն, եկավ ու ստորագրեցին պատրաստված շեքերը: Տաս հազար լիբանանյան ոսկի ապահովության թուղթ մը Վաղզենի անունով տրված թանիրոս բնկերության: Տաս հազար ոսկի, քսան հազար վնասի մը պարագային: Մինչդեռ գործին նախնական հաշիվները տասնհինգ հազարի մեջ էին: Ոչի՛նչ, մարդիկ իսկական առևտրականներ էին ու կուզեին ամուր բռնել իրենց գործը, պատահելիք, հավանական ամեն տեսակի անակնկալներու դիմաց: Ջեական բան մըն էր վերջապես եղածը: Չէ, նույնիսկ գործին մանրամասնությանց տեղեկանալի ետք Վաղզենին բարեկամն ալ համոզվեցավ, որ շահ կա գործին մեջ ու նույնիսկ հակառակ իր տված նախնական «խրատներուն» առաջարկեց երկրորդ ձեռնարկի մը ատեն դիմել ուղղակի իրեն:

Յոթերորդ երկինքի մեջ էր Վաղզեն: Բացվեցավ իր բնկերոջ, նույնիսկ առևտրական սկզբունքներուն հակառակ՝ պատմեց Ռումանիո մեջ իրեն առաջարկված հոյակապ հեռանկարներուն մասին: Ընկերը խանդավառվեցավ ու համաձայնեցան առաջին ձեռնարկի արդյունքեն ետք խորհրդակցել ու նոր ծրագիրները մշակել երկուրով:

— Կրկին միասին կերթանք Եվրոպա ու Ռումանիա,—

ըսավ ընկերը,— դուն նյութի մասին մի խորհիր, միայն լավ վերջացուր սա առաջին գործը:

Վազգեն սկսավ ձեռնարկել կառավարական արտոնության, խումբին վիզայի ու շխտսլովակյան դեսպանատան հետ՝ խումբին ժամանման, բնակեցման մանրամասնություններու քննարկման:

Գրվեցավ Պրագա, որոշվեցավ թվականը ըստ ծրագրվածին: Թեպետ իր սեփական աշխատանքին, ներկարարության համար ձեռնառու ժամանակն էր, բայց Վազգեն շտանձնեց ո՛չ մեկ գործ, հինեն իր վրա առածներն ալ հանձնեց այլ ընկերներու:

Վիզաներու խնդրով դիմեց կառավարության, հոս սկսան բարդությունները: Չեխական խումբ բերողը, ի միջի ալլոց՝ հայ:

— Չըլլա կոմունիստական պրոպագանդ ըլլա,— ըսին:

— Ա՛յ մարդ, ես ու Քանիոս ընկերությունը ո՛ւր, կոմունիզմը ո՛ւր,— պատասխանեց:

— Հապա չեխերը:

— Տիկնիկային թատրոն է:

— Խոսակցություն չկա՞:

— Կա՛ անշուշտ: Նորօրինակ տիկնիկային թատրոն է, քսանամյա ազդիկ մը և մեկ քանի տղաք բեմին վրա պիտի խոսին տիկնիկներու հետ:

— Չեխե՞ր չեն այդ խոսողները:

— Չեխեր են:

— Տեսա՞ք, անոնք անպայման տիկնիկներու հետ ալ կգտնեն ձեր պրոպագանդին:

— Չե՞ք կատակեր:

— Բնավ երբեք, պարտավոր ենք խորհելու մեր երկրի շահերուն մասին:

Ուշ գլխի ինկավ Վազգեն, թե հարկ էր խորհիլ այդ մարդոց շահերուն ալ մասին ու արտոնությունը ստացավ ու փարատեց անոնց ունեցած մտահոգությունը, երբ մեկ-երկու հարյուրամեկուսուց սահեցուց այս վերջիններու գրասեղաններուն բաց ձգված դարակներուն մեջ:

Հետևյալ օրը զարկին տան դուռը, ըսին՝ ընդհանուր ապահովությունեն են:

Տակավին գաղտնի կամ պաշտոնական ոչ մեկ ոստիկան չէր մտած իրենց տունը: Աշխենը դող ելավ, տեղյակ չէր գործեն, իսկ երկու «գաղտնիները» սկսան հարցուփորձի:

— Ե՞րբ եք եկած կիրանան:

Պատասխանեց:

— Անդա՞մ եք որևէ կուսակցության:

— Ո՛չ:

— Եղա՞ծ եք բնավ:

— Երբե՛ք:

— Ինչո՞ւ չեխական խումբ:

— Առևտրական գործ է ու պայմանները ձեռնառ էին:

Եվ քանի վարժ էր ալեւ, հանեց քսանհինգ ոսկինոց թղթադրամ մը ու սահեցուց աստիճանավորին դրպանը: Բայց պատահեցավ անսպասելին: Մարդը ձեռքը նետեց դրպանը ու դուրս հանեց քսանհինգնոցը ու՝

— Կաշա՞ռք, — ըսավ որոտագին ձայնով մը, — ետ առեք ու ժամը տասներկուրին ներկայացեք ոստիկանատան կենտրոնը:

Դեփ-դեզին կտրեցավ Վազգեն. կթոտեցան ոտերը, — ու մինչ կը մեկնեին անոնք, զողորդալով մոտեցավ փոքրավորին.

— Միրելիս, — ըսավ, — դուն փրկե զիս, չէի ուզեր վիրավորել զինքը:

Մյուսը մեղմիվ.

— Չամչցա՞ք, — պատասխանեց, — նման մարդուն քսանհինգ ոսկի տալու, ոչինչ, դուք եկեք ժամը տասներկուրին ու... հարչուրնոց մը տվեք, կլրանա:

Ժամը տասներկուրին խիստ աստիճանավորը իր տեղը զիջած էր հեղահամբույր մարդու մը, վերջուց Վազգենի զողորջուն ձեռքերեն հարչուրնոցն ու՝

— Հաջողություն կմաղթեմ ձեզ, — ըսավ, — անշուշտ չե՞ք մոռնար չուրաբանչյուր ներկայացման համար հրավիրատուսերու մեր բաժինը:

— Ինչպե՞ս կարող եմ մոռնալ,— պատասխանեց Վաղգենը:

Ու անընդհատ սկսվեց զարնվիլ Վաղգենենց տան դուռը: Ջարմանալին՝ այդ բոլոր մարդիկ գիտեին իր հասցեն, հեռախոսի համարը, կուգային երեկոները, երբ տանը կըլլար ինք:

— Կուգեի՞ք հայտարարություն տալ մեր գրքին մեջ:

— Ի՞նչ գիրք է:

— Մենք տարին երկու անգամ կկազմակերպենք գեղարվեստական բարձրորակ երեկոներ, ուր ելույթ կունենան քաղաքիս լավագույն ուժերն ու անհատները և այդ երեկոները ձրի են ու մանավանդ հրավիրյալներու համար նկատի առնված: Հրավիրյալներ, որ նույնպես կկազմեն քաղաքիս բարձր դասը: Այդ երեկոներուն մեր ընկերությունը հրապարակ կհանն 25.000 տպաքանակով 250 էջանոց հայտարարություններու հատորներ, որոնք նմանապես ձրի կբաժնվին հասարակության... Ձէիք ուզեր օգտվիլ այդ բացառիկ առիթին. բանի մեր գիրքը հրապարակ հանած օրերուն կզուգադիպի ըստ մեր լսածին ձեր բերելիք խումբին ներկայացումները:

— Ձեր ընկերությունը ի՞նչ շահ ունի այդ բոլորեն, բանի դուք ամեն ինչ ձրի կկազմակերպե՞ք:

— Մեր շահը գրքին մեջ տրված հայտարարություններն զոյացած հասույթն է: Նկատի ունեցեք, որ մենք կվճարենք մեր երեկույթին ելույթ ունեցող խումբերուն:

— Իսկ ի՞նչ արժե այդ գրքին մեկ էջը:

— Միայն 500 լիբանանյան:

— Ահռելի գումար է:

— Եվ ձեզի համար վիճիսարի պրոպագանդ:

— Դժբախտաբար, մեր գործին պրոպագանդի բաժինը կպատկանի իմ գործի ընկերոջ Թանիոս ընկերության:

— Ոչինչ, դուք ալ խոսք ունիք, չէ՞, չէի՞ք փափաքե՞ր արդյոք:

— Ինչու չէ... բայց 500 լիբանանյան էջի մը համար ուղղակի առասպելային գումար է:

— Իսկ դուք գիտե՞ք, թե մամուլն է հիմնական ազգակը

զործի մը հաշուութեան, իսկ մեր գիրքը կհասնի քաղաքիս ամենահարուստ ընտանիքներուն ու հիմնարկներուն:

— Կենթագրեմ:

— Հրատարակենք ուրեմն:

— Հարցուցեր Քանիոս ընկերութեան 17-րդ գրասենյակի պատասխանատու պրն. Ադելին. ես ինքս համաձայն եմ:

— Ոչինչ, այդ արդեն մեզ բավական է, շնորհակալութեամբ:

Ահամա նման վերջավորութեան մը զժգոհ, Վազգեն մտովի կհաշվեր թե՛ սա տարօրինակ մտահղացման արդյունքը ինչպիսի՞ գումար կապահովեր այդ ընկերութեան: Թվարանական պարզ հաշիվ մը շնորհուցիչ արդյունքներ կպարզեր իր աչքին: 500 լիբանանեան էջին: 250 էջանոց գրքին կրեւեր 125.000 լիբանանեան ոսկիի շահ մը. տարին նրկու անգամ, այդ կընէր 250.000 լիբանանեան: Տղազրական ծախսերն ու խումբերուն տրված գրամը հազիվ 50.000 մը ու ընկերութեանը կամար 200.000-ի վիթխարի գումար մը: Տակավին այդ շահին վրա պատիւը հասարակութեան համար ձրի, որակավոր ներկայացումներ կազմակերպած ըլլալու ու շքեղ հատոր մը նվիրելու: Ի՞նչ սատայելական առևտուրի ձևեր կային: Մինչ ինք 200.000 լիբանանեան շահելու համար, հարկ էր դնէր նվազագույն 50 տարի, այն ալ ինչպիսի տքնաշան աշխատանքով: Ինչո՞ւ այդպէս խոսք տվաւ այդ մարդոց, պահ մը իր եւր շոյված զգացեր էր, երբ խոսեր էին իր հետ որպէս արտասահմանեան խումբեր բերողի: Այդ մարդիկը հոգեբաններ էին, գտեր էին իր տկար թելը. բայց Ադելը հավանաբար ճամփու կղներ զանոնք: 500 ոսկի էջի մը համար... որո՞ն միտքեն կացներ:

Մեկ քանի օր ետք երեացին Քանիոս ընկերութեան պրոպագանդայի գծով տարած աշխատանքներուն արդյունքները: Ու այս արդյունքները ափ ի բերան թողուցին Վազգենին.

«Զեխական տիկնիկային թատրոն»:

Երկու հարյուր տիկնիկներ, հարյուր դերասան նույն բեմին վրա և այլն, և այլն... Շվարեցավ Վազգեն, կարելի՞ էր օրը ցերեկով այդպէս ստել ժողովրդին: Եղած տիկնիկները

հազիվ քսան հատ էին, դերակատարները՝ շորս-հինգ հոգի։
Վաղեց Ադելին մոտ։

— Ա՛յ եղբայր, ի՞նչ ես ըրեր։

— Այդ մեր գործն է, դուն մի խառնվիր։

— Բայց չէ որ ես կխայտառակվիմ։

— Ինչ է, մենք գործի մասնակիցներ չե՞նք, հետո որո՞ւ
առջև է, որ պիտի խայտառակվինք։

— Չեխերուն և իմ։

— Է՛հ, պարոն Վաղգեն, կերևի թե գործի մարդ չեք դուք։
Հետո, ցուցադրված նկարները բոլորը չէին, որ կվերա-
բերվեին խնդրո առարկա խումբին։

— Է՛հ, ինչ ընել, երբ բավարար նկար չկա, դուք այդ
բոլորը թողեք մեզի։ Ու նկարներ կային, քաղաքի աչքառու
կեդրոններուն մեջ ամենուրեք։ Նկարներ կխսամերկ աղջիկ-
ներու, որոնք կանգնած կխոսեին տիկնիկներու հետ։ Ուրկե՞
էին գտեր, ինչպե՞ս էին կարգադրեր, հետաքրքրական նորու-
թյուններ էին այդ բոլորը Վաղգենին համար։

Եվ երևացին գիները.

— Մուտք 5, 7, 10 լիրանանյան ոսկի։

Վաղեց կրկին Ադելին մոտ։

— Շատ են սուղ,— առարկեց։

— Հապա ի՞նչ։

— Տիկնիկային թատրոնի մը համար շատ են առասպե-
լային գիները։

— Տիկնիկային թատրոնը միջոց է, պարոն Վաղգեն,
հետո դուք զաղափար ունի՞ք, թե ինչ ծախսեր կատարած ենք
ցարդ։

Վաղգենն իր կառավարական գործերուն մեջ առիթ չէր
ունեցած հետաքրքրվելու այդ բոլորով, հետո վստահություն
ունեք վերջիվերջո, Քանիոս ընկերությունը իր նման խեղճի մը
գլխուն խաղ պիտի շխաղար անշուշտ։ Այնպես որ
միամտաբար.

— Ո՛չ,— պատասխանեց։

— Հապա, տեսա՞ք, արդեն հասեր են 5000-ի։

— Ինչպե՞ս։

— Պրոպագանդի համար։

— Բայց ինչո՞ւ առանց իմ գիտության:

— Չէ՞ որ գործի բաժանումը բռինք, դուք ալ կաշառք չափի՞ր հոս հոն:

— Տվի, բայց մեծ բան մը չեն իմը բրած ծախսերս:

— Ոչինչ, ոչինչ, ծախսը որքան մեծ, մանավանդ պրոպագանդի գծով, այնքան մեծ շահ կապահովե. հարկ է տեղյակ ըլլաք այդ բոլորին: Օճառին լավորակ ըլլալը չէ կարեորը, ալ այն, թե օճառ արտադրող ո՞ր գործարանն է ավելի դրամ տվողը պրոպագանդի համար: Հետո դուք ինքնեղ չէի՞ր համաձայնած էջի մը համար 500 ոսկի տալ...

— Բայց ես վճռելը թողեր էի ձեզի:

— Մենք չէինք կարող ձեր վարկը խնդրո առարկա դարձնել. քանի համաձայններ էիք, մենք ալ հաստատեցինք. ոչինչ, լավ եք բերք:

Ինքզինք կորսնցուցեր էր վազզեն, բայց ըսելիք խոսք չուներ, հարկավ այս մարդիկը ավելի լավ կհասկնային դործը. չէ՞ որ վերջիվերջո վնասն ալ երկուքով էր, շահն ալ, այդպիսի փորձված հաստատութիւն մը կարող էր այդպէս բացահայտորեն դրամը ծովը թափել: Միայն թե՛

— Գիտեք, պարոն Ադել, իմ բերած խումբը որակ ունի արդեն...

— Էհ, ո՞վ է խոսողը որակի մասին, մաղթենք, որ լավ ըլլա խումբը, բայց քանի մենք չենք տեսած, ստիպված ենք կանխել անխորթութիւնները, կարելի չափով: Մենք, խումբը չեկած, գոնե առաջին օրերու հաղթանակը պետք է ապահովենք, սիրելիս: Այս է պայմանը:— Ամենուրեք տիկնիկային թատրոնի հայտարարութիւններն էին: Քաղաքը հագեցած էր այդ հայտարարութիւններով:

Մտեցան օրերը ու պատերուն վրա, շարժապատկերի սրահներու պաստառներուն երևացին նոր հայտարարութիւններ.

«Երկու ներկայացում միմիայն. խումբը ստիպված է մեկնիլ Փարիզ, Բրյուսել, Լոնդոն, իր երթուղու ճամփուն վրա կազմակերպիչներու մեծ զոհողութիւններուն որպէս սպակում բարեհոգաբար կանգ կառնե քաղաքիս մեջ»:

Կրկին վազեց Ադելին:

— Բայց, սիրելիս, չէ՞ որ մեր պայմանագիրը տաս ներկայացման համար է:

— Է՛հ, պարոն Վազգեն, շատ խակ ես, սիրելիս:

— Իսկ ուրկե՞ ելան Փարիզ, Բրյուսել, Լոնդոնը...

— Ելան մեր շահերեն, ի՞նչ է պետք քեզ, դրա՞մ, թե՛ ճշմարտություն:

Չէ, Վազգենը ինքն ալ հասկցավ, որ խակ մարդ է տակավին առևտուրի մեջ:

Ու բացվեցավ տոմսարկղը: Առաջին օրն իսկ սպառեցան տոմսերը:

Ուրախության շափ ու սահման չկար Վազգենին համար: Երազներուն պսակումն էր: Նույնիսկ շկարողացավ հրավիրատոմսեր վերցնել:

— Պարոն Ադել, որոշ մարդոց խոսք էի տված:

— Ոչինչ, կստանաք հաջորդ ներկայացումներուն համար: Այժմ խումբեն կախված է ամեն ինչ, թե որ լավ խումբ դուրս եկավ, զարկինք, թե ոչ, հանցանքը ձերն է: Մենք ըրինք մեր ձեռքեն եկածը:

— Ծախենք մյուս օրերունն ալ:

— Այդ արդեն անկարելի է, չէ՞ որ հայտարարած ենք նրկու ներկայացման համար միայն, հիմա պատվի հարց կա:

— Ինչպե՞ս:

— Առաջին ներկայացումեն ետք միայն կարող ենք հայտարարել թե՛ «Աննախընթաց հաջողությունեն քաջալերված, ընդառաջելու համար ժողովրդային բուռն փափաքին, կազմակերպիչները հեռազրած են Փարիզ, Բրյուսել, Լոնդոն ու խնդրած որոշ հետաձգում այդ քաղաքներու մեջ կազմակերպված ներկայացումներուն համար: Առ այդ մեծ զոհունակությամբ կծանուցանենք մեր հարզո հասարակության թե՛ ի գին մեծ զոհողություններու խումբը կմնա շարաթ մը կս՝ տալու համար ութը հավելյալ ներկայացումներ»:

Արդեն պատրաստել տվեր եմ հայտարարությունները, — վրա բերավ Ադել ու ավելցուց, — իսկ երրորդ ու չորրորդ ներկայացումներեն մինչև տասներորդը կապ շունի կատարված պրոպագանդին հետ, այդ պրոպագանդը պիտի ընեն առաջին, երկրորդ ներկայացման ականատեսները: Թեպետ

ես վարձած եմ որոշ մարդիկ, որ անընդհատ խոսին հոս հոն, հետո մամուլը միշտ մեր բարեկամն է, լույս տեսնելիք հոգ-վածները առաջին ներկայացումեն ետք արդեն ծանոթ են մեզի ու շատ լավ են գրված:

Չէ, մեծ գաղտնիքներ ունեն գործը: Կարպիսը իրավունք ունեն: Առևտրական ամեն ձեռնարկ ունեն իր հաշո-ղության գաղտնի բանալին ու ինչ լավ եղավ, որ Վազգենը դո՛հ չգնաց իր անփորձության: Միայն կմտածեր, թե՛ ինչ-պես պիտի բնկալեր հասարակությունը, երբ հարյուր դերասանի տեղ տեսներ շորսը, երկու հարյուր տիկնիկներու տեղ՝ քսանը: Միամտաբար կրկին հարցուց այդ մասին:

— Է՛հ... Մեր դեմ դատ պիտի չբանան, յա...

Ադ ալ գարձավ հասկնալի:

— Երկա՛ր ատեն է, որ կաշխատիք Քանիոս ընկերու-թյան մեջ...— հարցուց:

— Փամ մը իսկ չէի կարող աշխատիլ, եթե մտածելի ձեզի պես,— եղավ պատասխանը:

Հեռանկարը շատ էր փայլուն: Առաջին և երկրորդ ներկայացումներու լրիվ ծախված տոմսերը արդեն կփակեին եղած արտակարգ ծախսերը: Կմնար խումբին 15.000-ը ու ութը ներկայացում: Նման ձևի տոմսերու սպառման պարագային շոշափելի շահ կար ու Վազգենը սկսավ ապրիլ այդ շահի հաշվույն: Հանրակառքը իր տեղը զիջած էր ինքնաշարժին. կեսօրվան ճաշին, փոխանակ տուն երթալու, կերթար քաղաքին լավագույն ճաշարանները ու կխմեր ալ և տակա-վին մերթ ընդ մերթ կխորհեր Զվիցերիո գիշերային կրպակի մը մեջ խմիչք վաճառող աղջկան... հարստանալու հեռանկարն իսկ կարծես իր ալ զիտակցության հակառակ իր երևակա-լության առջև կրանար ինչ-որ մութ հաճույքներու ճամփա-ներ... Ի՛նչ ըսիր, Վազգեն:

— Է՛հ, ինչ կուզես տղաս, ի՛նչ է պետք քեզ, գրա՞ն, թե՛ ճշմարտություն...

Առաջին երկևոյին, երբ բացվեցավ վարագույրը, սրահին մեջ կիներ կային հոլանի ուսերով, շողշողուն ու աղաման-դակուռ լանջազարդերով: Այրեր զուգված-զարգարված: Կային պատանիներ: Վազզենը նստած էր առաջին շարքին, չէր բերած կինը, որովհետև կարգին գիշերազգեստ շուներ, նույնիսկ իր զավակները բացակա էին:

— Ոչինչ, հետագա ներկայացումներուն,— ըսած էր անոնց:

Պահ մը մոռցած էր, թե ինք մեկն է «իմփրեզարիո»-ներեն, տարված գիտեց ներկայացումը լրիվ: Մանկացավ տիկնիկներուն ի տես ու սիրահարվեցավ քսանամյա խարտոյաշ շեխուհին: Քսանամյա այդ աղջիկը, «բ այնքան զգայուն, այնքան բյուրեղյա սրտով կխոսեր տիկնիկներուն հետ, կերպեր: Վազզեն հիշեց իր գորշ մանկությունն ու անհրապույր պատանությունը, հետո գինվորութեան ու փախըստական մարդու ծանր տարիները, մարդկային արժանապատվությունը ոտնակոխող հազարումեկ հուշ իր սրտին մեջ: Ու կարմիր մը, ամոթի կարմիր մը պատեց իր մարմինն ու դեմքը: Քսանամյա այդ շեխուհին ու տիկնիկները. հնչող երաժշտությունը վերափոխեցին, դարձուցին զինք իր իսկակի: նին: Մտքով վերապրեցավ, թե ինչպես տակավին երեկ, առջի օր կրցած էր խորհել մութ հաճույքներու ճամփաներուն:

Ի՞նչ ըսիր, Վազզեն: Դրա՞մ, թե ճշմարտություն:

Հարցումը սխալ էր դրված՝ դրամ թե ճշմարտություն. կյանքի ապահովություն և գեղեցիկը, արվեստը: Այս երկիրներուն մեջ, ինչպե՞ս, աստված՝ իմ, ինչպես կարելի էր երկուքին միատեղ ընթացքը, ու հիշեց.

— Անոնք, այդ շեխերը տիկնիկներուն հետ ալ կը գտնեին ձեր պրոպագանդին:

Պրոպագանդ... Իրենք ալ օրերե ի վեր կընեին նույնը. իսկ այժմ բեմին վրա տիկնիկներն էին, խարտոյաշ շեխուհին ու երաժշտություն. ի՞նչ պրոպագանդի մասին էր խոսքը... Բայց չէ՞ որ իր մեջ փոխվեցավ ինչ-որ բան. հիմա կարմիր մը, ամոթի կարմիր մը պատեր է իր մարմինը ու դեմքը և շես

գիտեր ինչ կապ կար այդ բոլորին մեջ. ինք ձեռքը տարավ գրպանը ու ստուգեց, որ Զվիցերիայի խմիչք մատակարարող աղջկան նկարը կմնա՝ այդ թաքուն ծալքերուն մեջ. այդ նկարը զինք շարշարող, տանջող ավելորդութուն մըն էր հոն, սրտին վրա: Հապա եթե անցած բլլար Աշխենին ձեռքը. չէ, պիտի ոչնչացնել, ի՞նչ փոքրորդութուն. ինք պատվավոր ընտանիքի հայր... Տիկնիկները, շխուհին ու կուլային տիկնիկները, շխուհին կերգեր. փակվեցավ վարագույրը որոտընդոստ ծափերու տարափին տակ:

Ազելը մոտեցավ իրեն:

— Վազգեն,— ըսավ,— լավն է խումբը, միայն չէ՞ կարելի հասկցնել այդ աղջկան, որ հետագա ելույթներու ընթացքին ցույց տա իր սրունքները...

Շառագունեցավ Վազգեն, դող մը պատեց մարմինը.

— Զէ կարելի,— պոռաց կարծես,— անամոթութուն է...

— Լա՛վ, լա՛վ, եթե կուզես, ես խոսիմ վարիչին հետ:

— Զբլլա որ փորձես:

— Ուրեմն վախնամ հասարակութունը շրմբոնե խաղը:

— Ինչպե՞ս:

— Մեղք է այդ գեղեցիկ աղջիկը այդ ձևով հանել հասարակության առջև, շքուցադրել գանձերը, եթե քիչ մը ավելի թեթև հագնվեր...

Վազգենին համար առիթ չեղավ փաստելու, թե ո՞վ ուներ իրավունք. ի՞նք, թե՞ մյուսները: Որովհետև լսեց այլոց կարծիքն ալ թե՛

— Հոյակապ է խումբը, բայց հետաքրքիր է մանուկներուն, պատանիներուն համար միայն:

Զքնացավ ամբողջ գիշերը. իր աչքերուն առջև շխուհին էր ու տիկնիկները:

Առավոտ վաղ ելավ տունեն, երբ կքնանար կինը:

Դռան առջև ոստիկաններ կեցուցին զինքը: Հարցուցին անձնագիր, ստուգեցին վրան գլուխը ու՛

— Ազատ եք,— ըսին:

Շվարած ու սարսափահար փողոցներուն մեջ տիրող լուռությունեն, իջավ քաղաքի կենտրոնը: Տանկեր էին երախ-

ները ցցած, զրահապատ ինքնաշարժեր. զենք, զենք ու զինվորականություն ամենուրեք:

- Ի՞նչ է տեղի ունեցեր, — հարցուց շշմած անցորդի մը:
- Չախողած պետական հարված:
- Ովքե՞ր են:
- Ֆաշիստները:

Շշմորած անցավ փողոցներեն, փակ էին ամեն կողմ. բազմաթիվ անգամներ խուզարկեցին զինքը, հարցաքննեցին ու երբ տեսան, որ հայ է, թողուցին ազատ:

Քանիտս ընկերության գրասենյակները նույնպես փակ էին, երեկոյան պարապ էր սրահը, հակառակ լրիվ վաճառված տոմսերուն:

Ադելը եկավ մթազնած զեմբով:

— Բախտ չունինք եղեր, — ըսավ, — հարկ է ջնջել պայմանագրությունը, այսօրվան տոմսերը առնել ետ: Արտասովոր կացություն է, խառնակությունները կշարունակվին շրջաններու մեջ: Թեպետ կառավարությունը տերն է կացության, բայց 15—20 օր ոչինչ կարելի չէ ընել. իսկ խումբը սպասեցնել անորոշ ժամանակով ձեռնտու չէ:

— Հապա ծախսերը, վնա՞սը:

— Ոչինչ, կվճարենք, մեծ բան մը չէ, տասնհինգ, քսան հազարի վնաս մը. կես առ կես շնչին քանակ մը կրճնե: Այդպես է որոշումը Ֆուաա Չաբարիային: Դուք կարող եք շմտահոգվիլ, ձեր բարեկամին շերք մեր մոտ է, հաշիվներուն համար անցեք տասնհինգ օր ետք: Մենք, եթե վերադարձնելիք գումար ունենանք, կհանձնենք ձեզի. դուք ձեր բարեկամին հետ կարգադրեցեք հետո: Ի՞նչ ընել, սիրելիս, ամեն գործի մեջ քիչ մըն ալ բախտ է հարկավոր. այս անգամ չեղավ, թող ըլլա երկրորդ անգամ: Նոր ծրագրերներով կսպասենք ձեզի...

ԳՐԱՏՈՒՆ «ՐԱՖՖԻ»

Սերունդի մը, որ քայքայեց ինքզինքն
աստղերուն հասնելու անկարելի երազով...

1

— Գրամը, մանչս, երջանկութիւն չի բերեր, ձեռքի կեղտ է, հասկցա՞ր:

Չէ՛, շհասկցաւ:

Այսինքն ոչ թե շուղեց հասկնալ, ընդհակառակը, իր կյանքի սկզբունքն էր այդ: Սկզբունքն էր գիտակցութեան հասած առաջին օրէն, որովհետեւ համոզեցին, ավելի ճիշտ կյանքը համոզեց, թե «գրամը երջանկութեան նախապայմաններէն մեկն է, առաջինը: Առանց գրամի մարդս խեղճ է, ճախողած մարդ...» Բայց պատասխանեց.

— Հասկցա՛, այո՛... Իհարկե հասկցա, վաղուց գիտեմ այդ ճշմարտութիւնը ես, բայց, սիրելիս, գրամի անհրաժեշտ կարիք ունիմ...

— Գրամի կարի՞ք... Ի՞նչ բանի համար:

Չէ, համբերութիւնը սպառելու վրա էր, գրամի կարիք, իհարկե, շա՛տ, նախ ապրիլ կարենալու համար, հետո տան խախտված ներդաշնակութիւնն ու սերը վերականգնելու համար, հետո, սիրելիս, գրականութիւնը շարունակելու սիրուջն, այսինքն, մեկ խոսքով՝ «երազներով» ապրելու համար...

Այս բոլորը, անշուշտ, շարտասանեց բարձրաձայն, այլ գոհացաւ ըսելով.

— Ծրագրած եմ խանութ մը բանալ...

— Խանո՞ւթ: Ինչի՞ խանութ:

— Գրավաճառատուն:

— Հա՛, հա՛, հա՛,— խնդաց մարդը,— ա՛յ տղա, տակավին խելքդ գրոփսդ չեկա՛վ... Վազ անցիր սա գիրքերեն:

— Գիրք պիտի չկարդամ,— պատասխանեց, — այլ պիտի ծախեմ:

— Հասկեցա, հասկեցա, բայց ի՞նչ առևտուր է այդ գիրքի առևտուրը, ո՞վ է այս դարուն գիրք կարդացողը, ո՞վ է գիրք գնողը, որ դուն գիրք կարենաս ծախել... Վազ անցիր, տղաս

Անշուշտ, ինքը այդ մարդուն տղան չէր, նույնիսկ հասակակիցներ էին: Բայց մյուսը դրամ ուներ և ինքզինքին իրավունք էր վերապահած այդպես խոսելու, ու «տղան» խեղճցավ...

Գիտես, սիրելիս (պիտի ուզեր ըսել՝ խոզին մեկը), ստիպված եմ... Եթե կարող ես քանի մը հազար փոխ տալ, երախտապարտ կմնամ քեզի:

— Տալը հե՛շ, դուրին է, բայց, տղաս, տակավին շուկային անփորձ ես, մեկ քանի հազարով ի՞նչ կարող ես ընել դուն, հետո իմ խելքս չպառկեցավ այդ գրքի գործին:

— Իսկ ի՞նչ գործ կհանձնարարեիր... սիրելիս:

— Նախ ինչո՞ւ կհեռանաս ուսուցչությունեն:

— Ակամա, հեռացուցին:

— Ա՛յ, այդ աբգեն վատ է, բայց ուրիշ տեղ մը գտիր, դպրոց կպակսի՛:

— Գիմեր եմ, բոլորն ալ մերժեցին:

— Ա՛յ, այդ արդեն ավելի վատ է, տեսա՞ր, տեսա՞ր, այդ գիրքերու երեսեն կրած փորձանքներդ, չէ, չէ՛ պիտի սկսիս փոքրով:

— Այսինքն...

— Ունեցած դրամովդ, ինչ ըսեմ, փոքր, շատ փոքր անկյուն մը վարձե, դիր հաց ու պանիր, կարագ, երշիկ ու սանդղիչ և ծախե, գիտե՞ս ինչ շահ կա այդ գործին մեջ, հսկայական: Օրինակ, ա՛յ ըսեմ, ի՞նչ արժե հացը... հինգ դրուշ, քսելիք կարագո՞ւ երեք դրուշ, դնելիք պանիրո՞ւ երեք կամ շորս դրուշ, եղավ տասնմեկ կամ շատ-շատ տասներկու, իսկ քանիի՞ կծախեն, ուզիդ քսանհինգի, այսինքն, տղաս, հարյուր առ հարյուր շահ: Ըսենք, օրական ծախեցիր հազար

հատ. Ի՞նչ եղավ, հարյուր քսանհինգ ոսկի, առի՞ր... հարյուր քսանհինգ ոսկին քո ուսուցչութեանդ մեկ ամսականն է, եղա՞վ... Եվ մեկ տարինն դարձար մեծահարուստ, ահա, ե՛լ ու գնա՛ մամայիդ բարե ըրե...

— Այդ իմ գործը չէ, սիրելիս:

— Է՛հ, արդեն այդ շատ վատ բան է, գործին, առևտուրին ամոթը չկա, սիրելիս, պիտի վարժվիս, իհարկե, կարող ես և նպարավաճառի խանութ մըն ալ բանալ. բայց ավելի մեծ դրամ է հարկավոր, այնպես կերևի, որ չունիս...

— Ոչինչ ունիմ ձեռքս, նույնիսկ օրապահիկս ապահովված չէ... Եթե ունենալի, ինչո՞ւ պիտի գայի բովդ, մնաց, որ օրական հազար հատ սանդվիչ ծախելու համար կենտրոնական տեղ մը խանութ պիտի ունենալ, իսկ այդպիսի տեղի համար տասնյակ հազարներ են պետք:

— Ծիշտ է, այնպես կերևի, որ շատ նեղն ես: Ես քեզ կարող եմ մեկ բանի դրուշ տալ սա բանի մը օրվան համար, մինչև որ դուն վերջնական գործարար ելք մը խորհիս: Իսկ հազարներ, դժբախտաբար, չեմ կարող տալ, բոլոր ունեցածս գործիս մեջ եմ դրեր: Վաղը կսորվիս, երբ շուկայի մարդ դառնաս, ես հիմա, պիտի ըսել, ավելի նեղն եմ, քան դուն: Երեակայե, օր կըլլա, հաց գնելու դրամ չեմ ունենար գրպանս, համենայն դեպս առ սա տաս ոսկին...

Տաս ոսկին շառավ, նույնիսկ բաժնվելու ատեն ծիծաղեցավ ու ձեռքը սեղմեց ընկերոջը: Մյուսը թե՛

— Ա՛ռ, ա՛ռ, կվերագարձնես, երբ ունենաս: Կին ունիս, գավաղներ, վերջապես այդ բոլորը հաց կուզեն, ուտել կուզեն, ոչի՛նչ, չէ՞ որ մենք ընկերներ ենք, վաղը ես ալ քեզմե կուզեմ, ինչ կա, որ տղաս... Ու դրամը դժվարավ սահեցուց ընկերոջ գրպանը:

— Խորհե՛, լավ խորհե, կամ սանդվիչ կծախես, կամ նպարավաճառի խանութ մը կբանաս, եթե անշուշտ դրամ գտնես. իսկ տվածիս մասին մի խորհիր. ընկերներ ենք չէ՛, չըլլա որ խորհիս. ամեն ինչ կարգի կմտնե, կեցիր, շերթա՛նք տեղ մը շիշ մը գինի խմենք:

Շշմած էր տղան:

— Երթանք,— ըսավ:

Գացին: Կեսօր էր: Առաջին բաժակը պարպեցին ապագա հաջողություններուն կենացը:

— Ինչպե՞ս է կինդ:

— Ոչի՛նչ, լավ է:

— Պիտի լավ խնամել:

— Իսկ մորդ հիվանդությո՞ւնը...

— Նախկինին նման. վատ է, շատ վատ:

— Դժվար ու ծանր է կյանքդ: Քանի՞ զավակ ունիս:

— Երեք:

Կեցցե՛ս: Արժանա՛լոր դորժ է... Խմենք առողջության կենացը:

— Խմենք, — ըսավ «ճողան»: Խմեցին:

— Իսկ ի՞նչ եղավ հայրենիք երթալու հարցդ:

— Որոշեք եմ, եթե կարելիություն ըլլա...

— Գնա՛, գնա՛, քու տեղդ է...

Չէ՛, համբերությունը հոս ևս սպառելու վրա էր. բայց երրորդ բաժակները խմեցին... հայրենիքին կենացը:

— է՛հ, դրամ՞ը, դրամ՞ը ամեն ինչ շէ՛ դեռ, դրամ՞ը ձեռք՛ի կեղտ է, հասկեցա՛ր... եթե երթաս հայրենիք, կազատիս ուղ բոլոր մղձավանջներեն: Չբերե՛նք շիշ մըն ալ...

Բերին և չորրորդ բաժակները պարպեցին ապագա այն հասարակարգին կենացը, որ դրամը և այլն, և այլն...

Ձույզեր կային մոտակա սեղաններուն շուրջը. սերը կար անդիտությամբ երջանիկ և զույգեր կային, որոնք զներ էին զայն գիտակցված խաբուսիկ երջանկության մը համար: Հետո այդ բոլոր գերակատարներուն քովն ի վեր կապույտն էր միջերկրականին և արևի ցրված, անփույթ ոսկեղեն վարսերն էին, որոնք կջանային ծածկիլ սեղանին զրված արցունքը խաղողի ողկույղներուն...

— Սա դիմացի աղջիկը գեղեցիկ է, չէ՞...

«Տղամն» շկարողացավ պատասխանել, որովհետև մշուշ-ված էին աչքերը:

— Ինչ է, հուզվեցա՛ր:

— Արևեն է:

— Փոխենք տեղերնիս:

Փոխեցին և հինգերորդ բաժակը խմեցին զեղեցիկ աղ-
ջիկներու կենացը...

Վեցերորդ բաժակը դատարկվեցավ ի պատիվ ամուրի-
ներու և այն «իմաստության», թե «ամուրիությունը թագա-
վորություն է»:

— Զբերե՞նք շիշ մըն ալ...

Բերին և երրորդ շիշի սկզբին խաժակ Լեոնյանը համոզ-
վեցավ, որ կյանքի մեջ ամեն տեսակի գործ կարելի է և
պետք է ընել, որպեսզի կարելի ըլլա փրկել տան խախտված
սերը, որպեսզի մարդ գլուխ շխոնարհե ուրիշներու առջև և
որպեսզի կարենա համառիլ տակալին գրելու մասին և որ-
պեսզի տակալին զեթ կարողանա՞ խմել ու մոռնալ սա
սրիկա, սա անիմաստ կյանքը...

Իսկ ընկերը պնդեց, որ խաժակ Լեոնյանը ի դեպ
չմոռնա գրելը:

— Խաժակ, սիրելիս (այդպես ալ ըսավ), սիրելի խա-
ժակ, այդ բոլորին հակառակ պիտի շարունակես գրել...

— Վա՛յ,— ըսավ տղան,— դուն գրականությունեն ալ
բան կհատկանա՞ս...

— Հասկա ի՞նչ կարծեցիր զիս, տղաս, ատենին դպրոցին
մեջ ես ալ փորձեր եմ գրել, բայց... կյանքը:

— Կյանքը, համենայն դեպս, հակառակ իր տխուր
կողմերուն...

— Ճիշտ այդ տխուր կողմերն են զեղեցկացնողը
կյանքը:

Վերջին բաժակը խմեցին կյանքին կենացը:

— Սպասյա՛կ, հաշիվը:

Հաշիվը տասուկես թղթոսի էր: Սեղանին վրա ինկավ
հարյուրնոցը:

— Մանր շունի՞ք:

— Մա՛նր, մա՛նր... դժբախտաբար...

— Ես ունիմ,— ըսավ խաժակ Լեոնյանը և գրպանեն
հանեց տասը թղթոսիին ու բաճկոնի վերի աջ գրպանեն դուրս
բաշեց շորսի ծալված իր վերջին մեկոսիկնոցը:

— Ահա և տասնմեկ:

Սպասյակը տնտնաց կես ոսկին վերագարձնելու համար:

- Ոչի՛նչ,— թող մնա,— ըսավ մյուսը՝
 — Շնորհակալություն, պարոններ, կրկին հրամմեցեք:
 Ու գացին:

2

Երբ տուն հասավ, ուշ գիշեր էր, աննպատակ թափա-
 ւեր էր քաղաքի փողոցներուն մեջ: Դիտեր էր հագուստեղենի
 խանութներու ճոխ ցուցափեղկերը ու մտածեր էր իր մաշված
 հագուստին մասին, կանգ էր առեր արանց ու կանանց ներք-
 նազգեստներու, մետաքսե և բրդե գուլպաներու մեծ վաճառա-
 նոցներուն առջև և հանգեր էր շատ տխուր եզրակացություն-
 ներու, մանավանդ երբ զգացեր էր, որ գուլպաներուն ներ-
 բաններն ու քիթերը ծակծկված էին: Ասեղնագործված կնոջա-
 կան այդ երփներանգ ներքնազգեստները մի՞թե քիչ մը ավելի
 երջանկություն չէին, եթե ըլլային իր տանը. հիշեց, որ ահա
 ամուսնությունեն ի վեր անցեր էր հինգ տարի և օր մը օրանց
 զույգ մը մետաքսե գուլպա տարած չէր կնոջը: Կինը կհոգար
 իր կարիքները: Ինչո՞ւ օրինակ ինք չէր խորհած սա ամենա-
 հասարակ հաճույքին մասին: Սիրտ չէր ունեցած խորհելու.
 կյանքի պայմանները ոտնատակ էին ըրեր զինք, ամեն ինչ
 դարձած էր սովորական, ահա՛ երեկին կրկնությունը: Անցեր
 էր ծուռուծուռ քաղաքի փողոցներեն և լայն պողոտա-
 ներեն և տեսեր էր ամեն ձևի ճարտարապետական ա-
 մենաշքեղ հողացումներեն մինչև ամենաալլանդակ ոճերով
 շինված շենքերը: Ծենքեր, որոնց մեջ որեէ՛ ատեն բնա-
 կելու հեռանկարն ալ չէր ունեցած իր համեստ ու-
 սուցչի պաշտոնին բերմամբ: Տեսեր էր ճոխ ու ալլա-
 դան ինքնաշարժեր, ծառաներ, տանտիկիներ, որոնք կարծես
 իր աշխարհին մարդիկը չէին: Բայց ո՞րն էր իր աշխարհը, չէ՞
 որ իր աշխարհը նույնինքը այն էր, որուն մեջ այժմ կըրջազա-
 յեր ինք այդպես տխուր ու ալլանդակ հոգեվիճակով: Չէ՞ որ
 ինք ծնած ու մեծցած էր նույն մթնոլորտին մեջ: Անցավ գիշե-
 րային զվարճություններու մութ գոհհնրեն, հոն ևս
 զույնզույն մազերով աղջիկներ տեսավ փողոցները, որոնք
 գիշերային այս ուշ ժամին նոր կելլեին իրենց բունեն ու
 կպատրաստվեին աշխատանքի: Սա ևս իր աշխարհը չէր,

անոնք ևս իր աշխարհին մարդիկը չէին: Ո՞ր էր կանգնած ինք. ի՞նչ բանն էր, որ մեռացուցեր էր խիզախությունը իր մեջ ու դարձուցեր էր զինք լուսանցքի մարդը այս հասարակարգին: Մարդու մը, որ կխորհեր իր օրապահիկը փրկելու մասին և իր ընտանիքի նվազագույն ապրուստին հոգը կդարձներ մղձավանջի: Չէ՞ որ ինքն ալ ատենին, թեպետ չէր ճանչցած իր հայրը. բայց անվանի առևտրականի մը զավակն էր եղած և ունեցած էր այդ շենքերուն նման հսկա շենքի մը սեփականությունը, բայց խենթի հովերով իր կյանքը պատճառ էր եղած, որ վաճառեին ամեն ինչ, գաղթեին Լիբանան և ինք իբր թե նվիրվեր իր սիրած գործին: Այդ գործը գրականությունն էր, իսկ ապրուստի միջոցը՝ ուսուցչությունը: Ինչո՞ւ էր բռնեի գրականություն կոչված այդ անշահ ու հայ մարդու, սփյուռքահայ մարդու համար «ծիծաղելի» գործին պոչեն: Ինչո՞ւ, որովհետև չէր կարող շրոնել: Որովհետև այդ իր տարերքն էր, իր իսկ կյանքին իմաստը: Իրմե վեր էր այդ բուրբ: Իսկ իր կամքն վեր որևէ բանի գերի դարձող մարդը լուսանցքի մարդ է, ինչպես սերը, ինչպես գինին, ինչպես խաղը. և գրականությունը սեր էր, գինի ու բախտախաղ... Այն մյուսն ալ փորձեր էր գրականությունը, երբ... դպրոցական նստարաններու վրա էր դեռ, և ո՞ր մեկ հայը չէր փորձած ու ո՞ր մեկ մարդը տակավին չէր բաշված քսելու, թե՛ — հա՞, գրականություն, ես ալ փորձեր եմ, երբ... փոքր էի:

Իր գծբախտությունը, համառիլը տակավին, երբ անդին, այն մյուսները բուրբ-վաղ հասկցած կյանքը դարձեր էին... խանութպաններ: Ինք չկարողացավ իր սիրած գործին խանութպանը իսկ դառնալ: Եվ քանի գրեց, այնքան փորձանքները շատցան զլսուն: Վերջինը... արձակվիլը ուսուցչական պաշտոնեն:

Ու հիմա, որ անգործ էր ու փակ էին բուրբ դռները իր ասպարեզին, կառաջարկվեր, որ սանդղիչ ծախեր: Բայց ինքը ինչպե՞ս կարող էր այդպիսի գործի մը ձեռնարկել:

Ըսենք, գտավ խանութի համար անհրաժեշտ գրամը: Հեա՞ո, չէ որ այդ իր գործը չէր, չէ՞ որ կարող էր իր աշակերտներեն կամ աշակերտուհիներեն մեկը գալ ու կանգնիլ իր

առջև և խնդրեմ... կես սանդղիչ... Մահ էր այդ իրեն համար: Տակավին այն մյուսները, այն բոլոր իրեն ծանոթ ու անծանոթ գրչի փերեզակները, որոնք կարող էին շարախնդորեն ժպիտ մը իրենց դեմքին գալ ու ըսել.

— Տղա, հատ մը պանիրով,— և հետո,— վա՛յ, դո՛ւն ես, Խաժարկ: Իսկ ի՞նչ կգրես այս վերջերս:

Չէ, և կարելի էր ընել այդ բոլորը և գրել. բայց նպարավաճառեն ի՞նչ գրող: Պանիրի ու հացի առուծախսեն հար հոգնկան ի՞նչ թռչը... Գրավաճառությունը գեթ կիրկեր ողբերգության արտաբերը: Վերջիվերջո, առևտուր, բայց գիրքի: Բայց արդյո՞ք իրավունք չուներ այն մյուսը, որ ըսավ.

— Ո՞վ է այս դարուն գիրք կարգացողը, ո՞վ է գիրք գնողը, որ դուն գիրք կարենաս ծախել... Վազ անցիր, տղաս...

Գիրք կարգացողներ կային անշուշտ, բայց առևտուրի մեջ դրամ բերողը գրկանության այն մյուս տեսակն էր, վատը, պոռոնոգրաֆիկ բովանդակություն ունեցողները, սեռային սանձարձակության բուլվարային հատորները: Ինքը կարո՞ղ էր այդպիսի գիրքերու գոյությունն իսկ հանդուրժել իր խանութին մեջ: Բնա՛վ: Տխուր էր հեռանկարը, մութ, իսկ ինչպե՞ս պիտի ապրեցներ կինն ու մայրը, երեք զավակները:

Գնա՛, զնա, քու տեղդ է,— այսպես ըսավ ան հայրենիքին համար: Ինչո՞ւ համար էր իր տեղը, որովհետև ինք պարտաված մըն էր կյանքեն, տրովհետև այս իրավակարգին մեջ իրենպեսները տեղ չունեին: Բայց չէ, ինք կարո՞ղ էր երթալ հայրենիք և ըսել նույնիսկ մտովի. եկա, որովհետև ոչինչ կարող էի ընել հոն ապրելու համար: Եկա և հաց տվեր ինձի: Այդպիսի տրամաբանություն: Չէ՛, սխալ էին այդ բոլորը: Ինք գրող էր վերջապես, մարդիկ իր ըմբռնումներուն համար զրկել էին զինքը ապրուստեն ու հիմա հրամմեցեր. ես պիտի երթամ հայրենիք: Ո՛չ, չկարողացավ հաշտեցնել այդ մեկը իր ըմբոստ երիտասարդի հոգիին:

Պիտի տոկալ, պայքարիլ, ի հարկին պանիր ու հաց ծախել. փաստել, որ այն պարագային, երբ մարդ զիջի մարդկայնորեն ապրելու իրավունքին, կարող է և ապրիլ այստեղ ևս: Պիտի հաղթեր և վերջը պիտի դներ հարցը. երթալ հայ-

րենիք: Այն պարագային, հայրենիքի մեջ զեթ ինքն իր առջև
զլուխը բարձր պահած պիտի շարունակեր գրել այդ բուլբուլի
մասին: Եկած էր ո՛չ թե անկարողութեանը համար, եկած էր
հավատքով, եկած էր, որովհետև չէր կարող չգալ, որովհետև
ինք հավատք ուներ հողին ու հողին վրա սավառնող գաղա-
փարին մասին: Եկավ ու եթե չգար, կայրեր նաև հոն, բայց
եկավ, որպեսզի ապրի մարդավայել, ապրի որպես մարդ:
Իսկ հայրենասիրութիւնը... է՛հ, շարաշահել բառը, շարա-
շահել կյանքեն իրապես պարտւած գաղափարի խանութ-
պաններուն վերջին ապավենը... խնդրեմ:

Մայրն էր դուռը բացողը: Կինը քնած էր վաղուց:

— Ի՞նչ ըրիր, ինչո՞ւ ուշացար այսքան, կրկին խմե՛ր
ես... Մեղք չէ դրամը, տունը այսքան նեղութեան ունին՞ջ
ու դուն ունեցած վերջին դրուշներդ իզուր կուտաս այդ կոր-
ծանիչ հեղուկին...

— Մայրիկ, կբավե, — կրցավ ըսել միայն ու անցավ
սենյակը: Մայրը շթողուց սակաչն զինք.

— Ի՞նչ ըրիր, զավակս:

— Ոչի՛նչ, — ժպտեցավ, — հյուրասիրվեցա...

— Գիտե՛ս ինչ խորհեցա...

— Ո՛չ:

— Գտա անհրաժեշտ դրամը:

— Ինչպե՛ս, մա, — ու ցատկեց տեղին:

— Տղա՛ս, — ըսավ մայրը, — հայրդ մեծ առևտրական էր,
ես վստահ եմ, որ դուն իր արշունեն բան մը ծառանդած ես
անսլալման և եթե խելքդ զլուխդ հավաքես, կրնաս տեղ հաս-
նիլ: Նախ, սիրելի զավակս, զեթ ժամանակավորապես թո՛ղ սա
գրականութեան ըսվածը հիմնովին: Ընտանիք ունիս, զա-
վակներ ունիս, կին ունիս: Կինդ և ես տկար ենք, կտեսնես ար-
դեն: Իսկ մենք ամեն ինչ ծախեցիրք, ոչինչ ունինք: Կարող
ենք սովամահ ըլալ, եթե այսպես շարունակես: Շատ խորհե-
ցա, որդիս, գիտեմ թե սրբապղծութեան է ընելիքս, սակաչն
մեր ընտանիքի, քու և զավակներուդ ապագան է խնդրս
առարկան: Եթե ըմբռնես, թի ինչ եմ առաջարկելու, վստահ
եմ, պիտի ցնցվիս, բայց և վստահ եմ, պիտի փարիս գործին,
որովհետև այդ մեր վերջին ապավենն է և քու հորդ երեսուն

տարիներ ետք իր հեռավոր գերեզմանեն կատարելիք վերջին քարիքը քեզ...

— Ինչպես, մայր...

— Որոշեցի վաճառել իր գերեզմանի հողը:

— Վաճառել հայրիկի գերեզմանը, երեսուն տարի ետք, անհանգստացնել իր աճյունները և հեռավոր այս փոքրիկ հանդգնիլ այդ, ա՛յդ... ո՛չ, — մայրիկ:

— Մեղքը իմ ճտին, արդեն հեռացեր ենք իրմե և վերագառնալու շնք: Մեր վերջին կայքը հայրենիքն է. ի՞նչ ընել, երեսունևութ սիրելիներ անգերեզման թաղեր եմ անապատի ավազներուն: Վերջին իմ հիշատակն ալ հալալ թող դառնաքու ճամփուն: Բայց տես, պիտի գուրգուրալ և այդ վերջին առիթը իզուր շվատնել ինչ-որ հիմարություններու երեսեն...

— Մայրիկ, բայց շատ է այսքանը...

— Ես վերջերս այդպիսի առաջարկ ստացա և հավանությունս հայտնող նամակը ուղարկեր եմ որին որ պետք է: Այսօր իսկ հանձներ եմ փոստին: Թող հայրիկի հիշատակը հավետ ապրի մեր հոգիներուն մեջ: Վաղը եթե այդ դրամով կարողանաս բանալ վաճառատունդ, իր հիշատակը հարգած կըլլաս ավելիով:

Զքնացավ ամբողջ գիշերը. հիշեց իր մանկության անթև օրերը, թե ինչպես ամեն մեռելոցի իր մորը հետ կայցելեր իր հորը գերեզմանին, որը բավականին ընդարձակ հողաշերտի մը վրա կանգնած շքեղ հուշարձանի մը ստվերին էր. ընկուզենիներ և ուռենիներ կային այդ հողին վրա և ինք և իր մայրը կնստեին անոնց հովանիին տակ ու կուլային: Առաջինը, իր սիրած մարդու հետ անցուցած կարճ, շատ կարճ երջանկությանը համար: Ինք, իր անժանոթ հոր կիսանդրիեն իրեն նայող տխուր աչքերուն ի տես...

Հիմա այդ կիսանդրին պիտի վար առնեին մարդիկ ու դրամով պիտի գնեին այդ սրբությունը, տեղը դնելու համար ուրիշի մը տխուր նայվածքը:

Իր հոր գերեզմանին վաճառքով, իր հոր աճյունին գնով պիտի ինք բանար իր վաճառատունը:

Խաժակ կտոնյանը այդ գիշեր միայն ատեց զբաղանդությունը:

Բայց երբեմն սրբազան ատելություններ կան, որոնք մեծ, խոր ու անըմբռնելի սերերու հետագա պոռթկումին ծիլերն են:

Անըմբռնելի՛ սերերու...

3

Բացված խանութը գրավաճառատուն մըն էր քաղաքի երկրորդական թաղամասերն մեկուն մեջ, իսկ դրամը հաղիվ էր բաված խանութի կմախքին: Գունավոր դարակներ, հետո երկու ապակեպատ ցուցափեղկ և ներքին... ամառու-թյուն: Գրավաճառատուն էր այն իմաստով, որ խանութի ճակատին գրված էր «Գրավաճառատուն Բաֆֆի»:

Մայրը առավոտ կանուխ արթնցուց զինքը:

— Ե՛լ, տղաս, և շտապե:

— Բայց, մայրիկ, երթամ և ի՞նչ ընեմ հոն:

— Ոչինչ, գոնե բաց փեղկը, մտիք խանութ, նստե գրասեղանիդ առջև, շես գիտեր ուրիշ կծագի լույսը, գեթ անցնող դարձողը թող տեսնե, որ ինչ-որ նոր հաստատու-րյուն է հիմնված, հետո կխորհիս թե ինչ պիտի ընես:

— Բայց դատարկ խանութին մեջ նստիլը ծիծաղելի է, մայրիկ...

— Ոչինչ, որեւէ մեկը առաջին օրեն ապրանքներով չէ լեցուցած իրը: Հայրիկդ ոսկյա շղթայով մըն է սկսեր դործը, առեր է տաս-տասնհինգ մետր կերպաս, ծախեր է, շահովք գներ է նորը. այս անգամ քսան մետր և օր մը տաս մետրը դարձեր է հսկա խանութ իր հարակից պահեստանոցներով: Այդպիսին է առևտուրը, պիտի համբերություն և հարատևու-թյուն ունենալ:

Հայրիկի անունն իսկ իր պարտությունն էր: Ելավ ու գնաց: Խաժակ Լեոնյանի ամենադառն օրերն մեկն էր այդ:

Երբ բացավ խանութի փեղկը, դատարկ դարակներու և պատերուն ու առաստաղին տակավին չչորացած ներկի հստը զարկավ ունգերուն: Մտավ ներս ու անմիջապես փակեց մուտքի դուռը: Տեսակ մը դողի և մարդոցմե փախչելու հոգեբանություն: Քրտինքը պատեր էր ամբողջ մարմինը.

ստորակայութեան սուր զգացում մը կճնշեր ամենաշատ սրտին ու կարծես կանգնեցուցեր էր իր ամբողջ բանականութունը: Վերջիվերջո հազիբեր էր կյանքը ու երազի մարդուն ստիպեր էր, որ չի շեղի ընդհանուրի շարքեն դուրս ու դառնա սովորական Մարկոս մը, սովորական մանր ակտրական մը: Մնաց, որ այդ մեկն ալ հարց էր տակալին: Նայեցալ ժամացույցին, տակալին ութը շկար և սլաքները կանգ էին առեր կարծես:

Խորհեցալ զբազիլ որևէ բանով. ըսենք, կարող էր լվալ հատակները. որոնք կեղտոտ էին և ամենուրեք կկրեին շորացած ներկի և ցեխոտած կոշիկներու քայլերու հետքեր: Գնաց ու մեկ քանի խանութ ցած գանվող նպարավաճառն գնեց ալել մը ու փոխ ուղեց դուլը: Եկալ ու պարպեց ջուրով լեցուն առաջին դուլը, հետո երկրորդը, երրորդը, չորրորդը և սկսալ ալելով շփել հատակը: Նույն պահուն մեկ քանի մարդկային գլուխներ երևացին ցուցափեղկին առջև և մոտեցան դռան:

— Բարև, զրացի:

Հայերեն էր բարևը:

— Բարև ձեզ,— կրկնեց ետժակ գողգողացող ձայնով մը:

— Գրատո՞ւն եք բացեր:

— Այո՛:

— Հաջողութուն ձեզ, թեպես դժվար է քիչ մը: Սրտանց կցանկանք, որ հաջողիք, շրջանը կտրված է ընդհանուր շուկայեն, առհասարակ արհեստանոցներ են այստեղ, ձերինին նման կոկիկ խանութ չկա մեր շրջապատին մեջ, բայց ոչինչ: Իսկ առաջ որտե՞ղ էր ձեր վաճառատունը:

— Նոր կսկսի՞մ ակտուրի,— պատասխանեց Լեոնյան, իր զբաղումին մեջ ջանալով թաքցնել զիմացիծն ու ներքին հուզումը:

— Նոր կսկսի՞ք... ոչի՛նչ, նախապես այստեղ մտավաճառ մը կար, երեք ամիս չգիմացալ, հետո նպարավաճառ մը եկալ, ան ալ նուշնպես, քաղաքը ամբողջ ծածկվեցալ զրեթև նպարեղենի խանութներով, մնաց, որ կեղտոտ մարդ էր, շկարողացալ հաճախորդ շահիլ: Ոչի՛նչ, հանդուգն եղեր և

և եթէ ինձի կհարցնենք, գիտե՞ք ինչ, միայն մի բավականանաք գիրքերով:

— Ի՞նչ ընեմ հապա,— հարց տվալ Խաժակ վարանու-
մով:

Այդ հարցն արդեն շուկայի վարժ մարդոց աչքեն շխուսափեցալ և հաստատեց այն կասկածը, որ լրիվ նորեկ և անգործ տղու մը հետ գործ ունին իրենք:

— Ըսենք, խմիչք վաճառեցիք:

— Խմի՞չք...

— Ինչ կա որ, լավ խանութ է, անկյուն մը սապես կարող եք օղի, գինի, վիսքի և դանազան աղանդերներ վաճառել, շատեր կուզան և լավ կաշխատիք:

— Բայց գիրքի հետ ինչ կապ ունի օղին...

— Է՛հ, այդ արդեն հեշտղաս, դուք նայեցիք, որ դրամ շահիք և այդքան, մնացյալը հեշտ... Եվ գիտե՞ք ինչ, ես կարող եմ օգնել ձեզ:

Օգնություն խոստացողը տարեց, վստահելի արտաքինով գրացի խանութպան մըն էր.

— Ես շատ լավ ծանոթ եմ մեծաքանակ խմիչքներ վաճառող առևտրականի մը, այս երկրին մեջ կարևորը խանութ ունենալն է և վստահություն վայելելը: Ունի՞ք մեկը շուկայի վրա, որ ձեզ վստահեցնեն, այսինքն կոնակ կանգնի ձեզի. միայն իր ստորագրությունը տալով:

— Ունի՞մ,— կմկմաց Խաժակ:

— Դե՛, ուրեմն վերջացալ, ե՛լ երթանք, ի հարկին սկիզբը շշերով կվաճառեք, հետո կտեսնենք ու դուք անձամբ կորոշեք, թե որն է շահավետը, գի՞րքը թե խմիչքը և ըստ այնքմ կփոխեք գործին ընթացքը, որովհետև, տղաս, գիրքի գործին իմ խելքս չի պակիր շիտակը, օրինակ վերցնենք գիս, ես տարվա մեջ դժվար թե հատ մը իսկ գիրք կարգամ, բայց թե օղին... ամեն օր շիմած շեմ կարող... այ տեսա՞ր:

— Բայց ես դրամ շունիմ խմիչքի վապելու համար, առայժմ բոլոր ունեցածս գիրքի եմ պակեցուցներ,— ջանաց ստել Լևոնյան:

— Ոչի՛նչ, ըսի չէ՛, եթե ձեզ ծանոթ առևտրական մը կվստահեցնեն ձեզ, գործը կարգին է...

— Իսկ այդ մարդիկը ապառիկ կուտա՞ն...

— Հայերեն կխոսիմ, տղաս, ինչու չէ, անշուշտ ոչ ծանոթ և հրապարակի վրա շրջանառության մեջ գտնվող տեսակները, այլ Եվրոպային և Ամերիկային նոր հրապարակ հանված, ըսենք նույն որակի, բայց անծանոթ անուններով տարբերակները և այդտեղ ձեր շահը ավելի կըլլա:

Խաժակ Լեոնյանը վերածվեր էր շարժուն մեքենայի մը, տրամաբանությունը չէ որ կիշխեր այդ պահուն իր վրա, այլ իր խանութի մերկությունը առժամպես ծածկելու ձգտումը, մինչև գիրքերու հարցին մեջ նորություն մը մտցնելը: Իր հոր գերեզմանի վաճառքեն գոյացած գրամը հազիվ էր բավեր խանութի կանխիկ վճարված տարեկան վարձքին և ներքին կահավորման: Այնպես որ ուրախացավ այդ անակնկալ առաջարկին. նախ զոնե այսօրվա համար կհեռանար սա տանջող հոգեվիճակին, հետո գիշերը կուրախացներ տունը:

Եկողները երկիմաստ ժպիտներով հեռացան խանութեն, տարեց հայր.

— Աճապարե, — ըսավ, — քանի գործերը տակավին եռուն ընթացքի մեջ չեն, երթանք ու վերցնենք որքան որ կարենանք:

Գացին նախ Խաժակ Լեոնյանի ծանոթ առևտրականին մոտ:

— Բարե, Խաժակ ջան, — ըսավ ընկերը, — լսեցի, որ արդեն բացեր ես խանութը, ինչպե՞ս ըրիր, ժառանգ ինչպե՞վ ինչ է:

— Վերջը կպատմեմ, — ընդհատեց Խաժակ ընկերոջը, — շցանկանալով իր գրացիին մոտ հայտնի դարձնել իր ողբերգությունը:

— Գիտես ինչո՞ւ ենք եկեր... — ու պատմեց:

— Ա՛յ, ապրես, բարեկամ, — խոսքը տարեց հային ուղղեց ընկերը, — ա՛յ ապրես, լավ եք խորհեր, հապա գիրքն ի՞նչ բան է, ապրե՛ս, ապրե՛ս, լավ սկիզբ է...

— Իսկ, Արտո, դուն ինձի համար ապահովություն կուտա՞ս այդ վաճառականներուն մոտ:

— Ինչո՞ւ կանխիկ չես գներ, — վարանումով և տարակուսանքով հարց տվավ ընկերը:

Խաժակ Լեոնյան անգիտակցաբար կատարեց իր առևտրական ահամա կյանքի առաջին հաջող գործառնությունը:

— Ունեցած ամբողջ գրամս պառկեցուցեր եմ գիրքերուն... ապսպարանք եմ տվեր Եվրոպա, այնպես որ...

— Ա՛յ, ուրեմն մեծաքանակով պիտի գրադվիս, ա՛յ, այդ արդեն լավ է, այդ բանին տես մի քիչ խելքս կպառկի, ես չէի՞ ըսեր քեզի, այդպիսին է առևտուրը, տեսա՞ր, հիմա քովդ գրամ շունի՞ս չէ՞:

— Չունիմ,— խեղճցավ Խաժակ, բայց մշուար ինկավ ծուղակը:

— Ա՛յ այսպես, շուտ սկսար գործի մարդ գառնալ, գինիկն դարձող բացախը բարկ կըլլա, ջանս, լավ, սիրելիս, ամենայն սիրով, ընկերը թե որ ընկերոջը շօգնե, ալ լի՛նչ ընկերություն...

Եվ ելավ ոտքի, առանց նույնիսկ կասկածելու, թե Խաժակի «շունիմը» բառին իսկական իմաստով էր քսված:

Երեքով գացին մեծաքանակ խմիչքներու «Ճոնվաթ» ընկերությունը: Զիրենք ընդունեց հաստատության անօրենք, որ հայ էր և մաերիմը կերևեր տարեց հայուն: Արտոյի անունը և ստորագրությունը բավ էր գործառնությունը կնքելու համար: Խաժակը ափ ի բերան մնաց, երբ կազմվեցան ֆակտյուրները և տեսավ, որ իրեն վստահեր էին անձանոթ և նույնիսկ շրջանառության մեջ գտնվող խմիչքներու մոտ երեք հազար լիրանանյանի հասնող գումարով ապրանք: Վիսքիի, գինիի, կոնյակի բազմազան տեսակներ և լիքջորներ: Տարեց հայը վերջավորության պատճառ դարձավ, որ Խաժակի հանդեպ վստահությունը կրկնապատկվի, երբ հազորդեց թե հին ծանոթներ են Լեոնյանի հետ, բնտանեկան սերտ հարաբերություններով կապված:

— Երկու ժամ շանցած բոլորը ձեր մոտ կըլլան,— վստահեցուց հաստատության անօրենք և որպես հյուրասիրություն շորս բաժակ սուղնոց ֆրանսական կոնյակ բերավ սեղանին: Խմեցին հաջողության կենացը և ելան դուրս:

— Խաժակ ջան,— կրկնեց Արտոն,— երեկոյան կուզամ խանութ և կթրջենք:

Խաժակ Առնյանի հոգեբանություն մեջ իրեն անժանոթ ինչ-որ բեկում էր ստացվել: Երբ մտավ խանութ, ներկի հոտին խառնվել էր հատակի խոնավության հոտը, բայց շես գիտեր ինչու, բացավ խանութի դուռը մինչև վերջ ու առաջին անգամ ըլլալով բավականին երկար կանգնեցավ դռան սեմին, ձեռքը տափատին գրպանը, զննեց շրջապատը ու ականարկները շթաքցրեց գաղտագողի գինք դիտողներեն:

Հավածին նման երկու ժամը շրացած մեծ ինքնաշարժ մը կանգնեցավ «Րաֆֆի» գրատան առաջ, և բանվորներ սկսածան ներս կրել շիշերով լեցուն արկղները:

Երփներանգ շիշեր էին, որոնք գրավիչ տեսք մը տվին խանութին, երբ կիսով լեցուցին դայն: Երկար ատեն Խաժակ դասավորեց բոլորը և երբ նստավ իր գրասեղանին առջև, շխորհեցավ նույնիսկ, թե արդյոք չէ՞ր շտապած «Գրատուն» Րաֆֆի» դնելով իր վաճառատան անունը:

Բավական հոգներ էր և ժամը արդեն կանցներ երկուքը: Արևը կրկնէր ցուցափեղկին ապակիները և ամայացր էին փողոցները: Կրկին դուլով ջուր թափեց ու կրկին ավլեց բանվորներու թողած ոտքի հետքերը:

Հազիվ վերջացուցած ներս մտավ թուխ գիմազմով, կարճահասակ առաջին հաճախորդը, որը նայելի ետք խանութին շորս բոլորը, կանգ առավ շիշերու դարակներուն առջև և սկսավ խոսիլ արագ-արագ այնքան հապճեպ արարերենով մը, որ շկարողացավ հասկնալ Խաժակ, թե հաճախորդը ինչ կցանկար:

Մարդը ինքը վար առավ վիսքիի շիշ մը, հետո ճին մը, հետո փոքր կոնյակի շիշ մը և պահանջեց հաշիվը: Խաժակ արդեն մտովի ըրած էր գումարը և ներքին ուրախություն մը կալելիո՞ծեր ողջ էությունը: Տասը թղթոսկիի շահ մը կխոստանար լուպեական այդ առևտուրը: Իր ուսուցչական առօրյա վճարին երկու և կես անգամը:

Մարդը հանեց հիսուննոց մը և ուզեց, որ Խաժակ ծրարն ապրանքները: Ընդամենը երեսունհինգ օսկի էր հաշիվը: Քայց ինք մանր դրամ չունեիր:

— Խնդրեմ մի բռայե:

— Լա՛վ, բայց արագ,— ըսավ մաքրը:— Եթե պիտի ուշանաք, ես ուրիշ խանութի վերցնեմ:

— Չէ՛, չէ՛, խնդրեմ, մեկ բուսե միայն, խնդրեմ...

Հապճեպ վազեց դուրս, գրացի տարեց հայուն, մարդը ժպիտը դեմքին, որու մեջ ակներև ուրախություն կար Խաթակի կատարած անսպասելի այս առաջին գործառնության համար. ըսավ, թե «ինք շունի քովը դժբախտարար, բայց ոչինչ,— տուր փորձեմ նպարավաճառեն մանրել»: Եվ ինք անձամբ առավ դրամը Խաթակեն ու տարավ նպարավաճառին: Այս վերջինը հաճախորդ ունեք, տնտնաց քիչ մը: Խաթակի համբերությունը սպառելու վրա էր: Բայց մարդը տաս հատ հինգ ոսկինոց փոխանցեց և Խաթակ վազելով, հեհեհ մտավ խանութ ու երեսունհինգը դրավ իր գրասեղանի դարակին մեջ ու մնացչալը երկարեց մարդուն:

Հաճախորդը կանգնած կսպասեր տակավին...

— Իսկ ինչպե՛ս եմ տանելու, թուղթ շունի՞ք:

Ու Խաթակ կրկին դուրս խոչացավ խանութեն, ներողություն խնդրելով հաճախորդին ու կրկին գնաց նպարավաճառին քով՝ թուղթ ու թել խնդրելու: Վերադարձավ արդեն քրտնած, ծրարեց հապճեպ, կապեց թելով: Բայց զգաց, որ կողողողային ձեռքերը: Այդ դողին մեջ կար և՛ առաջին շահի հաճույք, և՛ ուրախություն, և՛ ցավ, որ ապիկար էր դուրս եկած առաջին իսկ հաճախորդին առջև:

Երկարեց ծրարը և ակնածանքով ու թեթև ժպիտով մը.

— Շնորհակալություն, կրկին հրամանեցեք,— կմկմաց:

Մարդը փոխադարձ ժպիտով հանդիսա դուրս եկավ խանութեն:

Հիմա կզգար թե ինչ կնշանակե առևտուրը: Օրվան մեջ եթե ես մեկ հաճախորդ ունենար, ինչպես այս մեկը, իրեն համար բավ էր, որ կարենար ապրեցնել տունը և... գրեք: Ինք հարստության պետք չունեք, իր ուղածը որպես ամուսին կարենալ ապրեցնելն էր իր կինն ու զավակները ու հոգալ մորը: Իսկ օրական քսան ոսկի շահը կբավարարեր իր փափաքները: Ա՛հ, այդ հրճվանքը, իրավունք ունեք Արտոն: Ի՞նչ բան էր զիրքը: Երևակայե, տասը հաճախորդ էր հարկավոր նույնքան մը շահի համար: Մայրը որքան պիտի ու-

րախանար, եթե իմանար երեկոյան ոչինչով սկսված առաջին օրվան հասույթին մասին: Հետո, հրաշքի նման բան սա խմիչքի գյուտը: Դրամը կմնար որոշ շրջան մը քովը. կզներ գիրքերը, կծախեր անոնք ևս և մեկ ընդ մեկ կփակեր իր պարտքերը... Չէ՞ որ ինք գոնե երկու-երեք ամիս ձևով մը տերն էր երեք հազար ոսկիի: Հետո, երկրորդ գործառնութեան մարդիկ կվստահեին ավելին... Կեցցե՞ կյանքը և լավ էր կյանքը. մարդ ինչքան փոքր բանի պետք ունի երջանիկ զգալու համար ինքզինքը: Օրապահիկի մը, ասպահով, վաղվան մղձավանջեն ձերբազատված օրապահիկի մը և առ քեզ սեր, առ քեզ գրականութիւն, Գնաց ու նստավ գրասեղանին առջև, երբ ներս մտավ կինը: Եվ ան կուգար հիմա հաճույքի իր գերագույն պահուն:

— Ինչո՞ւ եկար, — հարցուց անտարբերութուն կեղծելով:

— Մաման ղրկեց...

— Իսկ ինչո՞ւ:

— Ըսավ թե թերևս պետք ունենաս ինձի, թերևս դուրսը գործ ունենաս և ես մնամ հոս...

— Որպեսզի հսկե՞ս այս դատարկութեան, — հարցուց ժպտալով:

— Իսկ ի՞նչ բաներ են... խմի՞չք...

Եվ պատմեց: Կինը, թե՛

— Խաժակ, ինչ գործն է քուկին խմիչքի առևտուրը...

— Ահա թե իմ ինչ գործն է, — բացավ դարակը լսելու համար և լսելի դարձնելու համար քիչ առաջ հոն ինկած իր նոր կյանքին առաջին զոզանջը. դրամը:

— Դրամը, մանչս, երջանկութեան շի բերեր, ձեռքի կեղտ է, հասկցա՞ր:

Չէ՛, չհասկցավ:

Խնդաց: Արտոն նույնիսկ մանչը փոխեր էր ջանի, բայց դրամը... դրամը չկար... չկա՞ր դրամը:

Վազեց փողոց և փողոցին մեջ չկար մարդը... Մա՛րդը չկար: Թշուրիմացութիւն... Նայեցավ դրպաններուն... զանգի զոզանջներ ականջներուն մեջ, մարդը... Դրամը: Դրամ՝ կարդաց հակառակ կողմեն՝ մարդ, մարդ՝ կարդաց հակառակ

կողմեն դրամ. ու շկային երկուքն ալ... Կար կինը աչքերուն մեջ արտասուք և իր ականջներուն մեջ զողանջը:

— Կեցիր այստեղ, մինչև դամ,— պոռաց կնոջ ու վազեց դրացիին: Հասավ նպարավաճառը: Հետո կհիշե, թե զացին ոստիկանատուն, հետո ոստիկանները թե՛

— Գիտենք, գիտենք, այդպիսի խումբ մը սրիկաներ կան, որոնք գիտեն, լավ գիտեն նոր խանութ բացող մարդու հոգեբանությունը: Ինչպիսի մարդ էր... — ու խնդացին:

— Դե՛... մարդ մըն էր, ինձի պես, ձեզի նման... — ու շկարողացավ խոսիլ, ականջներուն մեջ կզողանջեին զանգերը:

— Ուրիշ առթիվ ուշադիր եղեք:

— Բաժնեկից են,— ըսավ տարեց հայր:— Բոլորը լավ կճանշնան գիրար... Շահաբաժին ունին:

— Խեղճ Խաժակ, քու ինչ գործն էր առևտուրը: Հանգիստ կենայիր տեղդ ու շարունակեիր ուսուցչությունդ:

Կինն էր այդպես խոսողը. և այդպես ալ պիտի խոսեր որե՛կ մարդ, որ անկեղծ է իր դիմացինի նկատմամբ:

Բայց կինն էր այդպես խոսողը ու ինքը զզաց, որ այդպես պետք չէր խոսեր իր կինը: Ինչո՞ւ, շի գիտեր. սերը իր ընթացքին և դարերու ամբողջ տևողության ե՞րբ է տրամաբանության տակացեր:

— Գնա՛ տուն,— ու կինը գնաց:

Ուրիշ հաճախորդ չեկավ այդ օրը: Երեկոյան միայն Արտոն էր, որ եկավ թրջելու նոր բացված «Գրատուն Բաֆֆին»:

— Չէ, ինչ կարիք կա դուրս երթալու և ավելորդ ծախսեր ընելու: Բաց շիշ մը, ջանս, և լավ տեսակեն, ոչինչ, այդքանով ալ կզոհանամ:

Բացին վիսքիի լավ շիշ մը. դինը՝ տասնյոթուկես ոսկի: Խոսակցության ընթացքին.

— Անփորձ ես, ջանս,— ըսավ Արտոն,— ինչ տեղը կար. այդ դրացիդ հեռո՞ր բերելու,— գայիր միասին կերթայինք և այդ շահը մեզի կմնար:

— Ո՞ր շահը:

— Դրացիինդ. չէ՞ որ ան միջնորդ հանդիսացավ հարյուրին երեք շահաբաժինով: Երեք հազար ոսկիի ապրանք,

իննսուն ոսկի մաքուր շահ, մաքուր,— ու մաքուրը երկարեց
ու խմեց վիսքին:

— Գնա բիշ մը պիստակ միստակ բան բեր, ջանս...

Արտոն գնաց ու նպարավաճառեն պարտքով պիստակ
վերցուց:

— Է՛հ, ախպերս, կտրվիս, հասե՛, հատե՛ բաց շիշ մըն
ալ, մաքուր իննիսուն ոսկի, ոչինչ, այս անգամ աժանոց հաս
մը բաց: Բայց ուշադիր եղիր, ուրիշ առիթով չխմես:

Խաժակ Լեոնյանը այդ գիշեր ատեց կյանքը և:

Բայց երբեմն սրբազան ատելություններ կան, որոնք մեծ,
խոր ու անըմբռնելի սերերու հետագա պոռթկումին ծի-
լերն են:

Անըմբռնելի՛ սերերու...

Չէ՛ որ Խաժակ Լեոնյանը խենթի նման կսիրե կյանքն ու
գրականությունը:

4

Ըսված է, թե ձախորդություններուն ու դժբախտություն-
ներուն կհաջորդեն հաջողությունները, թե անսպասելի տեղե-
մը կնայիս օր մը անակնկալ հաղթանակի դուռ կարող է
բացվիլ և վերիվայր ընել ամեն ինչ: Այդպես ըսված է և թող
տարօրինակ շթվի, որ կյանքի շոր ու մերկ առօրյայեն
վերցված մեր վիպակի հերոսին հետ պատահեցավ նույնը:
Անցեր էին շարագուշակ ու մութ ամիսներ. շարժման հետք
անգամ չկար խանութին մեջ. Խաժակ Լեոնյանի կյանքը
գարձեր էր խոր մղձավանջ և անտանելի առօրյա: Քանի-քա-
նի անգամ ան հազիվ զսպեց ինքզինքը խանութի մերկ պա-
տերուն մեջ շխելագարվելու համար, քանի-քանի անգամներ
դժվարավ ետ պահեց բռունցքները, որպեսզի ջարդու-
փշուր չընե իր վաճառատան ցուցափեղկին ապակիները:
Քանի-քանի անգամներ զսպեց ներքին անզուսպ պոռթկում
մը, գլուխը առնել երթալ, ո՛ւր, ինքն ալ չի գիտեր,
երթալ, երթալ հեռու մարդոցմեն, աշխարհեն: Ամիսներ էր
անցեր ու ձեռքը գրիչ չէր վերցուցած. ինչպե՛ս կարող էր

վերցնել, երբ օրվա դժոխսային հոգեվիճակեն ետք քավարանի մը տեսքն իսկ շուներ տունը:

Տան մեջ իր նկատմամբ, իր անճարակութեան նկատմամբ ցուցաբերված լուռ արհամարհանքը, մոր թաքցուցած արցունքոտ աչքերը, մանավանդ մոտալուտ վաղվան գորշութիւնը՝ խանութեն ու տունեն դուրս շարտվելու շոշափելի դարձած իրականութիւնը սկսեք էին խանդարել իր ջիղերը և իր երազին խառներ էին երկու սև աչքերու խոժոռ նայվածք, որը իր հորն էր, հորը աչքերը՝ անկայան, անգերեղման մնացած կմախքի մը սարսափեցնող գանկին: Խոռոչներեն զինքը դիտող: Որոշեց կողոպտել մեկը. վրեժը լուծելու համար իր կողոպտված կյանքին: Ու ծրագիրներն, մշակեց խանութի առանձնութեանը մեջ. բայց հարկ չմնաց ծայրագույնին դիմելու: Մնաց, որ այդ իր ամենախոշոր, ամենամեծ ողբերգութեանն էր ըլլալու: Չէ՞ որ ինք կարող չէր մըջլունի մը կյանքին սպառնալու, ուր մնաց իր նմանին:

Այո, հարկ չմնաց, որովհետև իր հետ միասին կատարվածին համար շմեր մնացեր էին շրջապատի խանութպաններն ու թաղը ամբողջ: «Գրատուն Բաֆֆին» դարձավ ո՛չ միայն իր շրջապատի, այլև քաղաքի լավագույն առևտուրն ընող հաստատութիւններեն մեկը: Հիմա, առավոտ կանուխ, տակավին ինք խանութ չհասած, կանգնած, իր ժամանման սպասող, հաճախորդներ կային. և փեղկին բացվելէն մինչև փակվելը գնումներու ընթացքը ընդհատում չէր ճանչնար գրեթէ: Վերցվեր էին, ավելի ճիշտ շորս— հինգ հարչուր ոսկիի վնասով ետ էին վերադարձվեր բոլոր խմիչքի երփներանգ շիշերը և բոլորին տեղը, նույնիսկ կրկնապատկված դարակներու շարքերուն վրա լեցվեր էին գիրքերը: Իսկական գրատուն: Վաճառված գիրքերը ոչ բուլվարային գրականութիւն էին, ոչ ալ սեռային սանձարձակութեան թեման որպէս փրկութիւն ընտրած հաստափոր վեպեր: «Գրատուն Բաֆֆին»-ն պայմանագրութիւն էր կնքած արարական ծանոթ հրատարակչական տան մը հետ և այդ հաստատութիւնը իր վերջերս ստանձնած սովետական գիրքերու ներկայացուցիչի հանգամանքը վստահած էր խաժակին: Հիմա վաճառվածը Չարենցի, Բակունցի, Պարոնյանի և մեր դասական գրողներու

բազմագույն և բազմերանգ հատորներն էին և մարդկային հոսքը դադար չուներ գրեթե: Շաբաթը մեկ անգամ երկու, կեսնյանի խանութին առջև կանգ կառներ պետական փոստի մեքենան և տասնյակ տոպրակներու մեջ լեցված հարյուրավոր գիրքեր ջրվեժի մը նման կհոսեին ներս, անկն ալ իրենց լույսը սփռելու համար սփյուռքահայ գրասեր մարդու հոգիին: Խաժակ կեսնյանի աստղը սկսավ փայլիլ, բայց հիմա կրկին ան շէր կարող գրել, օրվա հոգնությունը կսպառեր զայն, բարեկամներ և «հարազատներ» որքան ուզես և տակավին բոլորին բերնին մեջ ծամծամող իր գրողի հանգամանքը: Գաղթած էր վաղուց զրել և այդ իր գլխավոր տառապանքն էր. հիմա կար սակայն այդ տառապանքին բալասանը: Խաժակ կեսնյանը իր հարազատներու կարծիքին հակառակ առաջին անգամ ատեց նաև դրամը և զարմացավ, երբ նկատեց, թե կյանքի մեջ-կան նաև, թեև քիչերու տրված, բայց կան նաև... անըմբռնելի ատելություններ...

«Գրատուն Բաֆֆի»-ի հաղթանակի օրերը շունեցան երկար կյանք. իջավ նախանձի և կիրքի, քաղաքական կիրքի սև թաթը: Այդ կիրքը նաև երևան եկավ փոքր խափանարարական արարքներով, հետո ստացավ առավել մեծ բնույթ: Անձնական սպառնալիքներու, բուլիսային բամբասանքներու թափը փոխեց ուղղություն և հայրենասիրության անունով շարաշահության ելած մարդիկ սկսան հայ գիրքի և ամսաթերթերու սպառման դեմ տեղեկանքներ և ամբաստանագրեր տեղացնել պատկան իշխանություններուն: Խափանվեցավ վաճառքը «Սովետական Հայաստան» պատկերազարդ ամսագրին, «Գրական թերթ»-ին և օրաթերթերուն, տակավին սկսան արգելք դնել գրական որոշ գիրքերու վրա: Այդ բոլորը կը ձգտեին սարսափի առաջին սերմերը ցանել Խաժակ կեսնյանի հոգվույն մեջ, որպեսզի ձեռք քաշե գործն: Բայց պիտի ըսել առևտուրը այս ձևի, ստացավ ավելի հաճելի ընթացք. պայքարը ապրուստի համար դարձավ պայքար մը, որ ունեի հաճույքներու ամենագեղեցիկը. իմաստալից դարձնել ահա-սարակ առևտուրով սկսած իր «պարտությունը» կյանքն: Ու անձը լարեց իր ջիղերը դավերուն դեմ:

Առավոտ էր. կեցավ փոստի մեքենան և ըստ իր սովորութեան պարպեց իր համար տհաճ, բայց Լեոնյանի և իր հաճախորդներուն սիրելի բեռը: Օգոստոս ամիսն էր, լիբանանյան ամռան այն անտանելի օրերեն մեկը, երբ արևը շիկացած կուպրի մը նման կնստի սալահատակներուն և հագեցած օդը անզոր է ծծելու մարդկային աղի քրտինքը: Խաժակը փակեր էր դուռը և կքանդեր ծրարներն ու կդասավորեր զիրքերը: Բաֆֆու հատորներն էին: Կեսօր էր եղած և ինքը ուժաստատ էր արգեն:

Հարկ էր տուն երթալ և քիչ մը հանգստանալ: Հիշեց մանավանդ, որ տանը այդ օր առանձինն էր մայրը:

Հազիվ էր հասեր տուն և լվացվեր, երբ հնչեց դռան զանգը: Իր դրացի տարեց հայն էր:

— Պաշարեր են խանութը. վեց-յոթը ոստիկանական մեքենաներով և քեզ կփնտրեն...

— Ի՞նչ բանի համար:

— Չգիտեմ... — ու մեկնեցավ:

Մորը դեմքը սպիտակեր էր և ահագնած կզիտեր տղուն:

— Ոչինչ, մայրիկ, լեցուր ճաշը:

Զարկին դուռը. մարդկային հսկա շուքեր կային դռան առջև: Բացավ:

— Դո՛ւք եք Խաժակ Լեոնյանը:

— Այո՛:

Հրեցին կոպտաբար ու մտան ներս: Կարծես դիտմամբ ընտրված բազմություն մըն էր խոժոռ դեմքերու, թիկնեղ ու լայն ուսերու, հուժկու բազուկներու և... կապտած շրթունքներու: Ինքը կրցավ հաշվել տասներհինգը: Հետո թալան մըն էր կարծես: Բացին իր գրադարանը:

— Հը՛... Լենին:

— Արտոնված գրքեր են:

— Լո՛ւ, հայի կտոր, ո՛ւր են քու գրածներդ...

— Հոս են:

— Տո՛ւր:

— Բայց բոլորն ալ տպված են և արտոնված:

— Լո՛ւ՛ ըսինք:

Եվ Խաժակ Լեոնյանը հասկցավ ամեն ինչ, սկսավ

ծիծաղիլ... Խառնշտկեցին անկողինները, դուրս թափեցին բարձերու բուրդերը, խոհանոցի առարկաները ու տոպրակներու մեջ լեցուցին այն ամենը, ինչ որ գիր էր ու գրականություն:

Մայրը ուշաթափվեցավ...

— Երթա՛նք:

Ու գացին, թողած մայրը այդպես ուշաթափ տան քարերուն: Թաղը ոտքի էր, ավելի ճիշտ զգալի էր, որ ոտքի է, որովհետև Լեոնյան զգաց իր խանութը բացած առաջին օրվա գաղտագողի նայվածքներու շարանը և զգաց հեքը դիտողներուն: Տեսավ նույնիսկ գոհունակությունը բազմաթիվ ակնարկներու, որոնք շկային այդտեղ...

Խանութը ստացավ այն տեսարանը, ինչ որ տանն էր...

Բայց ինչ որ տարօրինակ էր, գտնվեցավ ծրար մը, որ շգիտես ինչու առավոտյան բերված ծրարներու մեջն էր իսկապես էր Լեոնյանի ուշադրությունեն...

Բացին և արգիլված... «Սովետական Հայաստան» ամսագրի տասը օրինակներ էին...

— Երթա՛նք:

Ու գացին:

Հետո կհիշե, թե ինչ-որ հսկա շենքի մը գետնահարկն էր, ուր մնաց առանց հարցուփորձի երկար, շատ երկար ժամանակ: Ինչ-որ մարդիկ կային այդ գետնահարկի խոնավ փոքր սենյակին մեջ, ուր շկար անհրաժեշտ պետքերու համար ո՛չ մի միջոցառում և ուր կային, սակայն, ուտիճներ, ուտիճներ... երկու մատի հաստությամբ: Հաճախ կտանեին իրենցմե մեկն ու մեկին ու տեղը կբերեին երկուսը, երեքը: Չկար նստելու տեղ նույնիսկ: Երբ զինքը հանեցին վեր, զարմանքով իմացավ, որ միայն հինգ օր էր անցեր ձերբակալության օրեն:

— Ի՛նչ կապ ունիս արարական այդ հաստատության հետ:

— Առևտրական:

— Տեսնենք վճարումներդ:

— Խանութին մեջն են տետրերս:

— Գացե՛ք ու բերե՛ք:

Ու որպեսզի երթան, նախ տարին այլ սենյակ մը ու ածիլեցին երեսը. հետո այդ հսկա ու հաղթանդամ մարդոցմե մեկուն հետ նստեցուցին ինքնաշարժ մը:

Խաժակ Լեոնյանը երբ հասավ իր վաճառատան առջև, հիշեց, որ մայրը այն օրը մնաց ուշաթափ տան քարե հատակին և հետո իրեն թվեցավ, թե այդ ամենը կատարվել էին ինչ-որ երազի մեջ: Բացավ փեղկը և տեսավ ավերակ կացությունը խանութին, զնաց քաշեց իր դարակը և վերցուց անհրաժեշտ վճարման թուղթերը...

Կրկին վերադարձան ետ. քննվեցան թուղթերը և առաջնորդեցին այլ սենյակ մը, ուր մայրն էր և իրեն անծանոթ մարդ մը:

Արտակարգորեն փոխվեր էր մայրը, նիհարացեր, դժգուներ ու կը դողար...

— Զավա՛կս...

— Լավ եմ, մայրիկ, շլաս, կխնդրեմ...

— Չէ՛, չէ՛, յավրուս, պետք եղածին չափ լացեր եմ, ա՛հ, կոտրեր ձեռքս ու այդ նամակը շղթեի. քու ինչ գործն էր այդ բոլորը... Թող հասարակ պաշտոնյա մը ըլլայիր որեէ տեղ...

Խաժակ Լեոնյանը իր մորը ներեց այդ խոսքերը, չէ՛ որ միայն մայրական սերն է անշահախնդիր, այդտեղ բացառաբար կործանարար ըլլալու աստիճան արժանապատվություն չի ճանչնար սերը... Բայց բան մը փլավ իր ներսիդին:

— Ո՛վ է այս մարդը:

— Իմ փաստարանն է. ան ազատեց քեզ:

Ու փաստարանն էր:

— Հուսամ կազատվիս հիմա, եթե համոզվին, որ միայն առևտրական կապերու համար ես մտեր այդ առևտուրին մեջ:

Համոզվեցան, բայց փաստարանն էր կրկին:

— Հիմա ալ կըսեն, թե ինչ-որ արգիլված ամսագրեր են գտեր խանութիդ մեջ ու դատի պիտի տան քեզ...

— Իսկ հիմա տուն կարո՞ղ եմ երթալ...

Գժբախտաբար, պիտի երթաս բանտ, բայց ես երաշխավորագին վճարելով կազատեմ քեզ...

— Ե՛րբ...

— Ամենաուշը մեկ ամիսեն:

Մեկ ամիսեն ելալ բանտեն երաշխավորագրով, իսկ նոր ամբաստանությունը ծիծաղելի, բայց վերջիվերջո իրականություն էր...

Նապաթիեի, այսինքն Իսրայելյան սահմանին մոտ՝ արաբական այդ գյուղին մեջ համայնավարական թուուցիկներ տարածել...

Ինք նապաթիեին ուր ըլլալն ալ շէր գիտեր, բայց ամբաստանված էր այսպես, որովհետև այդ գյուղը իսրայելյան սահմանին մոտ գինվորական գոտի էր...

Ինք կարգին, կամ առհասարակ արաբներն ալ շէր գիտեր, բայց պետք էր, որ գիտնար, որպեսզի համայնավարական թուուցիկներ ցրվեր և գինվորական խիստ պատժի ենթարկվեր:

Ծիծաղելի և ծիծաղելիեն անդին բաներ էին այդ բոլորը, բայց վճիռը կայացվեցավ... երեք տարի բանտարկություն:

— Իսկ հիմա ես ի՞նչ կարող եմ ընել...

— Ոչինչ առայժմ, կերթաւ բանտ, ես կաշխատիմ բարձրագույն ատյանին դիմել, այս խայտառակությունը ոստիկանության սարքած խաղն է և այդպես չի կարող շարունակվիլ... լեռան գլուխը շենք. վերջիվերջո պետություն և կառավարություն կա այս երկրին մեջ:

Ինք գնաց բանտ ու մինչև որ փաստեցին, թե այս երկրին մեջ պետություն և կառավարություն կա և բարձրագույն ատյան, որը վերջիվերջո կրնա ստուգել, թե խաժակ Լեոնյան կոչեցալ մարդը չի գիտեր նույնիսկ նապաթիեիին ուր ըլլալը, «Գրատուն Բաֆֆի»-ի տնտեսական հաշվեկշիռը դադարեցաւ գոյություն ունենալ և վաճառվեցան այն ամենը, ինչ կարող էր արդարության հետ շափվիլ:

Խաժակ Լեոնյանին վճիռը որոշվեցավ հետսկոչել և վերաքննել...

Փակ էր «Գրատունը», պարտքի տակ, մեծ տոկոսով վերցված հավելյալ գումարներու երեսն:

Վերաքննության շրջանին խաժակ Լեոնյանը կրկին ազատ արձակվեցավ երաշխավորագին վճարելով:

Արտոն խզեր էր իր կապերը: Ինքը կշարունակեր իր

առևտուրը, որը շուներ նախկին թափը, արարական այդ հաս-
տատությունը, որ կապ ունի կենսականի հետ առավել կենտրո-
նացել էր իր հրատարակչական տան վրա:

Ընդհանուր ներկայացուցչությունը ստանձնելը էր ոստի-
կանություն շատ մոտ անձնավորություն մը, որը գիտեր իր
առևտուրին կերպերը և փաստ, որ բոլոր արգիլյալ ամսա-
գրերն ու թերթերը արտոնված էին վերստին:

Խաժակ կենսանը մեղավոր նկատվեցավ արգիլյալ
«Սովետական Հայաստան» ամսագրեր վաճառելու համար
միայն և մեկ տարի բանտարկության դատապարտվեցավ՝
վճիռը իրագործելի՝ նման դեպքի մը կրկնման պարագային:
Գատարանեն վերադարձին Խաժակ կենսանը գնեց հրապա-
րակ հանված «Սովետական Հայաստան» ամսագրի նոր հա-
մարը և տխուր ժպիտ մը սահեցավ շրթներեն:

Այդ տխուր ժպիտի մասին հաճախ է խոհեր ինք, տխուր
այն ժպիտը, որ մնաց իր շրթներուն տարիներ ամբողջ,
տխուր այն ժպիտը «Սովետական Հայաստան» ամսագրին
համար: Ինքն էր վաճառողը այդ ամսագիրը և իջավ նախանձի
ու բաղաբական կրքի սև թափը. որովհետև ինք հայ էր և
ոստիկանությունը հայանուն մարդոց զրպարտագիրները
ունի իր ձեռքին:

Ինքն էր գնողը այդ ամսագիրը հիմա, բայց ծախողը
զորավոր մարդ է, արար, մեծ առևտրական, ուր անզոր է
հայանուն մարդու զրպարտագիրը. պետություն կա, կառա-
վարություն և բարձրագույն ատյան:

Առուծախի մեջ ոչ մեկ փոփոխություն. թերևս այդ առու-
ծախի փոփոխության համար հայ մարդը օգնեց մյուսին և
հիմա տես ամենաշատ այդ ամսագիրն է վաճառվողը:

Հուզան պետք ունի իր հայրենասիրության ապացույցը
հրապարակով պտտցնելու և «Սովետական Հայաստան»-ը
պատկերազարդ է, մեծադիր և գունավոր...

Իսկ հայրենասիրությունը... է՛հ, շարաշահել բառը,
շարաշահել կյանքեն իրապես պարտված գաղափարի
խանութպաններուն վերջին ապավենը... Խնդրե՛մ:

Խաժակ Լևոնյանի մայրը մահացավ սրտի կաթվածե...

Չփակեց իր խանութը, պարպված գիրքերուն տեղ դրավ կնոջական շրթունքի ներկեր, անուշահոտություններ և զանազան մանր ու թեթև առարկաներ, որը կտարածեր իր նման անգործության դատապարտված գրող տղա մը: Վերցուցեր էր նույնպես ապառիկ, այլևս վարժ էր շուկայի անցուղարձին: Կառններ այն բոլորը, որ հաստատություններ կվճտահեին իրեն: Գրենական պիտույքներ, մանկական խաղալիքներ, տեսակ մը բարձր ոճի փերեզակի խանութ դարձնելով «Գրատուն Բաֆֆի»-ն և կծախեր այն բոլոր գիրքերը, որոնք կվարանեին վերցնել այլ գրատուններ, քաղաքական վտանգ նախազգալով պարունակությունն: Ինքն ալ հրատարակեր էր նոր հատոր մը և կիրքով, լրիվ օրը փակված իր խանութին մեջ, կկարդար ու կգրեր համառելով զսպել բուռնցքներուն զողը և շարդել իր խանութի ցուցափեղկին ապակիները... Անօրյա ապրուստի հոգն էր զինքը գամողը իր նստարանին, բայց սիրտը դուրսն էր, ծովափին ու լեռներուն վրա էր իր սիրտը... Հաճախ հաճախորդ մը կխանդարեր իր մտորումները և երբ ինքը հակված կըլլար ընթերցումի մը սիրտը վերիվայրող փոթորիկին կամ պատմվածքի մը կամ հոգվածի մը հոգին տարուրերող ալեկոծումին, ներս կմտներ մանկամարդ կին մը...

— Ի՞նչ արժեն շրթունքի ներկերը...

Առանց զլուխն իսկ շարժելու, հակված գիրքին կամ գրած պատմվածքին վրա:

— Չունի՛նք,— կպատասխաներ ջղագրգիռ շեշտով մը:

— Բայց, պարոն, չէ՞ որ լեցուցեր եք ցուցափեղկը...

— Հա՛, ներողություն, շրթունքի նե՛րկ ըսիք:

— Այո՛,— կկմկմար մանկամարդուհին շվարած այս տարօրինակ առևտրական մարդուն արտակարգ աչքերու փայլին:

— Խնդրեմ, դուք ինքներդ վերցուցեք:

— Բայց արդյոք ունի՞ք կարմիրի թիվ երեքը:

Կարմիրի թիվ երեքը, գետնի տակն անցնեն այդ կարմիրի թիվ երեքը, որուն մասին ինքը գաղափար անգամ չունեն:

— Թիվ երեքը... ա՛հ, այո՛, դժբախտաբար սպառեցամ, տիկին:

Ու կինը դուրս կելլեր կրկնակի զարմացած, կհամենար ցուցափեղկին առջև և թերևս աչքովը, իր սեփական աչքովը հաստատելե ետք, թե ահագին կարմիրի թիվ երեքներ կային շարված այնտեղ, դանդաղ ու վարանոտ քալելով կվերադառնար դռան, անգամ մը ևս զննելու համար այդ տարօրինակ մարդուն կերպարը...

Իսկ մարդը, որուն սիրտը ծովափին էր և լեռներուն վրա էր սիրտը, կզայրանար ինքն իր վրա, որ եթե զո՛հը չգառնար զգացումներուն և զոհացնեն սա տիկնոջ փափազածը արգեն հացի մը, քիլո մը հացի դրամ շահած կըլլար այսօր:

Ու կնայեր ժամացույցին. կարծես ո՛չ թե սեփականատերը ըլլար այս խանութին, այլ շնչին ամսականով մը շահագործվող սլաշտոնյան, որ պիտի ժամ առաջ ուզեր վերջացնել աշխատանքը և ազատիլ սա շորս պատերու մարդս այլանդակող զորշուֆյունեն: Մինչդեռ գունագեղ էին միշտ պատերն ու դարակները և՛ առաստաղեն, և՛ ցուցափեղկերեն փայլող նեոնի լույսերը կրոցավառեին խանութը: Ըլլար ժամը յոթը ու փակեր սա բանտը. ժամը վեցն էր տակավին, բայց կար նպարավաճառին փրկարար շիշերը... զինի՛ր շիշերը:

Ու զինին կվերականգնեն իր ջիզերու անզորությունը: Հիմա կերևակայեր, որ պիտի ըլլար այն օրը, երբ պիտի իրականանար իր երազը ու ինքը պիտի երթար հայրենիք, պիտի տքվեր իրեն մոռնալ այդ բոլոր տեսակի շրթունքի ներկերուն համարներն ու համը՝ իր շրթներուն ու երբ բոցավառ երազներու հաճախանքեն զինով կրկին կուգար նստիլ նստարանին, վերցնելու համար խանութին կղպանքն ու բանալիները, ներս կմտներ բանվոր տղա մը, իր ափերուն ջերմ կոշտությունը զնկելով իրենինին մեջ:

— Ընկեր՝ Խաժակ, ձեր վերջին գիրքեն կուտա՞ք հատ մը...

Կողոպային ձեռքերը ու կշառագուններ ամբողջ մարմնով, երբ դարակներեն կվերցնեն հատ մը իր նոր ստեղծագործութենեն: Այդ դողին մեջ կար հպարտությունը իր հոգվույն ու երախտագիտությունը իր ձեռքերուն, որոնք գրիչը չէին լքած հակառակ ամեն տեսակի զրկանքներու, իսկ շառագունիլը մարմնին ու դեմքին իր հանգամանքեն էր առևտրականի, որը ստիպված էր իր գիրքը ինք ծախելու:

— Ի՞նչ արժե:

Երկու ոսկի էր գինը, բայց ինք գինով էր երջանկությամբ:

— Տվեք կեսը, մեկ ոսկի:

Կրնար ըսել մեկ ու կես և այդ պարագային գեթ չէր վնասեր ինք. բայց ըսած կգտնվեր մեկ. արդեն տալով կես ոսկի ալ վնասով: Այդ իր ներքին ստորակայությունը զգացումն էր, բողբոջական անհավասարակշռության տակ ինքնզինք փրկել ջանալը սա բանվորին առջև վաճառականի հանգամանքով հանդես գալեն:

Իսկ եթե մնար իր գիրքին վրա, իր իրավունքը եղող և ո՛չ մեկ շարաշահության հեռանկար ունեցող իր իսկ ստեղծագործության իսկական վաճառման գինին վրա, գեթ, այո՛, գեթ կես քիչ հացի մը դրամը տարած կըլլար տուն...

Իզուր երազ. երբ էր պատահեր, որ հեղինակի մը գրքին վաճառքը փակեր իր ծախսը: Է՞հ, թող սա հատավաճառությունն ալ տաներ իրմե մյուս կեսը:

Ու ամբողջ «փերեզակի» այդ խանութեն օրվա մեջ վաճառված իր իսկ գիրքին վնասով վաճառքեն զոհ, կելլեր դուրս Խաժակ և կիջնեն ծովափ: Եվ երբ կխորհեր, թե հիմա այդ բանվոր տղան իր օրվա հալումաշող աշխատանքեն ետք հակած է գլուխը իր՝ Խաժակ Լեոնյանի հոգվույն և կկարգար դաչն, այո՛, այդ մտածումն իսկ ուժ կուտար իր ջիղերուն: Չէ՞ որ նույնիսկ մեկ հատիկ ընթերցող հայու մը համար կարժեր այդ պայքարը. մնաց, որ անոնք մեկը չէին, տասն էին, հարյուրը, հազարը ու այդ արդեն կյանք էր: Տակավին անոնք հոն էին, հեռուն իր հայրենիքին մեջ. մեկով, հարյուրով և միլիոնով: Միլիոնով... ահա, ո՛ւր միլիոնները,

հոն պիտի ըլլար գրողին կայքը: Խաժակ Լեոնյանի աչքերը միջերկրականյան կապուլտին էին, այդ կապուլտին, լազվարթ տեսք ստացած գիշերային երանգին մեջ խառնված էին մութ զվարճավայրերեն ցուացող լույսերը, խաղավայրերու և պոռնիկատներու երկներանգ սովերները. չէ՞, այդ կապուլտին մեջ իր սիրտը շէր կարող լող գալ, իր աչքերը կարոտ էին բարձունքներու, Խաժակ Լեոնյանի սիրտը լեռներու վրա էր և լեռներեն ալ վեր: Արարատի տարագիր հարազատն էր ինք, իսկ հոս շկար Արարատ: Ծառ-շատ Արարատի ձյունասպիտակ գագաթի կրկնացուցումն էր այս Հարգագողի ճանապարհը միջերկրականյան կապուտակ ու բազմամիլիոն աստղերով պլպլան երկնակամարին վրա... Խաժակ Լեոնյանը աչքերը բարձրացուց վեր աստղերուն և այդ աստղերուն մեջ տեսավ իր հոր ու մոր պատկանողը, որոնք իրեն այնպես թվեցան, թե ներողամտաբար կնայեին իրեն: Այդ աստղերը ինկան իր աչքերուն մեջ ու փոխվեցան արցունքի...

Անցորդները շտեպան իր աչքերուն փայլը...

Խաժակ Լեոնյանը այդ գիշեր տան դուռը բացող իր կնոջ հացի տեղ աստղեր տարավ երկինքեն...

— Գրամը, մանչս, երջանկովյուն շի բերեր, ձեռքի կեղտ է հասկցա՞ր:

Իսկ աստղե՞րը...

Աստղերը... ա՛հ, կոտուցող կրակ սրտին վրա, կոկորզի մեջ զսպված կանչ խելագարի, ա՛հ, ինչ կըլլար աստղերը դառնային թող տաք-տաք հացի բուլբ, թող դառնային պանիր, կարագ, թող դառնային մեկ-մեկ սանդվիչ ու թող ինք ծախեր անոնք հատը քսանհինգական դրուշի. տես ա՛յ ըսեմ, ինչ արժե՞ հացը՝ ձրի աստղ. քսելիք կարագդ, ձրի աստղ, գնելիք պանիրդ ձրի աստղ, քանիի՞ կծախեն, հատը ուղիղ քսանհինգի, այսինքն տղաս, մաքուր շահ բուլբը, մաքուր ուր, հասկցա՞ր:

Ա՛հ, թե ըլլար այդպես, ո՞վ կարող էր խոսք ըսել Խաժակ Լեոնյանին, չէ՞ որ այն ատեն Խաժակ Լեոնյանը կըլլար էֆենդի, կըլլար ազգային գործիչ, հայրենասեր մարդ, այսինքն... կարգին մարդ, հոգ չէ, թե աստղերը հատենին իր սրտին, հոգ չէ աչքերուն մեջ, աշխարհի վրա ապրող մարդոջ

բազմություններուն նման ըլլային մեկական քսանհինգանոցներ, աշխարհը դիտեր դրամի ցուրտ բիբերով ու թող տաներ այն ատեն սեր, եթէ կարենար, չէ՞. թող այդ գիշեր տան դուր բացող իր կնոջ աստղերու տեղ հաց տաներ ինք. ա՛խ, թող ըլլար տոպրակ մը հաց ոսկիի շինված, այո՛, ոսկիի շինված, զարներ կոնակին. կանգներ ու թե եկավ Արտոն:

— Ա՛ն,— ըսեր անոր,— ա՛ն, խոզին մեկը, կշտացիր, կեր, աստղերեն ես ոսկի եմ քամեր, ա՛ն կեր ու կշտացիր...

Քե եկավ իր ծանոթ խանութպաններեն մեկը. հոգ չէ, թե ան ըլլար խանութպանը գաղափարի թե որեւէ այլ բանի. ըսեր.

— Առե՛ք, կերե՛ք, աստղերը ծախեր, ոսկի եմ շիներ, առե՛ք... ու հանգիստ թողե՛ք հանգիստ ինքս ինձ հետ:

Առե՛ք ու կշտացե՛ք. ու թող տար չուրաքանչուրին մեկ-մեկ ոսկիի հաց, թող ուտին, հագենային, թող ուտին, թող ուտին, ուտենե՛ին:

Բայց այդ մարդիկ թողեին թող հաժակին. աչքերուն մեջ աստղեր, ձեռնունայն տուն գալ ու իր պարպալ, իր դատարկ ափերով սեղմել իր սերը կրծքին, բայց... անցորդները շտասան իր աչքերուն փայլը...

Խաճակ կոնյանը այդ գիշեր տան դուր բացող իր կնոջ հացի տեղ աստղեր բերավ երկինքեն...

7

Հացի տեղ աստղե՛ր...

Այս վիպակը ուշացած հատուցում մըն է ամերված հոր մը շիրիմին և օտարության ցուրտ հողի տակ անտեր թաղված մոր մը հողակույտին հանդեսը: Տակավին այս վիպակը վրեժի կանչ մըն է արգար, անթև մանկության մը հաշորդող անխարիսխ պատանության մը և իզուր վատնված և անհետ կորած երիտասարդության մը ամենագեղեցիկ տարիներուն համար: Վերջապես այս վիպակին կոնյան Խաճակը այլ մեկը չէ, եթե ոչ ինքը՝ հեղինակը, որի համար օտար մայրերուն վրա ինկող արևը իր ուսերուն իջած էր կուպրի մը այրող ու խանձող թեթությամբն ու կաշտունությամբը. և

ատկե, թերևս, որ մինչև այժմ ալ ան ավելի է կապւած աստղերուն և աշնանային դալկութեան, քանի տակաւին արևը աշխարհի մեջ ապրող բոլոր մարդկանց շէ որ կջերմացնեն նույն շափով և շէ՛, որ ան այդ նույն արևը այնտեղ շփոթահար կջանա իր անփութ ջրւած ոսկեթել վարսերով ծածկել իրենց առօրյան գորշ սեղաններու առջև խեղդել աշխատող տղոց, այդ նույն սեղաններուն դրած արցունքը խաղողի ողկույզներուն և այդ բոլորը իր իսկ քնքշութեամբ հասունացնելե ետք այդ ողկույզները: Թող այս վիպակը ըլլա նաև ձոնւած սերունդի մը, որ քայքայեց ինքզինքը աստղերուն հասնելու անկարելի երազով, որ ծնած էր գրող, եղավ խանութպան, բանաստեղծ էր ծնած, բայց կյանքն ստիպեց, որ իր առօրյան մաշեցնեն մութ ու խոնավ առևտրական հիմնարկներու ստորացնող սլայմաններուն տակ:

8

Խաժակ կտոնյանի աչքերուն մեջ մարդիկ աստղեր տեսան Երևանի մեջ՝ աչքեր, աստղերու փայլով մշուշւած...»

Արևը վարագուրվեց արևմուտքում, շղարշվեցին մղկիթների գմբեթները, աշնանային մեղմ անձրևը կարծես միլիոնավոր ասեղներով սկսեց ծակոտել ծովի հայելանման մակերեսը: Նավի ցուղիին, ուր կանգնել էի, դատարկվեցին նըստարանները, մարդիկ հապճեպով ներս փախան, մնացի մենակ:

Անթարթ նայում էի մոտեցող քաղաքին, քաղաք՝ ուր ապրում էին միլիոնավեց մարդեր, իսկ ես, ինքս ինձ, մարդկային այդ բաղմուխյան մեջ, սաստիկ առանձին էի զգում: Ուղեցի սիգարեթ վառել, շհաջողվեց: Անվարժ էի, նոր էի փորձեր անում ծխելու և... սիրահարվելու:

Քեպետ այն օրերին յուրաքանչյուր աղջիկ, մանավանդ երբ դալկադեմ էր լինում, թվում էր իդեալային, յուրաքանչյուր շենք գիշերները, պլպլացող լույսերի տակ ինչ-որ երազի դղչակ, բայց դարձյալ, հակառակ այդ բոլորին, առավել մենակ էի աշխարհում, մենակ և սիրահարված, թե ո՞ւմ՝ շգիտեի:

Քերև աշխարհն էի սիրում, մարդկանց, թռչուններին, ծովերն ու լեռները, համենայն դեպս ոչ կոնկրետ բան, և այդ պիտի լինի պատճառը՝ պայթում էր սիրտս: Պայթում էր սիրո տանջող անորոշութունից և բեռնվածութունից:

Մի տաս-տասնհինգ բոպե հետո նավը կանգ էր առնելու նավամատույցում, և ես խառնվելու էի հաղարավոր մարդ-

կանց հոսքին, գնալու էի մեթրո: Այն օրերին Իսթամբուլի մեթրոն նույնպես ինձ թվում էր տարօրինակ բախտավորութուն, իր՝ թերևս աշխարհում գոյութուն ունեցող մեթրոների ամենակարճ և նախնական երկաթգծով և սարքվածքով: Աշխարհի մասին գաղափար չունեի, թե չէ, կարելի՞ էր միթե սիրել բոլոր մարդկանց, նույնիսկ ասենք՝ թաշուններին...

Եվ հիմա, ոչինչ, մտածում էի սաստկացող անձրևի տակ արդեն լրիվ թրջված, քիչ հեռո կլինեմ կինոների մուտքի մոտ, կգիտեմ սիրահար զույգերը, կնախանձեմ, կբայլեմ և կանգ կառնեմ վաճառատուների ցուցափեղկերի առաջ, շքեղ ու ճոխ զվեստներ կընտրեմ իմ ապագա սիրածի համար: Ի՞նչ անել, որ ոչ սիրած ունեմ և ոչ էլ շքեղ իրեր գնելու: փող...:

Երազը չէ՞ որ ձրի էր այն օրերին էլ...

Հեռո կընկնի մութը, երևի անձրևի տակ կբայլեմ փողոցներով անփուլթ ու անտարբեր և կնայեմ պատուհաններին: Լույսեր կվառվեն, և կհանդես ուրիշները, ես լաց լինելու չափ երջանիկ, ծիծաղելի լինելու չափ դժբախտ կզգամ ինձ:

Հիմար, — մտածում էի հեռո, — կլինի՞ կյանքում մեկը, որ անձրևի տակ հաճույք կզգա քեզ հեռ ման գալով, կպրկվի՞ սիրաբ ծովի կարոտով և հիմարութուններ որոճալով երջանիկ կզգա՞ ինքն իրեն: Կլինի՞ երբեք այգպիսի մեկը և մարդիկ շե՞ն խաթարի այդ երջանկութունը, շե՞ն ասի, — խելաոի մեկն է, — դրամի այս դարուն, շե՞ն ծիծաղի բո վրա...

Մտվն էր, որ փոթորկվեց ցավից, հյուսիսից մրսեցնող բամի էր փշում, ի՞նչ կլինի վերցնի նավն և իր փրփրալի բաշերի վրա տանի հեռո՞ւ, հեռո՞ւ աշխարհներ: Ինձ թվում էր, որ հեռու աշխարհներում ամեն ինչ հեշտ կլինի, կլինի արև, կլինեն մարդկանցից՝ լավերը, թաշուններից՝ ծիծեռնակները, ծովերից՝ աչք առնող կապույտովը, լեռների մեջ՝ մայրիներով, կանաչով և բարդիներով ծածկվածները... Ի՞նչ իմանալի, որ բուերին հարկ էր ճանաչել, հրաբուխները տեսնել, խելառ օվկիանոսները, բանսարկու, զոհհիկ և ստոր մարդկանց ծանոթանալ էր հարկ, գնահատելու համար երջանկութունը:

Հասարակ, ամենից դյուրին և ամեն բանից զժլար
երջանկությունը...

է՛հ, պատանի էի, երիտասարդության հազիվ սեմին՝ էն
օրերին:

Գարձա ետև, և ի՛նչ, հնձանից մի տաս քալի վրա, գա-
տարկ նստարաններին նստել է մի աղջիկ, հավանաբար
սկզբից այդտեղ էր եղել, ածխանման երկար վարսերի կրակը
հանդել էր անձրևաչրից, կպել էր քունքերին և հետաքրքիր ու
հարցական նայում էր ինձ:

— Քրջվել եք լրիվ,— ասում եմ ես և զարմանում իմ
անիմաստ խոսքերի, բայց մանավանդ հանդգնության վրա...
առաջին անգամն է կյանքումս դիմում եմ անձանոթ և ին-
ձանից տարիքով մեծ աղջկա:

Իր հույն լինելը մատնող թրքերենով և զրնգուն ծիծա-
ղով ձեռ է առնում ինձ:

— Իսկ շատ զարմանալի, դուր...,— ասում է,— Ձեր
վրա ոչ մի հետք անձրևից չկա, ո՛ր էիք թաքնվել...

Միամտությունս է բռնում:

— Ձեր տեսել,— պատասխանում եմ,— այստեղ էի,
ձեր առաջ, հազիվ տասը քալի վրա:

Ձարմացած կկոցում է աչքերը:

— Ի՛նչ եք ասում,— շարունակում է,— իսկպե՛ս, և
ինչո՞ւ համար, խելագարիկ...

— Որովհետև սիրում եմ ծովը և թրջվել անձրևից...,—
ամոթահար ասում եմ ես:

Խնդում է լիահագագ, և ասել, որ խնդալու ոչ մի բան
չկա: Ծիծաղում եմ ես էլ, և կարծում եմ, որ այդ բուրբ
տեղի են ունենում երազում:

— Աշնանային առաջին անձրևն է,— հանգստացնում է
ինձ,— բախտաբեր է, ոնց որ ոսկի լինի, ես նույնպես սաս-
տիկ, սաստիկ սիրում եմ թրջվել անձրևից: Գիտե՛ք դաշ-
տերում, հողի վրա, անձրևի պահին և մանավանդ դազարե-
լուց հետո զորավոր ես զգում ծառերի ու ծաղիկների, խո-
տերի, և հողի բույրը, իսկ այստեղ ծովում, ես մեկ-մեկ
յուրաքանչյուր ձուկի առանձին համն եմ զգում նույնիսկ...

Ես զարմանք հայտնեցի:

— Հապա ի՞նչ կարծեցիր, ասում է,— հապա ի՞նչ կարծեցիր, խելագարիկ: Նստեք, նստեք, շե՛ք նստի մոտս...

— Նստե՛լ, ինչո՞ւ չէ, կնստեմ:— Բայց դողում եմ ամբողջ մարմնով և դա ցրտից չէ, ոչ էլ անձրևից:

Ուզում եմ մտածել ասածների անհեթեթուության վրա, ծիծաղել իմ կարգին, թե ձուկերը, լինելով արդեն իսկ ծովի մեջ, ինչպե՞ս են լվացվում անձրևի ջրով, ինչպե՞ս են մաքրվում, բայց լուծում եմ այդ մասին և.

— Որտեղի՞ց եք գալիս,— հարց եմ տալիս:

Կապույտ, մուգ կապույտ աչքերը հառում է աչքերիս, ևս նրա աչքերի մեջ ամպի ծվեններ եմ տեսնում, կարծես ինչոր ուրիշ աշխարհներ են բացվել իմ դեմ, ամպի ծվեններ, որտեղ թաքնված արևի այրող ջերմութունը կա: Ինձ թվում է այնպես, որ իսկապես նավը վաղուց բարձրացել է ծովի ալեկոծ բաշերի վրա ու ինձ հասցրել հեռու աշխարհներ: Կարելի՞ է միթե, որ մի պահում ամեն ինչ հստակ դառնա մարդու համար: Կարելի՞ է միթե, որ մի բուպեում, սրտիցդ ընկնի անորոշության քողն ու ամբողջ բեռնվածութունդ... բայց նա պատասխանել է արդեն:

— Բուրկադից.

Բուրկադը հունական կղզի է, իշխանաց կղզիների մեջ, երազի և սիրո, հունական երգերի և փոթորիկուն կրքերի կղզի: Ես թեպետ շատ եմ ջահել, բայց զգում եմ, որ երբ անձրև է գալիս Բուրկադում և դադարում, զույգեր կոխտալով մայրիկի թափված շյուղերի վրա անհետանում են թփերի ու ծառերի մեջ: Անձրևից հետո ծագող արևի տակ ինչ-որ տեսանելի գոլորշի է բարձրանում ծառերի գագաթներից: Սրճարաններում մնացող հույն բալիբարյանները՝ կիթառի վրա նվագում են սիրո մերժված կարոտից ծնած տառապանքի բաղդրութունը և նա... գալիս է Բուրկադից:

Կանաչ, ծաղկավոր զգեստ է հագել, ամեն ինչ պարզ ու զրավիչ է իր վրա, կարծես մի փոքր, վաչրի հոտավետ ծաղիկներով ծանրաբեռ պուրակ լինի, որ վաղուց կարոտել է ջրի և հիմա այնպես հագեցնալով անձրևից գունավառվել է:

¹ Լոթի տղաք (հունարեն):

Նայում եմ դեմքին, շրթները՝ վրան ջրի ցիրուցան կաթիլնե-
րով, շաքարի մեջ թաթախված ելակ լինեն կարծես, սպիտակ
թե սրճագույն բծեր կան այտերին, աչքերի վրա շուք անող
արտանանունքներ ունի, որոնք մեխերի նման խրվում են
սրտիս: Իսկ իմ ասիերը, սպանիր ինձ, մայրիկ, ինչ-որ
այրվում են անհայտ ու անորոշ կարոտից և իմ կամքից,
անկախ փնտրում են և գտնում նրանը: Նա հանգիստ, լուրջ,
մի նեբքին անիմանալի անձնատվություն մը իր ասիը թողնում
է իմինի մեջ:

— Շատ եք ջահել,—ասում է,— որտեղի՞ց կյանքի
այսքան սեր ձեր մեջ...

Այն օրերին շգիտեի, բայց այժմ լավ եմ իմանում, և
բոլորը չէ, որ գիտեն այդ մասին: Խոսքեր կան, որ շգիտի
ասվեն նրբեէ, պետք չէ ասվեն. ես զգում էի այդ, քաշեցի
ափս և մատներս տարի աչքերիս: Նայում է մի վեհացնող
թախիժով, իսկ ես շեմ խոնարհում նրանք, գիտեմ, որ լաց
եմ լինում, բայց շեմ ամաչում, շեմ ամաչում, որովհետև
վիրավորված եմ և նոր եմ դուրս գալիս պատանությունից,
թող իմանա, որ իմ սիրտը հեռո՞ւ, հեռո՞ւ աշխարհներում է...

— Ելնե՛նք,—ասում է ինք ու կանգնում ոտքի:

Զգիտեմ ինչքան տեկց այդ ամենը, բայց ես նոր եմ
նկատում, որ վերևից ժպտուն և բազմանշանակ, հայրական
հասկացող հայացքով մեզ դիտող թուրք նավապետը աջ
ձեռքը ինչ-որ բարձրացրել և բռնել է մի կաշեփոկից...
սուլում է նավի շշակը: Հասել ենք արգեն:

— Զգիտեմ հարկ կա՞ր այդքան հնչեցնելու նավի սու-
լոցը, շգիտեմ, բայց ես արդեն լավ եմ զգում ինձ: Տարօրի-
նակ է թերևս, անցել են տարիներ, մոտ քառորդ դար, և ինձ
այժմ շատ են հուզում նավերի սուլոցները, հակառակ նրա
պարզեած երբեմնի խոր ու կազդուրիչ սուլավորությանը: Եվ
այդ պիտի լիներ պատճառը, որ ես հարցրի համարձակու-
թյամբ.

— Ինչպե՞ս է ձեր անունը:

— Ինչը կիտխի. և դա ոչինչ է նշանակում, խելա-
գարի՛կ,— ծիծաղում է դարձյալ և ձեռքը ուրախ թափահա-
րում օդում: Քարափում լիբը մարդիկ են, նայում եմ,

երկաթյա վանդակորմի ետին, դեպի կղզիները կրկին ճանապարհ գնալու պատրաստվող նավի հաճախորդներին հատկացված բաժնում՝ երիտասարդ մի տղա է, բարձրահասակ, թուխ, որ ժպտում է և մարդկանց հրելով անհանգիստ ետ ու առաջ գնում գալիս: Նա մեկնելիս նույնիսկ մոռացավ ինձ, վաղեց ընդառաջ և հաղիվ տոմսը հանձնած ստուգող պաշտոնյային, փարվեց տղային:

Նա մեկնելիս նույնիսկ մնաս բարով շասաց ինձ:

Տեսնում եմ նրանց, հիմա ինձանից բավականին հեռու, երջանիկ ու մոռացած աշխարհը ու մարդկանց քաջլուս էն երկուսով:

Ես նստում եմ մեթրոն և ուզում եմ, ուզում եմ, որ մութի մեջ խրված կառաշարները դուրս չգան այնտեղից և գնա՞ն... գնա՞ն ինչքան կարելի է...

Հիմա այդ երկարահասակ, թուխ տղան նրան կինս կտանի և երբ մարվեն լույսերը իր այրող շրթերի վրա կղզաշարարի մեջ թաթախված ելակի համը...

Իմ ափը սակայն այրվում է մի անբանաձևելի, անդիմադրելի կարտտից:

Անցնում են տարիներ, մոռացվում են շատ բաներ ու մեկ էլ հանկարծ անձրև, և մեկ էլ հանկարծ երիտասարդ մի աղջիկ, որի ածխանման մազերը կպել են քունքերին... Գրանըված տեղդ էլ անպատեհ, ավտորուսում՝ լիքը մարդիկ, նստել է քեզանից մի քիչ հեռու, և չգիտես ինչու նայում ես ու ուզում ես հիշել մի բան, մի լավ ու գեղեցիկ բան: Մարդիկ հրում, հրմշտիում են քեզ, իսկ դու լինելով հանդերձ ավտորուսի մեջ, արդեն բացակա ես: Անթարթ աչքերդ մեխվել են նրան, շես էլ զգում, որ անհարմար է, շես էլ նկատում: Միայն գիտես, որ նրա դեմքի սրճադույն բծերը, նրա երիտասարդ բերնի ալիքավորված շրթների ալ գույնը ինչ-որ պտուղի է նման և չգիտես որտեղից, «գատարկվում» է ավտորուսը, ուռնգերիդ գալիս է հեռու ծովերի և լեռների բույրը... դրսում անձրև է: Զգում ես, որ լավն է աշխարհը, մարդիկ, բոլոր ծանոթներն ու անծանոթները. լինեն նրանք ծովերում թե լեռների վրա, դաշտերում թե հանգերում և

ափերդ այրվում են... այո, քառորդ դար առաջ էր, առաջինը
կյանքում, ո՛չ շրթերիդ վրա հետք ունես նրանից, ո՛չ էլ
մարմնիդ վրա իր մարմնի ջերմութունն ես զգացել. բայց
հիմա արդեն գիտես, որ նա տվել է քեզ ավելին, անձնա-
տվութունների ամենաթանկը: Չէ՞ որ նա հանդիստ, լուրջ
ու լուռ, առանց ճանաչելու քեզ, անիմանալի մի վստահու-
թյամբ աչիւր գրեց բոնի մեջ և զգաց քո սիրտը, հավատաց,
որ դու և՛ սիրում ես և հավատում կյանքին...

Երջանի՞կ է արդյոք նա, չգիտեմ, բայց ուզում եմ, որ
հիմա երջանիկ, անսպասան երջանիկ լինի սա, որ դեմս է
նստել և նայում է ինձ. բայց կարո՞ղ է հասկանալ միթե այս
ջահել աղջիկը, թե ինչո՞ւ եմ իրեն նայում այդպես, զո՞ւմ
է միթե իմ նայվածքի խորքը... Իսկ եթե ոչ... չէ՞ որ դեռես
շատ, շատ է ջահել նա, և ահա վեր կացավ տեղից, ես
հայացքս փախցրի արդեն, բայց ուսիս վրա հանգչել է արիւր
և մի լեզվով, որ իմ ականջին այնքան հարադատ է հնչում,
աչքերի մեջ որդիական գուրգուրանք.

— Հայրիկ, — ասում է, — եկե՛ք նստեք իմ տեղը...

ԲՈՒՐԴՈՅԻ ՏՂԱՆ

Գևազի՛ն

Արտասահմանի մեջ Բուրդոյի տղան իմ ընկերն էր: Անշուշտ, ես զինք չէի ճանչնար այդպիսին. հոն իր անունը Սարիկ Արարյան էր: Գրող տղա, որուն հայրը, գիտեի, որ սասունցի էր, փոսպան ու վաղուց մահացած: Հպարտ, ազնիվ ու լռակյաց տղա մըն էր, չէի այցելած իրենց տունը, բայց գիտեի, որ մայր, եղբայրներ և քույր ուներ: Քաղաքներու մեջ մարդիկ այնքան ալ չեն հետաքրքրվի մանրամասնութուններով: Մենք իրարու հետ լավ ընկերներ էինք, ու այդքան: Ես եկա հայրենիք վերջնականապես, ու Սարիկը մնաց հեռու: Մեկ հատ նամակ գրեցի իրեն ու ստացա պատասխանը:

Անցյալները մեր տան հեռախոսը հնչեց.

— Ո՞վ է խոսողը:

— Հասկցիր նայիմ ո՞վ է:

— Կատակելու և հանելուկներ լուծելու տրամադրություն չունիմ,— սաստեցի տհաճ ձայնով մը:

— Ես Սարիկն եմ:

— Ես Սարիկ չեմ ճանաչում,— շարունակեցի՛ նույն խոսությամբ:

— Սարիկ Արարյանը...

— Վա՛յ, տունդ չքանդվի, ո՞րիկ ե ուր, տղա:

— Տուրիստ եմ տասը օրով, Արմենիա հյուրանոցն եմ, թիվ 725:

Շարունակութիւնը գիտեք բոլորդ, որովհետեւ հայ եք ու հայ մարդը, մանավանդ Երևանի մեջ ապրողը, գիտե, թե ինչպե՞ս կհանդիպին Արմենիա հյուրանոցի մուտքին կամ սրճարանում նման զանգ ստացողները: Բայց ես հիմա արտակարգորեն կհուզվիմ, երբ լսեմ, թե զիս փնտրողներ կան և այս վերջերս հաճախ կուզան ընկերներ, և ես իմ անցյալես վրեժ լուծելու կիրքով մը կվազեմ ու կհյուրասիրեմ զիրենք: Որովհետեւ յուրաքանչյուր՝ այդպիսի հանդիպում ինձի համար փնզամ մը ես փաստ է, թե՛ ես վերջնականապէս հոս եմ, թե տանտեր եմ այլևս, երևանցի եմ մեկ խոսքով:

Հետո, ինձի համար մեծ հաճույք է խոսիլ ընկերներու հետ պողոտաներու, փողոցներու, հիմնարկներու անուններով՝ որպէս հին, շատ հին երևանցի: Վերադառնանք ընկերոջս:

— Հարկ է լուր տանք մերոնց,— ըսավ Սարիկ, երբ երկուտեք սպառեցան նախնական մեր հետաքրքրութիւնները:

— Ո՞ւմ:

— Հորեղբորս ընտանիքին:

— Ի՞նչ ես ասում, ուրեմն բարեկամնե՞ր ունես հայրենիքում:

— Այո՛, — ըսավ,— հարկ է տեսնեմ Անդրոյին, Տոնոյին, քեռի Օհանին, հորքուր եսննին, Գալոյին, էկո բիճային, Սեպուհին, Մկրեին, Իսոյին, Դավթի տղոց, Սասունին, Աննամանին...

— Ա՛յ տղա, — ընդհատեցի,— այս որբա՞ն բարեկամ:

— Գլուզ մը ամբողջ, սակայն ես շեմ ճանչնար և ոչ մեկը...

— Հապա այդ շարածդ անունները...

— Կսեր եմ հորմես:

Ինչ ինչպե՞ս է կոչվում այդ գլուզը:

— Թալինի շրջանի մեջ, Շղարշիկ գլուզ:

— Կերթանք վաղը:

Ու մենք գացինք: Բայց նախքան երթալը, երբ ես հասա Արմենիա հյուրանոցի առջև, տեսա, թե ինչպէս գլուզացիներ շրջապատել են զիրքը:

— Մանոթացիք, հորեղբորս տղան է, Անդրոն և իր բնկերները:

— Արդե՛ն...

— Լսեր է երեկ, սասունցիները գանգ են տվեր և ինք վազեր, եկեր է:

Մանոթացանք:

— Գուք էլ գալիս եք, չէ՛...

— Եթե ծանրություն չի լինի...

— Ի՞նչ ես ասում, այ բալա, մենք սասունցի ենք հե՛ն...

Ես առհասարակ հայրենակցական նեղ ապրումներ չունիմ: Քաղաքի մեջ մեծացած տղա եմ, և ինձի տարօրինակ կթվին նման մոտեցումները: Ծիշտ է, ինչպես ըսի, քաղաքի տղա եմ, բայց կսիրեմ գյուղը, կսիրեմ բուն ու անբացատրելի սիրով. թե ի՞նչ բանը կսիրեմ, հստակ չեմ կարող ըսել. կսիրեմ, օրինակ, աթարի հոտը, կսիրեմ լիաթոք շնչել զոմեբու բարկ օդը, կսիրեմ գյուղական ծուռումուռ փողոցները, գյուղական լավաշն ու պանիրը, տակավին՝ օջախը գյուղական տան... Հետո, հետո՝ գյուղացիական ջերմ հյուրասիրությունը, գեղջուկ մարզու անկեղծությունը, գեղջիուհու ամոթխածությունը, մանավանդ մեր հայ գյուղացու անցյալի և ներկայի կյանքի մասին զրույցները և... իմաստությունը: Հայրս չեմ ճանչցած, բայց մայրս, իր ողջության, որքան կհիշեմ, շատ էր պատմած իրենց գյուղի մասին, սիրտս ինչ-որ թելով կապված է այդ բոլորին, հետո, շատ հաճելի է լսել, թե՛

— Մեր գյուղը ուրի՛շ էր...

Յուրաքանչյուր գյուղացու գյուղն ուրիշ է... ամենալավը, ոչինչ, չէ՛ որ բոլորն էլ են լավ:

Բայց զիս խրտչեցնողը գյուղացի չըլլալս է. օրինակ, կարող են հարց տալ անուն ազգանուն և ցավ է ինձի համար, որ ես չեմ կարող ըսել, թե՛ օրինակ, ես այսինչ գյուղի, այսինչ տան՝ Համոյի կամ Լևոնի որդի Գեղոն եմ: Ստիպված ճշմարիտ անունս կուտամ՝ Գեղամ Սևան: Ու նկատեք եմ, որ կնային տարօրինակ հայացքով մը.

— էդ ի՞նչ հայկական անուն է...

էհ, հիմա ելիր ու բացատրե, թե՛ Սևանը մեր կապույտ

Սեանն է հայրենի, Գեղամը՝ Գեղամա լեռներն են, անշուշտ
իրենք ալ գիտեն, թե այդ այդպես է, բայց...

— Ոնց որ շինական անուն լինի... Երկու անուն բով
բովի, ինչո՞ւ «յան» չկա վերջում:

Ու իրավամբ կստացվի այնպես, որ տեղ մը ազգանունս
կգրեն Գեղամ, տեղ մը անունս: Տակավին ավելի տարօրի-
նակը կա, զարմանալին. ես շեմ գիտեր, թե հայրս ո՞րտեղացի
էր և անգամ մը շեմ գիտեր ինչո՞ւ, ըսեր եմ՝ «արաբկիրցի»
ու այնպես ալ գացեր է: Թե ինչո՞ւ «Արաբկիր» շիտակն ըսած,
չեմ գիտեր. հավանաբար, այդ օրերուն Արաբկիրի մասին
լավ բաներ լսած էի: Մնաց, որ հիմա, գիտվածով Երևանի մեջ
կրնակիմ Արաբկիրի շրջանը: Այլևս ես ալ կհավատամ, որ
հայրս... արաբկիրցի է եղեր:

Այնպես որ, երբ սասունցիներեն մին գիմեց Սարիկին ու՝
է՛հ՝ Բուրգոյի տղա, Սարո ջան,— ըսավ, ես մեղմ ձայնով
մը հարցուցի ընկերոջս:

— Ո՞վ է Բուրգոյի տղան:

— Ե՛ս եմ,— պատասխանեց Սարիկը զգալի հուզմամբ
և հպարտութեամբ մը: Ես խեղճացա ուղղակի, առանձնու-
թյունս ավելի շեշտվեցավ կարծես. ոչինչ, ես կըլլամ՝

— Բուրգոյի տղուն ընկերը:

Հետո թե՛

— Հիմի կերթընք մըր երկիր:

«Մըր երկիր», ա՛ն քեզ բան. կարծես ինչ-որ սահման-
ներ պիտի անցնենք, ինչ-որ երթանք՝ հեռու, հեռու...

Ընդամենը մեկուկես ժամ տեեց ճամփան: Արագածի
լանջերուն, բարձրացանք վեր, 1800 մետրի վրա և ահա՝
Շղարշիկը:

Իննսուն տնտեսություն ունեցող, վեց հարյուր շունչով՝
հայացքը Արարատին զամված գյուղ մըն է ան, ավելի
ճիշտը՝ Սասնա ծուռ տուն մը իր ամբողջութեամբ: Բոլորն ալ
հեռավոր, մոտիկ բարեկամներ են մեկզմեկու:

Գյուղը ոտքի է մեծով, պզտիկով ու երբ մեզ գյուղ հաս-
ցընող ինքնաշարժը, գյուղի ութամյա դպրոցը շրջանցելով,
մտալի գեպի գյուղական նեղ փողոցներեն մեկուն մեջ, մենք

ստիպվեցանք զանդադեցնել ընթացքը և իջնել վար: Շրջապատեցին մեզ, և լսելի դարձավ ընդհանուր կանչը.

— Բուրդոյի տղան ի եկե:

Առաջինը մոտեցավ իննսունամյա ծերունի մը. բոլորը ճամփա բացին: Կարմրակալած աչքերով, պարթեաճասակ, կարմրաթուշ, որը երիտասարդական ավյունով մը գրկեց Սարիկին.

— Իմալի՛ս, լաո:

— Էկո բիճան է,— ձայն տվին շրջապատին:

Հետո, ութսունամյա կին մըն էր, տան մայրը, Սարիկի հորեղբոր կինը... Իմ աչքի առջև պատկերացավ կերպարը սասունցի հայ մոր, որուն առհասարակ, ևս ծանոթ եմ գիրքերու նկարներին: Առններու մեջ հասակ առած, իր ամուսնի կողքին կապար ու վեճք կրած ու կոփված հայ կնոջ կերպար մը՝ իր տարիքին մեջ առույզ ու առնական:

— Իմալի՛ս, լաո:

Ու կառնե հիմա ձեռքը իր թոռներուն հասակով երիտասարդ ընկերոջս ու կտանի... շրթներուն: Ուշ է արդեն, Սարիկը շհաշողեցավ քաշել ձեռքը, բայց զգացի, որ դեղնեցավ:

Հետո եկան այրերը ու սեղմեցին Սարիկը իրենց կուրծքին, ու կիները առին անոր ձեռքը՝ համբուրելու: Սա ընտանեկան օջախի հիմը, տան սյունը նկատվող առնական բազկի առջև տրված անցյալի տուրքն էր հայ դեղջուկ կնոջ, որ տոկացեր է ժամանակին: Հակառակ անոր, որ հիմա հավասարվեր էին իրենք ամեն տեսակ իրավունքներով: Հազիվ անցանք տան սեմեն ներս՝ սենյակներ մեջ մեջի, սենյակներ՝ իրենց մաքրությամբ ապակու պես թափանցիկ, սենյակներ՝ սպիտակ ու լավաշի քաղցր հոտով: Քառասուն էին, թե՛ վաթսուն, յոթանասուն, թե՛ հարյուր, առնական դեմքեր, անհարթ ու մկրատ շտեսած պեխեր սև, պեխեր ճերմակ, թավ հոներ ու աչքե՛ր, աչքե՛ր արծվաբիբ:

— Իմալի՛ս, լաո:

— Իմա՛լիմ:

Կուսություն: Սարիկ Արարյանը իմ ընկերն էր, լուսկյաց, հպարտ տղա մը... հիմա, լուսկյան մեջ ձայն մըն է հեծ-

կըլտութի, որը կիսխմի հորդահոս լացի, վարակիչ է, բայց լուռ են իրենք, կուլա ընկերս...

— Ճիշտ չի՞...:

Հարցումը ինձ է ուղղված. բայց ի՞նչ բանն է, որ «Ճիշտ չի՞»: Շղարշիկ գյուղի կոլտնտեսության նախագահն է հարց տվողը: Ինչո՞ւ համար է օգեն ինկած այդ հարցը, ինչպիսի՞ ապրումներու որպես հետևանք:

— Ճիշտ է, աղբերս:

Ու դո՞հ է ինքը: Ճիշտ է, որ լացավ ընկերս: Ճիշտ է, որ սպիտակ լավաշի պես կբուրեն սենյակները: Բայց ճիշտ է նաև՝ այն, որ մոտ հիսուն տարիներու կարոտի, թանձր կարոտի պատմությամբ մը կա այստեղ և հիսուն տարիներ կար, Մարաթուքի գազաթի կարոտը աչքերուն, օր մը հեռացած Բուրդոն իր զավակն է «ուղարկեր» հիմա... Արագածի լանջերուն, իր հետ ուղարկելով նաև Բուրդոյի տղուն իսկ անձանոթ տխուր հուշեր: Հուշեր թալանի և կոտորածի, ավերի ու ավարի: Բայց չլացին իրենք, լալու կարիք չունին: Հեռո՞ւ, հեռո՞ւ անցյալ է այդ բոլորը:

Տալվորիկցի են բոլորն ալ:

— Զավկըներ ունի՞ս:

— Ունեմ,— կպատասխանե Սարիկ,— ես ունեմ երեք զավակ, Աղատ ունե չորս, Վարդան ունե երկու, Հակոբ ունե չորս, քույրս ունե հինգ:

— Վա՞յ, լաո, վա՞յ, էդ ինչ լավ ի:

— Աշնան զնաց Բուրդոն, գարնան սկսեց կոտորածը,— կսկսի պատմել իր հուշերը ութսունամյա իսկ մայրիկը: Այո, գարնան սկսեց կոտորածը. Սասնա կոտորածը: Առաջինը շէր այդ, առաջինը եղավ 1894-ին, երկրորդը՝ 1904-ին և վերջապես՝ 1915... կրակ տեղաց, ավեր էր ու ավար, արյուն ու մահ:

— Մը բանա զըմ տարտիր,— բայց, կիսոսի ինք:— Կրակ թափավ մըր երկիր:— Ու կրակ կա հիմա իսկ նաև մոր սրտին մեջ, բայց իր դեմքի գծերը այնքան են սառն, այնքան ահարկու: Եվ դիմագիծերը բոլորին՝ այնքան են զուսպ ու պրկված, որ սարսուռ կանցնի իմ մարմնեն:— Եկավ ուսաց զորք ու մնացորդը անցավ Հայաստան:

Եկալ Տոնեն ու մոտեցալ Սարիկին:

— Իմա՞լիս, լաո:

— Իմալիմ... — ու գրկեց հուզված:

Մինչև 1920, չորս տարի է Շղարշիկի մեջ էին. գյուղը կկոչվեր «Սխաճի» և պարսկաբնակ էր: Իրենք վերցուցին 1916-ին, բայց չգրին քար քարի վրա, մինչև եղալ խորհրդային իշխանություն, այսինքն մինչև անցալ սարսափը թալանին ու կրակին. որովհետև մաճ ու արոր բռնել չէին գիտեր այդ ձեռքերը, որովհետև զենքն ուրիշ բան չէին տեսած իրենք: Ու սկսալ բարձրանալ տան ծուխը. որովհետև երկիրը քսածդ խաղաղություն է, հալալ վաստակ, անհոգ ու ազատ մեծցող թոռներ ու ծոռներ:

— Իսկ թե մի օր...

— Չէ, աղբբոս, էկո բիձան է, իր իննսունամյա հայ զեղչուկի իմաստությունը, — չէ, աղբբոս, ալ կրակ չենք ուզի, թե որ լինի, խաղաղությունը թող լինի: Հիմի թող գան մեր աղբբոսիք օտարությունից, թող գան, շատ գան, լցվի՛նք, լցվի՛նք էնքան, որ տեղ չմնա, հորդի ու հորդի Արարատից:

— Մուրազ մը ունիմ, ըմ մուրազ շառնըմ, չըմ մեռնը...

էկո բիձայի, Տալվորիկի հին զինվորի փափագն է այդ:

— էնքան լցվին մեր աղբբոսիք, որ հորդի մեր երկիրը:

Ու այդպիսին է արդեն Շղարշիկի Սասնա նոր տունը: Խանե մայրիկը ունի 22 թոռ. Դավիթն է, Սպարտակը, Օհանը, Սեպուհը, Տալվորիկը, Գալեն, Անդրանիկը, Վանիկը, Հակոբը, Սահակը...

— Փառք էս օրվան:

— Ճիշտ չի՞:

Կուտնտեսության նախագահն է:

— Ճիշտ է, աղբբոս:

Աշնան զնաց Բուրդոն, գարնան սկսեց կոտորածը... Բուրդոն վերջին ակնարկը հառած Մարաթուք սարին, անցալ Աշեմիստան ու վերջ:

Հիմա կսկսի Սարիկի պատմությունը:

Մնաց երկար Աշեմիստան, հետո անցալ Հալեր, Արարիստան, բացալ փուռ, ամուսնացալ և աշխարհ բերալ չորս մանչ զավակ ու մեկ աղջիկ: Նոր անձնագիր էր պետք ու

քանի Արարիստանի մեջ էր, ազգանունը դրավ Արարչուն, բայց կըսեր միշտ.

— «Երկրի ջուր ուրիշ ի...»:

— Մեղքուկ է,— լավեցավ շորս կողմեն: Սարիկը շարունակեց.

— Մարաթուք սարը տասնվերկու ամիս տուժան է, բուք ու բորան է, կըսեր, հոս սար չկա. անապատ, ավաղ ու փոշի...».

Ու սարի սովոր մարդը շղիմացավ անապատին, գնաց իր երկրի բարձր սարի կարոտով, վաղ բաժանվեցավ կյանքեն, թողելով որբ ու անտեր իր դավակները: Մայրը, սակայն, ճիշտ է, սասունցի չէր, բայց այլ գյուղե եկած հայ կին էր, իր տառապանքով, բայց պատվով մեծցուց իր ծագերը: Իր տղաները առին բարձրագույն ուսում, ու Սարիկը դարձավ գրող, գրեց գրքեր: Հիմա այդ պատմութեան սկիզբեն անցեր է կես դար: Բայց կան հարցումներ...

— Սպաղանաց Օհանը ո՞նց է:

— Մեռավ անցյալ տարի:

— Հալերո՞ւմ:

— Այո՛:

— Պելավգի Սմո՞ն:

— Կապրի Բեյրութում:

— Խնձորիկցի Մկրե՞ն:

— Մեռած է վաղուց:— Ու կշարունակվի շարքը:

Կարգը կուգա Սարիկին.

— Անդոյի աղբերը հոս չի՞:

Զոհվել է ֆիննական ճակատում:

— Իսո՞ն:

— Ինկավ Կերչում:

— Զէ՛, աղբերս, չէ՛, կրակ չենք ուզի. կռիվ չենք ուզի. ամեն ինչ, թե որ պիտի լինի, խաղաղութեամբ թող լինի:

Ես կսիրեմ իմաստութեանը հայ գյուղացու: Բայց զգացին, որ «օտար» մարդ կա սենյակին մեջ և այդ «օտարը» ես եմ:

— Դու ո՞րտեղացի ես, բայա:

— Ես տեղ չունեմ, հայրիկ...

— Ո՞նց թե տեղ չունես:

Այ եկուր ու պատասխանե...

— Այսինքն, հայրս արարելիրցի էր, հայրիկ:

— Ոչինչ, էդ էլ լավ երկիր ի:

Ա՛խ, ա՛խ, որքան կուզեի, հոգ չէ թե լավ, դեթ մի տեղ,
իսկական հասցե ունենայի ես ալ:

— Ճիշտ չի՞:

Կուտնտեսության նախագահն է. ա՛յ, ապրես դու, ա՛յ,
մատաղ քեզ, ինձ փրկեցիր լաց ըլլալի:

— Ճի՛շտ է, աղբերս, էն էլ ո՛նց:

էհ տեսնո՞ւմ եք էդ դեմի տունը, էդ տան մեջ Իսահակ-
յանը ապրեց ու աշխատեց մի ամիս...

Տունը կնայի Արարատին, Հայկական պարն է, ու վարը
հարթ տարածություններ են:

— Գնացեք էս սև ջրի ափով:

Ու մենք կրարձրանանք վեր: Գաշտավայրեն զանգու-
կիկներու ձայնն է ու մայունը ոչխարներուն: Գյուղին փո-
ղոցները լեցված են փոքր սղաններով ու աղջիկներով, որոնք
կվազեն դիմավորելու արոտավայրեն վերադարձող հոտը:

Ինչ-որ մեկը, ինչ-որ տեղ պատմել է ինձ այդ քոլորը,
բայց այդ ամենը մնացեր է հեքիաթ: Ինչպես հեքիաթի էր
նման Անդոյի մառանը, թոնիրը, օջախը տունն ու զոմը,
հորթուկը և ճիշտ իր քով դրված բնկալը, թարմ, ճերմակ,
մարգարտանման հավիթներ, հետո կար աթարի հոտը,
հետո զոմի բարկ օդը, որը ես ծծեցի անհագ տենչով:

Հեքիաթ էր. չէ, հեքիաթ չէ, քանի ես հարցուցի.

— էլեկտրականություն ունե՞ք:

— Ունե՛նք, աղբերս:

— Հեռախո՞ս, ռադիո՞:

— Ունե՛նք, աղբերս:

— Անգրագետ մարդի՞կ:

— Ութանասունից վերերը:

Ես Անդոյի տան մեջ տեսա հարյուրավոր գրքեր և ի՞նչ՝
Բալզակ, Շիլլեր, Բելինսկի, Գերցեն և դասական մեր ամբողջ

շարքն ու նորերը: «Չէ՛, հեքիաթ չէ, էլ ռադիոյով և էլեկտրականութեամբ, Բալզակով ու Բեխնսկիով ի՛նչ հեքիաթ: Հեքիաթը սև ջուրի փնն է, սև ջուրը զուլալ այն ջուրն է, ուր կարող էս նայիլ ու դիտել ժամերով ամպերուն վազքը: Եվ ամպերը ոսկի են Շղարշիկի կոլտնտեսային դաշտերուն համար. չե՛ս հավատար, հարցուր սերմնացանին:

Սերմնացանը էկո բիճայի թոռն է, թերևս, այն բիճայի, որուն շճգեցին, որ արոր ու մաճ բռնե՛ծ ենքին: Չե՛ս հավատար, լսե՛ Սասնա երգերը: Ու հիմա ան հաղթահասակ սերմնացանն է, որ կապեր է գոգնոցը մեջքին, մեջը լիքը ցորենի հատիկ, ինքը՝ ոնց որ Դավիթ Սասունցի, բայց թուր կայծակին հիմա իր փենն դուրս ցայտող հրեղեն հատիկներն են ցորենի, որոնք խշշալով կիյնան սև ջրի փերը եղբորդ սև հողերու տարածքին:

— Կանգնի՛ր, սերմնացան:

Ընկերս՝ Սարիկն է: Կմտտենա ու կվերցնե բուռ մը ցորյան:

— Հավասար շաղ տուր, լաո՛,— կըսե սերմնացանը:

Խըշ՛ շշ... Խըշ՛ շշ... Խըշ՛ շշ...:

— Սերմնացան, էս մեկը Բուրդոյի հոգուն...:

Ու տրակտորի ձայնն է, որ կպոկե ժայռոտ սարերեն հեքիաթի քարը. բայց քարի հետ ի՛նչ հեքիաթ. է՛հ, իմ հայրենիքի մեջ քարն ալ հեքիաթ է... Մե՛տաքս:

— Խանջյանը, երբ դուրս գար Երևանից, առաջին անգամ ելնում էր էս սարերի վրա, գալիս էր մըր երկիր:

— Անդրանիկն էլ ապրել է մեր գյուղում, հյուր է եղել տաս օր իր ընկերներով:

Ու հեռուներեն արձագանքող երգ մըն է հիմա... քրդերեն երգ մը՝ «Մուշմիլարուտա» (Մուշը այրվում է), քուրդն ու հայը եղբայրներ են, կըսե այդ երգը. խաղաղության ձոն է «Մուշմիլարուտա»-ն:

... Կվերադառնանք սև ջրի փոով, շամփուրներ են խորովածի: Կրակին վրա թարմ հացն է նոր թխվող տաք-տաք լավաշի և հետո եռացող կաթսան խաշլամայի ու հոսող գինին, կոնյակը, օղին...:

Կուզան տակաւ ին հարեան գյուղերեն, կուզան աշքա-
լուսի:

Գիտե՛ք ինչ, ընկերներ, գիտե՛ք ինչ...

— Մուրազ մը ունըմ, մուրազ շառնըմ, շըմ մեռնը...

Ու կը հնչե զուռնան, դհուր:

Գիտե՛ք ինչ, ընկերներ, գիտե՛ք ինչ...

— Հիմի թող գան մեր աղբրտիք օտարությունից, թող
գան, շատ գան, լիքը, լիքը, էնքան, որ տեղ շմնա, հորդի՛,
հորդի՛... Արարատից:

— Բերքն ինչպե՞ս է այս տարի:

— Որ հասնի ցորենը, դառնա ալյուր, այնպիսի հաց
թխենք, որի հոտը բռնի հարեան գյուղերը, չէ թե ի՞նչ հաց...
ճիշտ չի՛:

— Ճիշտ է, աղբերս:

Հիմա Երևանի մեջ ենք կրկին: Կոունկներ ամենուրեք,
վերամբարձ կոունկներ, հետո ծուխը հսկա ֆարբիկներու:
Գանդատ շունիմ ես այդ ծխից: Թող այդ ծուխը սլատե
ամբողջ Երևանը: Ամռան մեջ ենք, բայց անձրև է Երևանում:
Ես կպատմեմ քաղաքին մասին:

— Դե՛, տեսնո՞ւմ ես, Սարիկ ջան, էս փողոցը նոր են
բացել, իմ օրով...

Ա՛յ մարդ, լավ է ըսել՝ «իմ օրով»:

Ու կբարեւեմ անցորդներեն շատերուն:

— Արի՛, ծանոթացիր:

— Ե՛րբ եք վերադառնալու:

— Չորս, հինգ օրից:

Ինչ լավ է, ա՛յ սիրելի, որ ես հոս եմ, ընդմիշտ, հավիտ-
յան. մի օրով էլ չեմ կարող բաժանվել հայրենիքես:

Չէ՛, մի օր իմ զավակներուն ու թոռներուն եթե հարց
տան.

— Ո՞րտեղաց եք, բալա:

Անոնք կպատասխանեն.

— Քաղաքից:

— Ո՞ր քաղաքից:

— Մայրաքաղաքից...

— Երթա՛նք գինուլնանք,— կըսե ընկերս,— երթանք
գինուլնանք: Չէ՞, պիտի երթանք գինուլնանք: Քե հարցնեն՝
ինչի՞ համար, ավելի լավ, կըսենք.

— Տիգրան Պետրոսյանը դարձավ շախմատի շեմպիոն:

— Ծիշտ չի՞:

Երևան, մայիս 1963

Արևը նախ գունատվեց մայթերի վրա ու բարձրացավ անների պատուհաններին: Ամենուրեք բռնկվեց հրդեհը: Հետո պատուհանները գունատվեցին, և օրը հեաց լեռների գագաթին, իջավ ձորերն ու կույզնաց: Մթնեց: Եթե շլինեին նեոնե լույսերը պողոտաների և էլեկտրական լամպերը փողոցների, խավարը կլիներ համատարած: Բացվեց գիշերը Երևանի վրա: Ամռային թովիչ, վառվռուն մի գիշեր:

Խաղաղ, գրեթե արվարձանային մի ռեստորանի անկյունում խմում էինք միասին: Սեղանի շուրջը ծառեր էին, այգու գեղին լույսով ողողված ծառեր: Երազ էր կաթում տերևներից: Հեռվից, մեզ թվում էր շատ հեռուներից, գալիս էի՞՛ կարուսելներում ճոճվող պատանիների ուրախ կանչերը: Կյանքի ուրախ այդ հեքը հոսում էր գինու բաժակների մեջ և դառնում թախիժ ու տրամոթյուն: Ավելի ճիշտ՝ ես տխրում էի նրա՛ համար, նա՛ էր մտահոգում ինձ: Նոր էինք ծանոթացել: Ծիշտոն ասած, ճանաչում էինք իրար, բայց մեր մտերմությունը արմատացել էր այս վերջին երկու օրում: Թերևս այդպես թվո՛ւմ էր մեզ: Չգիտեմ: Ինքը պատմում էր անվերջ, ես լուռ լսում էի:

— Երեկ քեզնից բաժանվելուց հետո որոշեցի անձնասպան լինել...

Ուզում էր զարմացնել հավանաբար:

— Գնացի քաղաքի Ք... ռեստորանը, վերջին ռուբլի-

ներով ուղեցի էլի խմել: Ասում էի՝ հարբեմ ու մի բան կանեմ. կկտրեմ երակներս ու վերջ...

Արդեն չէի հավատում, հարբելիս ետք անձնասպանություն գործելու դասական ձևը չի զարմացնում ինձ:

— Բայց ինձ փրկեց մի աղջիկ, իսկական, մաքուր ուսմի աղջիկ, նա տեսել ու կոահել էր իմ վիճակը, հասկացել, որ մի մեծ, շատ մեծ վիշտ ունեմ: Մոտեցավ, խոսեց երկար, շատ երկար, կշտամբեց ինձ: Ասաց թե ատում է տկար մարդկանց, ինչո՞ւ եմ ես տկարացել այդքան, թե՛ շե՛մ ամաշում արդյոք արածներիցս: Ա՛խ, ինչքա՞ն լավն էր նա, իսկական մարդ: Հավատա, ինչ որ պատմում եմ՝ ճիշտ է, կարծում ես սո՞ւտ եմ խոսում... Հետո, լսիր, մենք ման եկանք փողոցներով, ես մի քանի ժամվա ընթացքում սիրահարվել էի նրան, իսկ նա այնքան, այնքան գեղեցիկ էր... Հետո...

— Երևանի՞ց էր:

— Ոչ, Մոսկվայից, ճարտարապետ, եկել էր ընկերներով ինչ-որ խորհրդակցության մասնակցելու: Երեկոյան ուշ, շատ ուշ ես ուղեկցեցի նրան մինչև հյուրանոցի իր համարը: Մի պահ տխուր նայեցի աչքերի մեջ, չէի ուզում բաժանվել, լացս գալիս էր: Հասկացավ... Բայց մերժեց ու փակեց դուռը երեսիս, կողպեց: Վիրավորվել էի և գիտե՞ս ինչ արեցի, եթե պատմեմ՝ շե՞ս հավատա: Թափում եմ իր համարի աշակողմյան դուռը՝ փակ է, կողպված: Փորձում եմ երկրորդ, երրորդը... Երրորդում մարդ չկար, և դուռը բացվեց: Մտնում եմ ներս ու խոյանում պատշգամբ: Գինով եմ, գրեթե հարբած, գտել եմ անձնասպանության կերպը: Պատշգամբների հեռավորությունը իրարից գրեթե մեկ մետր է, թերևս մեկ ու կես: Վճռում եմ ցատկել մեկից մյուսը ու հասնել նրա պատշգամբին: Պատկերացնո՞ւմ ես, շորրորդ հարկում եմ, իսկ եթե սայթաքե՞մ, եթե չկարողանամ ցատկել: Բայց խորհում եմ, սա կլինի մահերից ամենալավը: Պատկերացնո՞ւմ ես, ինչ լավ կլինի: Զախջախված մի մարմին մայթերի վրա և այդ բոլորը հանուն աշխարհում մի լավ աղջկա...

— Զգիտեմ, թերևս...

— Ու ցատկեցի առաջին պատշգամբը: Գողում էին ոտքերս, հետո երկրորդը, երրորդը: Գլուխս պտտվում է.

ձեծում եմ պատուհանը, նա սարսափահար կանգնում է իմ դեմ, կիսամերկ վիճակում: Աչքերը բացել է մեծ, շատ խորը, ու ես այդ կապույտ աչքերի ահի մեջ մի պահ կարծում եմ, թե արդեն մահացել եմ վաղուց, կարծես ջախջախված ուղեղով դիտում եմ երկինքը: Նա նայում է պատշգամբներին, նայում է երեսիս ու սարսուցող մատներով դիպչելով ինձ զգույշ ներս է քաշում: Իսկ ես, հավատո՞ւմ ես, բարձրացել եմ իմ աչքին: Ես վարվեցի հերոսի նման, նա հասկացավ, որ ես փոքր մարդ չեմ, և ես դեռ շատ բան կարող եմ անել կյանքում: Նայում է ինձ ընկճված, հիմարն ես դու, ասում է, խելագարի մեկը, հապա եթե մահանայիր, կարծում ես հերոսությո՞ւն էր արածդ: Ես չեմ սիրում աննպատակ զոհաբերումները կյանքում, դա սոսկ տխմարություն է, ուրիշ ոչինչ...

Յլնուամենայնիվ, ես դուրս եմ գալիս սենյակից հզարտ և ասում եմ.

— Սիրելի Վալյա, թող լինի տխմարություն, իսկ եթե ցանկություն ունես տեսնելու խելագարիս, գուցե հանդիպե՞նք վաղը...

Նա շփոթված կանգնել է դռան սեմին, աչքերի մեջ արցունքներ...

Հուզվել էր ինքն էլ, նայում էր աչքերիս մեջ, հավանաբար իր պատմածի տղավորության խորությունը շփեցրել համար: Ես չէի հավատում իր պատմածներին, բայց այդ բոլորին զգացի, որ սիրում եմ նրան, այդ հսկա, գեղադեմ տղային: Սիրում եմ, որովհետև իր երևակայության թափը գրավեց իմ սիրտը: Այս պատմվածքը գրելուց առաջ ես ստուգել եմ հիշատակված հյուրանոցի պատշգամբների տարածությունը և համոզվել, որ այդպիսի բան երբևէ չէր կարող անել: Սարքեց, կարգին սարքեց, բայց լավ էր. ճաշակ կա, խենթություն և ոռմանափկա: Զարկի ուսին և.

— Ելենք, — ասացի:

Նա սեղանից բարձրացավ արծվի խոյանքով, տարածեց իր հուժկու մարզու բազուկները, շնչեց խորը և...

— Ես խելագարի նման սիրում եմ իմ հողը, — ասաց: Մանուկ է, հսկա կազմվածքով մի մանուկ և ի՞նչ հիմար

գործերի մեջ է խառնվել տակավին... Երբորդ օրն է այսօր՝ տուն չի գնացել, թափառում է փողոցներում հոս ու հոն, խմում հանդիպողի հետ: Ինձնից քաշվում է մի քիչ, դրա համար էլ ուզում է հավանաբար մթնոլորտը թեթևացնել երազներով:

— Տուն չգնա՞նք,— հարց տվի իրեն:

— Ոչ,— պատասխանեց,— ուզում եմ այս գիշեր էլ չգնալ տուն...

— Բայց այդպես շարունակել չի կարելի:

— Այս գիշեր էլ, իսկ վաղը, վաղը ես գիտեմ, թե ինչ կանեմ...

— Իսկ գիշերվա համար ի՞նչ ես առաջարկում:

— Գո՛ւ ասա:

Ես հեռու եմ նման դեպքերում կամքի ուժից, մանավանդ, որ նա ինձ վերին աստիճանի հետաքրքրում էր: Հետո ես գիտեի, որ նա նախորդ գիշեր նույնպես անկարգութուններ էր թույլ տվել և ընկել միլիցիա: Այնտեղ նրան չէին հասկացել և վերջապես հասկանալու էլ պետք չունեին: Է՛վ պատահել էր անխուսափելին: Նա վերին աստիճանի վառ էր դրսևորել իրեն: Ակա էին կազմել, ստորագրել, կնքել և ուղարկել հիմնարկ: Պարտականություն էին կատարել: Նա լավ գիտեր, թե ինչ էր սպասում իրեն, և վստահ էր, որ ախտից հետո չէին կարող ներել, ուրեմն կանխել էր. գնացել էր նույն վիճակով հիմնարկ և տվել հրաժարականը: Գիրեկցիոն հաստատել էր և վերջ: Ամեն ինչ կատարվել էր բույեական ճշգրտությամբ, օրենքի և կանոնի սահմաններում: Ես նույն օրն էլ հանդիպեցի նրան և ահա «նշանավոր» գիշերից հետո էլ շարունակում էինք միասին: Օրվա ընթացքում, ասացի նրան, որ կաշխատեմ շարեխոսել:

— Իզուր է, հարկ չկա,— պատասխանեց:

Ինձ ուրախացրեց իր մերժումը. մերժման մեջ ամսասանք կար, ցավ, վիշտ, որ հեռացրել էին: Բայց ինքը չէր ուզում խոստովանել: Ես բույեական հիշեցի, որ բավական օրեր առաջ հանդիպել էի մի անգամ նրան փողոցում, էլի հարբած վիճակում, գործի ժամին էր, իսկ նա առաջարկում էր խմել:

— Հապա հիմնա՞րկը:

— Թո՞ղ,— ասաց:

— Բայց չի կարելի այդպես...

Հետո ինձ համար էլ անսպասելի, նա խորհեց բարձրաձայն.

— Ինչո՞ւ են ինձ ներում հաճախ:

Այդ նախադասությունն ինձ ստիպեց մտածել երկար: Երբ առավոտյան զնացի հիմնարկ խոսելու, ասացին, որ իզուր է իմ միջամտությունը, ծանր տեղեկանք կա նրա մասին, և լավ է շտառնվեմ գործին:

— Նա լավ տղա է,— ասացի:

Նրանք նայեցին ինձ զարմացած:

— Իհարկե, լավ տղա է, մենք հո տարիներ աշխատել ենք նրա հետ, ծածկել իր սայթաքումները, ներել միշտ, բայց նա չհասկացավ, նա մեզ ամոթով թողեց:

Ես այդ բոլորը, իհարկե, շարժանքի նրան, բայց այժմ վստահ էի, թե նա գիտեր, որ վերջացած էր ամեն ինչ: Նրա «անձնասպանության» առասպելը ծագում էր հենց նույն հուսարեկումից: Նրան առաջին անգամ կյանքում, մեղմ ու անուշ խոսքերից հետո միանգամից դուրս էին շարժվել, թեքվել խղճահարվելով, թեքվել անզոր միջամտելու, չէ՞ որ ինքն էր գրել իր հրաժարականը: Հարվածը իջել էր շեշտակի: Ես հասկանում էի նրան, նա շփացել էր այնքան, որ նույնիսկ չէր ուզում հավատալ կատարվածին: Վալչան խիստ էր խոսել իր հետ, կշտամբել՝ և նա սիրել էր նրան, այդ ուս աղջկան: Հետագայում, դիշերվա ընթացքում, նա պատմեց այդ աղջկա անզիջող, աննական բնավորության մասին և ասաց Անչան, մի այլ անգամ Անուշկան,— շփոթում էր,— իսկ ես համոզվեցի, որ գոյություն չէր ունեցել այդ աղջիկը. նա երևակայում էր իր համար, քնացնում խիղճը, իր երազի մասին էր պատմում:

— Ինչո՞ւ էին ինձ ներում հաճախ...

Այդ նախադասությունը մեխվել էր ուղեղումս: Աշխատում էի վերլուծել. Վալչան մերժել էր ու փակել դուռը երեսին, և այստեղից ծայր էր առել նրա «հերոսությունների» ու

«ասպետութիւնները» շարքը. «ես դեռ ինչե՞ր կարող եմ անել
կյանքում, բարձրացել եմ իմ աչքին», — ասում էր նա:

— Ասա, ի՞նչ ենք անելու գիշերը...

Ես վճռեցի մնալ, խոսել և հանգստացնել նրան. — եթե
ուզում ես, կարող ենք զնալ գերեզմանատուն, կայցելենք մել-
մեծ մեռելներին: Այնտեղ հետաքրքիր է:

— Խմիչք վերցնենք, — ասաց:

— Կարելի է:

Ու մենք զնացինք: Ճանապարհին.

— Ինչ լավ կլինի, — շարունակեց, — մինչև առաւոտ
լաց կլինենք:

Ես, պիտի ասել, լավ չէի ճանաչում նրան, չգիտեի
նույնիսկ իր կյանքի ամենասովորական մանրամասնութիւն-
ները, այնպես որ ուշացումով հարց տվի.

— Ամուսնացա՞՞ծ ես:

Հեկեկում էր և չէր պատասխանում:

«Զլինի, — խորհում էի, իսկապես անհույս սիրով սիրա-
հարվել է մեկին»: Բայց և սխալվեցի շարաշար:

Ոսկի կին ունեմ:

— Ուրեմն ի՞նչ է պատահել քեզ... Ինչու համար են
այս պատմութիւնները...:

— Ինչո՞ւ է նա այնքան լավը:

— Ո՞վ:

— Իմ կինը:

— Երեխաներ ունե՞ս:

— Այո՛, և նրանք այնքա՞ն շատ են սիրում ինձ:

— Ուրեմն...

— Ուզում եմ աճնասպան լինել...

— Մի՛ զարմացրու քո անձնասպանութեամբ, դու այդ
անողը չես:

— Ինչո՞ւ, — հարցրեց շփոթված:

— Որովհետեւ շատ ես սիրում կյանքը, շարշարում ես
ըրջապատդ և շարշարում ինքդ քեզ: Շփացրել են քեզ...

— Գիտես, — ասաց, կինս այնքան է սիրում ինձ, որ
եթե գիտենա, որ նույնիսկ սիրում եմ մեկ ուրիշին, իմ եր-
ջանկութեան համար կհեռանա ինձանից:

— Դե, ուրեմն ի՞նչն է կապում քեզ...

— Խիզ՞ս, ոսկի շղթաներով կապել են ինձ, բանտել ազատությունս...

— Այն ազատությունը, որ շնորհել ես ինքդ քեզ, արդեն շատ է: Դու տառապում ես ազատության առատությունից, անարխիստ ես դարձել, դու կործանում ես ինքդ քեզ... — Ես կյանքում չեմ սիրում խրատներ տալը: Դա ամենազլուրին բանն է աշխարհում, զզվում եմ, երբ մարդիկ բարոյախոս են դառնում, մանավանդ գրականության մեջ. ո՞ւմ է պետք խոսքի առատությունը: Թե ուզում ես քեզ լսեն՝ ապացուցիր կյանքովդ, աշխատանքովդ:

— Խոսիր, — ասաց, — խոսիր, բանի լսում եմ քեզ, հանդարտվում է սիրտս, ինձ լավ եմ զգում, խոսիր... Հետո նստենք լաց լինենք, չէ՞...

Պիտի նստենք ու լա՞ց լինենք, տարօրինակ, անհասկանալի բարդ մեքենա է մարդը: Մի ուրիշ օր կարելի է և ծիծաղել, խնդալ այդ բոլորի վրա, բայց իր առաջարկը, նույնիսկ կանխամտածված լաց լինելու մասին, ինձ դուր է գալիս:

— Նստենք, լաց լինենք, չէ՞...

Գերեզմանատանը մենք մնացինք ամբողջ գիշերը:

Կիսախավարը, սոճիների և ուռիների սավերները դամբարանների և հանդշած, մարած կրքերի պատմությունը հողի, հարուստ է և ուսանելի նրանց համար, ովքեր աչք ունեն ու կարող են թափանցել կանաչից և հողի մոխրագույնից դեներ: Ես սիրում եմ գերեզմանատները: Ատելություններն ու մանրուքները նսեմանում են այդտեղ: Մարդը մարբվում է իր փոքրություններից: Պիտի լաց լինել մեռելների առաջ ոչ թե նրա համար, որ ոչինչ կարող են հասկանալ մեր արցունքներից, այլ պիտի լաց լինել հենց ապրողների հաշվին, այն ապրողների, որոնք մոռանում են կյանքի հորձանքի մեջ և հաճախ... գերեզմանատները: Ինձ այնպես է թվում, թե գերեզմանների առաջ ես կանգնած եմ լինում դատարանում՝ հարցաքննության:

Ես ակնածում եմ հողից, առավել գերեզմաններից: Ես սիրում եմ կյանքը իր մահով հանդերձ:

Նա լուռ էր...

— Գինու շշերը, — ասացի, — պարպենք հողակույտերի վրա:

Նա հնազանդվեց, շշերի լրիվ պարունակությունը ծծվեց հողի կողմից, թարմ վարդերի տերևներին մնացին կարմիր, սպաղուն ազամանդներ...

Անակնկալորեն սկսեց ամռան հորդառատ անձրևը: Մենք կանգնել էինք լուռ, անձրևի կաթիլները սահում էին մեր ճակատներից: Բնությունը լալ շկարողացող մարդուն պարզեում էր արցունքներ... Վարդերը, կանաչը պետք ունենանուշ կաթիլների... Բնական և անխարդախ:

Անձրևախառն արցունքներով լալիս էինք մենք լուռ ու գլխահակ:

Առավոտը բացվեց Երևանի վրա, արևը նախ հենվեց շենքերի պատուհաններին, շիկնեցին ապակիները, և գիշերը հեաց լեռների ստորոտին, մտավ կիրճերը, քարայրների մեջ ու աներևութացավ: Եթե շիկնեին նեոնե լույսերը հրապարակների ու էլեկտրական լամպերը փողոցների, որոնք շգիտես ինչու համառում էին զեռ մնալ իրենց դիրքերում, մենք կարուշ էինք կարծել, որ սպրեյ ենք ինչ-որ հերթաթի աշխարհում:

Բացվեց առավոտը Երևանի վրա: Ամառային զով, խայտարղեստ մի առավոտ:

Քաղաքի լուսաբացն էր...

Ինելսերի վրա զնգաց առաջին տրամվայի անիվների ձայնը: Հացի խանութի առաջ թարմ, տաք հաց էին բեռնաթափում:

— Գնենք մի հատ:

Տաք հացի բուրմունքը թվաց ամենահաճելի բանը կլանքում, ու սոված մարդու նման անհամբեր կիսեցինք այն: Խնայում էինք նույնիսկ փշրանքները:

Փողոցներն ավլող բուրդի մի աղշիկ սալշած գիտում էր մեզ:

— Բարի լույս քեզ, բույրի՛կ:

Նայում է՝ մեզ, բայց չի պատասխանում: Տարօրինակ է: Տրամվայում, առավոտ վաղ գործի շտապող բանվորներ են: Մի հսկա տուն է դարձել քաղաքը, ուր յուրաքանչյուր

անդամ ունի իր գործն ու աշխատանքը: Թվում է, թե մեկի անփութությունը կարող է և խանգարել սկավող սիմֆոնիան: Գիմագծերը լուրջ են, հանդիսավոր: Յուրաքանչյուրի մտքում ռոմա ծրագրեր, հաշվումներ...

Մի տարեց մարդ է նստած մեր դեմ, նրա մոտ՝ թարմատի մի աղջիկ:

Ո՞ւր է գնում այդպես առավոտ վաղ:

— Աշխատանքի:

Թրջված, շափրված, անքնությունից կարմրած մեր աչքերը չստահություն չեն ներշնչում տարեց մարդուն:

— Որտեղի՞ց եք գալիս... Գիշերային հերթափոխի՞ց...

Արևը դիպավ տրամվայի սլատուհաններին: Ես խոնարհում եմ աչքերս, ընկերս շփոթվել է: Հանեց գրպանից մի գլանակ: Մեր դեմ նստած մարդը պոռթկաց.

— Ընկեր, չի՛ կարելի...

Ձայնը հատու է և խիստ, բաղմիմաստ:

— Հասարակական վայրերում չի՛ կարելի, ընկերներ, — մեղմ, բայց անդիջող շշնջում է աղջիկը:

— Իջնենք, — ասում եմ ես ընկերոջս:

— Իջնե՛նք:

Ամենուրեք աշխատանքի շտապող մարդիկ են, աղջիկներ: Յուրաքանչյուր քայլափոխի հարցապնդող հայացքներ կան մեզ ուղղված: Գուցե նրանք հասկանում են, թե դու ինչոր մնացորդ ես երեկվանից, և այդ հաճելի չէ նրանց համար:

— Լավիկն էր, չէ՞, — հարց է տալիս:

— Ո՞վ:

— Բանվորուհին:

— Ո՞ր բանվորուհին:

— Տրամվայում մեր դիմաց նստողը:

— Նա դեռ շատ երիտասարդ է:

— Աշխատանքի էր գնում:

— Այո՛:

— Իսկ հացը շատ համեղ էր, չէ՞:

— Այո՛:

— Ես կյանքումս այդքան համեղ հաց կերած չէի:

— Ես էլ:

— Իսկ ի՞նչ ես անելու հիմա:

— Գնում եմ տուն, քնեմ: Երեք գիշեր է, չեմ քնել:

— Իսկ տանը ինչպե՞ս կընդունեն քեզ:

— Հիմա հավանաբար նա կանգնած է դուան սեմին և լսալսում է ինձ, նրա աչքերում կլինի արցունք և թախիծ, նա թչ մի բան չի ասի ինձ, նա շատ է սիրում, կների...

— Յտեսություն:

Յտեսություն և շնորհակալություն:

— Ի՞նչ բանի համար:

— Գերեզմանների և գերեզմաններին հաջորդող քաղաքի լուսաբացի համար:

— Շատ ես ումանտիկ:

— Երբեք այսքան իրապաշտ չեմ եղել կյանքում:

Լավ տղա է իմ ընկերը: Բայց ի՞նչ ասել, որ միայն լավ չլինելով՝ կյանքում տեղ չես հասնի, սրտին քով մի քիչ էլ միտք է հարկավոր, չէ՞:

Մեր Տիգրանյան փողոցի բնակարանի հարևանը բաժնակիցն նոր վերադարձած բանվոր տղա է: Առհասարակ մեր շենքը նոր հանձնվեցավ շահագործման: Բոլոր եկվորներն ալ երևանցիներ են, աշտինքն՝ գոնե տասը-քսան տարի անոց Երևան եկած ընտանիքներ, բացի մեզմե, որ տակավին տասնհինգ օր է միայն, որ մեր նոր տան մեջ ենք, և հաղիվ երկու ամիս կրնե հիմնական մեր վերադարձը պանդխտութենեն:

Մեր տունը, ըսի չէ՞, Տիգրանյան փողոցի վրա է Աբաբկիրի մեջ: Հասցեն եթե կուզեք՝ ահավասիկ. շենք 5-րդ, 4-րդ մուտք, բնակարան 47, թեպետ, եթե շենքի թիվն ալ չգրեի, կարող էիք գտնել, որովհետե բնակարան ստացողները մեծ հուզելով մեջ են ու անհուն հուզելով սկսած են վերանորոգման գործը: Ամենեն անճարակը ես եմ, ո՛չ սղոց բռնել գիտեմ, ո՛չ ալ նույնիսկ կարգին մեխ մեխել, մնաց որ հարկ է էլեկտրական ներքին սարքավորումները կրկին վերակազմել, լողարանի ծովի ճամփան ալ տեղ անցկացնել, խողովակները հարմարեցնել, ջարգված ապակիներուն տեղ նորերը ձարել, կրկին ներկել, ինձի համար յուրաքանչյուրը առանձին խնդիրներ են: Հարցը պատմվածք գրելու նման չէ, ու մինչ մեր տան բնակիչները, մեծ մասով ըլլալով բանվոր մարդիկ՝ այդ բոլորին վարժ են, գիտակ, ես գլուխս վար կախած կվազվզեմ աշտեղ-աշտեղ, տեսակ մը հանցավորի նման՝ մարդիկ ձարելու: Հետո, եթե դուք ալ իմ տեղը

ըլլայիք, հակառակ այդ բոլորին պիտի ուզեիք կրկին տալ ձեր հասցեն, որովհետև տարիներ-տարիներ օտարութեան մեջ թափառելի ետք հասցի ունենալ, սևիտական հասցե, դուք ինչ կուզեք բանք, երջանկութեան մըն է, որուն դժվար թե վարժվինք դոնե մենք՝ անմիջապես:

Ծիծաղելի բան մը բանմ, ստիպված եմ զեղումներս դսպել, տարօրինակ բաներ կպատահին ինձի հայրենիք գալես ի վեր, հուզումներս հասած են ծայրահեղ աստիճաններու, ավտորուս կնստիմ, լալս կուզա, բարեկամի մը հետ կխոսիմ, հիմար պոռթկումներ կունենամ. բարեկամուհիի մը կհանդիպիմ, սիրահարված կկարծեմ ինքզինքս: Մեկ խոսքով շտեմ մը: Հայրենիքի մեջ եմ, բայց չեմ հավատար, հայրենասիրութեան շահութեան բունք է: Չեմ գիտեր, որքան պիտի տեսնայդ բոլորը: Այդ երազի, շատ հաճելի երազի իրական ըլլալը ամեն առավոտ ու իրիկուն հուշողը մեր հարեանն է, բանտկին նոր վերադարձած այդ տղան: Մեր շենքի բնակիչներուն հետ եթե ես հանդիպիմ որեէ տեղ, այսինքն՝ մեր տան շրջակայքը կամ սանդղակներուն վրա. կրարեւմ սիրով. կան, որ նույն շերմութեամբ կիտխաղարձեն բարես, կան, որ անտարբեր են, հազիվ իրենց քթին ծայրով բաներ մը կմոմոնան ու վերջ: Ոչինչ (ես այս «ոչինչը» շատ սիրեցի, համենայն դեպս): Բայց վերադառնանք. զիս կամ կինս տեսնելուն պես ստպես ինչպես սովոր եք բան «ճիգչարով»:

— Բարե՛, հարեան ջան, — պոռացողը միշտ այդ բանվոր տղան է:

Ըսի պոռացողը, որովհետև ինչպես իր յուրաքանչյուր շարժումներն մեջ, նույնպես ալ իր ձայնը անտաշ, բայց վերին աստիճանի համակրելի բան մը ունի:

— Հարեան ջան, ո՞նց ես:

Կրսեմ թե՛

— Կա՛մ եմ, հարեան ջան:

Ու «հարեան ջան» վեր, «հարեան ջան» վար, մեր մտերմութեանը կզորանա օրե օր: Առաջին օրը եկավ, տեսավ, որ մեր տան մեջ ոչինչ ունինք:

— Արտասահմանից ոչինչ չե՛ք բերել, — հարցրուց:

Ես թե՛

— Հարևան ջան, փառք տանք, որ գոնե կարողացանք գալ, կամաց-կամաց կունենանք ամեն ինչ, կաշխատենք, կառնենք:

Ձգացի, որ ուրախացավ, զնաց իր բնակարանն երկու աթոռ բերավ: Աթոռները տալու ստեն հպարտութուն մը կըողար իր զիմագծին վրա թե՛:

— Ահավասիկ, հարևան ջան, ես տանը շորսն ունեմ, երկուսը տալիս եմ ձեզ, մինչև որ դուք կունենաք ձերը.— հետո թե՛ ժամանակավոր գծվարութուններ բոլորս էլ ունեցել ենք, չհուսահատվեք...— ու շարունակեց իր քաղաքական ճառը, միշտ մեկնելով հավանական մեր կարիքներու բավարարման հեռանկարներն: Անշուշտ, այս բոլորը առանց հարցնելու, թե որի՞ հետ է գործը, թե ես ի՞նչ գաղափարի մարդ եմ և այլն, և այլն: Բայց ինչ որ հետաքրքրական էր ինձի համար, այդ զրույցի վերին աստիճանի հուզիչ թվիլն էր. «հարևան ջան»-ը քանի կխոսեր ու քանի կխորանար իր պրոպագանդին մեջ, ես այնքան թեթև ու ուրախ կըզգայի ինքզինքս: Իր անկեղծութունը կզրավեր զիս, ու ես կըզգայի իմ Հայրենիքին ուժը: Հետո թե՛

— Ինչպե՛ս է բազմիքը, ինչպե՛ս է ջուրը, ծորակները չավ անցկացրի՞ն, իսկ լո՛ւյսը: Հոգ մի արեք, վաղը ամեն ինչ կարգին կլինի, պակաս բան չեք ունենա, ու եթե մինչ այդ, հոգուդ մեռնիմ, հարևան ջան, մի բանի կարիք ունենաս, արի ինձ մոտ, մի՛ քաշվիր, ասա: Մենք, որ շօզենք իրար, ո՞նց կլինի:

Հարցուց իմ աշխատանքի մասին. ըսի թե՛ գրականության ինստիտուտ կաշխատիմ: Հավանաբար, չհասկցավ գործիս քնույթը. բայց ձևացուց, թե լրիվ ըմբռնեց: Նույնը պատահեցավ իմ պարագայիս. ես ալ հարցուցի իր աշխատանքը, պատասխանեց ինձի համար անհասկանալի ինչ որ մասնագիտական բան. ուսերեն բառերով: Հետո ես թե՛

— Հարևան ջան, չհասկացա:

— Էլի...— ըսավ ու բացատրեց մեկ ուրիշ ձևով, կրկին ուսերեն բառերով: Ես ստիպված:

— Հա, լա՛վ է, շա՛տ լավ է եղեր,— ըսի, որովհետև երրորդ անգամ եթե կրկին հարցնեի, կարող էր շատ տար-

օրինակ թվիլ իրեն ու կրկին սկսեր իր ճառերեն մեկը. արտա-
կարգ կամեցողություն մը ունի ինձի հասկցնելու, պատմելու
իր գիտցածները:

Անունն ալ շեմ գիտեր դեռ, հակառակ, մտա տասնհինգ
օր կրնն մեր գալը. ինքը սորվեր է իմը. կըսե՛ հարևան Գե-
ղամ ջան, ես շեմ գիտեր, բայց կամչնամ հարցնելու, որով-
հետե շատ կսիրեմ զինք, անգամ մը շհարցուցած եղա, ու
հիմա կվախնամ, որ անտարբերություն վերագրե անձիս, մա-
նավանդ իմ նկատմամբ: Ուրեմն տեղի անտեղի կկրկնեմ.

— Հարևա՛ն ջան:

Առավել զարմանալին կա տակավին. անցյալ օր «Սովե-
տական գրականության» 9-ի մեջ տպվելիք վիպակիս հաշ-
վին հոնորար ստացա: Գացի աթոռ, սեղան, գրադարան ու
գրքեր զնեցի ու բերի տուն: Կալ որ «հարևան ջան»-ը տունը
չէր. ինչո՞ւ մի ըսեք. արտակարգ զգայնություն մը կարմեջս.
չեղև խորհի, թե այլևս կարիք չունիմ իրեն. ու մտածածիս
պես ալ եղավ. առավոտուն, երբ սովորականին պես եկա՞մ
մեր մտ, տղաս անզուշարար.

— Հարևա՛ն ջան,— ըսավ,— աթոռներդ առ ետ. պա-
պաս երեկ տասներկու հատ բերավ:

Տեսակ մը ամոթխածությամբ.

— Շնորհակալությո՛ւն, հարևան ջան,— կրկնեցի:

Ուրախացավ, մեկ-մեկ զնածներս քննեց, որակի մասին
գոհ մնաց, բայց զիմագծեն կուհեցի, թե չէի սխալած
զգուշությանս մեջ: Հաստատվեցավ մտահոգությունս: Երեկ
առավոտ վաղ զարկին մեր դուռը: Գիշերը ուշ էի պառկած,
չկամությամբ իշա թե՛

— Ո՛վ է այս ժամուն:

— Ես եմ, հարևա՛ն ջան, բաց դուռ:

— Գիտե՛ս, ուշ էի քնացած:

— Ինչո՞ւ աշխատեցիր այդքան, հարևան ջան, հանդիստ
արա մի բիշ, նոր ես եկեր Հայրենիք,— հիմա եկուր ըսե թե՛
բարեկամներով նստա՛ծ էինք, խմեցինք և այլն...

Ամչցա ուղղակի աչդպես ըսելու, որովհետե կարող էր
պատասխանել թե՛

— Այ մարդ, ի՞նչ քեֆի ատեն է հիմա, նախ՝ տունդ տեղդ հոգա, վերջը՝ քեֆ շա՛տ...

Սա «հարևան ջան»-ը գլխուս անուշ փորձանք կտրեցաւ:

— Կա՛վ, ըսե, հարևան ջան:

— Արի, արի ինձ մոտ, ես պրիտմնիք գնեցի: Գու գեո շեա կարող գնել: Արի տամ քեզ մինչև դու կունենաս քո սեփականը:

Ես թե՛

— Հարևան ջան, հոգիդ ուտեմ, ցավդ տանեմ, շատ ուրախ եմ, բայց դու քո նոր գնած պարունիքդ ինչո՞ւ ես ուզում ինձ տալ,— շիտակը շհասկցա, թե պրիտմնիքը ինչ ըսել է. արդեն սխալ ալ կրկնեցի. ո՞րտերեն շեմ գիտեր տակավին:

— Եկ, եկ, հարևան ջան, մերոնք հիմա քաղաքում շեն. կինս ու զավակս գյուղում են. արի, միասին քեֆ անենք:

Ստիպված գացի, որպեսզի հասկանամ թե բանն ինչ է. տեսա, որ նոր ընդունիչ ու բիրապ է գներ: Շատ ուրախացա, իսկ ինքը թե՛

— Արի, հարևան ջան, մի բլասթինքա գնեմ, մտիկ արա, ասա քույրիկս ալ թող գա:— Գացի կանչեցի: Մենք տակավին անլվա, առավոտվա ժամը վեցին նստանք իր մոտ ու սկսանք մտիկ ընել իր... բլասթինքաները: Հազար անգամ շսած աշուղական և ժողովրդական հայկական ու աղբբեշանական երգեր էին:

— Հարևան ջան, շատ էի ուղում մի պրիտմնիք գնել, առիթը եկավ: Քանի դու շունես, առնեմ բերեմ ասացիլա՞վն է...

— Սքանչելի է,— լեցվեցան աչքերս,— երզն ալ հոյակապ է. կարծես առհասարակ ամեն ինչ նոր է ինձ համար:— Տկարացան ջղերս, կրկին շտեսությունս բռնեց ու սկսա լալ:

— Ինչո՞ւ ես լաց լինում, ա՛յ հարևան ջան:

— Մայրս հիշեցի, հարևան ջան, նվազդ դպավ սրտիս: Երզը Աբովյանի մասին էր.

Երանի թե մի օր հանկարծ
Քանաքեռից իջնեիր...

Մայրս կերգեր այդ երգը. մահվնն ետք ես խուսափեցա լսելու այդ մեկը. այդպիսին եմ. եթե շատ սիրեմ որեէ բան, կխուսափիմ միշտ, զգացումի հավասարակշռություն չկա մեջս:

Իսկ «հարեան ջան»-ը կրարձրացնն ձայնալիբը.

Հիմակ ալ շեմ կրնար ըսել, թե՛ մեզմ ձայնով լսելը ինձ համար առավել հաճելի է:

— Ե՛կ, նստենք պատշգամբում:

Արարատն է մեր գեմը. Արարատեն անդին մայրս կա, կան հայրս, քույրս ու եղբայրս. յուրաքանչյուրին գերեզմանը այլ հողի, այլ երկրի վրա:

Երանի թե մի օր հանկարծ...

— Ութ տարեկան էի, երբ Թավրիզից եկա Հայրենիք: Աղքատ էինք, թշվառ, մի եղբայր ունեմ, կույր է: Բայց հիմա տեսնո՞ւմ ես, հարեա՛ն ջան, ամեն ինչ ունեմ, մոտ օրերս թելեվիզոր էլ կառնեմ: Դու շառնես. մեր տանը կնստենք, բալիկներդ էլ կզան, կմիացնենք քեֆ կանենք...

Ու քո սիրած նորրում կանգնած
Երեանին նայեիր...

— Հարեա՛ն ջան, գիտե՞ս, — կըսեմ, — ես ու զավակներս գոնն հստակ գերեզման պիտի ունենանք:

Կնայի ապշած աչքերուս.

— Ա՛յ մարդ, — կըսե, — ի՞նչ ես ասում, խոսե կյանքի՛ մասին, ապրելո՞ւ մասին, երիտասարդ, հուժկու տղա ես:

— Կյանքի մասին խորհեցա, — կըսեմ, — շատ, շատ սկսա սիրել կյանքը:

Հոս արդեն բաժնավեցանք «հարեան ջան» — են:

— Հիմար տղա է, հե, ա՛յ քույրիկ, — կըսե կնոջս.

Կինս վաղուց գիտե արդեն իմ ինչ պտուղ ըլլալս ու «հարեան ջան»-ը խորհելով թե՛ ինչ-որ լավ շտապվեց այսօր.

— Վաղը կիրակի է, — կշարունակե, — լրիվ օր մը ինձ մոտ կլինենք, միս կբերեմ, քույրիկս թող սարքե, մինչև գիշեր բլասթինքաներ կլսենք: Ես խմողը շեմ, բայց մի շիշ էլ գինի կառնենք, ի՞նչ ասացիր...

Ի՞նչ ասեմ, հոգո՛ւղ մատաղ, ի՞նչ ասեմ, ընթերցո՛ղ, գուն ուզես ծիծաղե, ուզես՝ մի ծիծաղիր. մենք վաղը կիրակին պիտի անցնենք «հարևան ջան»-ին մոտ բլասթինքաներ մտիկ ընելով: Գիտեմ, կան որ, մեր տան մեջ մանավանդ՝ բարևս կփոխադարձեն իրենց ըթին ծալքով, իրավունք ունին թերևս, բայց մենք վաղը, կիրակի օրը առավոտվանից մինչև ուշ գիշեր պիտի առնենք մեր սիրտերը Արարատին գեմ, ով ի՞նչ կուզե թող ան բսե ու պիտի ժողովրդական հազար անգամ լսած մեր երգերը կրկին լսենք, իրարու պրոպագանդ պիտի ընենք ու փառք, հազար փառք պիտի տանք մեր վերածնած Հայրենիքին:

Այդպիսին ենք մենք մեր «հարևան ջան»-ին հետ. ես առարկա մը կրերեմ տուն, ինքը կուրախանա, ինքը կրերե՛ ես կուրախանամ: Մենք մեր տները կամաց-կամաց կկահա-վորենք երկուքով: Մեր հասցեի մասին գրեցի արդեն, Տիգրանյանի փողոց, 5-րդ շենք, մուտք 4, հարկ 4, բնակարան 47: «Հարևան ջան»-ինը՝ թիվ 45, թեպետ կարիք ալ չկու, վաղը առավոտվանից մինչև երեկո գուր կարող եք Կոմիտասի փակ շուկայի առջև կանգնիլ ու «հարևան ջան»-ի պրիտմնիքեն հստակ գիտնալ մեր հասցեն:

ՎԱՐՍԵՐԸ

Լաուրային

Քաղաքների մեջ մեծացած տղա եմ, սակայն գյուղացի-
ներին ավելի եմ սիրում: Նրանց հետ կարծես առավել ան-
կեղծ, առավել սրտարաց եմ լինում: Հոգեկան ինչ-որ անասե-
լի կապ ինձ դեպի նրանց է ձգում, դարձնում հարազատ, մո-
տիկ մարդ: Զգացումների, ապրումների շքողարկված նրանց
թափը մոտ է իմ սրտին, էությանը: Ես էլ եմ այդպիսին:
Տղամարդկանց հոգեկան նուրբ ապրումներին հակասող
անտաշությունը ինձ համար սիրելի մի առնականություն
ունի, որ միշտ հուզել է ինձ ու շարունակում է հուզել: Բայց
ամենից շատ սիրում եմ գյուղացի աղջկա լեռնային կուսու-
թյունը, ամոթխածությունը: Այս վերջինի առաջ ես էլ ինչ-որ
կորցնում եմ ինձ, դառնում տարօրինակ: Օրինակ, ես չեմ
կարող նրանց հետ խոսել այնպես, ինչպես խոսում եմ
քաղաքի ինձ ծանոթ աղջիկների հետ, չեմ կարող ազատ
կատակել նույնիսկ, ինչպիսին է առհասարակ իմ բնավորու-
թյունը: Մի թաքուն վախ ինձ միշտ ետ է պահում այդ բոլո-
րից: Կատակներին նրանք կարող են վերարբուլել այլ կերպ:
մի ակնարկ, մի խոսք կարող է խոր փոթորկումներ առա-
ջացնել նրանց շինջ հոգիներում, որից դու անտեղյակ լի-
նես: Չէ՛, ինչ էլ լինի, իմ սիրտը կապված է գյուղին, ես սի-
րում եմ գյուղացիներին:

Կյանքն ստիպեց, որ ես այսպես հասուն տարիքում
դառնամ ուսանող և հեռակայիմ համալսարանում: Նա իմ
ընկերուհիներից էր, եկել էր մեր հայրենիքի ծայրամասային

մի գլուղից: Հեռակա համալսարաններում մեծամասնությու-
նը շրջաններից է, շատ քչերն են բաղաբից: Բայց ինձ
համար անսովորը նրա արտաքինն էր. հավատացեք, «գրա-
կանություն անելու» համար չէ, որ ասում եմ, թե նա՛յդ աղ-
ջիկը, ուներ թախժոտ, աշնանային թախժոտ ու գրավիչ մի
տեսք: Նիհարակաղմ էր, կանաչ աչքերով և երկա՛ր, երկա՛ր
ածխանման վարսերով, որոնք իջնում էին մինչև մեջքը: Հա-
վանաբար գեղեցիկ հյուսքերով այդ վարսերն էին, որ իմ
գասրնկերուհուն տալիս էին գեղջկուհու տեսք և իմ ակնարկ-
ները տևաբար կապում իրեն: Սիրահարվե՛լ էի, թե... ինչ
իմանալ, սիրտը նման հիմարություններին ե՛րբ է հաշիվ
տվիլ կյանքում: Բայց գիտակցում էի, որ ավելորդ մի խոսք
կամ շարժում զանազան անպատեհությունների առիթ կտա
և վատ կացություն վճարեմ ինձ: Թեև իմ կամքից անկախ,
դասերի ընթացքում աչքերս չէին պոկվում իրենից և
տևաբար հանդում էին ածխանման այդ հյուսքերի ծալքերի
մեջ: Ներեցեք իմ համարձակությանը. երևակայությանս
մեջ ես նույնիսկ քանդում էի դրանք, բախում մեկ-մեկ,
հետո կրկին հավաքում, ձեռագրիկներ ամբացնում, կարմի՛ր,
կարմի՛ր կակաչներ կապում յուրաքանչյուր թելին և այս
բոլորը... դասերի ընթացքում: Անշուշտ, իմ «հանցանքի մա-
սին» ոչ դասախոսը գիտեր, ոչ ընկերներս և ոչ էլ... նա:
Լավ էր այդպես, և հավատացեք, նրա վարսերն ինձ կապել
էին համալսարանին: Ինքս ինձ հազարումի կրակե թելերով
կապված էի զգում ամեն ինչի, բայց մանավանդ անհետ
կորած մի երիտասարդու՛թյան: Ջահելացել էի, խորհում էի
տևաբար զարնան ու լավ բաների մասին:

Իմ կյանքի անցած ուղու, գրող լինելուս հանգամանքի
մասին իմացան դասարանում: Դասախոսներից մեկը հրապա-
րակով հայտնեց այդ, ակնարկելով իմ գրած պատմվածքները:
Սյդ բոլորը իմ վարկը միանգամից բարձրացրեց բոլորի
աչքում: Ես և՛ գոհ էի, և՛ դժգոհ: Թե ինչու էի գոհ՝ կարիք
չկա ասելու, բայց դժգոհ էի, որովհետև տղաները կարծում
էին, որ ես, որպես գրող, ավանդված բոլոր նյութերից արդեն
վաղուց պետք է գաղափար ունենամ, և ամեն առիթով
դիմում էին ինձ: Նրանք հաշվի չէին առնում իմ տարիքը.

դպրոցական նստարանից ավելի քան քսան տարիներ կտրված լինելու հանգամանքը և այլն... Իսկական փորձանքի մեջ էի ընկել ու խուսափում էի տեղի անտեղի արված հարցերից: Այդ բոլորի արդյունքը, սակայն, եղավ այն, որ տղաներից մի քանիսը ինձ հետ մտերմացան, և ես խոր սիրով կապվեցի նրանց հետ: Բոլորն ուզում էին ունենալ հրատարակված գրքերիցս: Հակառակի պես, ոչ մի ավելորդ օրինակ չունեի տանը: Դե, քաղաքից քաղաք, երկրից երկիր ֆախառական իմ կյանքը առիթ չտվեց նույնիսկ հատորներիցս մի քանի ավել օրինակներ պահելու: Բայց չգիտես որտեղից, ինձ համար անբացատրելի մի ղզացման ճնշման տակ ես գտա այդ գրքերից մեկը և բերի համալսարան: Ի՞նչ էի անելու: Ես ինքս չէի ուզում խոստովանել անելիքիս մասին: Բայց տեսա, որ արդեն մակազրել եմ նրա անունով և սպասում եմ պատեհ առիթի... Ասել, որ մենք ոչ մի բան չէինք փոխանակել: ավելին, չէինք էլ բարևում: Այդ օրը ես չկարողացա հետևել դասախոսություններին, ամբողջ ժամանակ խորհում էի, թե ինչպե՞ս անեմ, որ անհարմար կացություն չստացվի: Հետո, ամենակարևորը, ուրիշները շիմանան իմ «նվերի» մասին: Թեպետ ոչ մի անսովոր բան էլ չկար իմ արարքի մեջ: Ուզում ես նվիրել գիրքդ՝ նվիրիր, ո՞վ է բռնել ձեռքիցդ:

Անդադար նայում էի նրա վարսերին, քանդում, սանրում ու... երազում: Լավն էին մազերը, բայց առավել լավ էին իմ երազները: Եվ ես հիշում էի իմ կորցրած քրոջը. նա իր նկարներից միշտ այդպիսի մազերով է նայել ինձ: Երանի,— ասում էի ինքս ինձ,— երանի բույրս ողջ լինեք, լինեք յոանը, և ես ամեն երեկո, քանդելով հյուսքերը նրա խարաչաչ խոսույունների, ջղայնացնեի նրան, ցավացնեի, շարանայի ու շարացնեի: Ինձնից մեծ էր նա: Հիշում էի մայրիկիս... Մի խոսքով, նրա վարսերը ինձ ետ էին տանում դեպի անցյալի իմ պատանությունը, առաջին սիրույս... Թեպետ իմ սիրածը երբեք էլ այդպիսի հյուսքեր չի ունեցել: Նրա մազերը... Ես սիրահարվել էի նրա մազերին: Երկար մազերն իմ տկարությունն են եղել: Այդ հարցում ես ավելի քան հիվանդագին ձգտում եմ հանդես բերել նույնիսկ վաղ

երիտասարդ հասակում: Հիշում եմ, ժամերով հետևել եմ մի աղջկա, առանց նպատակի հետևել եմ միայն նրա մազերի հյուսքերով ապրելու համար, թեկուզ մի քանի ժամ: Մինչև գիտաբեր հասնող երկար մազերը օտարության քառուղիներում ինձ միշտ հիշեցրել են իմ հայրենիքը, ես նույնիսկ Մասիսներին, նրանցից փոքրին պատկերացրել եմ որպես մի դեղեցկուհի, որի գլխին ամուսնական սպիտակ թագ է և մինչև սրունքները հասնող մազերի ծալ-ծալ հյուսքեր: Մեծին նայել եմ որպես փեսայի, որ դարերի անդամաձանությամբ գնում է հարսանեկան առազաստ, գնում է և նա անաղարտ կպահի իմ հայրենի օջախը: Ես չեմ սիրում, երբ երևում է աղջկա ծոծրակը. մանավանդ իմ վրա հոռի տպավորություն են թողնում ճակատի վրա ինչ-որ կեղծ ու շինծու ձևավորումներով ուռած արտակարգ, անսովոր գույներով ներկված ժամերը: Այդ հարցում, թող ինձ ներվի ասել, մի քիչ «պահպանողական» եմ: Մեր ժողովրդական պարերի մեջ ինձ ամենաշատ դուր եկողը մեր կաքավող աղջիկների մազերն են, մինչև կրունկները հասնող վետվետուժը չուրաքանչյուր քայլափոխի: Ի՞նչ անել, սիրում եմ ամեն տեսակ պար, բայց հուզվել կարող եմ միայն առաջիններից: Հեռացանք նյութից: Ո՛չինչ: Եվ քանի հեռացել ենք նյութից, միանգամից ասեմ ասելիքս և պոկվեմ իմ սրտի տաղնապից: Ես զիրքս ավի նրան և ասացի.

— Ձեզ համար եմ բերել, իմ միակ օրինակն էր...

Ի՞նչ կարիք կար այդ բոլորին: Տալու ես՝ տուր, սովորական ձևով, ինչո՞ւ այդ հանգամանալից և իմաստալից, ոչ անկեղծ արտահայտությունը... «Իմ միակ օրինակն էր» և այլն...

Նա կարմրեց. ավելին, նույնիսկ շառագունեց: Թախծոտ իր գիմազիժը պարուրող կարմրությունը դարձրեց նրան առավել գրավիչ, առավել անմեղունակ: Ես արգեն զգջում էի արածիս համար: Դողում էին ձևերես:

— Շնորհակալություն, — ասաց գրեթե շշնջալով, — շատ շնորհակալություն ուշադրության համար: — Եվ այսբան: էլի մենք շարունակեցինք շրարել իրար և շփոխանակել ոչ մի բան: Բայց նա պահել էր զիրքս, ցույց չէր տալիս ոչ

որի: Այս անգամ արդեն նրա սովորական լուսթյունն ինձ համար անսովոր էր դարձել: «Չլինի՞», — խորհում էի, — վատ բան մտածի իմ մասին, չլինի՞ կարծի, թե ես ինչ-որ ուրիշ բաներ եմ մտածում, չլինի՞ կարծի, թե ես ուզում եմ ինչ որ...»:

Տազնապն սկսեց ծայր առնել իմ մեջ: Կորավ նույնիսկ ինձ վերին աստիճանի հուզող մաղերի գրավչութունը: Ես, այո՛, ճիշտ և ճիշտ դարձել էի Իվան Գիմիարիչ Չերվյակով և մաղ էր մնում վերադառնալի տուն, պառկեի բազմոցին և նույնիսկ... մահանալի ամոթից:

— Ա՛յ տղա, — ասում էի ինքս ինձ, — ի՞նչ արեցիր դու: Հիմա, որ նա սկսի հետաքրքրվել քեզանով, լսի, որ ամուսնացած ես, ի՞նչ կմտածի քո մասին: Ա՛յ հիմար, — կշտամբում էի ինքս ինձ, — քո ի՞նչ գործն է ուրիշի մաղերի հաշվին երազելը: Անշուշտ, թե նա շի խոսի քեզ հետ: Ո՞վ գիտի, ինչի տեղ է դնում քեզ: Ուղղակի հիմար կացության էի մասունքվել: Գնացի, խնդրեցի ինձ ծանոթ քնկերների, խնդրեցի նրանցից իմ գրքերը: Մրագրում էի բերել համալսարան, նվիրել ուրիշներին ևս և այդպիսով հակալիշուել թույլ տվածս սրխալը: Եվ այդպես էլ արեցի: Բայց պատահեց մի նոր դեպք:

Հայոց լեզվից գրավոր էինք գրել, դասախոսը բերել էր թերթիկները և բաժանում էր: Կարդում էր յուրաքանչյուրիս անունը, սխալների մասին խոսում, անում դիտողություններ, ուղղումներ, վերջում հայտնում գնահատականը:

Կանգ առավ նրա անվան գիմաց: Նա գերազանց էր ստացել: Նայեց ինչ-որ կասկածանքով և...

— Աղջիկս, — ասաց, — դու շե՛ս օգտվել որևէ տեղից:

Այ քեզ տարօրինակութուն, որտեղի՞ց որտեղ իմ բերանից ականաթ թռավ մի նախադասություն, որի մասին, եթե մտածած լինեի, դժվար թե պատասխանեի նույն ձևով:

— Նա, — մեջ մտա հանկարծ, ինձ համար էլ անհասկանալի մի հանդգնությամբ և բարձր տոնով, — նա այդպիսի բան չի՛ անի:

Բուրբը դարձան դեպի ինձ, դասախոսը նույնպես: Իսկ նա շառագունել էր և նույնիսկ շէր շարժվում տեղից: Ինձ

ընկձում էր նրա այդ դուստր վարմունքը: Այս բոլորը հաստատում էին իմ կասկածները...

— Իսկ դու որտեղի՞ց գիտես, ընկեր,— այս անգամ խոսքն ինձ ուղղեց դասախոսը, ձայնի մեջ գնելով հեզանքի այն շեշտը, որից խուսափում էի ամենաշատ: Բայց նևտն արդեն ելել էր աղեղից...

— Նա լավ աղջիկ է,— այս անգամ արդեն մեզմ հաստատեցի իմ միտքը: Հասավ կործանիչ պատասխանը:

— Իսկ մյուսները վա՞տն են, միայն նա՞ է լավիկը...

Ա՛յ քեզ բան, հիմա էլ... «Լավիկը»: Նշմարեցի, որ որոշ ընկերներ բմծիծաղ տվեցին և երևանցի մի քանի ընկերուհիներ զարմանք արտահայտող ակնարկներով շփեցին ինձ.— վա՛յ, դու՞ էլ, Բրուտոս...

Գե, ինչ պատմեմ ավելին: Այլևս ես էի խուսափում նրանից դասամիջոցներին: Երբ բախում կամ մի այլ տեղ հանդիպում էի նրան, ձևացնում էի, թե չեմ տեսնում, շատ եմ զբաղված և նման հիմարություններ: Աչքերս ակամա փախչում էին նրա աչքերից, և ստեղծվում էր այնպիսի մի գրուծյուն, որից ամենաշատ վախենում էի ես:

Լրացավ շրջանը: Գյուղից եկածները վերադարձան իրենց գյուղերը, մենք էլ մնացինք քաղաքում: Մտածում էի մեկ-մեկ եղածների մասին և համոզվում, որ այդ բոլորի պատճառը միայն նրա... ամխանման մազերն էին:

Զարմանալի դուզադիպություններ կան կյանքում: Մի անգամ ես գնացի գործուղման, և զիպվածով գնացածս շրջանը մոտ էր նրա գյուղին: Հանդիպե՞լ նրան, թե չէ,— մտածում էի: Մտածում էի և ջղայնանում ինքս ինձ վրա:

— Ինչո՞ւ չգնալ: Որ լսի, թե ելել եմ ու չեմ հանդիպել, ի՞նչ կմտածի իմ մասին, շի՞տսի թե անտաշ մարդ եմ, հետո մեկնարանություններ չի՞ տա շղնալուս համար:

Որոշեցի գնալ: Հավանական կասկածներից լրիվ խուսափելու համար վերցրի մի ընկերոջ, հարցրինք, գտանք նրանց տունը, և ահա թե ինչ պատահեց.

Մայրն էր տանը, ընդունեց սիրով: Հասկացրի, թե ես իր աղջկա ընկերն եմ համալսարանից և զարմանք... ճանաչեց անմիջապես ու որպեսզի փաստի՝ գնաց ու ներսից բերեց...

նվիրածս գիրքը: Նա՞: Նա տանը շէր, գնացել էր հեռավոր մի գյուղ գործով:

— Ես հենց այսօր կզանդահարեմ նրան,— ասաց մայրը,— նա կգա անպայման:

— Կարիք չկա անհանգստացնել, մայրիկ,— ի վեր փորձում էի համոզել: Նա մնում էր անզրդվելի: Վերջապես ես ստիպված էի ստել:— Ստիպված եմ մեկնել այսօր խեղ, արդեն տոմսը վերցրել եմ, այնպես որ...

— Բայց, տղաս, ո՞նց կլինի այդպես, ամոթ չի՞, այսպես վերջին բուպեի՞ն կզան ընկերոջ տունը: Ոչ, ոչ,— առարկում էր մայրը,— տոմսը ետ կտաք: Նա ձեզ շատ է հարգում, սպասեցեք մի օր էլ... Կգրուցենք, գիշերը կմնաք մեզ մոտ: Աղջիկս ասում էր, որ դուք շատ երկրների մարդկանց եք տեսել: Բայց ոչինչ, այս էլ հայկական օջախ է, գոհ կմնաք...

— Մայրիկ,— կրկնեցի հաստատակամ,— հասկացեք խնդրում եմ, աշխատանք ունենք, անկեղծ եմ ասում, շնք կարող:

Վիրավորվեց, բայց զիջեց:

— Գե ինչ արած, եթե այդպես եք ուզում... Գոնե նստեցեք, մի-մի բաժակ օղի խմեք, մեր շրջանի օղին միակն է ամբողջ Հայաստանում, խմած կա՞ք...

Ու առանց պատասխանի սպասելու՝ գնաց: Բայց մինչ այդ բերավ ու տվեց ընտանեկան նկարների մի ալբոմ, որպեսզի դբադվենք: Շտկում էր սեղանը և մեկ-մեկ դալիս ու բացատրութլուններ տալիս:

— Սա մեր հայրիկն է, կորցրինք անցյալ տարի: Աղջիկս շատ ազդվեց, պառկեց ամիսներով, տեսնո՞ւմ եք, ոնց է նիհարել:

Եվ իսկապես, նկարներից նայում էր լիքը թշերով մի աղջիկ, բայց... նա էր, կային և իր ածխանման, երկար մազերը, մի տեղ լրիվ արձակված և տարածված ուսերն ի վար, մի այլ նկարում՝ վերցրած ափերի մեջ, մի այլ նկարում ուղղակի, այո՛, ուղղակի ձնծաղիկների շարաններ սև խուրձերի մեջ: Բայց ես զգաստացա. շատ էի տարվում: Զգաստացա, երբ ընկերս ասաց.

— է՛հ, տղա, չլինի՞ դու ինձնից ինչ-որ գաղտնիք ես պահում:

Փակեցի ալրումը, նստեցինք սեղանի շուրջ, խմեցինք մի քանի բաժակ, գլուղական թարմ լավաշի, պանրի, կարագի, մեղրի հետ և պետք է ասել՝ դժվարութեամբ պոկվեցինք:

— Շնորհակալութուն, մայրիկ,— ասացինք ու բառի իսկական իմաստով՝ փախանք դուրս: Ճանապարհին ես՝ ու ընկերս ոչ մի խոսք չփոխանակեցինք:

Նկավ համալսարանի նոր շրջանը: Նա ուշ վերագործավ գլուղից: Խոստովանում եմ, որ բացակայությունը ընկճում էր ինձ. կարծես իմ շրջապատում բացակայում էր շատ մոտ մի հարազատ: Չլինի՞ էլի հիվանդացել է, մտածում էի ես: Բայց եկավ: Նույնն էր: Սակայն այս անգամ, բացի մազերից, որ առաջվա նման սիրուն էին ու խենթացնող, փոխվել էր արտաքինը: Ավելի բազաբի աղջկա էր նման: Չկար նախկին ջերմ պարզությունը: Ինչ-որ մոդայիկ շեշտ կար հագուստ-կապուստի ու մարմինն առավել զեղեցկացնող նրբակրունկ կոշիկների մեջ: Փաղաքի ու գլուղի մի տեսակ խառնուրդ էր ստեղծվել և պիտի ասել, այդ բոլորից շահել էր ինքը: Կորավ իմ մեջ հաստատակամությունը. ես էլի դարձա լուսկյաց իր նկատմամբ: Խորհում էի, թե տարօրինակ աղջիկ է նա, չի ասում, որ զնացել եմ իրենց տուն, ոչ մի բառ այդ առթիվ. բայց տանն իմ մասին պատմել է ու պատմել: Իսկապես, տարօրինակ աղջիկ: Հետո մտածում եմ. չէ՞ որ բարդությունն ստեղծում եմ ինքս ինձ. զնամ ու խոսեմ, ինչո՞ւ եմ այսպես դժվարացնում ամեն ինչ: Հավանաբար, նա խոսափում է հենց իմ սառնությունից:

Տարվել եմ այդ մտքերով և կրկին նայում եմ նրա մազերին: Հանկարծ ամեն ինչ կատարվեց մի ակնթարթում: Նա ետ դարձավ և մի շատ կարճ պահ, որ ինձ թվաց երկա՛ր, շատ երկա՛ր... նայեց ուղիղ աչքերիս մեջ և... ինչ արժար վիճակ. ես կարմրեցի խեցզետնի պես: Հիմա եկ ու դուրս արի դրությունից. դասի ժամին, ամեն ինչ թողած՝ նայում ես նրան և նա քեզ բռնեց հանցանքի վայրում: Կարծես այսքանը բավական չէ, տակավին կարմրում ես՝ տալով մեղքիդ անհերքելի փաստերը: Գե հիմա ասա, որ նստած

ետևի շարքում սոսկ պատահամբ ես աչքերդ մեխել նրան: Չէ, աչլեա շես պրծնի, ո՞ւմ կարող ես հավատացնել: Դե, եթե կարող ես, հավատացրու նախ ինքդ բեղ...

Հիմարությունները հաջորդում են միմյանց: Դասամիջոցին հանդիպում ենք իրար, դեմ-դիմաց: Ես մոռենում եմ և...

— Ներիր,— ասում եմ,— ներիր, բո մազերը...

Նա, սակայն, չի լսում, նույնիսկ չի թողնում, որ ասեմ ասելիքս ու ազատվեմ մղձավանջից, հեռանում է: Ես վազում եմ ամոթից, մտնում եմ դասարան և սպասում, թե կրբ կավարտվի իմ այս դժոխային տագնապը...

Երեկոյան հապճեպ իջնում եմ Արտվյանով: Ամռան շոգ օր է: Խայտաբղետ ուրախ մի բազմությամբ են լցվել սյուզետաները, կենիին հրապարակը եզերող մայթերը, ամենուրեք: Մեկը տվեց իմ անունը: Կանգնեցի, նայում եմ ապշած... Նա է:

Կարմրել են այտերը, վառվում են: Ճակատին քրտինքի կաթիլներ կան: Անթարթ նայում է աչքերիս մեջ, պատասխանի է սպասում, թեպետ ոչինչ չի հարցրել: Իսկ ես կարծես մեխվել եմ մայթին և նայում եմ բարացած. ինչ-որ խայթող ցավ անսանձ մտրակում է հոդիս:

— Ինչպե՞ս է, հավանեցի՞ր...

Չեմ հավատում աչքերիս. նա՞ է, թե՞ մեկ ուրիշը: Ապշել եմ, շշմել ուղղակի, աչքերս խոնարհվում են. այո, տեսնում եմ սպիտակ, բարձրակրունկ կոշիկները, հետո կանաչ ծաղկավոր փեշը, հետո սպիտակ վերնաշապիկը և սև... ածխանման մազերը, որոնք ճակատի վրա հսկա դեղ են կազմել ու կիսով իջել վար, այնտեղ կարմիր մի լայնեղբ ժապավենի սեղմումի տակ հորդելով մինչև քունքերը... Կարմիր այդ ժապավենը շրջանցում է ախանջները և դառնում կապ ծոծրակի վրա, ուր և ընդհատվում են մազերի հազարավոր կրակե թելեր՝ հանգած ածխի տեսքով:

— Չհավանեցի՞ր, — տխուր կրկնում է հարցումը, աչքերի մեջ՝ խոնավություն:

— Ամաչում եմ նայել ձեզ. դո՞նե մի բառ ասեք...

— Ինչո՞ւ արեցիք դա,— շնչում եմ վերջապես ուշքի

գալով: Ինչո՞ւ թողեցիր, որ կտրեն..., և լռաջին անգամ տալիս եմ անունը:

— Նա էլ էր ուզում այդպես, — խոսում է մեղմ, — բայց երկար համառում էի: Բայց այս առավոտ դուք ես... երբ...

— Իսկ ո՞վ է նա, — հարցնում եմ՝ մմբռնելով ահավոր թյուրիմացությունը:

— Չգիտե՞ք, — ասում է, — նշանածս, նա էլ է արվեստի նշխատող...

ՊԱՏՄՎԱԾՐ՝ ՊԱՏՄՎԱԾՐ ԳՐԵԼՈՒ ՄԱՍԻՆ

Տառապում էր օրերից ի վեր, ավելի ճիշտ՝ մի տեսակ անտրամադրութիւն շոքել էր ուսերին և քարշ էր գալիս իր հետ, ծանրացել էր մարմինը, մտքում հազարումեկ խոհեր, շէր իմանում որտեղից սկսի, որտեղից դուրս գա:

Առավոտը ուշ արթնացավ, բայց և այնպես մնաց մեկ-վաճ անկողնում, քաշեց վերմակն աչքերին ու թաղվեց երազ-ների մեջ: Հետո միանգամից մտաբերեց, որ երեկ գիշեր ինչ-որ կարգին շպահեց— իրեն, վիրավորեց մի ծանոթի: Այս վերհիշումը ստիպեց, որ ոգնու պես ամփոփվէ: վերմակի տակ, ասես փորձելով ջնջել դեպքի պատճառած անախտժ տպավորութիւնը: Բան դուրս չեկավ սակայն: Նլավ, հագնվեց ու գրեթե նետվեց փողոց: Փետրվարյան ցուրտ օդը մի քիչ ուշքի բերեց թմրած բանականութիւնը:

Տրամվայում հետզհետե ավելացող բազմութիւնը սկսեց իր հորձանքի մեջ վերցնել նրան. նախ մարմինը պատող հաճելի տաքութիւնը, հետո մարդկային կոնակների պատ-նեշը ջնջեցին իր մեջ ծառացող ամոթը: Տոմսավաճառի «փոխանցեք ընկերներ»-ը նույնիսկ մի թեթև ժպիտ գծադրեց շրթներին ու ինքը ներքին ինքնաբեր մի մղումով սկսեց զորժի լծել ինքն իրեն ու շեշտված հապճեպ ցուցաբերեց առաջից հասնող երեք կոսպեկանոցների նկատմամբ: Կարծում էր այդպիսով, թե ինչ-որ հասարակական զործում իր մասնակցութիւնն է բերում: Հիմար բան է, բայց երբ սրտում գ ինչ-որ ճնշում կա, ճնշում, որի բնույթը և՛ ծանոթ է, և՛ անծանոթ

քեզ, կարծես այդպես է ստացվում: Իջավ օպերայի առաջ:
Հանդիպեց խմբագիր մի ընկերոջ:

— Սպասում ենք, սիրելիս:

— Ինչի՞ եք սպասում:

— Պատմվածքներիդ:

Մատը դրվեց վերքի վրա, ու վերքը բացվեց ծախտի տեսքով.

— Կլինի:

— Ե՞րբ:

— Այս օրերին:

Ու որպեսզի ծախտը ցույց չտա իր խսկական խորքը, հարցրեց.

— Քանի՞ էջի սահմաններում:

— Հինգ կամ վեց էջի...

Խնդաց՝

— Կաշխատեմ, — պատասխանեց ու սկսեց քայլել:

Հինգ կամ վեց էջի սահմաններում գրելու համար այն, ինչ որ սրտումդ հավաքվել է հինգ հարյուր էջով՝ տաղանդ է հարկավոր: Հինգ հարյուր էջ գրելը առավել դյուրին է, բայց չի իմանում ինչից սկսի, որտեղից դուրս գա: Ոչ առաջին պատմվածքն է, ոչ էլ առաջին գիրքը, բայց միշտ այդպես է լինում իր հետ: Վերջացնում է մի ստեղծագործություն, և լրանում է ամեն ինչ. հանդարտ է, երջանիկ, կարգին մարդ: Մեկ էլ տեսար՝ նոր նյութ մտավ գլխի մեջ, կորցնում է հավասարակշռությունը, փոխվում է, ապրում անսովոր կյանքով, սկսում է խմել և մեկ էլ՝ անկարգություններ է թույլ տալիս իրեն: Վախենում է չկարենալ դուրս գալ նոր նյութի տակից: Մինչդեռ նման տասնյակ գործեր է տվել Յուրաքանչյուր անգամ կարծես սկսնակ է, կարծես իր առաջին աշխատանքն է. անցյալի մասին մոռացել է արդեն: Անցյալն իրենը չէ՛, տպվել, գնացել է ընթերցողին: Հիմա սկսվում են նոր փորձանքներ: Զղայնանում է, հայհոյում ինքն իրեն: Ինքն իր աչքում մի տեսակ վատ է երևում: Հետո տեսար՝ ստացվեց:

Մանկանում է, բյուրեղանում և այսպես շարունակաբար: Բայց սա ինչ-որ շատ է հոգնեցնում իրեն, մաշվել են

շղերը, սպիտակել մազերը, այնինչ երիտասարդ է ղեռնբրեմն ասում են, թե գրականությունը հեշտ գործ է, եթե ձիրք ունես գրելու՝ պրծավ: Իրեն որ հարցնեին՝ կնախընտրեր նույնիսկ հանքափոր լինել, միայն թե սրտում այդպիսի հիմար զգացումներ չառաջանային:

Կյանքը ետում է, յուրաքանչյուր քայլափոխիդ մի հերոս, կյանքի մի սիրահար: Անցնում են մարդիկ, տղաներ ու աղջիկներ, յուրաքանչյուրի մեջ՝ մի աշխարհ, մի վեպ, թե կարող ես՝ գրիք այդ բոլորի մասին... հինգ էջում:

Սահնակի վրա պռակած մի փոքրիկ տղա սահեց իր մոտից, գլուխը վեր բարձրացրած՝ նայում է ծառերի ճյուղերից կախված ձյուններին: Ձյունը տերևների տեսքով է իջել երկնքից: Սահնակը կարող է խփվել մի ծառի բնի, շուռ գալ, բայց նա նայում է վերև, ձյունն տերևներին... Ու երազ կսաշքերում, տակավին շատ ջինջ, ձյունեղեն մի երազ:

Ինքն էլ էր այդպես, երբ մանուկ էր. աճժժ, սակայն, գիտե, որ երազներին պետք է նայել ուղիղ, շեշտակի, թե չէ կրախվես ու սայթաքելը վատ կլինի: Մանկան համար կվազեն մարդիկ, բայց քեզ վրա կծիծաղեն...

Տարօրինակ է, շատ տարօրինակ, որտեղից որտեղ հիշեց, որ մի քանի օր առաջ թաղեցին իրենց հարևանի կնոջը: Տակավին շատ էր երիտասարդ: Նա էլ էր իր սպիտակ անկողնում, մետաղյա կարմիր ու դեղին վարդերի մեջ՝ խաշած ձեռքերով, նայում երկնքին, ու երկնքից ձյուն էր իջնում: Ձյունն իջնում էր տրամությամբ՝ դժգունած և կյանքից տակավին կարոտ բաժանված այդ աղջկա աչքերին: Իսկ դազադի ետևից քայլում էին երկու որբուկներ. ձյունը նրանց արցունքները սառեցրել էր մարգարիտի նման... թափվում էր ձյունը. ու ինքը հիշում է, դարմանալի հիշում, ու թեև փակ էին դեռատի կնոջ աչքերը, բայց նա նայում էր երկնքին:

Քայլում է ինքը... Ոչ, պետք է ուղիղ, շեշտակի նայել երազներին, թե չէ... թե չէ, սահնակում շես, մարդիկ կարող են ծիծաղել քեզ վրա: Ոչինչ, կսովորես, կյանքում ձյունը միշտ կա ու կա. թափվում է և այսօր, ինչպես թափվում էր երեկ: Բայց ինքը այդ բոլորի մասին չէ, որ ուզում է գրել, իր մտքում օրերից ի վեր այլ նյութ է խմորվում: Վերջերս

լսեց Հայրենական պատերազմում զոհված մի պարտիզանի մասին, անունը Գուրգեն Հովսեփյան: Թշնամիները նրան ձերբակալել ու այրել են ողջ-ողջ: Տակավին շատ երիտասարդ է եղել նա, գրել է բանաստեղծություններ: Բանաստեղծությունների տետրերը, ճակատից գրված նամակներն իր մոտ են: Վերջերս ինքը գնաց Մարտունի ու հերոսի մոր մոտից վերցրեց այդ բոլորը: Մայրն իր վեց որդիներից հինգին զոհել է. Գուրգենի նամակներից բաժանվեց դժվարությամբ, մորմորով, բայց վստահեց իրեն ու հանձնեց: Սա նրա հերոս զավակից երկրորդ բաժանումը եղավ: Հայրենիքի ու կյանքի սիրուն հերոսական մի ամբողջ վեպ է. հանդիպեց նրա ընկերներից մեկին, պարտիզան ընկերներից: Նա պատմում էր երկար, երկար: Մինակում է զոհվել Գուրգենը, այնտեղ հազարներին են զնդակահարել, թաղել ողջ-ողջ, և իմանո՞ւմ ես.

— Ձյուն էր գալիս, ձյունը իջնում էր հանդարտ, ծածկել էր շարագործների հետքերը, բայց այն փոսերում, ուր թաղել էին հարյուրավոր մարդկանց ողջ-ողջ, հողը հեռում էր երեք օր անընդհատ... Հողը հեռում էր, մարդկային կրճրի նման շնչում...

Այդպես նկարագրեց Գուրգենի՝ այժմ կոլտնտեսական ընկերը՝ Վազգեն Մատուրյանը: Նա ասաց այդ բոլորը մի սողի մեջ, այն, ինչ ինքը կգրեր էջերի մեջ: Այդպիսին է կյանքը, պիտի ապրել, տառապել, և արդեն ստացվում է բանաստեղծը: Սենյակում նստած չի կարելի գրել կյանքի մասին, թեկուզ հինգ հարյուր էջով. դե, չափվիր հիմա կոլտնտեսիկի հետ:

Ինքը գնալու է տակավին Մինսկ, հանդիպելու է Գուրգենի ուսու կնոջը, ընկերներին, բայց կհաջողվի՞ արդյոք մոր ձեռքից հերոս որդուն երկրորդ անգամ խելուց հետո կյանքի կոչել նրան, կհաջողվի՞ այդ մեկը... Եվ նրա համար էլ տառապում է օրեր շարունակ, կորցնելով հավասարակշռությունը. փոխվել է, ապրում է անսովոր կյանքով...

Գնաց ու նստեց «Արագիլ» սրճարանում, դիտում է դուրսը...

Սահնակի վրա պռակած փոքրիկը շրջանցեց ծառը. նրան մոտենում է մի կին... Երիտասարդ է, գեղեցիկ և նա կանգ-

նեցրեց սահնակը: Մայրիկն է անպայման և հավանարար
ասում է.

— Բավ է այսքանը:

Իսկ տղան լաց է լինում, ուզում է էլի քշել... անցորդ-
ները ծիծաղում են, ինքն էլ է ծիծաղում: Ինչ լավ է, որ նա
նրա մայրիկն է, փոքրիկ տղայի մայրիկը: Չէ՞ որ նա կանգ-
նել է ծառի տակ, իսկ տղան սահնակը ձեռքին բարձրանում
է մայթը:

Գեղեցիկ է կյանքը, խելագարեցնելու շափ գեղեցիկ ու
նման մի օր, հարկ է, որ ոչ մի վատ արարքի հետք չունենաս
սրտումդ: Չէ, հարկավոր է վերցնել մի երկու կուպեկանոց ու
զանգ տալ այն անձանոթին, որին վիրավորեց երեկ գիշեր:

Իսկ ձյունը... Ձյունն իջնում է հանգարտ, հանդարտ,
խփվելով ծառերին, շենքերին, էլեկտրասյուներին ու մարդ-
կանց...

Ձյունը իջնում է...

ԽՈՂԵՐ՝ ԲԱՅ ԵՐԿՆՔԻ ՏԱԿ

(Էսթիզմեր)

Գարուն է...

Գարուն է, թափառում եմ աննպատակ: Տնից քայլելով իջա մինչև Սևան հյուրանոցի մտաերբ: Բավականին երկար ճանապարհ է, գրեթե մի ժամ: Շրթներիս վրա ժողովրդական մի երգի առաջին տողն է, երկրորդ տողը առանց բառերի. եղանակով շշնջում եմ երկար ժամանակից ի վեր: Ուղղակի հիմարություն, ուրիշ եղանակ չեմ հիշում այս բոպեին: Կրկնում եմ, հա կրկնում նույնը: Գարուն է, ամաչում եմ նույնիսկ արտագրել առաջին տողը, հավանաբար այդ միակ տողն էլ ճիշտ չգիտեմ: Հիշում եմ բանաստեղծ ընկերոջս խոսքերը... «Հիսուն տարեկան եմ,— ասում էր,— մասնակցել եմ Հայրենական Մեծ պատերազմին, այսինքն կարող էի դժգոհել երեսուն տարեկան հասակում: Գեռես առանց պատերազմի գնալու էլ կարող էի վաղ մեռնել: Ի՞նչ ունեմ շնորհակալ չլինելու համար կյանքիցս: Չէ՞ որ կարող էի և ծնված չլինել: Շնորհակալ եմ, որ աշխարհ եմ եկել նախ, ապրել այս վիթխարի դարում, կուլել, պայքարել, բանաստեղծ եմ դարձել, շնորհակալ պիտի լինել այն հողին նույնիսկ, որ մի օր իմ մարմինը պիտի գրկի իր մեջ»:

Նա էլի նույն ժողովրդական երգի հետ եմ. «շնորհակալ պիտի լինել նույնիսկ այն հողին, որ քո դիակը պիտի գրկի»: Գարուն է, հողը թվում է սիրելի, այնքան սիրելի, որ մահն իսկ իր գրկի մեջ ինչ-որ արտակարգ բան է դառնում: Կյանքի ասեղ, սարսափեցնող սիրտ ուժգնությունից է բխում բոլորը:

Շե-կիկ, շե-կիկ մազերդ, չան, չա՛ն,
նա նա՛յ, նա նա՛յ, նա նա՛յ...

Ի՞նչ եք — խորհում, հա, ամո՞թ չէ այսպես, նույնիսկ
առաջին տողն իսկ լրիվ շիմացած, արտագրեւ մի երգ, որը
մի ժամից ի վեր տանջում է ինձ: Գարուն է: Ընկերս խոտում
էր ձեռքի լայն շարժումներով, ոտքերը դոփում էր գեանին...

Նաիրյան դալար բարդի...

— Հայրենական Մեծ պատերազմի օրերին էր, — շարու-
նակում է ընկերս, — Վոլգայի ափին հերթապահում էի ռազ-
մական նավում. գեմը գերմանացիներ էին: Երեկո էր: Հն-
ուուն մի մենավոր բարդի կար և հանկարծ ինձ հետ պատահեց
տարօրինակ, շատ տարօրինակ մի բան: Մենավոր այդ
բարդին մեծացավ, մեծացավ, ընդգրկեց իմ նավը, աշխարհը,
դարձավ Հայաստանը իմ, հայրենիքս կարծես հսկա, վիթխա-
րի մի բարդի էր ամբողջ, և նա գրեցի, ավելի ճիշտ գոչեցի՝
ամբողջ կոկորդով.

Կմեռնեմ, միայն թե դու դարերում ազատ խշշաս,
Իմհեռո՛ւ, հեռո՛ւ, հեռո՛ւ, նաիրյան դալար բարդի...

Այսօր, «Սովետական Հայաստան»-ում Վարդգես Պետ-
րոսյանը գեղեցիկ մի ակնարկ ունի. հարց է տվել Կահիրեից
հայրենադարձ «սևուկ, մասրենու թփի նման» մի աղջկա.

— Իսկ ո՞րն է ավելի գեղեցիկ քաղաք՝ Կահիրե՞ն, թե՛
Կիրովականը...

Ես մի քիչ տազնապով նայում էի աղջկան, — գրում է
հեղինակը, — Ի՞նչ կպատասխանի նա, որ լինի և՛ ճշմարիտ,
և՛ անկեղծ, և՛ մանկական:

«Գեղեցիկ է Կահիրեն, մեծ խանութներ ունի, պողոտա-
ներ, բարձր տներ, բայց... բայց մերը չէ, Կիրովականը
մերն է...»:

Ինձ որ հարց տային՝ ես կասեի. Կիրովականն է գեղե-
ցիկ, քան Կահիրեն, Երևանն է գեղեցիկ, քան Փարիզը և
Լենինականը, քան... Նյու-Յորքը: Ծիշտ է, չէր լինի ճշմա-
րիտ: Բայց ի՞նչ է ճշմարտությունը: Ես մի մայր ունեի.
վաղուց է վախճանվել: Նա գեղեցիկ չէր, մանավանդ հասուն

տարիքում: Նիհարել էր հիվանդութուններից, վաթսուն տարեկանի մոտ կշռում էր ուղիղ երեսուն կիլո: Կմախք ուղղակի: Ես գիտեմ, որ շատ զեղեցիկ կանայք կան աշխարհում, մայրեր կարմիր թշերով, բայց իմ մայրն ինձ համար կանանց մեջ զեղեցիկն էր զեղեցիկներին: Ես նրան եմ պարտական իմ ծնունդն ու կյանքը: Ես կյանքում մտքովս անգամ չեմ անցկացրել, որ կարելի է և հարց տալ, թե ժանի՞ մայրն է զեղեցիկ, թե ի՞նչ: Անշուշտ՝ իմը: Հակառակ, որ իմ մայրը նկատել ամենազեղեցիկ կիսն աշխարհում՝ կլիներ և՛ ոչ ճշմարիտ, և՛ ոչ անկեղծ, թերևս միայն լիներ... մանկական:

Մանուկները, պատանիները անկեղծ ու ճշմարիտ են լինում կյանքում, իսկ մեծերը նույնը լինում են հաճախ, երբ... մանկանում են: Մոր ու հայրենիքի առաջ լինում է այդպես... Իմ շուրթերի վրա նույն երգն է միշտ... կարդին հիմարություն:

Իմ հայրենի մանուկների հետ...

Փոքր աղջիկս պիտի դասերը գրի, բայց սպառել էր թանաքը. ասում էր.

— Հայրիկ, ինձ թանաք գնի շուկայից:

Իջնում եմ փողոց ու շվարել եմ, չգիտեմ որտեղից ճարեմ: Դա իմ գործը չէ, ես առհասարակ ահավոր անճարակ եմ որևէ բան գնելու հարցում:

Դիմացից փոքրիկ պիտոներն են գալիս, մի փոքրիկ աղջկա ձեռին թանաքի լիբը շիշ կա.

— Չե՞ս ասի, փոքրիկ, որտեղի՞ց կարող եմ ճարել այդ թանաքից:

— Հիմա չեք ճարի, ուշ է, փակել են խանութները...

—

— Բա, վերցրեք իմը ձեզ:

— Չէ, չի կարելի, իսկ դու ի՞նչ կանես:

— Ես տանը էլի ունեմ:

— Գոնե վերցրու արժեքը:

— Բա՛ ամոթ չի՞...

Իհարկե, ամոթ է, բալիկ, տանջվում եմ ճանապարհին,

չվիրավորեցի՞ նրան, ես և՛ ճշմարիտ էի, և՛ անկեղծ, «վերցնում ես մի քան, պիտի վճարես փոխարժեքը, բայց իմ առաջարկությանը մանկական այդ հոգում մի բան շխանկարեցի՞... Ինչի՞ է պետք այդ անկեղծությունը:

Բանաստեղծ ընկերս շքանշան ստացավ վերջերս: Ասում էր, թե՛ շնորհավորում են շորս կողմից, հայտնում շնորհակալություն տվածս գործերի համար: Հետո շարունակում էր, — Բայց ախր ինչո՞ւ են շնորհակալություն հայտնում, չէ՞ որ այդ բոլորի համար ես եմ պարտական իմ ժողովրդին, չէ՞ որ ես եմ շնորհակալ կյանքին, բա ամո՞թ չի...»:

Մանրուքներ

Խոռովել են իրարից, հայտնի է, շեն խոսում քսան բուպիցի վեր, մինչդեռ ավտորուսը ուր որ է կհասնի էջմիածին և նրանք կրաժանվեն: Ճանապարհին ես նայում էի շորս բոլորս: Պատկերացնում, մտածում երևանյան հսկա լճի մասին, հետո ապագայում ստեղծվելիք նոր, հսկա թաղամասերի... Մի քանի տասնամյակ էս, և Երևանը կդառնա Կահիրեից, Փարիզից էլ լավը: Եվ սա ֆանտազիա չէ... Իսկապես էլ կդառնա: Ավտորուսի առաջին մասում մի ծերունի սրինգ է նվագում, նվագում է մեղմ, շատ մեղմ, տխու՞ր: Սկզբում կարծում էի, թե ուղիոյից է, հետո նկատեցի: Կորավ իմ օրվա երգի մրմունջը և լավ եղավ, պոկվեցի: Սիրտս պարուրվեց ինչ-որ տխուր զգացմունքով, ինչ-որ մեղամաղձություն շոքեց սրտիս: Մտածում ես հսկա, վիթխարի հեռանկարների մասին և մեկ էլ եղեգնյա մի սրինգ կարծես հին, հին ցավերից ինչ-որ բան է հուշում քեզ: Նախնազարյան տխրության մի երանգ կա այդ բոլորի մեջ, և թե չլիներ ավտորուսի արագ ընթացքը, կարող էիր խորհել, որ ոչինչ էլ չի փոխվել կյանքում: Սրինգ, այն էլ ավտորուսի մեջ և ֆարերիկաներ, որոնք մտածող մեքենաներ են արտադրում: Ե՛կ ու հասկացիր: Իսկ նրանք խոռովել են իրարից, որովհետև սիրում են... Խոռովել են շատ, հավանաբար սովորական մի բանից: Աղջիկը առատ, հորդուն վարսեր ունի, որոնք կարմիր մի ժապավենի սեղմումի տակ կիսով թափվել են Հսկաափին

ու բունքերին, տղան՝ ջղուտ ու առնական դիմագծով: Նախ խոսեց աղջիկը... Բայց նա շուտ եկավ: Չպատասխանեց: Անցավ մի տաս րոպե, զոչաց հավանաբար ու դարձավ աղջկա կողմը, ինչ-որ բան շնչաց, այս անգամ էլ աղջիկը չի պատասխանում: Խոտովել են: Ի՞նչն է պատճառը: Հավանաբար կամ աղջիկը տղային դուր գալու համար մողայիկ է սարքել մազերը և բարկացրել նրան, կամ ուշացել է մի տաս րոպե ժամագրութունից: Բայց որ հիմա միասին են, չեն զգում, որ կարձ է ճանապարհը ու տարվել են մանրուքներով: Չեն խոսում: Բաժանվելու են և զոչալու երկուսով: Անհամբեր սպասելու են նոր ժամագրության, սրտի դողով, մտավախությամբ: Չլինի՞... Թերևս սա էլ լինի վերջին հանդիպումը, շատ են սիրում իրար, հայտնի է, խորն են խոտովել: Ուզում եմ հակվել նրանց ականջներին և հուշել մեղմիվ. ախր չէ՞ որ դուք... սիրում եք իլարս:

Ջարմանալի բան է կյանքը, երբեմն նույնիսկ ավելորդ մի հուշարարի պակասից ինչքան բաներ ենք կորցնում կյանքում... և տարօրինակն այն է, որ տարվում ես մանրուքներով, երբ մի բան շատ ես սիրում:

Անցյալ օր մի ընկեր ինձ ասում էր. «Միրելիս, դու գլխավոր մի հանցանք ունես... Խորհում ես առավել սրտով, քան մտքով, իսկ սրտով խորհելը վնասում է քեզ, հասկանո՞ւմ ես, հարկ է մտքով, մտքով խորհել կյանքում»:

Ճիշտ էր ասում... Բայց ես ինչո՞ւ եկա էջմիածին...

Արթուր Բիմպո...

Այսօր առավոտ մի ընկեր ինձ ուզում էր հաղորդակից դարձնել Արթուր Բիմպոյի մի բանաստեղծության: Նոր էր կարդացել. «Մեծ բանաստեղծ է,— ասում է,— շատ մեծ բանաստեղծ, սիրելիս, լսիր՝ թարգմանեմ ...«Տափատս ծակ է և գրպաններս էլ են ծակ, իսկ ես ձեռքերս ծակ գրպաններիս մեջ ման եմ գալիս փողոցներով: Հարուստ եմ ես, իմ հյուրանոցը երկնքում Մեծ արջն է...»: Ընկերս թարգմանում էր եռանդով, աղմկալից, ցույց էր տալիս երկինքը, հետո էլի կրկնում նույնը. «Տափատս ծակ է, և գրպաններս էլ են ծակ,

բայց...»: Ես զարմացած նայում եմ նրան: Ոչի՛նչ, լավ է, շատերը ասել են նույնը կամ արտահայտել նույնանման զգացումներ: Թե Րիմպոն ի՞նչով է մեծ, ես չեմ հասկանում ընկերոջս բացատրածից: Իսկ նա շարունակում է ասել, կրկինել: Ուրիշ տղաներ էլ միանում են իր ասածին. կանգ են առնում. «Ժակ տափատ»-ի նկարի վրա հիանում: Մեծ է,— ասում են,— հիանալի է, հոյակապ: Հավանաբար չեն ուղում խախտել ընկերոջս տրամաբանությունը: Ես մի քիչ էլ ձանձրացած դուրս եմ գալիս:

Բայց ես ինչի՞ եկա էջմիածին... Ձեռքերս զնում եմ զրպանս ու թափառում եմ կրկին աննպատակ: Ականջներիս մեջ սրինգի նվագն է, տխո՛ւր, մեղամաղձոտ: Մթնում է օրը, երկնքում աստղեր են, գլուխս բարձրացնում եմ վեր... Լի՛քը, լի՛քը աստղեր, տրոփում է սիրաս, խեղդում ինչ-որ զգացում կոկորդս: Իմ տունն այստեղ է, հայրենին, ես չեմ փոխի նրան աշխարհում ոչ մի բանի հետ, իսկ աստղերն աշխարհում իմ հյուրանոցն են: Բայց ես կարծես լսել եմ նման խոսքեր, ինչ-որ մի տեղ, ո՞վ է ասել այդպես: Ձեռքերս զրպանումս ման եմ գալիս, զրպաններս ծակ են, տափատս էլ է ծակ»: Հիշեցի, այո՛, Րիմպոն է ասել: Ծիշտ է, բայց ինչո՞ւ առավոտ վաղ ես չհասկացա իմ ընկերոջ... ներաշխարհը: Բարդ, շատ բարդ մեքենա է մարդը: Չէ՛, ես չեմ կարդացել ֆրանսիացի բանաստեղծին, նա կարող է և իսկապես մեծ, շատ մեծ բանաստեղծ լինել, բայց ես, ես հարկ է չլինեի այնքան մանր, գոնե դուրս չգայի, չէ՞ որ նա՛ ընկերս, կարիք ուներ լսելի դարձնելու ինքն իրեն չէ՛, ես առանց կարդացած լինելու, հարկ է անպայման կրկնելի, գոնե կրկնեի թե՛ Րիմպոն ամենամեծ բանաստեղծն է, և ես ուղղակի հիանում եմ նրա զգացմունքների երանգին, նրա կյանքի հանդեպ տածած սիրուն, մարդկայնությունը...

Իսկ ես Րիմպոյին կկարդամ անպայման և գիրքը կվերցնեմ նրանից:

Կյանքը ճանաչելու մասին

— Յուրաքանչյուր մարդ մի բիշ բանաստեղծ է,— ասում էր ընկերս:— Մայրս,— շարունակում էր,— ամուսնացրել էր իր սիրած, ամենից շատ սիրած աղջկան և ամիսներ շփոթից նամակ չէր գրում: Մի օր քրոջիցս կշտամբանքի նամակ ստացա թե՛ ինչո՞ւ չես գրում, մայրիկ, մոռացե՞լ ես ինձ: Ես պատահմամբ կարդացի մորս պատասխան գրովյունը: Անդրազևա կին է մայրս, բայց գրում է ոլոր-մոլոր տառերով: «Ա՛յ, բալա ջան, ես գրում եմ քեզ ամե՛ն օր, ամե՛ն ժամ, ամե՛ն րոպե: Գրում էի առանց թղթի ու թանաքի... Բա զու չէի՞ր ղգում...»

— Ես կարդացել եմ ինչ-որ մի տեղ նման բան,— պատասխանեցի ընկերոջս և գրգռեցի միտքս.

Ես գրում էի ամբողջ երեկո,
Եվ ամբողջ գիշեր ես գրում էի,
Ձայրանում էի, զարմանում էի,—

վերջապես ասացի ես, բանաստեղծը ասում էր. «Ես մեռնում էի, ապրում էի, ժպտում էի, հորդում էի և մեկ էլ տեսա՝ թղթեր չկային, և թանաք չկար, և գրիչ չկար...»

— Գիտեմ,— ասաց ընկերս,— քո բանաստեղծ ընկերն է թարգմանել Տադևուշ-Ռուժևիչից, «Գրական թերթ»-ում էր: Բայց իմ մայրն նման միտք վաղուց է հայտնել. երևում է, որ իմ մայրն էլ կարտի հարցում կարգին բանաստեղծ էր... Իմ ծիծաղը բունեց, ընկերս թե՛

— Ինչո՞ւ ես ծիծաղում:

— Ծիծաղում եմ, որովհետև հիշեցի, որ թարգմանությունն իր ստորագրովյամբ լույս տեսնելուց առաջ բանաստեղծ ընկերս իր իսկ թարգմանած այդ տողերը չես գիտեր ինչո՞ւ, սեփականացրել էր և ասում էր թե՛ ինքն է գրել...

— Հե՛տո:

— Հետո հրապարակեց և հանդես եկավ որպես թարգմանիչ: Ես հանդիպեցի հաջորդ օրը բանաստեղծ ընկերոջս, նայում էի զարմացած նրա աչքերին, ոչինչ չկար այնտեղ: Հետո մենք կարձես անտեղյակ այդ բոլորից ման էինք գա-

լիս: Խոսում էինք գրականության մեջ զգացմունքների, կըր-
քերի մասին և հիշում մի այլ բանաստեղծի, որ միշտ պնդում
է, թե հայրենասիրության ինչ-որ թե՛մա, այդ մասին ինքն է
գրել առաջին անգամ, սիրո և ինչ-որ զգացո՞ւմ... Ինքն է
այդ թեմայի խոր մեկնաբանությունը տվել առաջին անգամ...

— Վերջապես մեծ բանաստեղծ է, սակայն փոքր
մարդ,— եզրակացրեց բանաստեղծ բարեկամս...

— Իսկ ինչո՞ւ:

— Այդ բոլորը, ինչպես ասել, նույնիսկ կա օգուտ:
Մթնոլորտի մեջ է բոլորը, ինչպե՞ս կարող է պատահել, որ
մեկն ասի, թե ինքն է հայտնաբերել առաջին անգամ: Ես
նայում եմ նրան, նայում այս անգամ տարօրինակ մի
ժպիտով. շատե՛մ նրան, թե.

Ես գրում եմ ամեն օր, ես գրում եմ ամեն ժամ, գրում
եմ տրամվայում, փողոցում, նույնիսկ, նույնիսկ... Խորտկա-
բանում, բայց ո՛չ գրիչ է լինում, ո՛չ թուղթ, ո՛չ էլ թանաք:

Իսկ եթե ասեմ, որ այդ ես եմ գրել, հո չի ասի նա, թե՛
հիմարի մեկը, ես ինքս եմ թարգմանել այդ բոլորը և ոչ թե
քեզանից, այլ այդ մասին առաջին անգամ երգել է Տադեոս
Ռուժնիչը:

— Չէ՛, վստահ եմ, չի ասի իմ բանաստեղծ ընկերը,
մարդ է, իսկականը, նա զիտի, որ իմ ընկերոջ անգրագետ
մայրն էլ է բանաստեղծ, չէ՛ որ այդ բոլորը կա... մթնոլոր-
տում: Լավ է, երբ բանաստեղծ ես ու անգրագետ: Լավ է, երբ
մեծ բանաստեղծ ես: Բայց ամենավատը գրագետ լինել,
լինել բանաստեղծ ու մեծ շլինելն է, այդ է ցավը: Միջակու-
թյունը մի քիչ լավ չի, էլի: Բայց գրականության մեջ միջա-
կությունը... ամենից վատ տառապանքը կլանքում: Ես
առավել մեծ ցավ չեմ կարող պատկերացնել...

Գրականության մասին

Փոքր հարցեր շկան կլանքում, բոլոր հարցերն են մեծ,
հարցը խանդավառության մեջ է, այն, թե դու ինչպես ես
մոտենում յուրաքանչյուրին, ինչ խանդավառությամբ: Սիրտս
պայթում է,— սեղմվում է կոկորդս, ձեռքերս գրպաններիս

մեջ ման եմ գալիս փողոցներով: Ասում եմ՝ նստեմ մի պատմվածք դրեմ, սրտովս չի: Ծրագրել եմ վեպ գրել-տարիներից կուտակված վշտեր կան, դառնություններ, սերնդ սրտումս: Ընկճում են, ցավացնում սիրտս: Սկսել եմ, բայց չեմ կարող կազմակերպված առաջ տանել աշխատանքս: Լինում են օրեր, կարծում եմ, թե գրականության հետ կապ չունեմ ես, ոնց որ սիրածդ աղջկան ասես թե՛ վե՛րջ, էլ չենք տեսնվելու: Հանգստանում ես մի պահ, թե վերջիվերջս պոկվեցիր ինչ-որ վիթխարի մի տանջանքից, բայց անցնում է մի ժամ, կարոտում ես խելագարի նման, խփում գլուխդ դեռ ու դեն ու միջոց փնտրում հաշտվելու: Այդպես էլ գրականությունը: Ինչպե՞ս թե՛ կարծում ես կապ չունե՞ս նրա հետ: Մտել է արշանդ մեջ, ուզես պոկվել էլ՝ չես կարող: Սիրա՞ծդ աղջիկը... Նրա վարսերը շեկ են ու թե չկա նա, նրա վարսերի շեկությունը անցնում է հայրենական դաշտերին ու հասկերին, աչքերը կապույտ են, բայց չէ՞ որ երկինքն էլ է կապույտ: Գարուն է, խոտվել ես, դե ուրեմն գնա ու կրկնակի սիրով սիրի հայրենիքդ... Ո՞վ է ասել, ով կուզի թող ասած լինի, ես էլ եմ ասում այժմ: Բանաստեղծ ընկերս իրավունք ունի. սերը, կյանքը, օդում է, մթնոլորտում: Դու ուզում ես խոտվիր այդ բոլորից, չէ՞ որ կա հայրենիքը, հողը, որի վրա ոտքերդ են, դո՛ւ: Հո չե՞ս կարող բոլորի տեղ, բոլորի սերը բարդել հայրենիքի վրա, պիտի մեկնել հակառակից: Դաշտերն ու հողը դեղին են ու կարմիր, ինչ-որ խառնուրդ շեկի մոտ, և այդ նրա վարսերին է նման: Երկինքը կապույտ է այսօր նրա աչքերի պես, ուրեմն սիրիր և հայրենիքդ, և նրան: Իսկ նա ու հայրենիքը գրականությունն է: Այդ բոլորին ավելացրու տակավին կյանքը, պայքարը վաղվա լավագույն օրերի համար ու ե՛կ ու մի զգա, սր ուսերիդ վրա ճնշել է մի վիթխարի բեռ, որ ընկճում, ընկճում է քեզ: Գրականության մեջ մեծ պիտի լինել, թե չէ ի՞նչիդ է պետք այդ տառապանքը: Կցկտուր ու խառնիխառն ապրումներով մի բան կարո՞ղ է դուրս գալ... ընթերցողը չի՞ ասի, թե ինչ բան է սա, ակնա՞րկ է, հողվա՞ծ, դիմանկա՞ր, թե վերջիվերջո՞՞...

Բանաստեղծ ընկերոջս կարգացի գրածներս:

— Գրողներ կան,— ասում է,— ծրագրում են, նստում,

աշխատում, ապրում են կյանքը սպիտակ թղթերի դեղերի առաջ, կան և գրողներ, որոնք ապրում են կյանքը, տառապում և գրում իրենց կյանքով, տառապանքով:

Այդպիսին է, երկրորդների նման, իմ բանաստեղծ ընկերս:

Նրան պարզեատրեցին Պետական բարձր պարզեով, սա առաջին պարզեատրումը չէ իր.

«Ես բախտավոր եմ այս աշխարհում,

Որ հավատում եմ իմ հավանտին» — արտասանում եմ ես:

— Իմ գրածն է, — ասում է նա:

Ես ծիծաղում եմ մանկական անխարդախ ծիծաղով: Նստում ենք նրա հետ, նայում ենք երկնքին, վե՛րը, ծառերից այն կողմ: Ես սիրում եմ նրան, բայց նախանձում եմ, որ արձակով եմ կարողանում գրել միայն և բանաստեղծ էլ չեմ կարող լինել երբևէ:

Գարուն է... Ամպեր են կուտակվում, քիչ ետք նա՝ իմ հայրենի երկինքն էլ պիտի բանաստեղծություն գրի, մթնոլորտում պոռթկումից առաջ զգացվող զսպվածություն է... գիտեմ, առա՛տ, շատ առատ, անպայման բարեբեր անձրև կլինի...

Անձրևի տակ քայլելիս...

Վերջիվերջո մի մխիթարանք ունի գրողը. ասում ես՝ լույս եմ ընծայել այսքան պատմվածք, այսքան շգիտեսս ինչ, բայց մխիթարում ես ինքդ քեզ: Ոչի՛նչ, ինչ որ ուզում ես գրել, ինչ որ կուտակվում է տարիների ընթացքում կպայթի մի օր, և դու էլ գոհ կլինես, այսինքն թե սրտովդ եղած ստեղծագործությունը, այն, որ դու կուզեիր, որ գրած լինեիր, պիտի գրես ու կգրես անպայման: Ապագայի երազը, վաղվա հավատը գործիդ նկատմամբ փրկում է քեզ: Թե այդ վաղը ե՛րբ է լինելու... հորդառատ անձրևի տակ հանդարտ քայլելիս այդ մասին այժմ խորհելու... կարիք էլ չկա:

Դավերի ու ցավերի միջից

Պատուում ես, պատուում ես թղթերը, մանր-մանր տաներով, երբեմն հանգարտ ու հստակ, երբեմն հապճեպ ու խժրժված տառերով գրված թղթերը, քո թղթերը: Այդ թղթերի կույտերի մեջ ինչքա՞ն, ինչքան ապրումներ ես դրել, ինչքան կործանված երազներ կան քո թղթերի մեջ, ինչքան կորած, անհետ կորած ապրումներ, որ քոնն են եղել մի ժամանակ և հիմա չկան: Կյա՞նքն է խլել այդ բոլորը քեզանից, թե՞ դու ես փոխվել, չես իմանում: Բայց երբ կարդում ես, պրկվում է սիրտդ, փոթորկվում հոգիդ... Պատուե՛լ, թե թողնել: Դե՛, պատուիր, թող գնա: Ինչքա՞ն, ինչքա՞ն շատ ես պատուել յուրաքանչյուր անգամ, երբ անցել ես քաղաքից քաղաք, երկրից երկիր, երբ փոխադրվել ես տնից տուն, իսկ... երբեմն էլ քո կամբից անկախ հարկ է եղել այրել դրանք:

Մարդկանց ու աշխարհի, սիրո ու երազի մասին ինչքա՞ն, ինչքա՞ն տողեր են եղել այնտեղ, և ամեն տեղ չէ, որ հաշտ աչքով կարող էին դիտել այդ բոլորը, թղթերը պատուել ես հաճախ, որպեսզի ավելորդ բեռ չլինեն ճամփիդ, պատուել ես, որպեսզի ավելորդ հարցերի առիթ չտաս կյանքի ու սիրո թշնամիներին... Ինչքա՞ն, ինչքա՞ն կործանված երազներ եղել են այնտեղ, ինչքա՞ն, ինչքա՞ն անհետ կորած մարդկային ապրումներ: Իսկ հիմա այլ է հարցը: Պատուում ես անցյալդ, սովորական ուղիով ընթացող սովորական կյանքից պատմությունը, ուզում ես շուռ տալ, և ի՞նչ... տեսնում ես, որ հեշտ չի այդ բոլորը: Մարդիկ կան կանգնած ճամփիդ, շեղ ու շիլ նայվածքներ կան ամենուրեք, ինչո՞ւ ես պատուում, ոչնչացնում, ասում են, թե թղթերը պատուելը ոչինչ, սակայն սովորական կյանքի ընթացքին, ընդունված բարոյական նորմաներին դեմ քայլել չի լինի: Դու գրող մարդ ես, թղթերիդ հետ արա ինչ ուզում ես, բայց... բայց զգույշ քո կյանքի համար, ուրիշների կյանքի հետ խաղալուց: Է՛հ, ինչ անել: Դժվար բան է կյանքում լինել մարդ, սիրել մարդերն ու կյանքը, սեր ցանկալ կյանքում, դժվար է, հավատացե՛ք...

Ինչքա՞ն, ինչքա՞ն սովորական մարդիկ կան կյանքում, ինչքա՞ն ինքնակոչ դատախազներ, որոնք դեմ են անսովորին,

թեկուզ այդ անսովորը նրանց ոչնչով չի խանգարում: Առիթն են գտել իրենց զրկանքների, իրենց ձախողած մարդու երջանկության վրեժը լուծելու քեզանից, չէ՞ որ երջանկության գինը թանկ է, ինչքան քիչ մարդիկ են ըմբռնում, թե կյանքում կարելի է և խախտել ընդունված նորմաները, ելնելով ստորու տմարդի շարժառիթներից, բայց և լինում են ղեպքեր, որ խախտվում են այդ նորմաները ի՞նչ ծանր ապրումների ի գին, վե՛հ ու բարձր, մարդկային խոր տառապանքների և վսեմ ապրումների գիտակցությունից: Ինչքա՛ն, ինչքա՛ն բարոյական անգիր օրենքներ կան, դժվարհասանելի սովորական մարդու համար:

— Պատում ես թղթերդ, դե՛, պատոիր, դժվար թե հետագայում այդ բոլորը քո անցած կյանքի ուղին բնորոշելիս, ինչ-որ անհրաժեշտ լինեն: Կյանքում, աշխարհում հետք են թողնում, հիշվում են մեծությունները և մեկ էլ մեծ... ստորությունները: Գու միջակություն եղար երկու հարցում էլ... Սովորեցիր կյանքում ապրել որպես այդպիսին, աշխատիր սովորել ևս ամենամեծ տառապանքին, կյանքիցդ հետո որպես միջակություն մոռացվելու տառապանքին: Սովորեցիր, վարժվեցիր առաջինին, հեշտ կլինի երկրորդը: Բայց երբ գտնվում են մարդիկ, թեկուզ քիչ, բայց երբ գտնվում են մարդիկ, որոնք ունեն խոհեմությունը բոլոր դավերի, ցավերի՛, տգեղությունների միջից պոկելու այրվող մի կյանքի շիճուկը, խորքը, հավատա՛, որ կարժե ապրել իսկապես, թեկուզ որպես միջակություն, կարժե ապրել իսկապես, ապրել գլուխը բարձր պահած, հպարտ, լիաթոր:

Պատում ես, պատում ես թղթերդ, դե՛, պատոիր, գրողի խոսքը պետք է կարճ լինի. կարճ ու ամփոփ հեռագրի նման, պատոիր ու գրիր, թե դու սիրում ես կյանքը, մարդկանց ու... նրան:

Ամեն տեղ նույնն է մարդը...

Բայց ամեն տեղ նույնն է մարդը... երբ սիրում է: Գլխումս ամպեր են, սպիտակ, կապույտ: Աչքերիս մեջ, մարմնիս՝ ծովն է, ծովը, իմ Սև ծովը: Միայն, միայն

սիրտս է կարմիր, իմ հավատքի գրոշին նման: Մայրամուտ է, հորիզոնում արևը կլանվեց ծովի կողմից: Նախ շիկացած լամպի էր նման, ապա թոնիր դարձավ, հետո փոքր, փոքր կրակի մի գունդ, որ լողում է դեպի բեղ, հետո մի բոց և վերջ: Տիրեց մոխրագույնն ու դեղինը: Լացս է գալիս, որ ի՞նչ... որ մի օր էլ պիտի թողնել այդ բոլորը և պիտի մեկնել: Նավի վրա ամեն ինչ հստակ է հիմա: Ճայեր կան նավի շուրջը, որոնք ճախրում են հանդարտ, մի փոքր թևաբախում և կարծես սահում են կամ կարող են սահել անվերջ, անվախճա՞ն:

Երջանի՛կ ճայեր... թևի մի փոքր հարված երկնային անհուն տարածության մեջ և մտածում ես... ինչքան քիչ բան է հարկավոր երջանկության համար:

Բաթումիից մի հայ մարդ է նստած կողքս, շեռ դիտեր որտեղից որտեղ, թև՝

— Երբ երիտասարդ տղա էի, դղումը ձմերուկի տեղ կուտեի, տղաս...

Շեշտը արևմտահայերեն է, Տաճկահայաստանից է եկած վաղուց, շատ վաղուց: Փաստ, որ իր կյանքի փրփուտիայությունն իսկ հիմնված է ստամոքսի վրա: Միծուղս է գալիս: Լավ մարդ է, երկար պատմում է իր կյանքի դառնությունների ու ներկայի երջանկության մասին: Թոռների ու ծոռների տեր է: Մանկացել է, դիտում է ծովը ու պատմում, ստիպում է լսել:

— Հայրիկ ջան, ես քո կյանքին մատուց:

— Է՛հեյ...

Մովն ու երկինքը հագել են լաջվարթ շորեր: Մոտենում ենք Սուխումին: Չէ՛, նույնն են մարդիկ աշխարհի յուրաքանչյուր անկյունում... Երբ սիրում են, նույնն է սա զուգը, որ համբուրվում է նավի ցուռիին, նույնն են գիշերները յուրաքանչյուր նավահանգստում, նույնն են մարդերը աշխարհի, երբ խմած են, երբ խմել գիտեն, նույն մտերմությունը գինովի, նույն եղբայրացումը անձանոթ, օտար մարդու հետ, նույն վեղումները: Աշխարհի յուրաքանչյուր քարափին նույն ձևով են խփում ալիքները, նույն խելագարեցնող փրփուրներն են գծվում ծովափներին, նույն կիրքով ու սիրով են համբուր-

վում սիրահար զուգերը Սև ծովի այս ու այն ափին, նույն-
իսկ, նո՛ւյնիսկ հեռավոր օվկիանոսների սահմանագծում:

Մարդիկ տարբերվում են, երբ սկսում են մտածել...

Ես սիրում եմ ճայերին... Նոր աչքերով եմ դիտում
կյանքը և զարմանում: Ինչքա՛ն, ինչքա՛ն անզամներ նոր
աչքերով եմ դիտել կյանքը, ինչքան քիչ բան է հարկավոր
երջանիկ լինելու համար: Տարածության մեջ մի փոքր
թեքախում և սահում ես անկաշկանդ, անհոգ, առանց
նույնիսկ նվազագույն ճիգի: Ինչ-որ գյուտ կարծես արած չի-
նեմ և նորությունը սերն է, ծովի առթած, ծովից եկած
անսահման սերը մարդոց նկատմամբ: Ահա թե ինչ բան է
նորը, նորոգվողը դարեր շարունակ: Երգում է մի ուս ազա-
իր կիթառի խոլ տեմպով, հիմա հեռու, այլ ափերում հա-
վանաբար այլ տղաներ կան՝ թախծոտ երգեր իրենց շուրթե-
րին...

Ինչ լա՛վ կլինե՞ր մարդիկ երգեին միայն ու քիչ խոսեին...

Չէ՞ որ երբ ծովն է աչքերիդ մեջ, և երբ երգում ես,
նույնն են մարդիկ բոլոր մայր ցամաքներում: Թե ասեին,
ի՞նչ կուղենայի կյանքում, կասեի՝ ձուլվել, հալվել ծովի հետ,
լինել փոփուր ու ժեռ գալ աշխարհի բոլոր ափերին:

Չէ՛, ես երիտասարդ չեմ այլևս, կամ գրեթե չեմ, բայց
որ լինե՞ր զգում, ես այն կուտեի կարմիր-կարմիր, սև-սև
կուտեր ունեցող, իմ հայրենիքի արևահամ խոշոր ձմերուկի
տեղակ: Կուտեի ու շերտ-շերտ կբաժանեի հանդիպող այն
բոլոր մարդկանց, ինչպիսին էլ որ լինեին նրանք: Բայց
ինչպիսի՞ն էր արևը, որ կլանվեց ծովի կողմից, նախ արևը
կարծես արևի էր նման, հետո շիկացած լամպ էր կարծես,
ապա թոնիր դարձավ, հետո փոքր, փոքր կրակե մի գունդ,
որ լողում է դեպի քեզ, բայց... շի հասնում: Հետո մի բոց,
վերջին մի հեք կյանքի խելահեղ սիրո և վերջ...

— Լսեցի՞ր, տղաս, իշտե՞ն այդպես:

— Է՛խ, հայրիկ, է՛խ...

Իշտե այդպես...

Այսօր հոկիեյի մրցման գնացի... Մոսկվայում: Հոկիեյը ո՛ր, ես ուր: Կյանքումս առաջին անգամ էր: Մոսկովյան երկու խմբեր էին ճակատում: Ես ուրախանում էի, երբ գոլ էր խփում ախոյաններից մեկը և տխրում միաժամանակ պարտվողի հաշվին: Կարճ տեեց հետաքրքրությունս, բան չհասկացա: Միայն ուզում էի, որ շատ խփվեին գոլեր: Հոկիեյում երբ գոլ են խփում, ցանցի մոտ վառվում է կարմիր լույսը, և կարմիր լույսը ինձ տալիս էր խաբկանքը Սև ծովում մայր մտնող արևի: Արևը հոն կարոտ էր, այրող կարոտ: Հոկիեյը խաղում են ձյան վրա, սառցակալած ձյան վրա: Թե ասեին ի՞նչ կուզենայի էլի կյանքում, ես կասեի, ես սիրում եմ, հավատացեք, սիրում եմ աշխարհում գոյություն ունեցող բոլոր ծովերը, Սև ծովն ու Միջերկրականը, Բալթիկն ու Մարմարան, տակավին նույնիսկ Խաղաղ օվկիանոսն ու Ատլանտյանը: Բայց ներեցեք ինձ, ես կուզեի հալվել, ձուլվել, Մոսկվայից հեռու մի փոքր, սահմանավոր լճի մեջ, հակառակ այն բանին, որ սիրոս տառապում է անսահմանությունների այրող կարոտից, այո՛, ներեցեք ինձ, ես կուզեի հալվել քս ձուլվել իմ հեռու հեռավոր կապույտ Սևանում, կուզենայի խփվել իմ Սևանի կապույտ ժայռերին, լինել նույնիսկ տափարակ մի քար ավունքին: Մի տղա մի օր կարող էր և դալ և շարտել ինձ լճի մակերևույթին, կոստոստեի հրճվանքից... Բայց գոլ խփեցին հոկիեյում... Ես խելագարի նման ծափահարում եմ արդյունքը: Ես էլ շգիտեմ ինչո՞ւ, չէ՛ որ, ո՛չ խմբերի մասին զազափաբ ունեմ և ո՛չ էլ գոլ խփողների... Կյանքումս առաջին անգամ եմ հոկիեյի մրցման գնացել:

Վառվում է կարմիր արևանման լույսը ցանցի մոտ, վառվում ու մարում, իմ սիրտն է հալվել հեռու-հեռավոր Սևանում, և լույս է դարձել սառցակալած գաշտի ցանցերի ետև:

Երևակայեցեք, հոկիեյի մրցումից ես շէի կարող պատկերացնել, որ այսբան տարօրինակ, հաճելի հաճույք կարող եմ բաղել...

Մրջման հայտագիրը բոլորը գնում էին խաղասկզբից...
Սա՛ դուրս գալուց զնեցի մի հատ ու մակագրեցի... նրան:

Մոսկովյան աշուն...

Մոսկովյան խորը աշնանային առավոտ, բակում սրսփում են բարդիներն ու ծառերը, որոնք ունեն տարօրինակ տերևներ: Պլպլում են մեկ կանաչ, մեկ արծաթագույն: Երկիրն քն ամպել է, տխուր: Թախժոտ, սիրտ պրկող առավոտ է: Ուզում եմ քայլել փողոցներով, բայց նստել եմ սենյակում մենակ: Շոգ է ներսում: Բակում հսկա բնակելի շենքեր են: Պատշգամբներում կապույտ, կանաչ թիթեղյա ծածկերով: Մի շարք պատուհաններում դեռ համառում է էլեկտրական լույսը: Գուրսը, օդում՝ ինձ այնպես է թվում, թե ինչ-որ խմիչքի բույր է: Մոսկովյան այս առավոտ խմիչքն է թափվում մայթերի եզրին ու բակերի մեջ, դեզին, դեզին ինչ-որ խմիչք, որ խշշում է ոտքերի տակ և դիպչում սրտիդ և հարբեցնում մարդուն: Թե չէ՝ րաեզից ծառերի տերևները պիտի լինեն մի երեսով արծաթագույն, մի այլ երեսով կանաչ...

Զգիտեմ ինչու, ես Մոսկովայում միշտ ինձ մի տեսակ եմ զգում: Շատ քաղաքներ եմ տեսել, շատ քաղաքների մեջ ապրել, բայց Մոսկվան ուրիշ է, ինչ-որ արբեցուցիչ մի բան կա մթնոլորտի մեջ, ինչ-որ արտակարգ խորհուրդ: Օրինակ, Փարիզում միշտ ինքս ինձ թեթև եմ զգացել, Պոլսում հաճախ սիրտս ծանր է թվացել ինձ: Ինչ-որ մի բան խեղդվել է կոկորդումս, շնչելը դժվարացել ինձ համար: Բեյրութում կաշուն շոգ էր, ուզում էի ր ազատվել մի բանից, չէի ր կարողանում: Աշխարհի այլ քաղաքներում, ի՞նչ իմանալ, հյուրի նման եմ զգացել ինքս ինձ, իսկ Մոսկովայում տանտեր եմ, ես ինքս եմ դարձյալ, բայց ինչ-որ զգացում, արտասովոր մի ներքին ձայն ստիպում է, որ ոտքս զգույշ զնեմ մայթերին, պողոտաներին նայեմ երկյուղածությամբ: Խորհրդավոր, պատկառանք ներշնչող մի բան կա օդի մեջ, փողոցներում: Լքջություն, արտակարգ մի լքջություն է պարտագրում ինձ Մոսկվան: Երկյուղախառն մի հարգանք: Միշտ աշնանն եմ եզել այնտեղ և չգիտեմ, զգացել եք, թե Մոսկվա-

յում ինչ-որ առանձին մի բույր կա նույնիսկ օդում, բայց մանավանդ տների մեջ, հյուրանոցներում: Օճառի մի հատուկ բույր, որ Մոսկվային է հատուկ:

Նայում եմ պատշգամբներին. ձմեռային հագուստներ, հաստ բրդյա վերարկուներ կան կախված, հետո սավաններ սպիտա՛հ, սպիտա՛հ, ձյունեղեն քնքշությամբ ու մաքրությամբ: Սավաններ եմ տեսել՝ կախված աշխարհի բազում քաղաքներում, բայց երբ այժմ դիտում եմ այստեղ, ուզում եմ, որ մարդիկ երջանիկ, թեթև քնեն այդ սպիտակութունների վրա, լինեն ուրախ: Ուզում եմ, որ ամենուր և ամեն տեղ նրանք լինեն ձյունեղեն սպիտակությամբ:

Սավանների սպիտակությո՛ւնը...

Հիշում եմ, զննացրում՝ Խարկովից-Մոսկվա, մի մարդ էր նստած դեմս: Միբիբից էր, վերադառնում էր Յալթայում հանգստանալուց: Իր հետ իր քառասունի մոտ կինն էր և միակ զավակը, հազիվ վեց-յոթ տարեկան: Կապուտաշյա մի փոքրիկ տղա: Կատակում և երգում էր սիբիրցին, երգում էր լրիվ օրը: Գիշերը կինը փոեց սպիտակ սավանները և քնեցին: Ես վարժ չեմ զննացրում և այն էլ վերևի շարքերում քնելու: Խորհրդածում էի ուշ գիշերին և հանկարծ... մի զիլ կանչ էր, մի մղձավանջային երազ կարծես, տառապանքի անզոր մի ճիշ: Գողահար նայեցի շուրջս: Նա էր, սիբիրցի մարդը. գալարվում էր սպիտակ սավանների վրա, որի կեսը ընկել էր հատակին, փռշինների մեջ ու կեղտոտվել, իսկ կինը հակվել էր վրան և աշխատում էր իր ափով խեղդել ամուսնու անմարդկային ճիշը... լրիվ դարթնեց նա, բայց հանգրստացավ բոպեններ անց: Վազոնում շատերն էին արթնացել և նայում էին ձայնի ուղղությամբ: Կինը շիկնել էր ցավից ու ամոթից, ինչ-որ թաքուն ցավ զգալի էր, որ ճնշում էր նրան, կարծես հանցավոր լինեիր ինքն այդ բոլորի մեջ: Փոքրիկը, նա քնած էր անտեղյակ այդ բոլորին, նա հազիվ վեց կամ յոթ տարեկան կլիներ: Քնում էր խորը քնով, սպիտակ սավանների ձյունեղեն քնքշության մեջ:

Առավոտյան պարզվեց ամեն ինչ: Հայրենական Մեծ պատերազմի հետքերն էին, քսան տարիներ անց շարունակվող տակավին...

Սալանների սպիտակութունը...

Նայում եմ անթարթ երիտասարդ սիրիբցուն: Չէր խոսում, կորել էր երեկվա ուրախությունը, կինը պատմել էր հավանաբար նրան գիշերվա մասին, և նա կարծես ինչ-որ հանցավոր լինեք, ամաչում էր իր հասարակությանը պատճառած ակամա անախորժության համար: Նա այլևս երեկվա մարդը չէր, պարզվել էր գաղտնիքը: Նա հիվանդ էր, խոցված մարդ:

Նայում եմ բակի սալաններին, ուզում եմ, որ մարդիկ երջանիկ լինեն, ա՛խ, ինչքան եմ ուզում:

Քափառում եմ Մոսկվայում, թափառում եմ փողոցներով, աշուն է: Բակերում փոքրիկ տղաներ ու աղջիկներ են, նման այն շեկլիկ տղային, որի հայրը տառապում էր զնացքում: Շուրջս ծառեր են, ծառեր պլպլան տերևներով, մի երեսով արծաթագույն, մյուս երեսով՝ կանաչ...

Առանձինն չեմ, և նա է կողքիս... Քայլում ենք ու չենք խոսում:

Որտեղից որտեղ հիշեցի, որ մի ընկեր ունեի Պոլսում, պատանություն մի ընկեր, քայլում էինք նրա հետ դաշտերով ու մազլցում լեռները: Քայլում էինք ժամեր ու ոչ մի բառ չէինք փոխանակում: Պատահում էր, որ մեկ-մեկ նայում էինք իրար և հասկանում ամեն ինչ: Հետո երեկոյան, բաժանման պահին.

— Կա՞վ էր, չէ,— հարց էր տալիս նա:

— Հոյակա՞պ,— պատասխանում էի ես:

Ինձ այնպես էր թվում, թե մենք զրուցել ենք ժամերով, վիճել ու վիճելուց էլ սպառվել: Հաճախ և պատահում էր, որ իմ աչքերում կամ նրա արցունքներ էին երևում և լուծ էինք. սեղմվում իրար: Ինչո՞ւ եմ հիշում այդ բոլորը, չէ՞ որ ընկերս օտարության քառուղիներում է, հեռո՞ւ-հեռո՞ւ երկրներում, ուր կարծես ինչ-որ մի բան խեղդում է կսկորդը ու շնչելը դժվարացնում մարդու համար: Ինչո՞ւ եմ հիշում այդ բոլորը:

— Տես, ասում եմ ես նրան,— երեկվա քեզ նվիրած հայտադրիս մեջ այսօրվա համար նախատեսված նոր հսկեկնի մրցում չկա՞:

— Մոռացա՛ր,— պատասխանում է,— այս գիշերվա՛ս համար այնքան թանկ գնված տոմս ունենք:

— Ո՛րտեղից...

— Կարապի լճի համար, Կրեմլի համագումարների պալատում:

Ի՛նչ կասեք, մարդկային սիրտը կարո՞ղ է տոկալ այսքան ապրումներից հետո, մի անգամ էլ «Կարապի լիճ» գիտելու և այն էլ... Կրեմլի համագումարների պալատում:

Չէ՛, լավ զգացմունքների համար անսահման կարելիություններ ունի մարդկային սիրտը, բայց ասացե՛ք... ասացեք խնդրում եմ որոշ մարդկանց, որ ինչ-որ մեծ ստորությունների և նույնիսկ, փոքր, փոքր, աննշան մանրուքների համար շարժե պղտորել կյանքում սեր ու երջանկություն ցանկացող մարդկանց հոգիները: Ասացե՛ք նրանց, թող շաղարանն սպիտակ սավանների ձյունեղեն բնթռությունը: Թողնեն, որ ծառերը սրսփան աշնան և տերևների, փողոցներում թափված տերևների խշշոցից մարդիկ «հարբած» ման գան կյանքի քառուղիներում: Չե՛ն իմանում մարդիկ, որ անսահման բեռնվածություն տանել կարողացող մարդկային հոգին չի կարող տանել նույնիսկ աննշան մի մարդու, աննշան ու անշահ շար ժպիտները, երբ սիրում է կյանքը, սիրում է այնքա՛ն:

Վերջաբանի փոխարեն

Չարակամ մարդիկ փսփսում են հաճախ,— ման է գալիս իր ինքնակենսագրությունը պատմելով, ուրիշ անելիք չունի նա գրականություն համար: Չեմ ժխտում, ինձ մոտ հաճախ է պատահում այդպես, բայց ի՛նչ անել, երբ ես շփոթում եմ կապված կյանքին, երբ ես քայլում եմ առօրյային մերված: Ես չեմ գրում իմ ինքնակենսագրությունը: Կյանքն է ստիպում ինձ գրել այն: Ես չուրօրինակ ինքնակենսագրող եմ և լավ չի լինի ինձ համար և իմ գրականությանը, երբ դադարեն իմ ինքնակենսագրական էջերը: Առանց այրվելու կյանքում, առանց վերածնվելու իր իսկ մոխիրներից, էլ ի՛նչ գրականության մասին է խոսքը, պիտի այրվել կյանքում, թեկուզ այրվելով կարճվի կյանքը: Ապրելուց հետո, պիտի ապրել այդպես...

ԽՈՂԵՐ ՄԱՐԴՈՒ ՄԱՍԻՆ

Տերջանական տխուր եղանակ է, օգու՛մ հակասություն: Գարուն է իբր թե, բայց ջերմաստիճանը մոտեցել է զերոյին, սրտիս մեջ արևի կարոտ կա, բայց հաճույք եմ զգում մաղվող անձրևից: Ընկերս, որի հետ ուզում էի փոքր-ինչ խմել, լուռ քայլում է ինձ հետ, ասենք երկուսիս տրամադրությունն: էլ լավ չէ, թեպետ առանձին պատճառ չկա լավ կամ վատ լինելու:

— Գիշերները,— պատմում է ընկերս,— ես հաճախ շեմ քնում և մտքիս մեջ բանաստեղծություններ եմ մշակում, բայց երբեք չեմ մտածել թղթին հանձնել այդ բոլորը: Երբեմն լինում է, անցնում են ժամերը, նույնիսկ ծագում է առավոտյան լույսը և ես տարված եմ բանաստեղծություններ գրելով...

— Իսկ ինչո՞ւ չես գրի առնում...

— Հիմար բաներ են, այնքան լավ ու մեծ բանաստեղծների կողքին ի՞նչ նոր բան պիտի ասեմ ես...

— Թե այդպես է, ուրեմն ինչո՞ւ այդ բոլորը:

— Ինձ համար, սիրելիս, իմ մեջ իմ սիրած կյանքի գոյության փաստի համար...

Ընկերս լավ, բարձր ճաշակ ունի պոեզիայի մասին, ուստի գրականությունից հայերեն և հայերենից ռուսերենի իր կատարած թարգմանությունները վկայում են լավ բանաստեղծ իր մեջ, մնաց, որ ժամանակին ինքն էլ է գրել և քավականին հաջող, հետո անհատի պաշտամունքի ծանր

զոհերից է, տասից ավելի տարիներ հետու է ապրել իր հայրենիքից, տնից: Տառապած, կոփված հասուն տղամարդ է, հիսունի սեմից արդեն անց: Մտածում եմ իր վերջին խոսքերի վրա, մտածում, և մթագնում է հոգիս: Երբ նոր բան չես գրում, մի անասելի վախ ջլատում է նույնիսկ ապրելու տենչը, ծանրանում է հոգիդ, միտքդ են գալիս կյանքում արած սխալներդ, գործածդ մեղքերդ, պարտազանցություններդ և փոքրանում ես ինքդ քո աչքին: Եթե մի անգամ էլ աշխարհ գալու լինեի, շէի ուզի գրող լինել, եթե ասենք Շեքսպիր պիտի չլինեի, իսկ Շեքսպիրից, Դոստոևսկուց, Տոլստոյից հետո մի քիչ ծիծաղելի է, անշուշտ, գրող եմ ասելը, մանավանդ երբ տերյանական տխուր եղանակ է և օդը՝ հակասություններով լի...

— Չխմե՞նք մի-մի բաժակ...

— Խմենք, — պատասխանում է, — բայց գիտե՞ս ինչ, մի նոր ձևով:

— Ինչպե՞ս...

— Այսինքն, փոխանակ բաժակները իրար խփելու, մեղմիվ մոտենանք իրար և մեր գլուխները խփենք մեկմեկու:

Ես ծիծաղում եմ. բա՞ն ասաց: Բայց տարօրինակ կերպով հաճելի ու գրավիչ է թվում ինձ նրա առաջարկը:

— Հետաքրքիր կլինի, — շարունակում է, — եթե մեզ նկատեն մարդիկ և նայեն թե ի՞նչ ենք անում...

Իսկապես հետաքրքիր կլինի. նա հիսունն անց է, ես բառասունի մոտ, ընտանիքի, զավակների տեր, գրքերի հեղինակ և խմելիս, հրապարակով մոտենում ես և գլուխդ խփում ընկերոջդ գլխին: Մի տարօրինակ հաճույք է պատճառում այդ նոր հեռանկարը ինձ.

— Թե ոչ, — ասում է, — խմելն ի՞նչ իմաստ ունի... բուլդո խմողներն էլ բաժակները խփում են իրար:

Հետո մենք լուռ շարունակում ենք մեր ճանապարհը: Եվ ես մտածում եմ նմանօրինակ նորությունների մասին:

Ասենք, իմ առջևից գնացող այս պատկառելի մարդու քայլվածքը ինչո՞ւ է այդքան լուրջ, ինչո՞ւ նա այդքան հանդարտ, խոհուն ու ասես ծանր բնավորություն ունի: Նա, հավանաբար, հիմնարկում չի ծիծաղի իր ստորագասների մոտ,

Նրանց առօրյան թեթևացնող մի խոսք չի ասի, թեպետ կարող է և պարզալ տան մեջ իր կնոջ ծամածուծությունների առաջ: Ի՞նչ կլինի, եթե, ասենք, նա հիմա հանկարծ բռնեմ նրա անձաշակ գլխարկի երկու ծայրերից և իջեցնեմ ականջներին, այնպես, որ ծածկվեն և՛ նրա ականջները, և՛ աչքերը... Ի՞նչ կստացվի, իսկպես, ի՞նչ արդյունք կսա իմ շատ պարզ, մանկական այդ բաղձանքը: Անշուշտ դա կլինի մաքուր խուլիզանություն և ես կարող եմ ինքս ինձ գտնել միլիցիայում, հասարակական կարգը խանգարելու արգարացի ամբաստանությունը. ինձ կտան ընկերական դատարանի և շսպված ծիծաղների տակ ես կստանամ իմ պատիժը. թեպետ եթե այդ արարքս հայտնի լինի իր ստորադասներից շատերին, նրանք կծիծաղեն կուշտ ու կուռ...

Ես սկսում եմ ծիծաղել:

— Ինչո՞ւ ես խնդում,— ասում է ընկերս,— առաջադի՞ս համար, բայց գիտես,— շարունակում է,— հիսունն անցել եմ արդեն, բայց իմ միջի երեխան միշտ, միշտ խանգարում է ինձ: Կյանքի այսքան բեռնվածությունից, գառնություններից հետո նույնիսկ իմ միջի երեխան... միշտ խանգարում է ինձ. հազիվ ես սկսում խելքը գլխին մի գործ անել և հանկարծ, այդ անտանելի, այդ անզսպելի երեխան...

— Մինչդեռ,— ասում եմ ես,— նա լուրջ, խոհուն ու ծանր մարդ է...

Ո՞վ:

— Նա,— և ցույց եմ տալիս առաջից գնացող մարդուն:— Նրա միջից երեխան վաղուց է հեռացել:

Մենք բաժակները բարձրացնելիս գիտում ենք շրջապատը, հետո մեղմիվ մոտենում իրար և վստահ, թե մեղ դարպասող չկա, խփում ենք մեր գլուխները մեկ-մեկու: Բաժանվելիս իմ խոնավ աչքերի միջից արցունքներ եմ նշմարում նրա աչքերում...



Մի ընկերուհի ունեմ, Ազնիվ Արարյանը, ճանաչում եմ Հալեպից, այժմ նա սփյուռքահայ առաջին ուսանողուհին է մանկավարժականում: Մենք վերջերս երեք ընկերներով հյու-

բասիրեցինք նրան: Ընկերներիցս մեկը՝ Գրիշա Գրիգորյանը, լենինականի Ղուկասյանի շրջանի Քազնալի գյուղից է, հեռակալում է ինձ հետ միասին Հայկական պետական հեռակա մանկավարժական ինստիտուտի լեզվագրական ֆակուլտետում, նա էլ էր մեզ հետ: Երեկոյան Գրիշան ընկերացավ Ազնիվին հանրակացարան տանելու համար: Մենք ուրախ բաժանվեցինք իրարից:

Առավոտյան վաղ զարկին մեր տան դուռը. Գրիշան էր:

— Սիրելի՛ս,— ասաց,— ես մեկնում եմ այսօր, բայց եկել եմ, որ քեզ մի հուզիչ նյութ հաղորդեմ, անպայման մի պատմվածք կգրես և կհիշես ինձ էլ...

— Ասա,— խնդրեցի ես:

— Գիտե՞ս, որ Ազնիվը մի պապիկ ունի Հալիպոլում:

— Գիտեմ:

— Ուրեմն այդ պապիկը, անցյալ ամառ, երբ Ազնիվը սփյուռքահայ պիոներներին բերել էր հայրենիք, խնդրել է, որ վերադարձին իրեն՝ ծերուկին, միայն մի բուռ հաց ու մի փի հող բերի հայրենիքից...

— Հետո՞,— ընդհատեցի ես:

— Հետո Ազնիվը մոռանում է տանել հացը, կամ մտածում է թե մինչև տեղ հասցնի կշորանա և Մաղկաձորից հետն է վերցնում մի բուռի տեղ մի փոքրիկ տոպրակ հող միայն: Հին երգ է, հին պատմություն, ինձ վաղուց ծանոթ, ես էլ երբ 1957-ին եկել եմ հայրենիք և վերադաձել, մի շոշափելի քանակ հող եմ տարել հետս Օշականից և բաժանել շատերին: Ես շասացի, անշուշտ, այդ բոլորը, միայն կըրկնեցի-

— Հետո՞.

— Հետո, պապիկը դառնացած, որ իր թոռնիկը մոռացել է հացը, հողը առնում է փի մեջ, քսում աչքերին և մասմաս գցում բերանը: Նա դանդաղ ծամում է և ուտում հողը, հասկանո՞ւմ ես, պապիկը լրիվ ուտում է հողը՝ մոռացված հացի ու անհագ կարոտի տեղակ...

Լցվել էին Գրիշայի աչքերը: Ես շարունակում եմ լսել անտարբեր:

— Ես խոստացա Ազնիվին մեր շրջանային թերթերում մի բան գրել այդ մասին, բայց անշուշտ դու ավելի լավ

կանես այդ բանը: Եկա մեկնելն առաջ հաղորդելու քեզ,
կգրե՞ս...

— Տեսնենք...

— Ի՞նչ ասել է «տեսնենք»...

— Նման բաներ շատ եմ գրել:

— Բայց սա ուրիշ է. սիրելիս, շե՞ս զգում, պապիկը
հացի տեղակ հող է ուտում:

— Կաշխատեմ, թե որ կարենամ:

— Եթե ուզես անսպասման կստացվի, բայց տեսնում եմ
անտարբեր ես:

— Անտարբեր չեմ:

Գրիշան հանկարծ վեր կացավ տեղից ու մեկնեց:
Ես՝ թե.

— Գրիշա...

— Հիմա գալիս եմ:

Եվ եկավ, ձեռքում մի շիշ օղի...

— Սա ի՞նչ է առավոտ կանուխ:

— Թուրքս ցամաքում է կոկորդոմոս, երբ հիշում եմ
պապիկին, հողը ուտել հանգարտորեն, ափ-ափ... բայց դու
բուրբուլին շնուզվեցիր:

Ես լուռ լցնում եմ բաժակները.

— Եկուր, Գրիշա,— ասում եմ,— եկուր խմենք Աղնիվի
պապիկի կենացը, բայց ոչ սովորական ձևով, դե, ահա այս-
պես, և մոտեցնում եմ գլուխս իրենին...

Ինք ապշած նայում է ինձ:

— Հետո՞:

— Այսինքն փոխանակ բաժակները իրար խփելու, մեզ-
միվ մոտենանք իրար և մեր գլուխները խփենք մեկ-մեկու:

Մոտեցնում է գլուխը և ուժով թափ տալիս իմինին,
անակնկալ ցավը ուշքի է բերում ինձ. մինչ նա, զզացված իր
պատճառած ցավից, ուզում է արդարանալ...

— Անլուրջ ես,— ասում է,— այսօր անլուրջ ես, ներքի
ինձ. երևակայիր, ես չեմ բնել լրիվ գիշերը, դու ինձ ձեռ
ես առնում... Դե, ես գնացի, տոմս եմ վերցրել ավտոբուսի
համար, գնացի,— ու դառնացած հեռանում է Գրիշան...

Ես պատմվածք չգրեցի, և չեմ էլ կարող գրել, ինչ-որ

չի հաշտողվում գրել այդ մասին: Ես շեմ կարող լրջանալ, այդքան լրջություն չի կարողանում տանել իմ սիրտը: Կարոտի ու պանդխտության դառնության բոլոր երանգները սալրած ու տեսած իմ սրտի համար բաժակը խփելով լուրջ կենաց խմելը այլևս շատ է ինձ համար, սիրելի Գրիշա, իմ անուշ լենինականցի ընկեր, Թագնալի գյուղից:

Հետևյալ օրը բանաստեղծ ընկերս դարմանքով նայեց իմ ճակատին:

— Երեկ լավ քեֆ ես արել, երևում է,— ասաց մեզմ: Մենք կոտորվեցինք ծիծաղից:

է՛հ, շատ բաներ շուռ են եկել մեր կյանքում, ուզում ես լաց լինել, ծիծաղում ես ամբողջ հոգով, երբ կոտորվում ես ծիծաղից, ո՞վ կասի թե լաց ես լինում սրտի խորքից:



— Ախր, դու լավ տղա ես,— ասացի ընկերոջս,— և զիտես, կյանքում ամենալավը մարդու ընկերն է, ընկեր մարդը, դա կնոջից էլ, զավակից էլ թանկ է...

— Ես շեմ հավատում ընկերոջ,— ասաց մեզմ,— և հուսախարվել եմ այդ բոլոր պատմություններից...

— Բայց ինչո՞ւ:

— Մի ժամանակ, — սկսեց պատմել, — մի շատ լավ ընկեր ունեի, տարիների փորձառության բովից անցած մի ընկեր: Մենք նրա հետ խմում էինք, կիսում մեր ցավերն ու տառապանքները, նա իմ տանն էր միշտ, ես՝ իր տանը: է՛հ, վատ օրեր էին, մի քիչ կորցրել էի ես ինքս ինձ, խմում էի և կիսս դժգոհում էր իմ վիճակից, խրատում, բարկանում, աշխատում ի զին ամեն ինչի ետ պահել ինձ այդ կործանարար փորձությունից, բան դուրս չէր գալիս: Վերջիվերջո ուրոջեց գնալ իմ ընկերոջ մոտ և ասել, համոզել նրան, որ գոնե ետ կկանգնեցնի ինձ այդ մոլութունից: Չէ՞ որ ես նրան կարող էի լսել...

— Հասկացա, — ընդմիջեցի նրան:

— Ի՞նչ հասկացար:

— Կինդ գնացել է և սակայն... է՛հ, այսինքն, հավանարար...

— Ինչ հավանաբար
ես չուզեցի շարունակել.

— Պատմե՛, — ասաց:

— Դե ինչ պատմեմ, սիրելիս, գնացել և հավանաբար ստացվել է այլ բան.

— Ճիշտ է, — ասաց տխուր, — ես այդ բոլորը շատ ուշ լսեցի: Երբ ամիսներ հետո էլի գովում էի նրան, կինս ասաց, թե ես իզուր եմ այդ կարծիքին, նա այդ մարդը չի, նա մարդ չի առհասարակ: Եվ ես այլևս չեմ հավատում ո՛չ մարդուն և ո՛չ էլ ընկերության...

Հանկարծ մեզ կանգնեցրեց ինձ անծանոթ մի մարդ, բարեկեց ընկերոջս, և սկսեց միասին քայլել մեզ հետ. ես մեղմիվ թե՛

— Սիրելիս, լավ կլինի ճանապարհես այդ մարդուն: Հոխոսում ենք, զրուցում, հիմա էլ խմելու ենք: Ինչո՞ւ մի օր էլ ազատ չլինենք մենք մեզ հետ, հասկացրու, և զնանք:

— Հենց էս բուպեիս, — ծիծաղեց ընկերս և դառնալով ընկերոջը՝

— Վատ կացութիւն մեջ եմ, — շարունակեց տխուր շեշտով, — ախր մի հիսուն ուրբու կարիք ունեմ, հիսուն ուրբիւն ի՞նչ է որ, բայց եկուր տես, որ չենք կարողանում ճարել, հո դու մի բան չէի՞ր կարողանում անել...

Ես շժմած նայում եմ ընկերոջս, չէ՛, վատ խաղ է սարքում, ի՞նչ կարիք կա այդպիսի կողմնակի ճամփաների, ասա միանգամից, թե երկուսով տեղ ենք գնում և վերջ: Կանգնեցինք երեքով. նա, որից ուզում էինք պոկվել կանգնել է լուռ և.

— Ո՛ւր եք գնում, — հարց է տալիս մեզմ.

Ընկերս թե՛

— Ուզում էինք մի տեղ գնալ և խմել մի քիչ, բայց փող չունենք:

Սա էլ մի ուրիշ սուտ, որ ավելի է ջղաճնացնում ինձ, չէ՞ որ ավելորդ են այս բոլորը.

— Գնացեք անկյունի կաֆեն, ես մի տաս բուպեից կգամ, — և բաժանվեց:

— Ահա, — ասաց ինձ ընկերս, — պոկվելու լավագույն

ձեռք, և ես քեզ վստահեցնում եմ, նա չի՛ դալու, ես իմ կյանքովս եմ վստահեցնում քեզ, իմ տարիների փորձառությամբ: Ուզո՞ւմ ես մի մարդու փորձել, ամենից առաջ խոսիր փողի մասին: Եվ դու դեռ ինձ խոսում ես ընկերությա՞ն և ընկերոջ մասին... Ի՞նչ կասես:

— Ախր,— ասացի ես,— բայց այդ մարդու հետ քո մտերմությունը ի՞նչ աստիճանի է:

— Սովորական, մեկ-մեկ գրուցում ենք, նստում, հիմարի մեկն է:

Մենք քալեցինք դեպի սրճարանը:

— Մտնե՞նք:

— Մտնենք,— ասաց ընկերս:

— Թե որ գա:

— Նախ նա չի գալու, իսկ երկրորդ, ես քեզ կյանքում փաստած կլինեմ ևս մի ճշմարտություն:

— Բայց դու իրավունք չունես այդպես խոսելու, հանդիպում ես մի մարդու և միանգամից նրան վատ կացության ես մատնում: Նա ինչո՞վ է հանցավոր, եթե ասենք այդքան փող չունի...

— Ուրեմն թող ասեր իրականությունը:

— Այն ժամանակ էլ պիտի պնդեիր, թե տեսա՞ր հիսուն ուրբիլն ինչ էր, որ մերժեց, մնաց, որ հիսուն ուրբիլն մի բան է ներկայացնում, չէ՞...

Մենք նստել ենք սրճարանում, գրուցում ենք. անցել է տաս րոպե և անցնում են րոպեները, մարդը չկա ու չկա: Բայց մեկ էլ՝ եկավ բրտնած և հեալով.—

— Ախր,— ուզում է շքմեղանալ, ես միշտ սև օրվա համար գրադարանի գրքերիս մեջ այդքան փող պահում եմ, և գաղտնի կնոջիցս: Մոռացել էի տեղը, թափ եմ տալիս է՛լ Բալզակի հատորները, է՛լ Բաֆֆու տասհատորյակը, չկա ու չկա, վերջում գտա մի հին հավաքածուից: Ներեցեք, ձեզ շատ սպասեցրի, չէ՞...

Ես նայում եմ ընկերոջս, նա աչքերը խոնարհել է ցած. չի նայում իմ կողմը: Ես ակնարկս հռոել եմ ինձ անձանոթ մարդու դեմքին տարօրինակ, բայց ուրախ մի ժպիտ

շրթներէս. նա երկարել է կանաչ հիսուն ուրվխանոցը և սպասում է, որ վերցնի ընկերս.

— Վերցրու,— ասում եմ կամաց,— անհարմար է...

Ինձ անծանոթ մարդը մեղմիվ հիսունանոցը սահեցնում է նրա գրպանը և ուրախ դառնում է ինձ.

— Ի՞նչ կխմեք:

— Սուրճ,— պատասխանում է հանկարծ ընկերս,— միայն սուրճ:

— Միայն սուրճով չի լինի, մի շիշ կոնյակի, մի՛ քաշվեք, ես փող ունեմ:

— Ոչ,— կրկնում է ընկերս,— դեմքը ալլալլում է,— ինձ չի կարելի, կնոջս խոսք եմ տվել և առհասարակ չեմ էլ ուզում խմել, խմիչքն ի՞նչ բան է որ...

Մարդը շվարուն նայում է մեզ.

— Բայց,— ասում է,— չէ՞ որ ասացիք, թե խմել էիք ուզում և փող չունեք: Հետո, հանկարծ կարծես ինչ-որ գլխի է ընկնում և նայում ժամացույցին,— վա՛յ,— շարունակում է,— մոռացա ես էլ մի ժամադրություն ունեի... լավ, ոչինչ. դուք խմեք ձեր սուրճը, ես գնացի, կներեք ինձ: Կանգնում է ոտքի, մեկնելիս մեղմիվ աչք է քթթում, թե՛ ոչինչ, դուք ինչ-որ գործեր ունեք, ես շխանգարեմ, և հեռանում է արագ ու կորչում մթության մեջ...

Իսկ ես մտածում եմ, մտածում, զոհ կյանքիցս, մտածում եմ տխուր բաների մասին... Աշխարհում ցավով ու վշտով ապրելը, դառնացած ապրելը լավ բան չի, բայց առանց ցավի ու վշտի, առանց դառնության ապրելն էլ բանի նման չի, իսկի բանի նման չի...

Հաջորդ օրը ուրախ գնացի ընկերոջս մոտ: Արթնացել էր իմ էլ «միջի երեխան»: Տեսա թե չէ, ասացի.

— Խփենք գլուխ-գլխի:

Ինքը թե՛

— Խնդրում եմ լուրջ լինես, ընկեր, ամեն բոլակ չի կարելի կատակել, լրջացիր վերջիվերջո:

Ա՛յ, ինչ մարդ ես դու...

ՀԱՅՈՑ ԹԱՂԸ

Ձ ո ւ ն՝ քրոջս Եպրաքսին, որը հապիվ ութ տարեկան էր, երբ անցավ անապատի ավազնորով, իր վեց տարեկան եղբոր՝ Մինասի հետ: Ես՝ նրանց հարապատը, լսեցի այդ բոլորը շատ ուշ, ես ուշ ծնվեցի և այդպես էլ ինձ համար իմ քրոջ ու եղբոր ճակատագրերը մնացին անհայտ...: Բույքս, ասում են՝ սիրուն մի խալ ուներ ձախ այսի վրա...

Գեղամ Սևակ

Չէ՛, տարօրինակ չէ, ես դարձել եմ թուրքական բանակի պահեստի ենթասպա և գնում եմ Դարդանեկ... Անկարայում, զինվորական ուսումնարանից, երեք հազար թուրքերի մեջ հազիվ մի տասը հայեր այդպիսի կոչում ստացանք: Եվ սա պատահում է երկար տարիների ընդհատումից հետո, առաջին անգամ: Հույս չունեիր բնավ: Ութ ամիս է, դասավանդման ամբողջ ժամանակաշրջանում տառապում էինք, թե արդյոք մի բան չի՞ պատահի մեզ հետ: Երևակայեցեք շպտահանք:

Թեպետ պարտավորիչ զինվորական ծառայություն էր, բայց որպես համալսարանականների, օրենքի սահմաններում իրավունք էր տրվում մեզ պահեստի ենթասպա լինելու:

Այդ օրենքը գրքում կար վաղուց. բայց ո՞վ էր նկատի ունենում: Մեզանից նախորդ սերունդները նույնիսկ չէին խորհում այդ մասին: Հասավ զինվորական տարիքը, շալակում էիր սպիտակ տոպրակդ, սափրում գլուխդ և գնում բանակ: Ինչքա՞ն էիր մնալու, այդ էլ «աստծու» գործն էր. երե՞ք տարի, երեքուկես, թե՞ չորս... Բայց ամեն ինչ փոխվեց երկրորդ համաշխարհային պատերազմից հետո, Սովետական բանակի հաղթանակով: Կասկածելի տարր նկատվող հայերը և առհասարակ փոքրամասնությունները դարձան լիիրավ քաղաքացիներ: Այժմ ես լիիրավ քաղաքացի եմ, այսինքն առաջվա նման պիտի վճարեմ իմ ուղղակի և անուղղակի տուրքերը պետությունը, պիտի կոչվեմ տեղի-անտեղի գլավուր, և երբ բանակ գնամ, որպես համալսարանականի,

որոշ ժամանակաշրջանից հետո, իրավունք ունենամ սպայի զգեստ կրելու: Նախապես զենք էլ չէին տալիս իմ ազգակիցներին, այլ բա՛ն ու բրիչով երեքից-չորս տարի ճամփա էիր սարքում, ձրի աշխատում հանքահորերում և եթե ուշ մնայիր, փառք տալիս ալլահին: Հակառակ այն բանին, որ անձնագրում ազգության դիմաց գրվում էր թուրք, իսկ թե ես, օրինակ, ի՞նչ կրոնի հետևորդ էի, մահմեդական թե քրիստոնյա, այդ մասին ոչինչ չկար նշված անձնագրիս մեջ:

Կրո՞նք... գրվում էր անձնագրում, և դիմացը պատասխան սյունակում լրացվում՝ հայ:

Այդ այդպես էր Թուրքիայում իմ ծնած ժամանակ՝ 1926-ից... մինչև 1949-ը, այդպես է և հիմա 1965-ին: Բայց թե հարց տային՝ ի՞նչ է իմ կրոնը, ես անմիջապես պատասխանում էի՝ քրիստոնյա: Չէի կարող ստել, թե մահմեդական եմ, իսկ քրիստոնյա չեմ ասելը, մի տեսակ անպատեհ էր, որովհետև այդ կարող էր նշանակել, թե անկրոն ես: Հո վերջիվերջո բուզդայական չէի՝ կարող լինել: Իսկ անկրոն լինել նշանակում էր, այո, նշանակում էր, ոտով գլխով ընկնել փորձանքի մեջ: Անկրոն ես, ուրեմն կոմունիստ ես: Իսկ կոմունիստ լինել, նշանակում էր բանակի շարքերից ուզիլ գնալ... քարոտավայր: Անկարայում նույնիսկ Ֆաշիստ փաշաների տղաները պարտավոր էին ապացուցել, որ իրենք կոմունիստներ չեն: Իսկ ինչպե՞ս էինք ապացուցում այդ մեկը, առանց բացառության բոլորս: Նախ որևէ մեկը մեզանից բեխ չէր թողնում, հետո ազգային քայլերգից կամ զինվորական հայտնի մարշերից այլ որևէ մարտական երաժշտություն հիշեցնող նույնիսկ խաղ չէինք թոցնում մեր շրթներից: Ասում էին, ինչ-որ «Ինտերնացիոնալ» խորագրով քայլերգ կա, և որևէ անձանոթ երաժշտություն, կարող էր նկատվել... Ինտերնացիոնալ: Հակառակ այն փաստին, որ մեզանից և ոչ մեկը նվազագույն գաղափարն իսկ չունեի այդ երգի մասին: Տակավին լիաթոք բղավում էինք «սաղ օլ» և լրիվ օրը մեր զինվորական հաստ կոշիկների ներբանները դոփում գետնին: Այդ բոլորի մեջ մի փոքր զանցառություն կարող էր զղայնացնել վերադասը, և պատրաստ էր ահավոր սարսափը... Հո դու կոմունիստ չե՞ս... Եվ եթե զեթ մի ան-

գամ բո հասցեին ասվեց նման ահարկու բան, դե եկ ու տակից դուրս ել: Փաշայի, մինիստրների տղաները սարսափում էին այդ ամենից, ուր մնաց մենք... «լիբրալ» քաղաքացիներս: Երևակայեցեք նույնիսկ Սև ծովի ափերից եկած տրապիզոնցի տղաները կտրում և արմատից ածիլում էին իրենց բեխերը, բեխը որբան էլ լինեք առնականություն նշան, բանակում նկատվում էր կոմունիստական: Թե որտեղից էր գալիս այդ, ես իմացա հետագայում. դա այդ օրերին Ստալինի բեխերի սարսափն էր, մինչև... Անկարայի ազգայից ուսումնարանը հասած:

Միայն մի հայ տղայի շահաջողվեց մեզ հետ լինել, նրան ձախողեցրին քննություններից և այլ «ձախողածներին» հետ տարին... քարտրավայր: Նա «կոմունիստ» դուրս եկավ: Մեանգամ Պոլիս յուրայիններին նամակ էր ուղարկել և իր հարազատ մորը զանգատվել էր բանակում տիրույթ «սննդառական» պայմաններից:

Հետագայում ես հասկացա, որ այդ բոլորը կատակապես թուրքացիներ էին, մեր մեջ կոմունիստներ, իսկական կոմունիստներ լինել չէին կարող: Նրանք Թուրքիայում, Պոլսում, Սանասարյան խանի ղնդաններում էին, Անատոլիայի պարսպապատ խուլ բանտերում և կամ լավագույն պարագային խորը, խորը ընդհատակում:

Եվ երբ մի օր հնչեց ահագանգը և մեզ բոլորիս հավաքեցին ընդարձակ մի սրահում, այն էլ գիշերային ուշ ժամերին և ընթերցեցին կենտրոնական շտաբից ուղարկված գաղտնի հրամանը, ես թեպետ վախով, բայց շատ թաքուն ծիծաղեցի: Հրամանում ասված էր. «Ձգուշացեք կոմունիստներից, նրանք սիրիական սահմաններից մուտք են գործել մեր աննման երկիրը, ճանաչեցեք նրանց և հանձնեցեք իշխանություններին: Արտաքին նշանները՝ զիմագծի վրա հաստ բեխ և շրթներին ...«Խնտերնացիոնալ»:

Միայն Տրապիզոնից եկած մի տղա մեզմ շնչաց... «Չասես, մեր Տրապիզոնում բոլորը կոմունիստներ են»: — Բայց նա ասաց շատ մեղմ, հազիվ լսելի: Այնուհանդերձ նա խիզախ տղա էր...:

Հիմա տեսնում եք, թե «տարօրինակ չէ», որ ես դարձել

եմ թուրքական բանակի պահեստի ենթաւպա և գնում եմ Դարդանել... Այստեղ պիտի ասել, արդարությունը լիբերալ գործադրվեց: Մեր նշանակումները կատարվեցին անաշտ կերպով: Յուրաքանչյուրս շարքով մտտենում էինք ամբիտնում թուրքական դրոշով ծածկված ու նրա վրա զետեղված տուփերին, ու դուրս քաշում նշանակման մեր բախտը: Օրինակ՝ իմ առաջից գնացող տղան բաշեց և կարգաց բարձրաձայն՝ էրզրում: Իմ սրտից անցավ անասելի մի դող: Ես մտտեցա և... կարգացի էզինե: Չէի իմանում, թե որտեղ էր գրանրվում ինձ անձանոթ այդ քաղաքը... Ետևիցս լսեցի... Սարըղամիշ:

Գնում եմ հսկա քարտեզի մոտ և փնտրում: Ուշագրությունս կենտրոնացել է արևելյան նահանգների վրա. էրզրում, Սարըղամիշ, էզինե... Իզուր եմ էզինեն ման գալիս արևելքում: Ես ընկել եմ արևմուտք, Դարդանելից բավականին ներս, ինչ-որ խուլ մի անկյուն: Դե, ինչ անել, դե՞մ մոտ կլինեմ ծննդավայրիս. թեպետ պիտի ասել, Պոլսից, իմ նստած շոգենավով մինչև Դարդանել հասնելս տեկց քսանչորս ժամից ավելի: Հակառակ գարնան, հեղձուցիչ շոգ էր նավի խցիկում, ուր շորս հոգիանոց տեղում լցվել էինք տասով:

Ինչպես Անատոլիայի բոլոր քաղաքները, այստեղ Դարդանելում ևս, ինչ-որ խոր թախիժ ու տխրություն կա: Կրպակներ՝ խոնավ ու խճողված, ստամոքս պրկող մի հոտ և թշվառություն: Հետո՝ զինեաներ, հյուրանոցներ մուժ ու լպրժուն և սևազգեստ կանայք: Էշեր ճանապարհների վրա, շան ոռնոց և հսկա մի պատմություն անցյալի: Դարդանել... սեղմ նեղուցից այն կողմ՝ բացվող հեռանկար, օտար հորիզոնների կարոտ, բանտարկված լինելու անհուն տառապանք: Մի ինչ-որ զինվոր բարևեց ինձ: Մոռացել էի, ես ենթաստղա եմ, ուսերիս փայլում է դեզին, փոքր երկաթյա գծիկը, մի-մի հատ յուրաքանչյուր ուսիս: Մի գլուղացու հարց եմ տալիս:

— Ինչքա՞ն ժամանակ է հարկավոր էզինե հասնելու համար...

Մի սիգարեթ փաթաթել ու ծխելու շափ, որդիս... և

Չքայլե՛մ արդյոք... Ավելի լավ է, ավտորուս նստեմ,
արագ հասնեմ տեղ, հանգստանամ:

Մի սիգարեթ փաթաթելու և ծխելու շափ ճանապարհ:
Հինգ ժամից ի վեր գնում ենք, հա գնում, ուր որ է
սլիտի մթնի, իսկ էզինեն շկա դեռես...

Քուրբիայում, եթե լինես Անատոլիայում, չփորձվես հարց
տալ որևէ հասցեի, կամ քաղաքի հեռավորության մասին,
պատասխանը մեկ է.

— Տեհա՛, մի սիգարեթ փաթաթելու և ծխելու շափ,
որդիս...

Ժամանակը կանգ է առել Անատոլիայում... Երկա՛ր,
Երկա՛ր ժամանակներից ի վեր, ասում են մոտավորապես
մի հիսուն տարի...



Ճանապարհները այս կողմերում ասֆալտապատված
չեն, գլխավոր ուղիներից դուրս է մնում էզինեն: Պիտի ասել
էզեականի ափերից բավականին հեռու կորսված ու խուլ մի
անկյուն է սա: Բայց գարուն է, օդի մեջ զգալի է ինչ-որ ջրի
աղի բույր, որ հեռուներից է գալիս, հակառակ այն փաստին,
որ ավտորուսում աղի քրտինքի, ամիսներից ի վեր ոտերից
չհանած գուլպաների, ջուր շտեսած մարմինների, մարդկային
քրտինքի դառն հոտն է: Սիգարեթի ծուխ, որը փաթաթում
են իրար ետևից, ծծկեր երեխաների կանչ և մեքենայի մի
անկյունից լսվող թրքական տխուր մի երգ: Թրքական մի
երգ, մարդկային այդ խուլ տառապանքների և ճպտտած
դյուղերի ցավն ու վիշտը արձագանքող: Մեկ-մեկ, բոլորս
վեր ենք ցատկոտում, ավտորուսի անիվը դեմ է առնում
ճանապարհների ուղիղ մեջտեղը թողլքված մի քարի, և մեկ
էլ կարծես ինչ-որ մեքենաների մեջ պայթյուն է տեղի ունե-
նում: Կանգնում է ավտորուսը, շարժավարը իջնում է իր
խցիկից, հայհոյում, նայում է շոքս բուրբ, կրկին հայհո-
յում և շարունակում ճանապարհը:

Բայց ծառեր են, անվերջ ու անհատնում ծառեր շոքս
դին: Զիթապտուղի, ընկուզյի անվերջ ու անհատնում ծա-
ռեր: Կարող ես և պատկերացնել, որ ինչ-որ ընկել ես պատ-

մության հին, հին, անհիշելի ժամանակների մեջ. մեկ-մեկը
քո ճանապարհին դեմ են առնում ուղտերի քարավանները,
ուղտեր, որոնց սապատների վրա երփներանգ գորգեր և
գունզգունջ լաթեր են փաթաթված: Կապույտ ուլունքներ,
հետո փոքր-փոքր զանգակիկներ վզերից կախ: Առջևից,
քարավանի առջևից զլուխը կախ մի իշուկ...

— Գնում են կիրակի օրվա մենամարտին մասնակցե-
լու,— ասում է իմ կողքը նստող և ժամերից ի վեր ձեռքի
համրիչի հատիկների հետ քթի տակից ինչ-որ բանիւ
մուտացող մարդը: Հայհոյում է, թե աղոթում, շկարողացա
հասկանալ:

— Ի՞նչ մենամարտ,— հարցնում եմ ես մեղմիվ:

— Ուղտերի մենամարտ, եղբայրս, մերձակա գյուղերի
միջև: Ինչ է, այստեղացի շն՝ս:

— Պոլսեցի եմ,— ասում եմ տխուր:

Իմ զգայարանների ու մարմնի վրա շոքած տխրությու-
նը իմ կամքից անկախ է, ինչ էլ անես, ուրախ լինել չես
կարող: Անատոլիայում: Ներքին, սիրտ պրկող անասելի մի
ցավ ճնշում է քեզ:

Ճանապարհին մեկ-մեկ ծառերի միջից դուրս են գալիս
գյուղացի փոքր տղաներ, նրանց աչքերի մեջ կարգացվում է
ինչ-որ անհասցե մի սարսափ, որ չգիտես որտեղից է ծնունդ
առնում, բայց և այդպես այդ «սարսափը» արգելք չէ, որ
նրանք ավտորուսին և ճանապարհորդներին բարենն չուրա-
հատուկ ձևով:

Առաջին անգամ չէ որ հանդիպում ենք նույն գեհնիւ
դրամավորմանը: Յնցոտիապատ ու կիսամերկ, իրենց մար-
մինների սեռային անդամները ցուցադրում են ներքին ան-
հուն մի հրճվանքով և հայհոյում: Բայց անտարբեր են ւո-
լորը, ոչ մի ընդվզում, ընդհակառակը, նույնիսկ կան, որ
ծիծաղում են:

Յուրաքանչյուր կանգառում, որոնք հազիվ քառասուն-
հիսուն տուն հաշվով փոքր գյուղեր են, աթաբից շինված,
թիթեղյա տանիքներով և ծուռ ու մուռ կեղտոտ փողոցներով,
մեր դեմ են վազում լաճեր, առանց բացառության ոտաբո-
րիկ և քուրջերի մեջ կորած: Շատերի դեմքերին, մանավանդ

անճոռնի սափրված գլուխների վրա, վերքեր են կեղտի ու մրի մեջ կորած, թիթեղյա ամաններ են շալակել և միաբերան դռնում են.

— Քա՛ն խմեք, թա՛ն, սառը թան, հինգ դրուշի թան, թաա՛ն...

Գյուղի մուտքին, բավականին հեռու, մեզ դիմավորողները միշտ լինում են շները, ամեն հասակի, որոնց ընկերանում է ահռելի հաշոցը. ելքի ժամանակ նույն պատկերն է, շներն են ճանապարհ գցում մեզ նույն ոռնոցներով...

— Այս գյուղում մի ընկեր ոստիկան ունեի,— պատմում է կողքիս մարդը համրիչի հատիկները ափի մեջ ոլորելով,— ոստիկան Քյամիլը, լավ տղա էր. ի՛նչ անել, որ ոստիկան էր, խրված էր պարտքերի մեջ, վերջերս, ամսվա սկզբին ստանում է ոռճիկը, հաշվում, հաշվում է, տակից դուրս դալ շի կարողանում: Իր պարտատերերին տալիս է մաս առ մաս ինչքան որ կարողանում է, հետո մտնում ոստիկանական հսկիչ խցիկներից մեկը և ատրճանակը պարպում ուղիղ սեփական կոկորդը...

— Քա՛ն խմեք. թա՛ն, սառը թան, հինգ դրուշի, թա՛ն...
Ծառեր անվերջ. ձիթապտղի և ընկույզի անվերջ, անհատնում ծառեր: Գարուն է, և գարունը կարծես Անատոլիայում ամոթն ու թշվառությունը ծածկող միակ բողը...

— Պատկերացնո՞ւմ ես,— շարունակում է նա,— սիրելի սպաս, մարդը, օրենքի մարդը իր ատրճանակը դատարկի իր իսկ կոկորդը և ինչի՞ համար. հավանաբար նրա պարտքը այս տեսած ծառերից մի հատի իսկ բերքովը կարելի լիներ փակել: Մինչդեռ այս ծառերը...

Ես նայում եմ ծառերին, ոլորապտույտ ճամփաների ամբողջ երկարության վրա հաղարներով շարքի են կանգնել նրանք:

— Այո՛, այդ ծառերի մի հատի իսկ բերքովը... Մինչդեռ նրանց ձեռք տալ շի կարելի. Քյամիլը նրանց հսկողությունն էր կանգնած. նրանք, այդ բոլոր ծառերը Իսմայիլ պելինն են, Իսմայիլ պելինն դու ճանաչո՞ւմ ես...

— Ե՛ս... որտեղից:

— Հապա զու որտեղացի՞ ես:

— Ասացի, չէ՞, պոլսեցի եմ:

— Հա, պոլսեցի ես, ասել էիր, իսկ նա էլ, Իսմայիլ պեյր Անկարայից է, մեծ մարդ է, ավելի ձիշտ՝ մեծ մարդու եղբայր է, իսկ դու մեծ մարդուն ճանաչում ես...

— Ե՛ս... որտեղից:

— Ոնց թե որտեղից...— ու ոլորում է համբիշք, հայհոյո՞ւմ է թե աղոթում, շեմ հասկանում:— Զիթապտուղ է արտածում բոլոր երկրի համար և արտասահման... Այլալըզի ձիթապուղ խմե՞լ ես...

— Այո՛:

— Հենց այդ է որ կա: Հաղարավոր ծառեր, որ պատկանում են մի մարդու, մի կարճլիկ, թղուկ մարդու. նրա եղբայրը բարձր պաշտոնի է Անկարայում, իսկ մեր գլուղեբլբջուրի իսկ շունեն...

— Հապա այս կանաչությունները...

— Այդ կանաչությունների ջուրը Իսմայիլ պեյինն է, ծառերը՝ Իսմայիլ պեյինը, ծառերի շվաքն իսկ Իսմայիլ պեյինն է, եղբայրս...

Ոլորանի մի անկյունում ցնցվում է մեքենան ու կանգ առնում: Կսվում է շարժավարի թաց հայհոյանքը. իջնում է ցած: Շատերը դուրս են թափվում ավտոբուսից. կանգնում ծառերի տակ կոնակ դարձրած մեզ և... վերադառնում:

— Սիրտս ցավում է, սպաս...

— Ի՞նչ բանի համար,— միամիտ հարց եմ տալիս ես: Նայում է ապշած աչքերիս մեջ և...

— Գիտես,— ասում է,— ես Քյամիլին բավականին պարտք ունեի...

— Ինչքա՞ն, ինչքան մնաց մինչև էզինե,— խոսքը փոխում եմ ես:

— Էզինե՞... հա մինչև էզինե,— պատասխանում է ցրված,— մի սիգարեթ փաթաթել ու ծխելու շափ, սպաս...

Ճիշտ էր ասում, եթե մի ժամից ավելի շկանգնեինք այդտեղ մեքենան վերանորոգելու համար: Երեկո էր, երբ հասանք քաղաք: Ուռնոցներից և մեզ դիմավորող շներից հայտնի էր, որ հասել ենք արդեն: Մութ էր. նախ քարյուղի լամպերն էին աթարից շինված տների փոքր ու նեղ պատու-

հաններին, հետո ինչ-որ լամպերի դժգունությամբ լուսամ-
փուփներ և դեղնախտից հալածական, փողոցային լապտեր-
ներ: Զով գարնան գիշեր է, անձրև է եկել, ինչ-որ հեռու,
հեռուներից եկող ծովի մի բույր կա մթնոլորտում, թե՛ ինձ
այդպես է թվում: Լացս է պալճս, ուզում եմ փախչել, փախչել
ևս, ո՛ւր. ես էլ չգիտեմ: Կթոտում են ստրեբս: Ավտոբուսից՝
դուրս են թափվում ինչ-որ մարդկային կերպարանքներ, և
անհայտանում մթության մեջ: Շարժավարն է, որ հայհոյում
է անընդհատ, չգիտես ում հասցեին...

— Որտե՞ղ է կենտրոնական հրապարակը:

— Հենց այստեղ, սպաս: Իսկ ո՞ւր եք գնալու:

— Հյուրանոց:

— Հենց դեմինն է, որ կա:

Քայլում եմ ուր քայլերով: Մտնում եմ ներս, տապակած
սուճուխի ու ապուխտի բարկ հոտն է և քացխած գինիի ինչ-
որ բուրմունք և սիգարեթի թանձր ծուխ...

— Սենյակ ունե՞ք:

— Ձեզ համար անսպալման, սպաս:

— Մի բաժակ գինի...

— Աֆիոնո՞ւմ...

— Քող լինի... խմում եմ,— մի հատ էլ...

Պատվում է գլուխս, խառնվում է սաամորսս, զզվելի
բան է աֆիոնով գինին:

— Յույց տվեք սենյակը:

Սենյակի լույսի՞ց է, թե սավանների ու բարձի կեղտից,
դեղնորակ և սրճագույն բծերով պատած ինչ-որ «սպիտա-
կություն» է: Նայում եմ դուրս՝ քաղաքին: Մի կամուրջ է
դեմս, գարնանային զով իրիկուն է, երկնքում աստղեր են,
դեղին կիսալուսին, հեռվից, շատ հեռուներից ինչ-որ արձա-
պանքող տխուր մի երգ կարտի ու սիրո մասին: — Երգին
միախառնվող ինչ-որ ջրի կարկաշ և աղբի կծու ափ հոտ...
հետո, այս բոլորին հաջորդող շան տխուր մի սոնոց...:

Երազումս մի մարդ կապար էր պարպում իր սեփական
կոկորդի մեջ, ինչ-որ տղաներ փայտերը ձեռքերին թափ են
տալիս ձիթենիի ճյուղերը. մի մարդ՝ թզուկ ու ճաղատ, ուշա-
գնաց լինելու աստիճան ծիծաղում է, ուղտեր են՝ երփնեբանգ

կտավներ իրենց սասպատներին, զանգերի զողանջ: Դարգանելի ալիքներն են, որոնք խուժում են վրաս, սաստիկ, սաստիկ ծարավ եմ զգում...

Թա՛ն խմեք, թա՛ն, սառը, հինգ զրուշի, թա՛ն...

Զրհեղեղ է, բայց տարօրինակ, ձիթայուղ է հոսում փողոցներից և խեղդում մարդկանց, քշում տները, կարասիները լողում են դեղնորակ յուղի ալիքների մեջ, և այդ բոլորի վրա, խոշոր-խոշոր, յուրաքանչյուրը կարծես մի ձմերուկ լինի, համրիչի անվերջ հատիկներ են: Մի այլ մարդ, ո՛չ նման թզուկին, ուղտի սասպատի վրա հեծած, գլխին կանաչ փաթթոցով, հռհռում է այնպես, կոտորվում ծիծաղից: Ես լսում են աղեկտուր մի ճիշ... հետո, իսկապես տարօրինակ է, ավտոբուսում կողքիս նստած մարդը, մի իշուկի վրա նստած, հավաքում է համրիչի հատիկները, նայում եմ դիմազոծին, շրթների վրա մի հաստ բխս կա, նա բխս ունե՞ր, շգրավեց ուշադրությունս: Նա հավաքում է համրիչի խոշոր-խոշոր հատիկները և շարտում ուղտի սասպատի վրա հեծած փաթթոցավոր մարդու գլխին: Ոչ մեկը չի կեղշում իր թիրախին, հայհոյում է, բայց ինչ-որ սարսափելի է, նա մեկ-մեկ ոռնում է, աղեկտուր, սիրտ մաշող ձայնով: Սաստիկ, սաստիկ ծարավ եմ զգում...



Ինձ հաջողվեց իմ նշանակված նույն զորաբաժանման մեջ ծառայելու կոշված և Անատոլիայի հյուսիսային նահանգներից եղող մի ենթասպա տղայի հետ սենյակ վարձել քաղաքում: Նեղ, շատ նեղ մի փողոց է, այնպիսիներից, որ եթե շորս հոգի կանգնեն կողք-կողքի, կարող են և փտիկներ թեկնվել: Իսկ մեր սենյակի պատուհանից երկար ձեռք և դրեթե կհասնես դեմի տան պատուհաններին:

Հանդիպակաց տները կարծես թեթե խոնարհվում են փողոցի վրա և իրար գլուխ տալիս: Այնպես, որ մայթերի շորս հոգիանոց լայնությունը դեպի վեր գնալով նեղանում է և ցերեկվա լույսի տակ իսկ ինչ-որ խորհրդավոր մի մթությամբ պատում փողոցը:

Պատուհանները վանդակապատ են, բայց այդ արդեթ-

ներք պատճառ չեն հղել, որ ընկերս հենց առաջին բողբին իսկ տեղեկանա թե, ով է ապրում հանդիպակաց տան մեր պատուհանի ուղիղ զուգահեռ սենյակում:

— Առանձին մի աղջիկ է, ուսուցչուհի է... Պսլսից, — ուրախ տալիս է մանրամասնությունները:

— Ո՞րտեղից խմացար:

— Մեր տանտիրուհուց... այսինքն, եղբայրս, օրերս ուրախ կարող եմք անցընել:

Հաշիվը արված է արդեն իսկ: Մեր տանտիրուհին տարիքըն առած թրքուհի է, պատկառելի մի կին: Երբ հանձնեց բանալիները, շփոտես ինչու պարտք համարեց հանգստացնել մեզ:

— Փառք ալլահին, բոլոր թաղը մուսուլմաններ են...

Ես լռեցի, և Վիտաի ասել լռեց և... ընկերս: Նա զորքաբաժնում հասկացավ, որ ես հայ եմ:

— Երեկ գիշեր քեզ տեսա հչուրանոցում գինի խմելիս, ներս մտար և հաջորդաբար երկու բաժակ թունդ գինի պատվիրեցիր, լավ մարդ ես երևում, եկ միասին սենյակ վարձենք:

Իմ լավության շափանիչը գինի խմելն է: Իսկ ինձ ձեռնառ է նրա հետ լինելը: Հետամնաց և պահպանողական բաղաբ է, լավ է երկուսով, մանավանդ, որ ինքն էլ թաթար է: Մնաց, որ հակառակ սպայի իմ համազգեստին հայութունս կարող է լավ շփոթվել աչտակ: Որևէ մեկի մտքից չի անցնում, անշուշտ, որ ես կարող եմ հայ լինել և բրիտանացի: Նախ լավ թրքերեն եմ խոսում և շեշտավորմանս մեջ ոչ մի կասկած առաջացնող երանդ չկա: Հարցերը ավելի բարդացրեց մեր տանտիրուհին.

— Փառք ալլահին, բոլոր թաղը մուսուլմաններ են...

Իսկ ընկերս, որ Թեֆիկ է կոչվում, հենց որ մտանք սենյակ, վառեց լույսը և սկսեց հանվել: Հետո թե.

— Եղբայրս, երգել գիտե՞ս...

— Ոչինչ, երգում եմ մեկ-մեկ...

— Խնդրում եմ երգիր... էս էլ արազը, մի քիչ տարանանք ու գնանք ման գանք:

Օգու հետ բացվում է տրամադրությունս, որ վառ էր չափից դուրս:

Խոսում ենք կյանքի, ապագայի մասին: Թեֆիկը պատմում է իր ծրագիրներից, հետագա բարձր պաշտոնների հնարավորություններից: Տնտեսագետ է, ավարտել է Պոլսի համալսարանը, բայց նրա բոլոր եզրակացությունները հանդում են կյանքում լավ սնվելու և բազմազան կանայք ունենալու հնարավորության: Միակ նյութը կինն է, անսպառ, անհատնում նյութը, որ խլում է ժամեր՝ երբ հանդարտ է ուղեղը, խլում է ժամեր՝ երբ մշուշված է գինիով: Գրականություն, գրականության հաջողված գործերը նրանք են, որ հրահրում են սեռային ախորժակը, գրգռում են կիրքը, և ապշում ես, երբ նա համարձակ պատվիրում է գրքեր...

— Գիրք տվեք,— ասում է նա գրավաճառին,— վեպ:

— Ի՞նչ վեպ...

— Բան ասացիր...— պատասխանում է զարմացած,— էնդիսի գրքեր, աղբերս, որ բան հասկանաս, էն բաներից...

Իսկ էն բաներից բան հասկանալու մասին գիտի և... գրավաճառը:

Գիշերները ման ենք գալիս ծուռ ու մուռ, նեղիկ փողոցներով: Մուժ, խոնավ ու թախծոտ փողոցներ են: Քաշում է ձեռիցս ու կանգնեցնում մի պատուհանի առաջ:

— Տե՛ս, հե՛...

Ես ամաշում եմ և բայում առաջ: Քաղաքը շրջապատված է լեռներով ու ձորերով, վայրի մի ձոր կա, խշխշան մի դեռ է անցնում այդ ձորի միջից: Օձերի ձոր է կոչվում... և երբ լուսնյակ գիշեր է, սարսափ է ազդում մարդու վրա...

— Երգի՛ր, աղբերս, լավ ես երգում, սրտով, հս՛ աիրահարված շես...

Ե՛ս, սիրահարվա՞ծ, թերևս. բայց չգիտեմ ում... Կարոտը ճնշում է հոգիս, առօրյա բանակային կյանքն ու շրջապատս խելագարեցնելու աստիճան ընկճում և ճղմում են զգայարաններս... Սիրահարվա՞ծ... չգիտեմ ում վրա... կյանքին թերևս, թերևս սիրո վրա եմ սիրահարված: Գորշ է ամեն ինչ: Մի աղջիկ է անցնում փողոցներով, ծածկված. սև վարշամակի ու քողի տակ... տրոփում է սիրտս, բայց հուսահատությունը պատում է էությունս... երբ խորհում եմ

Թեֆիկի մասին: Նա լսիրը ու ծայրահեղ գոհճիկ խոսքեր է գցում աղջկա ետեքից:

— Թեֆիկ,— ասում եմ,— ամոթ է, փշացնում ես ամեն ինչ...

— Քո գործը չի, աղբերս, իմը փորձված եղանակ է,— պատասխանում է հանդիստ:

Եվ իրավացի է դուրս գալիս:

Չսխալվեցի՞, որ նրա հետ սենյակ վերցրի, բայց բուրն էլ այդպիսին են: Այժմ ետևափում եմ և աշխատում որքան կարելի է առանձին մնալ: Աշխատանքից հետո, վերցնում եմ ինձ տրամադրված ձին ու ման գալիս լեռներով ու ձորերով: Ամեն, ամեն ինչ ճնշում է հոգուս վրա...

Երևի ու է, իջնում եմ տխուր ու ընկճված մի փողոցից-լքված և առանձնություն մեջ:

Մտածում եմ, որ բախտի շար քմահաճույքով ինձ վիճակվել է ծնվել ու ապրել այդպիսի երկրում, հեռու և օտար իմ հայրենիքից: Մշուշոտվում են աչքերս, գեթ մի հայ մարդ լիներ, մի քրիստոնյա հայ մարդ, որի հետ կարելի լիներ կիսել սրտիս տառապանքը... և հայտնվում է նա... այդ կինը:

Գեղեցիկ է, սլացիկ հասակով. վեր է հանել երեսի քողը և ամփոփել ճակատի վրա, որտեղից դուրս է հորդում ածխանման մազերի փունջը: Հոգնած է երևում, քրտինքի հազիվ նշմարելի հատիկներ կան քունքերի աղվամազերի և վերի շրթունքի վրա, հոնքերը իջնում են աղեղնածև աչքերին, և արտևանունքները թեթև շուք են գծազրում այտերի վերին մասում: Այտերի վերին մասում, ձախում, փոքրիկ-փոքրիկ մի խալ կա, այնքան քնքուշ, այնքան խելագարեցնող: Գալուկ են շրթները և սարսուռում են ինչ-որ ներքին հուզումից: Սպիտակ, սպիտակ մի մորթ ունի, և այդ մարդու նայվածքից դիմագծի այդ սպիտակությունը կարող է ալիքավորվել ու իջնել խորը, խորը իր հոգվուն մեջ: Քայլելիս նազանքով օրորում է մարմինը բնական և անբռնազբոս և կարծես կաքավում է... Տեսավ ինձ, և վարդագույն մի ալիք անցավ ամբողջ մարմնիցը. խալի սևը շեշտվեց առավել: Անակնկալ էր, ամայի այդ փողոցում մի օտարականի, այն էլ

սպայի անցքը այդպես, հապճեպ վար առավ երեսի քողը և
թաղվեց մթության մեջ...

Օրերի ազդեցութիւնն էր, թե պահի ընձեռած արտասո-
վոր ցնցումը, իմ մեջ զարթնեցրեց ինձ համար էլ անսպասելի
հանդգնութիւնը: Քայլերս դարձան ետ ինքնաբերաբար,
անասելի մի հուզմամբ հետապնդելու նրան: Իր կրօնկների
դոփշունը, այնքան մեղմ, բայց սրտիս այնքան ուժգին արձա-
գանքող, իր կրօնկների դոփշունը փողոցի քարերին՝ ավի-
ւացրին սրտիս տրոփը և երիտասարդական զարթնող և հե-
տըզհետեւ բազմապատկւող բուռն մի տենչով քայլերս հար-
մարվեցին իր քայլերին:

Հասկացավ, որ հետապնդում են, կանգնեց մի պահ, շատ
կարճ մի պահ, ստուգելու համար քայլերիս արձագանքը և
զգաց, որ իրեն շատ մոտ կանգ առա և ես: Առաջին անգամն
է կյանքումս, որ այդպես անսովոր բան է պատահում ինձ
հետ: Ի՞նչ եմ անելու և ի՞նչ եմ ասելու: Իսկ եթե ամուսի՞ն
ունի, եթե տեսնեն ինձ և ստուգեն իմ հայութիւնը... վազում
եմ փորձանքի հետևից, բայց անկախ է կամբիցս այդ
բոլորը: Կանգնել է, և ես դանդաղ մոտենում եմ:

— Քույրիկ, մի բոպե...

Նա քայլում է արագ, հեիհե, վազում է կարծես ահա-
բեկված, և ես այդ նեղ, հազիվ երեք մետր լայնք ունեցող
փողոցներում հետապնդում եմ նրան: Եթե ուզենամ կարող
եմ և բռնել թևիցը: Բայց ի՞նչ կստացվի: Նա թեքվում է,
մտնում առավել լայն ու լուսավոր մի փողոց, առաջին
կարգին փողոցը ցարգ էզիսնում իմ տեսածների մեջ, և
կանգնում մի երկհարկանի, ցածրիկ տան առաջ: Բանալիով
որ ափին մեջն է, բաց է անում դուռը: Ես իր մոտն եմ,
շվարուն, զողահար. բայց նա մտնում է ներս և դուռը փակում
հապճեպ և ազմուկով կողպում, մեկ... երկու... երեք ան-
գամ. Ես սառել կանգնել եմ այդպես և զողում եմ, նրա
մարմնի զողն էլ անցել է ինձ: Հիմարութիւն... կանգնել եմ
շվարուն ու պարտված... և ի՞նչ... և վերջ: Ուշքի եմ գալիս:
և արագ հեռանում: Ուզում եմ սակայն ստուգել հասցեն, սա
էլ մի այլ հիմարութիւն: Փողոցի ելքին, որ բավականին եր-
կար է, վերջին տան պատուհանների կից, մի փոքր կապույտ

ցուցանակ կա, և ես կարդում եմ. և սխալ չեմ կարդում, այո՛, կարդում եմ ուզիդ, հատ-հատ յուրաքանչյուր գիրը մեծատառով... «Ermeni mahallesi»¹, քրտինքը պատում է ճակատս, սկսում է երկրորդ դուրը: Չսխալվեցի՞ արդյոք: Չէ՛, ճիշտ ու ճիշտ Ermeni mahallesi»... դանդաղ-դանդաղ հեռանում եմ և մտնում մի խուլ գինեատուն: Հիմա եմ հասկանում, թե տանտիրուհին ինչու ասաց «Փառք այլահին, բոլոր թաղը մուսուլմաններ են»...

— Մի մեծ բաժակ գինի:

— Հայուհի՞ է արդյոք, անցնում է մտքիցս, բայց ինչո՞ւ սև այդ լաշակը դիմազծին,— ի՞նչ գեղեցիկ էր: Մի բաժակ, մի մեծ բաժակ գինի...

Թեֆիկը տանն է:

— Ի՞նչ է, աղբերս,— ասում է,— խելագարվածի տեսք ունես, հո հիվանդ չես...

— Մի կին տեսա,— փախցնում եմ ակամա բերանիցս:

— Է՛հ, վերջապես աղբերս,— կրկնում է ուրախ,— ո՞նց էր...

— Չխոսեցի նույնիսկ...

— Ա՛յ հիմարի մեկը,— ավելացնում է,— ո՞րտեղ տեսար, լա՛վն էր...

— Հուրի, իսկական հուրի, հայոց թաղում,— պատասխանում եմ, անհամբեր սպասելով իր հակազդեցության...

— Հայոց թաղո՞ւմ,— կրկնում է շվարուն,— ի՞նչ է, տակավին հայոց թա՞ղ կա էզինեում. ի՞նչ ես ասում, լավ է: Տեսնես ոնց են ձերոնք, հը՞, ես տակավին չեմ փորձել, գիտե՞ս...

Գեղնեցի հավանարար...

— Լավ, է՛հ,— ասում է, և շոյում բեղերը,— դե, աղբերս, եկ մի հատ երգիր...

— Թո՛ղ, անպետքի մեկը,— ջղաչնացած պոռում եմ հանկարծ:

Ջարմանք է կտրել...

— Լա՛վ, լա՛վ, հո սիրահարված չե՛ս...: Ասա տեսնենք

¹ Ermeni mahallesi (թրք.)— հայոց թաղ:

ո՞նց էր, — շարունակում է հաշտարար տոնով և ավելացնում, — նկարագրիր, բայց մանրամասնորեն, աղբերս... — խում եմ...

— Գիտե՞ս ինչ խորհեցա այսօր, — փոխում է նյութը, զգալով արամազրուօթյունս, — ա՛յ, որ մարդ հարուստ լինի, պիտի լինի Իսմայիլ պեյին պես...

— Ո՞վ է Իսմայիլ պեյը... — դժվարավ հարց եմ տալիս:

— Չե՞ս իմանում, այ տղա, այս երկրամասի տերն ու տիրակալը:

— Հա, հիշեցի, — ասում եմ, — մի մարդ ճանապարհին, ավտոբուսի մեջ, պատմեց ինձ, իսկ հետո...

— Հետո, ո՞նց թե ա՛յ տղա, որ մարդ այդքան հարուստ լինի, ամեն օր մի տաս հատի հետ կարող է լինել... Վարչապետի եղբայրն է մարդը...

— Ո՞ր վարչապետի...

— Քանի՞ վարչապետ ունենք, 1948-ին, ա՛յ աղբերս, — ասում է զարմացած, — չէ, դու ճիշտն ասա, ուղեղդ կորցրե՞լ ես, թե տեղումն է դեռ...



— Հայոց թա՛ղը:

— Է՛հ, դա վաղուց էր, տղաներ, շատ վաղուց, — պատմում է մեր տանտիրուհին, — հիմա անունը կա, ինքը... ոչ Վաղուց, շատ վաղուց էր, ինչ ասեմ, լավ էլ չեմ հիշում, պատերազմի տարիներն էին, այն ժամանակ ամուսինս՝ քարա Ահմետը, երիտասարդ տղա էր, երիտասարդ հուժկու մի տղամարդ: Նա ինձ շատ էր սիրում. ես իմ կյանքի երջանիկ օրերը նրան եմ պարտական: Ճիշտ է, գաղանքնավորություն ուներ, փախցրել էր ինձ տանից, բայց հարգում և պաշտում էր: Մի խոսքս երկու շէր անում, շատ էր ուզում ինձանից մի զավակ ունենալ. բայց ինչ անել, չհաջողվեց... Մեր օջախի ջերմությունը խանդարողը միայն դա էր: Բայց պիտի ասել, լավ տարիներ էին այն օրերը, առատ էր ամեն ինչ, հացն ու կարագը, յուղն ու մեղրը: Այն ժամանակ ձիթենիի այս անհատնում անտառները մի հոգու սեփականությունը չէին: Մարդիկ այսքան աներես

չէին դարձած: Մենք փոքր այգի ու դաշտ ունեինք, իր հայրն ու մայրը ողջ էին, ապրում էինք մեր աշխատանքով: Աշխատանքը բավարարում էր: Քաղաքն էլ այդպիսին չէր այդ տարիներին, կանաչապատ էր, լեռներում թանձր ու խիտ անտառներ էին, բարեբեր անտառներ... Դեռ մեր կողմերը, ոչինչ, բայց պատմում են, արևելքում այդ խիտ ու հսկա անտառալին տարածություններից այժմ ոչ մի բան չի մնացել. մերոնք կտրել, կտրել ու փշացրել են, անտառները վերածել բարբարոտ տափաստանների: Հիմա թշվառություն է ամենուրեք, մենք մի կերպ այս կողմերում չույլ ենք գնում: Չգիտես ինչը փոխվեց: Այն տարիներին էլ տուրքերը նույն տուրքերն էին, ոստիկանությունն ու զինվորականությունը նույնը: Բայց ամեն ինչի մեջ համ ու հոտ կար, կարծես ինչ-որ օրհնված մի մատ: Ի՞նչ ասեմ, տղաներս, ասեմ, թե այդ բոլորը գլավուրների երեսից էր, սուտ խոսած կլինեմ, բայց որ գլավուրները վատ մարդիկ չէին, ի՞նչ մեղքս պահեմ, թող ների ինձ Մուհամմետը. ճիշտ եմ ասում: Օրինակ, հենց մեր տան կողքին ապրում էր Կարապետ անունով մի մարդ. նա մի շատ սիրուն կին ուներ. նրանք շորս աղջիկ ունեին: Ամենամեծը՝ տասնհինգ տարեկան, երկրորդը՝ տասներեք, երրորդը՝ տասը: Սպասում էին մի մանչ զավակի, Կարապետը մի օր ասել էր Քարա Ահմետիս, թե Ահմեդ, թե, որ էլի աղջիկ ծնվեց, ես կխելագարվեմ...

Ահմետս էլ թե՛ Կարապետ, թե որ աղջիկ ծնի, կտաս ինձ...

Խոստացել էր, և դու տես որ շորբորդն էլ մի լուսնի նման աղջիկ ծնավ: Չախ այտի վերին մասում շատ սիրունիկ մի խալ ուներ, մի տաս օրվա, արտևանունքները շուք էին տալիս ստորին կոպերի վրա: Հարցն այն չէ, որ նա՝ այդ շորբորդ աղջիկը, շատ էր գեղեցիկ, վերջիվերջո տղեկ էլ որ լիներ, զավակ էր էլի, արյունից ու մսից պոկված: Ո՞նց կարելի է ուրիշին տալ... Այդ օրերին էր, որ ծագեց համաշխարհային պատերազմը, շանցավ մի տարի, և մի օր դադարի հրահանգ եկավ վերևից: Իրարանցում էր, սարսափ: Գլավուրներին՝ կին, տղամարդ, երեխա, հավաքեցին մի զիշերվա մեջ, ոտքի կանգնեցրին Հայոց թաղը և տարան... Բոլորին

չարդեցին «Կապույտ ձորի» մեջ: Աղեկատուր ճիշերը լսվում էին այստեղից: Տեղահան եղող ժողովուրդի մեջ Կարապետն ու իր սիրունիկ կինն էլ կային: Կարապետը արցունքն աչքերին բախեց մեր դուռը, թե՛ Ահմետ, սիրելիս, դու մի աղջիկ էիր ուղում, ես տալիս եմ չորսը. խնդրում եմ պահիր տունդ, նրանց բան չպատահի, ես լավ բան չեմ սպասում այս բռնությանց: Թե որ աստված կամեցավ ու վերագարձանք, վերագարձրու երեքին, չորրորդը թող քոնը լինի. թե որ ուրիշ բան պատահեց, նրանց բախտը դու տնօրինիր:

Շատ մտերիմ էինք, աղ ու հաց էինք բաժանել տարիներով. շմերժեցինք: Բայց երբ Ահմետը լսեց գյավուրների հետ պատահածի մասին, նա աղջիկներին տարավ մառան ու փակեց այնտեղ: Տևաբար լաց էին լինում: Կարապետի սիրուն կնոջը սպանելուց առաջ, մի տաս-տասնհինգ հոգով բռնաբարել էին, մարդը տեսել էր այդ ամենը: Է՛հ, շատերին էին արել նույն բանը սպանելուց առաջ:

Թեֆիկը պատմության այս մասում շարժվեց: Բայց իմ ներկայությունը կաշկանդեց նրան: Տանտիրուհին ազատ պատմում էր այդ բռնորը առանց դուլզն վարանման: Նա երբևիցե չէր կասկածում, որ ես հայ կարող էի լինել: Թեֆիկը նույնպես չէր կարողանում զգուշացնել նրան: Հարմար չէր զգուշացումը այլևս: Նետը ելել էր աղեղից: Ես աշխատում էի անտարբեր տեսք ընդունել, բայց չէր հաջողվում: Ինչ որ տաք արյան մի հոսք լեցվում էր սրտիս վրա և ինձ մղում դանդաղ զգայազրկության:

— Ահմետն էլ բավական օգտված կլինի առիթից, — ընդհատեց Թեֆիկը...

— Քարա Ահմետս այդպիսի մարդ չէր, — առարկեց կինը, — նա սիրող, իսկական տղամարդ էր: «Կապույտ ձորը» էդ օրվանից հետո կոչվեցավ «Օձերի ձոր», բայց չեմ հասկանում թե ինչու «Հայոց թաղը» մնաց էլի նույնը: Երբ ժողովուրդը լսեց, որ այլևս չկան գյավուրները, սկսեց թալանը, դատարկվեցին տները, պիտի ասել, մենք անմասն մնացինք այդ բռնությանց: Մի երկար ժամանակ լրիվ ամալի էին հայոց տները: Հետո ինքնակոչ մարդիկ սկսեցին մեկ-մեկ սեփականատերեր դառնալ... Հետո, էլի վերևից խիստ հրա-

հանդ եկաւ թե՛ ուզքեր որ հայ են պահել, ենթակա են արտորի և նույն ճակատագրին: Իմ մեջ զուլս զցեց սարսափը: Ահմետը նույնպէս վախեցաւ:

Հո չէր կարելի էզ աղջիկներին երկար պահել մեր տանը: Ասենք մի օր, տաս օր, մի ամիս պահեցիր մառանում, վե՛րջը... Քշնամիներն էլ անպակաս էին: Ահմետի հայրը թե՛ մի ճարը տես էզ լակոտների: Լրտեսներն էլ վխտում էին շորս դին: Ու մի գիշեր Ահմետս փողոց զնաց ու վերադարձաւ շատ ուշ, թունդ հարբած: Մտաւ ներս և ասաց, թե՛ աղջիկների հայրն ու մայրը ինչ-որ տեղ սպասում են, և ինքը հարկ է մեկ-մեկ տեղ հասցնի նրանց: Ուրախացան: Նախ վերցրեց ամենամեծին, զնաց դուրս, բավական ժամանակ հետո վերադարձաւ ու տարաւ երկրորդին, հետո էլ փոքր ընդմիջումով երրորդին: Ամեն անգամ, որ ներս էր գալիս, ավելի էր մթազնած լինում դեմքը: Չէի հասկանում, թե ինչ էր կատարւում, բայց զգում էի թե, ինչ որ ծանր բան էր տեղի ունենում: Չորրորդին, փոքր երեխային, որ ձախ աշտում մի սիրուն խալ ուներ և որի արտևանունքները դեռ այդ օրերին իսկ շուք էին տալիս ստորին կոպերի վրա, վերցրեց գիրկն ու .

— Այշե, — ասաց, — չէի ուզում սրան էլ տանել, բայց կատարվածից հետո, ինչ արած, այլևս ուշ է, չեմ կարող...

— Իսկ ի՞նչ արեցիր մյուսներին, — ասացի ևս զողահար...

Խմած էր սաստիկ. — Ես ու հայրիկը վերջացրեցինք հաշիվը, — պատասխանեց:

Կանգնեցի ոտքի և կատաղած նայեցի աչքերին.

— Հո, այդ լաճերի հետ շանպատվեցի՞ր ինձ...

Մի կողմ հրեց ինձ կատաղած...

— Այդ էր պակաս, — ասաց:

Բայց ևս չէի հավատում, մեծը գեղեցիկ էր, ճիշտ մորը նման, հասուն կին էր զարձեկ արդեն:

— Հաղա ինչո՞ւ առաջինի հետ երկար տեկց պատմությունը...

Վար կախեց աչքերը և հազիվ փսփսաց...

— Հայրիկն էր, չկարողացա ետ պահել,— ասաց,— մայրիկին բան չասես...

— Իսկ հետո՞:

— Հետո տարավ մորթեց մեկ մեկ...

Իմ աչքերին մշուշ իջավ, սպիտակեւ և դողում էի ամբողջ մարմնով: Թեֆիկը նայեց ինձ և կախեց գլուխը: Տանտիրուհին շվարեց:

— Ես կնիկ վիճակովս տոկացի, բայց դու այր մարդ ես, նույնիսկ շե՛ս կարող լսել,— ասաց մեղմ, խոսքը ուղղելով ինձ:

Ես կանգնեցի ոտքի և դսպելով հուզումս.

— Գնամ մի բիշ ման գամ,— ասացի,— բայց շասացիք, ի՞նչ է արել ձեր ամուսինը այդ փոքրիկ երեխային...

— Տվել է անձանոթ մի մարդու, թե՛ առ, վերցրու, հայի լակոս է, ինչ ուզում ես արա...

— Իսկ ի՞նչ է արել նա...— դողում էր ձայնս:

— Ձեներ իմանում և շիմացանք էլ. Ահմետն էլ չէր հիշում այդ մարդուն, շատ է հարբած եղել էդ գիշեր, հավատացեք նա կյանքում այդ գիշերվա նման հարբած չկար: Նա լավ մարդ էր, լավ, սիրող ամուսին, պատվախնդիր ու պարկեշտ...

Ես գրեթե խուճապահար դուրս նետվեցի տանից, պրկված էր գլուխս, քայլերս ակամայից ինձ առաջնորդեցին այնտեղ... «Հայոց թաղը»...: Մութ էր փողոցը, ամայի, տներից ազոտ լույսեր միայն դուրս էին տալիս իրենց գեղնավուն ցուրը: Մի տեղ ինչ-որ տասնյակ մարդիկ միաբերան մի բան էին ընթերցում: Մտեցա դուանը և ականջ դրի... «դուրսն»-ին հատվածներ էին հեզում:

Չգիտեմ ինչպես, ներքին ինչպիսի դրամամբ, ոտքերս կանգ առան մի տան սեմին, և ես սեղմեցի դանդը: Ոչ մի շշուկ, դուան կողքին մի փողոցային գորշավուն լուստեր հաղիվ լուսավորում էր շրջակայքը. էլի ձեռքս բարձրացավ ու հանդշեց զանգի կոճակի վրա: Բացվեց դուռը և...

— Վա՛յ, դո՛ւ ես,— ասաց մի առնական ձայն, ինձ չգիտես որտեղից ծանոթ:

— Այո՛, ես եմ,— բայց ո՞վ եմ ես, ո՞րտեղից է այս մարդը ճանաչում ինձ...

— Անցիր, սպաս, անցիր ներս, ի՞նչ հով քեզ այստեղ գցեց, աղբերս:

— Վարձու սենյակ եմ ման գալիս,— պատասխանեցի դողահար... և ճանաչեցի մարդուն: Նրա ձեռքին նույն համբիշն էր և տեսա, որ բխեր ուներ շուրթերի վրա, հաստ ու խիտ բխեր...

— Հաթճե, — պոռաց նա, — Հաթճե, ե՛կ, հյուր ունենք, — և թևիցս բռնած ներս քաշեց ինձ...

— Նստի՛ր, այ տղա, — ասաց, — ի՞նչ է, շշմել կանգնել ես, եկ մի արագ խմենք...

Կինը շառագունեց, երբ տեսավ ինձ. նա ճանաչեց անմիջապես, այս անգամ տնային սպիտակ յազմաչով էր. նույնպես հավաքված իր ճակատի սպիտակությանը՝ հետ ուժեղ հակասութուն կազմող ածխանման մազերի վրա: Անմիջապես ձեռքը տարավ ճակտին, ուղեց քանդել կապը և ծածկել շուրթերը օտարից...

— Աղբեր տղա է, — ասաց մարդը, — չուրայինի պես պահիր քեզ, կարիք չկա ծածկվելու:

Իսկապես գեղեցիկ էր նա, ձախ այտում սիրուն, սիրուն փոքրիկ մի խալ այրում էր իմ աչքերը, իսկ արաւանունքները սենյակի աղոտ լույսի տակ առավել շուք էին տալիս ստորին կոպերին...

— Ի՞նչ է, աղբերս, դեռ հյուրանոցո՞ւմ ես:

Ձգաստացա.

— Ձէ՛, մի անդ գտել եմ, բայց դո՛հ շեմ, — ասացի ես:

— Բա՛, դու ինձ ո՞րտեղից գտար:

Ձգում էի, որ դողում էր նա. հեռացավ սենյակից:

— Պատահմամբ մի դուռ բխեմ ասացի...

— Կավ ես արել, աղբերս. լեռը լեռան չի հանդիպի, բայց մարդը մարդուն կհանդիպի: Հաթճե, — պոռաց, — սիրունիկս, օղի բեր ինձ ու սպալիս:

Ու մինչ նա գեանին գրված թախտի վրա սկսում էր

շարել ամաններն ու խոհանոցից բերած աղանդերները, մարդը դարձավ ինձ.

— Ծանոթանանք, աղբերս,— ասաց,— մենք դեռ կարգին շենք էլ ծանոթացել... Իմ անունը Սապրի է, սա էլ կինս է՝ Հաթճեն, և այսքան: Մարդ ու մարդասանք չունենք: Մինուճար մարդիկ ենք: Մի ծերուկ հայր ունեի, լուսավորվի հոգին, լավ, մարդասեր մարդ էր. մի քանի տարի առաջ մահացավ, հիմա դու էլ իմ աղբերն ես...

— Իմ անունը,— ասացի,— Լեոն է,— այլևս թաքցնելու մեջ իմաստ չէի գտնում, և շեշտեցի դիտմամբ,— ես հայ եմ, ինչպես դիտեք պոլսեցի...

Տիրեց երկար լուսթյուն: Ես անթարթ նայում էի Հաթճեին: Ոչ մի շարժում, մնում էր կանգնած, անտարբեր ու վերագտած իր վստահությունը. բայց զաղտագողի զգում էի, որ զննում էր ինձ: Վախեցա ակամա:

— Ուրեմն կենացդ. բարի եկել ես. գալդ բարի լինի, աղբերս,— թնդաց Սապրիի ձայնը:

— Դե՛ ոչինչ, Հաթճե, աղբեր տղա է, այն էլ սպա, ոչինչ. կարող ես գալ և նստել մեզ հետ:

Տարօրինակը Սապրիի վստահությունն էր իմ նկատմամբ: Եվ ավելի զարմանալին, մի գյավուրի առաջ իր կինը չթաքցրնելու և նույնիսկ սեղանին մասնակից դարձնելու լայնամտությունը: Սա փոքր բան չի Անատոլիայում: Ես ակամա սիրով ու հարգանքով լեցվեցի նրա նկատմամբ, բայց ապրում էի խոր հիասթափություն, ուրեմն այս բոլորը պարզ ու սովորական մի զուգադիպություն էր: Հաթճեի որբությունը, ձախ այտի խալը և արտեանունքները: Տակավին աչքերի հեզ ու մեզմ նայվածքը...

— Սապրի պեյ,— ասացի,— վաղը կիրակի օր է, չգնանք ուղտերի մենամարտին:

— Չէ՛ք տեսել բնավ,— մեջ մտավ կինը:

Սա էլ էր հանդուգն քայլ. առաջին անգամ նա խոսում էր ինձ հետ, բայց այդ չէր կարևորը, կինը միջամտի խոսակցություն: Ես լսեցի նրա ձայնը: Նա հնչում էր անապատում կլկլա՞ն ու սառնորակ մի աղբյուրի զուլալ ջրի նման...

— Որտեղի՞ց:

— Ուրեմն կզնանք միասին, — ասաց Սապրին, —
Հաթճեն շի կարող զալ. զավակների հարց է...

— Երեխաներ ունե՞ք...

— Հապա ինչ, երեք աղջիկ, աստված մեր բախտը աղ-
ջիկով է բացել, — պատասխանեց մարդը... Ինչ անել, շատ
ենք ուզում մի մանչ զավակ ունենալ, շի ստացվում՞...

Նա կրկին շառագունեց:

— Իսկ դու ամուսնացա՞ծ ես, — հարց տվավ Սապրին:

— Ո՛չ տակավին:

— Իսկ եղբա՞յր, քո՞ւյր...

— Դե ունեցել եմ, բայց կորել են չարղերին, — շարա-
ցած պատասխանեցի ես...

Տիրեց կրկին մի ճնշող լռութուն...

— Նրանց հոգուն, թե որ մահացել են. իսկ թե որ
սպրում են, աստված թող միացնի ձեզ, — ասաց Սապրին
և շարունակեց, — ես սիրում եմ հայերին, լավ աշխատասեր
ժողովուրդ են, մայրս շատ է պատմել նրանց մասին, ի՞նչ
անել... եվ, առճաստարակ, գիտե՞ք, Ասոն պեյ, ես ինքս էդ-
պիսի ազգային պատկանելիության շատ էլ կարևորութուն
չեմ տալիս, ինձ համար մարդն է կարևոր, աղքեքս, եկ, խը-
մենք մարդու կենացը, իսկականի՛ն, լավի՛ն...

Հաթճեն զուրգուրտ նայվածքով նայեց ամուսնուն...
Իմանո՞ւմ էր նա իր անցյալը, թե այդպես սիրում էր մար-
դուն, իսկականին, լավին... Բայց խա՛լը... հո աշխարհում
ձախ այտի վրա խալ ունեցող մի՞թե մի աղջիկ է ծնվել...
Սապրին կրկնում է հարցը: Ես տարվել էի.

— Իսմայիլ պեյին ճանաչո՞ւմ եք...

— Այո, պատմեցիք ավտորուսում, — հարեցի քմծիծաղով:
Մենք ակամա խոսում ենք հոգնակի թվով:

— Հա, տեսնում եք. էդ է, որ կա, է՛հ, ինչ անեմ, որ նա
թուրք է, նրա ձեռիցը, որ դա, նա բեզ էլ կուտի, ինձ էլ,
աղքեքս...

— Իսկ շի՞ ուտում որ... — մեջ մտավ կիներ:

— Ծիշտ ես ասում, — ասաց Սապրին, — նա ուտում է
մեզ, կամաց, կամաց, քիչ առ քիչ և մենք չենք զգում այդ:
Բայց թողնենք, Ասոն պեյ, երգել իմանո՞ւմ ես...

Մեկնելու ատեն կինը արծաթյա ափսեի մեջ տաք ջուր մատուցեց ձեռքերս լվանալու համար և երկարեց սրբիչը... Ես միշտ հիշում եմ այդ պահը, այնքան ջերմություն և հյուրամեծարություն կար նրա շարժումների մեջ: Չզիտեմ ինչու լցվեցին աչքերս, նա այդ բույրեղին փոքրացավ, փոքրացավ և դարձավ մի ութ տարեկան աղջիկ, — մի ութ տարեկան աղջիկ, որի անունը Եսպրաքս էր և որ հիմա չկա...

— Շնորհակալություն, բույրիկ, — ասացի ես:

— Լավ էիր երզում, — ասաց Սապրին, — մարդ, որ սիրո ու կարոտի երգեր է երգում, վատ մարդ լինել չի կարող, ուր էլ գանվի, ինչ աստղի տակ էլ, որ ծնված լինի... Չմոռանաս, եկ վաղը, կգնանք անպայման, իսկ սենյակիդ համար մի բան կխորհենք, շմտածես...

«Հայոց թաղ»-ից անցնելիս զգում էի, որ մենակ ու առանձին եմ աշխարհում, մենակ, լքված ու առանձին...

Տանը Թեֆիկը ինձ դիմավորեց սառք:

— Աղբերս, — ասաց, — վաղը պիտի դուրս գալ էս սենյակից, տանտիրուհին կռահել է իմ կապը ուսուցչուհու հետ, էլ չի ուղում մեզ պահել իր տանը, շատ խոսեցի, չհամաձայնվեց...

— Հասկանալի է, — ասացի, — հանցավորը դու ես, ես ասում էի քեզ, այդպես չէր կարելի...

Երկուքս էլ հասկացանք իրար. բայց նա հայտնում էր անպայման, և այն էլ ինչպե՛ս... հայտնում էր թերևս այն բանի համար, որ ես որքան էլ տարօրինակ, սպա էի և մի սպայի երեսին, երբ նա համազգեստ է կրում, չի կարելի սսել այն, ինչ որ խորհում ես...



Չեմ իմանում, հարկ կա՞ նկարագրելու ուղտերի մենամարտը: Տոնական մթնոլորտ էր. շրջակա գյուղերից հաղարավոր մարդիկ ու կանաչք էին լեցվել դաշտի շրջակայքում: Գույնզգույն լաշակներ պսպղում էին ամենուրեք: Կանաչ, կարմիր, կապույտ, դեղին լաշակներ: Կենտրոնում ու դաշտի ղանաղանձ մասերում յուրաքանչյուր գյուղից բերված զհուն

ու զուռնան էր, և ստեղծվել էր մի քառս, մի արտակարգ իրարանցում: Դաշտից դուրս, սաղարթների մեջ, հանդուժում էին ուղտերը. պճնված, բազմագույն գորգերով, ուլունքներով և զողանջող զանգակիկներով: Դճուլ ու զուռնայի բամբակազանի վրա հրապարակ էին դուրս գալիս երկուսը՝ վզերից պարաններ կապված: Պարաններից կախված գլուղացիներն էին, որոնք քաշում ու կենտրոն էին բերում ուղտերին: Առաջին բուպեններին անտարբեր ու անհոգի, սառած աչքերով ուղտերը կարծես ոչ մի մասնակցություն չունեին ընդհանուր ահ ու զողին: Հետո մի այլ տեղից էզ մի ուղտ էին քարշ տալիս, նույնպես վզից կախ պարանից: Էզը արագ անց էին կացնում մենամարտի համար նախատեսված երկու արու ուղտերի արանքից, և այստեղ պարզվում էր ինձ համար անսովոր մի տեսարան: Արունները վրա էին տալիս էզին, բայց փորձված գլուղացիք հապճեպ հեռացնում էին էզին և թողնում, որ արունները փաթաթվեն իրար: Հետո թուլացնում էին պարանները և հանում. հատուկ ուղտեր էին ման ածում անշուշտ, հատուկ կերակրում և էզերի նկատմամբ զուսպ պահում: Սկսում էր մենամարտը: Տիրում էր խորը լռություն: Երկու բմբշամարտիկների նման, գրեթե ուշիմուխյան և տակտիկայի նույնպիսի փորձվածություններ ուղտերը ջանում էին զլուխ ու վիզ ուտրել, ոտից վար զցել խոտյանին, և յուրաքանչյուր արված հաջող քայլի հետ թնդում էր ծափն ու կանչը, զուռնան սուլո էր ածում: Հրճվում և ուրախանում էին մարդիկ: Մի պահ իմ աչքերը հեռացան մարտագաշտից և հանդեպին հանդիպակաց բլուրների վրա: Լիքը մարդկանցով հեացող դաշտից հեռու, խուլ սաղարթների միջից տեսա Թեֆիկին, որ արագ դուրս եկավ ու խառնվեց բազմություն: Ակնարկս պահեցի սաղարթներին. բիշ անց դեղին լաշակավոր մի աղջիկ հետևեց նրան և արագ վազեց յուրաչինների մոտ: Ինչպե՞ս էր այդ տղան այդքան հանդուժող դարձել: Բուրբի ուշադրությունը կենտրոնում էր սակայն: Մապրին ճշաց ուրախ և այս այն բուպեին էր, երբ ուղտերից մեկը սկսավ փախչել մենամարտի դաշտից: Այդ պարտությունն էր նրա: Մարդիկ վազում էին նրա ու հաղթողի ետևից պարաններով, որպեսզի կրկին զցեն նրանց վզներին և տա-

նեն հանգստանալու: Թնդում էին էլի դճուլն ու զուռնան, իրար խառնում ամեն ինչ: Հաղթանակ տանող գյուղացիք հրճվում էին ուրախությունից և պարեր կաղմակերպում, հաղթվողները գլխիկոր հեռանում դաշտից: Յուրաքանչյուր ուղտ պատկանում էր մի մարդու, բայց խորհրդանշում էր այդ գյուղացու պատկանած գյուղը:

— Միամիտ ու բարի մարդիկ են մեր գյուղացիք,— ասաց Սապրին: Ուղտի մենամարտ, արջորի մենամարտ, բմբշամարտ. — նց են կացնում ժամանակը: Գճուլն ու զուռնան ինչքան բարձր են ճշում, հասկացիր, աղբերս, որ այդքան խորն է ցավը:

Պատահում էր, որ երկարում էր մարտը, և ուղտերից ոչ մեկը չէր զիջում մյուսին, ընկնում էր ու բարձրանում, հետո իր հերթին մյուսին զցում գետնին, երբեմն հարցական նշանների նման իրար մեջ ոլորվում էին երկար վզերը ու բոսպեններով մնում այդպես: Նման դեպքերում գյուղացիք պարանները կապում էին ուղտերի ոտքերին և տասնչակնե-րով ձեռք-ձեռքի տված շղթայակապ դատապարտյալների նման պարաններից կախ, աշխատում էին բաժանել կովոզ անասուններին: Ոչ որի էր հայտարարվում. այդպիսի դեպքերում, հաղթանակի համար հարկ էր, որ մեկը լքեր դաշտը և փախչեր... սկսում էր կրկին զուռնայի կանչը...

— Գնանք մեր մոտ,— առաջարկեց Սապրին,— զնանք, Հաթճեն տաք ճաշ է պատրաստել քեզ համար. հետո սենյակի համար էլ պիտի ման գար այսօր. տեսնենք ինչ արեց...

— Ես արդեն կարգադրել եմ,— ասացի,— բանակատեղից եմ վերցրել, իմ ինչի՞ն է հարկավոր քաղաքում սենյակ վարձելը: Ճիշտ է, մի քիչ պայմանները լավ շեն, բայց ոչինչ: Փողն էլ գրպանումս կմնա...

— Չես գալու տուն...

— Այսօր ժամը չոթից պիտի հերթապահություն վերցնեմ, մեր հերթն է այսօր,— ստեցի.

Տխրեց և ինձ համար էլ անհասկանալի.

— Հաթճեն կուրախանար, աղբերս,— վրա բերավ:

Մի շաբաթ հետո, անակնկալ հրահանգ եկավ կենտրոնական շտաբից: Ինձ ու բաֆրացի մի այլ ենթաստայի կար-

գաղբել էին հապճեպ տեղափոխվել Բայրամիշ: Էզիններից մի քսանհինգ կիլոմետր ներս, զինվորական արտոբականներին հատուկ մի վաշտում ծառայելու:

Մեկնմանս նախօրեին գնացի Սապրինեց տուն... «Հայոց թաղ»-ում: Երկար համառեցի դուան զանգի վրա: Արձագանք տվող շեղավ: Ներքին մի նախազգացում ստիպեց, որ շարունակեմ զանգ տալ... լսեցի մեղմ ոտքերի շշուկ, բացվեց դուան վրա հազիվ աչքեր տեղավորելու շափ փոքր մի դռնակ:

Նա էր. նրա աչքերն էին, սև ու պսպղուն և խոնավ... մի պահ կոպերը փակվեցին և ես նշմարեցի, որ արտևանունքների վրա գիշերային ցող էր իջել...

— Սապրին այստեղ չէ, — ասաց, — նրան տարուն երեկ, — ձայնը դողում էր, — իսկ ես առանձին եմ զավակներիս հետ, ներիր, դուռը բանալ չեմ կարող... — Կանգնեց մի պահ այդպես և ես տեսա, որ կոպերից մի շիթ սահեց վար... Չախ այտի խալին... — ներիր աղբերս, — և փակեց դռնակը:

«Հայոց թաղ»-ում առանձին եմ ու մենակ: Քայլում եմ զանդաղ և լսում եմ զանդաղ քայլերիս արձագանքը: Շտապ ու արագ իջնում եմ ցած, կանգնում պատի մի անկյունում, քայլերիս արձագանքը շարունակվում է մի քիչ էլ և կանգնում: Տարօրինակ... հավանաբար առանձին չեմ «Հայոց թաղ»-ում: Հետո, անտարբեր շրջանցում եմ թաղը և մըտնում մի գինետուն: Գատարկ մի սեղան կա միայն:

— Տապակած սուճուխ և մի մեծ բաժակ գինի...

Մի մարդ է մտնում ներս, երիտասարդ մի մարդ ու նստում դեմս:

— Տապակած սուճուխ և մի բաժակ գինի...

Իմ աչքերում փայտյա մի դուռ է, և դուան վրա փոքրիկ մի դռնակ, հետո երկու սև ու պսպղուն աչքեր... արտևանունքները այդ աչքերին շուք են տալիս ստորին ծնոտի վրա... Փայլվումն մի շուք, գիշերային ցող է իջել արտևանունքների վրա...

Իմ դիմաց երկու աչքեր են, անզղի երկու գիշատիչ աչքեր, սիգարեթի ծուխ և գինու բաժակ... Իմ դիմացի աչքերում արյուն կա խոնված:

Դրսում, ինչ որ մի տեղից զուռնայի ձայն է գալիս, և
ինչքա՛ն սուր ու ճշան է այդ ձայնը: Մի շուն ոռնում է գիչ
ու ջղեր է խանդարում, ոռնում է անընդհատ ու կծկում
սիրտս: Ես մրսում եմ, և գինին իսկի չի ազդում վրաս: Ես
մրսում եմ սաստիկ... Դրսում դարնանային անձրև է, դըբ-
սում գիշեր:

ԲԱՆԱՍՏԵՂԾԻ ԳՈՂԳՈԹԱՆ

Մեռնի՛լ, մեռնի՛լ, անմահանալ մահվան մեջ
Մեռնի՛լ... գրկիդ գոգն, այսպես մեր սերն
անշնչ՝

Անհունին մեջ ծառացրենլ տիրական:

Ռ. Սևակ

Լոգանի համալսարանի բժշկական գիտությունների դասընթացներից, 1911 թվականի շրջանավարտների վկայականների բաշխման պաշտոնական երեկույթն էր:

Ամֆիթատրոնը լիքն էր մարդկանցով, այնտեղ էր Շվեյցարիայի գիտական ընտրանին. նախկին շրջանավարտ-բժիշկներ, Նվրոսպայում իրենց մասնագիտությունների մեջ հռչակ ձևոք բերած վիրաբույժներ. ֆրանսիական, բելգիական և գերմանական ղեկավարների ներկայացուցիչներ. գեռեսզրի ու գրականության մարդիկ և մեկ-երկու հանրածանոթ, արվեստի այլ բնագավառի աշխատողներ:

Ծանր էր մթնոլորտը, լուրջ ու ղսաված: Գիտական մտքի այսպես ասած շորությունը չէր զիջում նույնիսկ ամուսն վերջին օրերի շոգերի բերմամբ հուլանի թևերով ու մանչակազարդ լանջերով կանանց ներկայությանը: Այս վերջինները ընդհանրապես հռչակավոր մարդկանց գեղանի, երկտասարդ կիներն էին: Ներկա էին նաև Շվեյցարիայի առողջապահության և Արտաքին գործերի մինիստրները: Թեպետ նրանք տեղ էին գրավում սրահի խորքում գանվող ամբիոնի վրա, համալսարանի ռեկտորի և ֆակուլտետի ղեկանի կողքին:

Խայտարղես հանդիսականների մեջ սակայն իր քսանամյա կուսական գեղեցկությամբ և սպիտակ, սեղմ շրջազգեստի մեջ շողշողում էր գերմանացի մի օրիորդ, որը իր ձախ ուսով հազիվ հենած զինվորական բարձրաստիճան մի

սպայի, անտարբեր նայվածքով հետևում էր երեկույթի ընթացքին: Ուշագիր մարդը սակայն կարող էր ղզալ, թե այդ «անտարբեր» նայվածքի տակ խորը փոթորկվող մի սիրտ կա, որ սալասում է ինչ-որ բանի, որ կատարվելու է: Նա հորդառատ զեղին վարսեր ուներ, որոնք իջնում էին քունքերին և ամփոփվում էին երկնազույն բաց կապույտ մի ժապավենի սեղմումի մեջ, աչքերը նույնպես լազուր էին, դարնան առավոտների զովությամբ լի... սպիտակ էր դիմադիծը, թեթև մի վարդազույնով երիզված: Ականջներին մարգարտյա գինտեր կաշին, այլ զարդ չէր զրում նա: Սպան նույնպես գերմանացի էր. նա արհամարհական գիտում էր շրջապատը և կարծես շկամությամբ ընդառաջում իրեն ուղղված ողջույններին: Սա ևս անհանգիստ էր իր տեղում և հայտնի էր, թե ոչնչով չէր հետաքրքրվում և չէր կասկած օրվա եղելությանը: Եթև չլինեք զույգի մեջ տիրող պաշտոնականութունը, հակառակ մեկ-մեկ աղջկա կողմից ցուցաբերվող ջերմության, անծանոթ մարդիկ կարող էին մի պահ կասկածել, թե նրանք կամ սիրահարներ են և կամ ամուսիններ, որոնք գծավել են ինչ-որ բանից, և այժմ աղջկա կամ կնոջ ջանքերը շն կարող հալեցնել ստեղծված սառույցը: Այսուհանդերձ ծանոթ մարդկանց համար ևս հանելուկ էր նրանց ներկայությունը: Արդյոք շրջանավարտ մի ուսանող բարեկամ ունեին նրանք, ինչո՞ւ չէ, կարող էր պատահել: Չէ՞ որ բազմաթիվ գերմանացի ուսանողներ կային Շվեյցարիայում: Ծիշտ է, տպագիր ցուցակներում նրանց ազգանունը հիշեցնող ոչ մի թեկնածու չկար, բայց ի՞նչ իմանաս: Շատերը ճանաչում էին նրանց, գիտեին, որ տղան, հակառակ իր երիտասարդ տարիքին, բարձր դիրք ունի գերմանական կայսերական բանակում, և այդ դիրքի համար կպարտի որբան բնածին իր տաղանդին, նույնքան և այն արյունակցական կապին, որ նրան կապում է Գերմանիո ղորավորազույն մարդուն՝ Բիսմարկին:

Աղջիկը նրա քույրն էր, ամենակրտսերը: Ակներև փաստ էր, որ զինվորականը, որ գործով գտնվում էր Շվեյցարիայում, զիջել էր բրոջ թախանձանքներին և ժնեից եկել էր լողան, իսկ այժմ էլ նստած էր այստեղ նրա պարտա-

դրանքով: Այդ փաստը կարող էր դառնալ անհերքելի, եթե հետաքրքրասերները նշմարած լինեին, թե ինչպես երիտասարդ գեղեցկուհին բոթեց իր եղբոր թևը, երբ ամֆիթատրոնի բեմի վրա երևաց իր կյանքի առաջին քառորդ դարը հազիվ բուրած, թուխ մի երիտասարդ: Նորավարտ բժիշկը իր սե, արծվային աչքերով հանդարտ մոտեցավ ամբիոնին և հպարտ կանգնեց հանդիսականների առաջ: Նրա հագին սև կոստյում էր, որը սպիտակ շապիկի հակասության մեջ, օսլայած բարձր օձիքով և նույնպիսի սև գուլնի փողկապով, երիտասարդին դարձնում էր առավել նիհար ու երկարհասակ:

Ծնոտի սև ու խիտ մորուքը, որը հասնում էր մինչև այտերի ստորին մասերը և թավ բեխերը անսովոր մի հմայք էին տալիս ենթակային և անձը դարձնում առավել հետաքրքրական ու դրավիշ:

— Ռուբեն Չիլինկիրյան,— հնչեց համալսարանի ուսուցիչի ձայնը: Մի ձայն, որ հարզված ու սիրված էր նրա սիրոջ տարիների վաստակի, և ոչ միայն լողանում, այլև եվրոպայում իր ձեռք բերած արդար համբավի բերմամբ:

Սրահում մի շշուկ անցավ...

Ռուբեն Չիլինկիրյան, տարօրինակ էր հնչում անունը և առաջացնում էր հարցասիրություն: Կարող էր գերմանացի լինել նա, գերմանացիների մեջ մեկ-մեկ պատահում էին ալգայիսի վերջավորությամբ ազգանուններ, բայց անունը ինչ-որ օտարոտի էր հնչում, հետո թխուրտներ, արծվային այդ աչքերը, որոնք ինչ-որ հեռու, հեռավոր լեռների, վեհ ու սիզապանձ լեռների կարտան էին թողնում դիտողի հոգում: Առնական, բայց կիրթ իր շարժումները, հոնքերի աղեղնաձև սլացքը, առատ ու խիտ, ալիքավոր, սև ածխանման վարսերը, մի քիչ անսովոր եվրոպայի այդ մասում, կարող էին և պատկանել մի իտալացու: Բայց անունն ու ազգանունը կապ չունեին Իտալիայի հետ: Արդյոք մի ասիացի...

— Ռուբեն Չիլինկիրյան, շնորհավորում եմ Ձեզ և հանձնում եմ ավարտական Ձեր դիպլոմի հետ նաև 1911 թվականի մեր համալսարանի ոսկյա մեդալը, ձեր այնքան որակյալ դիպլոմային աշխատանքի համար, որը այս նույն

սրահում պաշտպանեցիք զարնանը: Ուրախ եմ հրապարակավ հայտարարելու, որ դուք ձեր համալսարանական ամբողջ տարիների ընթացքում աչքի ընկաք ցուցաբերված համեստ նկարագրով, գերազանց վարքով ու բարոյականով և առավել ուսանելի, համառ աշխատասիրությամբ: Ձեր և Չեզանով ձեր աղգի անունը արձանագրվում է մեր համալսարանի, Եվրոպայում հռչակված լավագույն համալսարաններից մեկի, ոսկյա մատյանում: Հաջողութուն եմ ցանկանում Ձեզ, ի փառս մարդկության և Ձեր աղգի, որին ծառայելու համար էլ Դուք այժմ ստանում եք մասնագիտությունների մեջ ամենամարդկայինի վկայականը: Դուք այսօրվանից կոչվում եք բժիշկ Ռուբեն Զիլինկիրյան:

Սրահում տիրում էր արտակարգ մի լուսնային: Ռեկտորը դիպլոմն ու մեդալը հանձնեց առողջապահության մինիստրին և այս վերջինը այն տվավ երիտասարդ բժշկին: Կարծես վերջացավ ինչ-որ անսովոր սիմֆոնիա, ու մարդիկ, հանգիստականները ուզում էին պոկվել տպավորությունից... «Անծանոթ» մի ժողովրդի զավակ Եվրոպայում վերցնի ոսկյա մեդալը... Առաջինն էր ինքը, թե իր հետ համընթաց պայթեցին ընդհանուրի հավանության ծափերը:

— Գրեթե՛հ՛ն, զգո՛ւյշ, — ասաց սպան ջղագրգիռ, հակվելով գեպի քույրը, — զսպիր անտեղի խանդավառությունդ, դա վայել չէ գերմանական, առավել կայսերական քո գաստիարակությանը... Դեռևս պիտի սսեմ, որ նա, այդ տղան, ինձ բոլորովին էլ դուր չեկավ...

Աղջիկը ցնցվեց և.

— Հենրիխ, ես սիրում եմ նրան... — շնչաց մեղմ և շառագունեց ներքին ինչ-որ անդիմադրելի մի հուզումից:

Սպան ցուցադրական ու բորբոքված հեռացրեց ուսը և կարողացավ հաղիվ վրա բերել.

— Դա ծա՛նր, շատ ծա՛նր ու թանկ կնստի քո վրա, դու մոռանում ես քո արիական արյունը... Ես քեզ վաղուց ասել եմ այդ մասին: Ուրեմն քո թախանձանքները այս կատակերգության համա՛ր էին միայն...

Աղջիկը շպատասխանեց, նա իզուր հույսեր էր դրել իր եղբոր վրա, բայց շպատասխանեց. մնաց լուռ, որովհետև

նայվածքը մեխովել էր ամբիոնում կանգնած սևամորուս և սևաբևիտ տղայի աչքերին, իսկ նրա աչքերի արծվաչին խոյանքը ինչ-որ հուրհրում էր ներքին, անզուսպ մի կրսկով և խոնարհվել էր հլու, հպատակ: Նրա աչքերը ասում էին, թե նա ևս սիրում է նրան և կյանքում սիրո առաջ ոչ մի արիական արյուն չի կարող արգելք հանդիսանալ:

Բայց այդ բոլորը տեղյ մի պահ, և աղջիկը հասկացավ, որ ինչ-որ անասելի մի սրտի պրկում, այդ բոսկին ներքին շխտտովանված մի ցավ մթազնեց տղայի ղեմքը: Նրա սրտի ու հոգու աչքերում հայտնվեց մի փոքրիկ, մի քանդող ու մրրկող փոթորիկ: Գրեթե՛հենը խոնարհեց գլուխը: Նա ճիշտ էր հասկացել, այժմ երիտասարդ բժշկի հոգում մրրկի էր, նրա ականջներում հեռավոր վայո՛ւնն էր կույսերի, կույսեր, որոնք իր հարազատ քույրերն էին. դեռևս նրա աչքերի մեջ, հողանի թևերով և մանչակազարդ լանջերով կանանց գլուխների վրայից նա ներքին աչքերով տեսնում էր անշեջ բուցերը, կարմիր, արնագույն, որոնք լախիլդում էին տներ, օջախներ, իր հարազատների օջախները: Քանզում և հրին ու սրին էին հանձնում սերեր: Նա տեսնում էր բորիկ երեսխանների, դողդոջ ծերունիների դանդե՛ր, գանդե՛ր, որոնք լեռնանում էին այստեղ, հենց իր աչքի առաջ: Նա մտքով գնացել էր հեռ: Նրա աչքերի առաջ 1909-ի Ադանայի հայկական կոտորածների պատկերն էր ու մտքում հնչում էին իր իսկ գրած սուղերը...

«Ով գո՛ւն, ո՛վ դժբախտ երկիր հայրենի,
Որ արյունի տաք շամանդազի մեջ
Ձո՛հ գաղաններու խաղին վայրենի,
Ու համայնապա՛ռ բոցերու անշեջ,
Կմխա՛ս, դժբա՛խտ, երկիր հայրենի...»

Նա սեղմեց ափի մեջ իր զիպլումբ, որով պայքարելու էր այսուհետև, բայց այդ բոսկին էլ զգաց, որ դա քիչ էր դեռևս, վերագտավ իրեն: Մափեր էին, ծափեր սրահում, և այդ ծափերը իր համար էին:

— Շնորհակալություն,— ասաց մեղմ:— Ես այսօրվանից երզվում եմ ծառայել մարդկությանը և իմ ժողովուրդին, ես արժանի կլինեմ Ձեր գնահատանքին,— ղեմքին մի դառը

ժպիտ կար, այսուհանդերձ զուսպ, բայց խորխտ հնչեց խոսքը: Աղջիկը հասկացավ այդ նախադասությունների մեջ թաղված խորհուրդը, թերևս: Գրեթէ հենց լավ էր ճանաչում նրան: Նա գիտեր, որ իր սիրածի հոգում ինչ-որ ցավ կար, խոր վիշտ, և երկու տարի շարունակ այդ վիշտը որդի նման կրժողում էր նրա էությունը: Նա հաճախ խոսել էր իր հետ, խոսել էր Լեմանի ափին, երբ գինով ու խելակորույս քայլել էին միասին, քայլել էին երջանիկ, բայց և մի թաքուն խոր տրամությունով: Հեռուն Ալպյանների ձյունեղեն դադաթներն էին, անշշունջ անտառների խորհուրդը, և կանաչ դաշտերը, որտեղից Ռոնն էր անցնում: Եվ Լեմանի ափին, երբ մի աստղազարդ երեկո իրենք դիտում էին սպիտակ կարասյաներին, որոնք բերան բերնի, վիզը վզին, անբարբառ, մնում էին այդպես, հանգույն բոցավառ ջահի, լո՛ւտ, քարացած, տղան ծածկել էր դեմքը ափովը և լաց եղել, հետո փակել էր ականջները...

— Գրեթէ հենց, — ասել էր, — ես խելագարվելու եմ, իմ սե՛ր, ականջներին մեջ վայունհե՛ր են աղջիկների և աշքերիս առաջ խելահեղորեն փախչող բաղմությունների աղիտորմ ճիշեր...

Լուռ երեկո է Լեմանում, աստղազարդ, պայծառ երեկո...

Ինքը գրկել էր նրան և համբուրել շուրթերից երկա՛ր, երկա՛ր...

Հետո նա խոսել էր իր հետ, խոսել էր ինչ-որ հեռու հեռավոր Ադանալի մասին, ուր կիտրոնի ու նարնջի հսկա տարածություններ կային, ուր սպիտակ վարդերի նման բամբակն էր քաղվում դաշտերից, և հիմա այնտեղ կրակ էր ու ավար, ավա՛ր, արյո՛ւն, կոտորած: Նա պատմել էր իրեն կատարված բարբարոսությունները: Ընդզվել էր, նզովել Եվրոպական պետություններին, որոնք մնում էին միայն ականատես լուռ վկաները կատարվածին: Տաղանդավոր, աշխատասեր մի ժողովուրդ կուլ էր գնում օրը ցերեկով և քրիստոնյա պետությունները միայն դիտում էին ձեռնածալ: Աղջիկը հասկանում էր նրան, ընդզվում նույնպես, և այժմ նա ըմբռնեց, զգաց, որ իր սիրածը, հենց իր կյանքի ամենանվիրական բոպեին իսկ, երբ հսկարտ կանգնած էր եվրոպա-

կան աղգերի լավագույն ներկայացուցիչներով հորդուն այս սրահի առաջ, շկարողացավ պոկվել այդ ցավից: Նա զգաց, որ նրա սրտում արյուն լցվեց մի պահ, և տղայի ցավը, իր սիրած, պաշտած տղայի ցավը, համակեց իրեն: Նա խոնարհեց իր աչքերը և սպիտակ, մարգարտաշար փոքր թաշկիտակը մոտեցրեց այսին....

— Եվ լա՞ց ես լինում,— հարցրեց եղբայրը վիրավորված, դառը շեշտով,— ի՞նչ է, խայտառակելո՞ւ ես դու ինձ, չի բավում, որ ստիպեցիր քարշ դալ քեզ հետ: Հազար անգամ մերժածս բանը մի անգամ ես ուզում ես, որ շեշտե՞մ: Գու լավ գիտես, որ դա լինելու բան չի. նրան դեմ են ամբողջ մեր գերդաստանով... Վերջիվերջո, դու մոռանում ես, թե ում զավակն ես դու և ինչ պարտականություններ ունես անելու Գերմանիայի համար:

— Ես գերմանացի լինելն առաջ մարդ եմ և սիրում եմ նրան,— կրկնեց աղջիկը մեղմ, սառը տոնով:

— Դրանք քո խոսքերը շեն,— նույնպես մեղմ, վերին աստիճանի ջղադրգոված պատասխանեց եղբայրը,— չուրաքանչյուր գերմանացի նախ գերմանացի է, հետո մարդ, և քո ասիացու բարբարոս զազափարները պիտի պոկել արմատից, իսկ այժմ խնդրում եմ, անմիջապես հետևես ինձ, ես մեկնում եմ հյուրանոց և վաղը առավոտ իսկ վերադառնալու ենք Բեռլին, դու այնտեղ հաշիվ կտաս և կխոսես հորդ հետ:

— Ես խոսք եմ տվել և ժամադրվել նրա հետ և պիտի գնամ, Հենրիխ,— ասաց վճռական Գրեթհենը:— Ինքս հետո առանձին կգամ հյուրանոց...

Սպան բորբոքված և նշմարելի ջղային տեսքով ոտի կանգնեց և առանց որևէ բառ ավելացնելու զուսպ հեռացավ սրահից: Նա վերին աստիճանի վիրավորված էր քրոջ արածից, իսկ Գրեթհենի համար աչգ բոլորը նորություններ չէին: Երբ իր սիրտ մասին նախազգուշացրեց ծնողներին, հենց առաջին բուպինն իսկ հանդիպեց խոր ընդդիմություն: Հայրը պոռթկաց և քիչ մնաց ապտակեր նրան: Բայց շհամարձակվեց: Իսկ ինքը խորհել էր, որ օգտվելով եղբոր Շվեյցարիայում գտնվելուց, կարող է նրան մեղմել անձամբ ներկայացնելով Ռուբենին: Ստացվեց հակառակը: Թշկիտ արտակարգ օր-

վա փառքն իսկ շօզնեց եղբորը, ընդհակառակը՝ հրահրնց նրան: Իսկ Ռուբենը իր նամակներում խնդրում էր ամուսնութուն:

«Կգաս,— գրել էր նա Գրեթհենին,— կգաս Լողան և միասին կվերադառնանք Գերմանիա, կներկայանամ ծնողներիդ: Ես որոշել եմ պաշտոնապես խնդրել թո՛՛ ձեռքը նրանցից, և ամուսնանալ քեզ հետ, իմ սեր: Միաժամանակ կապրենք Գերմանիայում՝ կամ Շվեյցարիայում, ես մասնագիտութուն ձեռք կրերեմ և հետո, կմեկնենք իմ ծննդավայրը՝ Սիլիվրի: Վստահ եմ, մերոնք քեզ գրկաբաց կընդունեն: Հետագայում կապրենք Պոլսում, աշխարհի գեղեցկագույն քաղաքներից մեկում»: Այնուհետև նա նկարագրել էր Բոսֆորի գեղեցկութուններն ու խոսել իր այրող սիրո մասին գեպի իր Գրեթհենը: «Մենք երջանիկ կլինենք,— ասել էր վերջում և հիշեցրել նրան այն «մեծ գիշերը»... մոռացա՞ր, իմ սեր, ներքևում Ռոնն էր,— իսկ վերևում, Ալպյանների փղոսկրյա կողը: Պատշգամբից երկարում էր մի վտիտ ձեռք, որի վրա անհունորեն երկնային երկու տենդահար շրթներ վառվում էին... մոռացա՞ր, իմ սեր, չէ՞ որ այդ ձեռքը իմն էր, իսկ շրթները՝ քոնը...»:

Գրեթհենի մարմնից ջերմ սարսուռ անցավ: Ինչպե՞ս կարելի էր մոռանալ այդ բոլորը: Ինչ միամիտ էր նա...: Բայց այժմ ինչպե՞ս պատմել այդ բոլոր նորութունները նրան: Ինչպե՞ս ասել, թե հայրիկը նույնիսկ սպառնաց ժառանգութունից և գերդաստանից զրկել իրեն, իր հարազատ աղջկան, եթե երբևէ փորձի ամուսնանալ նրա, այդ բարբարոս արևելյու հետ: Թե մայրը լաց եղավ օրերով, քույրերը խռովեցին իրենից, իսկ եղբայրը, իր ամենասիրած եղբայրը լքեց սրահը հենց քիչ առաջ և առանձին թողնելով մեկնեց: Եվ ասել այդ բոլորը այժմ, այս բոպեին, երբ նրա սիրտը խայտում է ցնձութունից:

— Զէ, կարիք չկա,— վճռեց Գրեթհենը:

Եվ երբ քիչ անց նրանք թևանցօւկ, երկու կարապների պես իջնում էին այգիներով. տղան՝

— Գրեթհեն,— հարցրեց,— ինչքա՞ն կարող ես մնալ Շվեյցարիայում:

— Վաղը պիտի մեկնեմ,— պատասխանեց աղջիկը:
Տնցվեց տղան.

— Վա՛ղը, հենց վա՛ղը,— կրկնեց մտահոգ,— բայց
ինչո՞ւ, ինչո՞ւ, չէ որ...

— Կհանդիպենք Գերմանիայում, Ռուբեն,— պատասխա-
նեց աղջիկը քնքշորեն, կպատմեմ քեզ, այժմ թո՛ղ, սիրելիս...

— Բայց ի՞նչ կա, իմ սեր, թե չէ՞ այլևս...

Աղջիկը սպիտակ, զոզոշ ափովը փակեց նրա շրթները.

— Եղբայրս,— պատասխանեց,— ինձ հետ է, հապճեպ
ուզում է մեկնել, և այժմ ինձ սպասում է հյուրանոցում...

Փոթորկվեց տղայի հոգին... շհավատաց աղջկան:

— Ամեն ինչ կպատմեմ, երբ դաս Բեռլին և տեղեկացնես
ժամանրւմդ, այժմ գրկիր ինձ, Ռուբեն, գրկիր ինձ, մըր-
սում եմ...

Բարդիներ ու ուռենիներ կային լճակի ափերին, երեկոն
իջնում էր հանգարտ, մանիշակագույնին էին տալիս հորի-
զոնում ամպերը, զգալի էր աշնան մոտալուտ գալուստը:
Գրեթհենը սպիտակ շրջազգեստի վրայից կապույտ մի վե-
րարկու էր գցել, որը պարփակել էր թևերը: Նա ինչ-որ ան-
ժանոթ մի աշխարհից եկած ոչ երկրային էակի էր նման,
տղան ձեռքը բարձրացրեց աղջկա վարսերին ու մատները մո-
տեցրեց շատ մեղմ, բաց կապույտ ժապավենին, որը սեղմում
ու գրկում էր աղջկա հորդառատ, շեկ մազերի փունջը: Վար-
սերը ոսկյա հասկերի նման թափվեցին տղայի ձեռքերին,
կարծես նա լճի ափին քարացած մի ուռենի էր, իսկ ինքը
սրսփուն մի բարդի, որ կանգնել էր շվար, միայնակ ու
անզոր... հետո նրանք մարդացան, երբ տղայի շուրթերը մո-
տեցան Գրեթհենի այրող շուրթերին:

Օ՛ երջանիկ տարիք, որ մարդ կրնա գեթ

Տաք համբույրի մը անհունին մեջ մոռնալ

Գոյութ՛յո՛ւնն ալ, տիեզե՛րքն ալ, ինքզինքն ալ,

Ու աշխարհին ժպտիլ անփույթ ու անղետ.

Նա մնաց տեղում շվար ու միայնակ մի բարդու նման,
մնաց միայնակ ու անօգնական, մրրկող սիրուց ու բուպեա-
կան արթնացած անտանելի կարոտից:

Պոկվեց աշնանային մի տերև և սահեց կանաչների
մեջ...



Ես կերպ'մ մի՛շտ, անձայածի՛ր
Դամբանե՛ե ե՛ն ոտխա հետե՛ե,
Քեզ սիրող մեղմ սյու՛մ մը պե՛տեմ էր,
Դուն փորճե՛ն կու՛ծեմք բացի...

Թ. Ս Կ ա ի

Երեք տարի էր անցել Լոզանի հանդիպման այդ օրից: Սպասումներով, տառապանքներով, պայքարներով լի երեք տարի: 1914-ի գարունն էր: Չարագուշակ մի քվական: Գրեթե հենի ծնողները մնացել էին անդրզվելի իրենց համառության մեջ, նրանք պատրաստվում էին հրի ու սրի մատնել աշխարհը, նրանք Գերմանիայում տիրող դասակարգն էին: Ռուբենը իր ուսանողական տարիներից արդեն լցվել էր Եվրոպայում իշխող դասի դեմ, նա տեսել էր, զգացել, որ նրանք միայն ճոխ, ուռուցիկ ու դատարկ խոսքեր ունեն իրենց շրթներին, ճառեր, զուր խոստումներ, որը կձգտեր միայն հավերժացնել իրենց իշխանությունը: Նա ատում էր նողկանքով բոլոր տեսակի «փրկիչ»-ներին, նա պժգում էր ամեն տեսակի բաղաբազմոտներից, որոնք «առանց թույնի սպանում էին մարդկանց»: Նա դիտեր, որ աղքատը բարեկամ չունի: Նա ճանաչել էր Եվրոպան, զգացել, որ նրա շքեղ պողոտաների կողքին կա թշվառությունը, հարուստ ու փարթամ արդուզարդերի մեջ թաղված կանանց կողքին խուլ անկյուններում վաճառվող կենդանի միսը: Կյանքի հակադիր եղբեր... Սիրո քով աղբ, կյանքի հետ մահ և հարուստ սեղանների համադամների ու խորտիկների կողքին՝ սով: Նա ճանաչեց փողոցը, ճանաչեց պայքարը բազմությունների, որոնք նման էին օվկիանոսի, մի օվկիանոսի, որ մոնչում էր... «հա՛ց, հա՛ց, հա՛ց» և մի գիշեր նա իր աչքերով տեսավ «բոցներու պես շքեղ, տեգի պես հպարտ» անհանդարտ մասսաների կարմիր դրոշակը: Նա հասկացավ, որ իր ու մարդկության ուզին, բախտը նրա հետ է կապված, շողշողուն այդ կարմիր դրոշակին: Ինքը վաղուց հասկացել էր, որ ընդհանուրի ճակատագրից է կախված և՛ իր ժողովուրդի ճակատագիրը, և՛ իր սև-

փական բախտը: Նա դիտեր արդեն, որ Ադանայի շարդերը եղակի դեպքեր չէին աշխահի համար: Զգում էր, որ մինչ այդ, նոր, հրեշային շարդերի սարսափն է կախված մարդկության գլխին. բայց ի՞նչ իմանար նա. չէ որ նա բանաստեղծ էր, ի՞նչ իմանար, թե ինչ կարող էր կատարվել վաղը: Վաղուց, շատ վաղուց, դեռևս Պոլսի Բերբերյան վարժարանի ուսանող, նա զգացել էր իր մեջ գրականության սերը, նրան տրպել էին դեռևս 1905-ին «Մասիս»-ում, բայց նրան դարձրեց բանաստեղծ տառապանքը, Գրեթհենի սերն ու Եվրոպայի ընդհատակը: Ընչազուրկների, թշվառների, սոցիալական հակասությունների մեջ տվյալող բազմությունների կանչը: Բժիշկ էր, ունկնդրում էր մարդկանց սրտի տրոփին, կոչվում էր Ռուբեն Զիլինկիրյան, շոշափեց և կյանքի՝ բազկերակը, դարձավ Ռուբեն Սևակ: Երիտասարդ էր դեռևս ինքը, երիտասարդ էր և նա... Գրեթհենը, իր սերը: Նա ևս գերմանացի էր, բայց ժառանգել էր իր ժողովուրդի վեհն ու մարդկայինը: Հայնեի, Գլոթեի, Շիլլերի, Բեթհովենի Գերմանիայի դուտորն էր, և նրա համար էլ զնաց սիրքը ետևից... Թողեց, լքեց իր ընտանիքը, արհամարհեց փողն ու ժառանգությունը և միացավ իր... «ասիացուն», իր սևամորուս և սևաբևե սափացուն:

1914-ին երբ նավը մոտեցավ Պոլսո քարափին, Սևակի հարազատները իրենց կրծքին սեղմեցին նաև երկու երեխաներ, որոնք արդեն ինքնուրույն կարողանում էին քայլել, հող չէ թե երբեմն թունդ հանելով մայրիկի, շեկ մայրիկի սիրտը:

Նա եկավ իր գերմանուհի կնոջ հետ Պոլսո ծառայելու իր ժողովուրդին, որպես բանաստեղծ և որպես բժիշկ: Եվ եկավ 1914-ին... Ի՞նչ իմանար...

Օրերն անցնում էին հորդուն ու լի: Յուրաքանչյուր օր, պարտասած իր հիվանդներից, վազում էր դասախոսությունների: Նա նույնիսկ մոռացել էր նրան... Գրեթհենին...:

— Սևակ, իմ սեր,— ասում էր հաճախ կինը,— մոռացար դու ինձ, հայերը, քո նախանձոտ ազգակիցները խլեցին քեզ ինձանից...

Մի պահ հավատում էր նա կնոջ դառը ակնարկին ու ցնցվում:

— Գրեթճեն, — ասում էր հուզված, — ի՞նչ ես ասում, իմ սեր...

Եվ նրանք փաթաթվում էին... քարանուռ ճիշտ Աեմանի սպիտակ կարապների նման:

— Հիշո՞ւմ ես Ալպյանների ձյունապատ դազաթը:

— ... Եվ դաշտերը կանաչ:

— Իսկ Ռո՞նը, իմ սեր:

— Աեմանը, կարապները սպիտակ:

— Լողանի ալգին:

— Բաղմությունների կանչը:

— Meine Liebe Mutter (իմ սիրելի մայրիկ) ձայն էր տալիս փոքրիկը:

Սեակը խոժոռում էր դեմքը... Կինը հասկանում էր ամուսնուն: Հասկանում էր, որովհետև սիրում էր:

— Վաչե, — ասում էր, — հայերեն ասա, տես, հայրիկը խոժոռվեց, — Գրեթճենը հայերենը խոսում էր մի տարօրինակ առողանությամբ և ծիծաղում:

Զգում էր Սեակը իր սխալը:

— Գրեթճեն, — կրկնում էր, — Գրեթճեն, Meine Liebe, (սիրելիս) ich liebe dich (ես սիրում եմ քեզ):

— Շուրիստ, — դիտմամբ բարկացնում էր նրան կինը...

— Եվ դո՞ւ ես ասում դա ինձ, դո՞ւ գերմանացիդ, — հարձակվում էր Սեակը, — դու իմ ժողովրդի համար, որ աշխարհի ամենեն համամարդկային, ամենանվիրված ազգն է թերևս:

— Չհասկացողին պիտի հասկացնել և ահա այսպես... — և համբուրում էր նրան:

Հաշտությունը, անխորտակելի, երբևէ չխախտված կրկնվում էր: Գրեթճենի ամենաերջանիկ պահերն էին կյանքում: Նա լրիվ երջանիկ էր, և իր անիմանալի երջանկությունը ըմպում էր լիաթոք: Նա սիրում, պաշտում էր իր ամուսնուն, դավակներին, Սեակի հարազատ ընկերներին՝ Դանիել Վարուժանին, տարօրինակ Սիամանթոյին և «արիստոկրատ» Զոհրա-

ային, դաճմանում էր, որ իշխանական արտաքինի տակ, կի- ների սիրելի այդ «բուրժուա»-ն ամենամեծ բարեկամն էր պրկյալների և հասարակ մարդկանց: Նա մեծ հոգու տեր մարդ էր... Զոհրապը: Թեպետ շղային էր Սիամանթոն, նման իր գրականության, քնքուշ, հեղ ու ամաշկոտ էր հեթանոս Վա- րուժանը: Այո, Գրեթհենի երջանկությունը շմթագնվեց, երբ... պայթեց պատերազմը... 1915... նոր էր քաշվում իր թաքս- տոցից ձմեռը, ապրիլյան արևի առաջին ճառագայթները հա- զիվ էին տաքացնում Բոսֆորի ջրերը, օդի մեջ ինչ-որ տխրու- թյան մի երանդ կար: Գիշերը մինչև ուշ տառն վիճել էին, խոսել քնկերքներով և բաժանվել: Նա, Գրեթհենը գրադարա- կից հանել էր «չահելության» օրերի հիշատակները: Նկար- ներ, նամակներ, որտեղ սիրո զեղում, բայց անկեղծ, անկրկ- նելի հոսքը կար երկու սրտերի, այնքան հանդուգն ու համար- ձակ... Նա, Գրեթհենը, իր կապույտ գիշերազգեստի մեջ, թա- փանցիկ իր զեղով, նետվել էր ամուսնու բազուկներին, երբ ուժգին հնչեց դռան զանգը...

Զոհրապը շկար այդ գիշեր՝ չէր եկած, արդյոք Քերտ- Պալասի իր զվարճություններից հետո ուզեցել էր անակնկալ անել նրան, բայց այսպես ուշ գիշերո՞վ: Զէ, նա տակտ ունե- ցող մարդ էր, «ձերբացած» ասպետ... Գրեթհենը մոտեցավ պատուհանին, մի կողմ քաշեց վարագույրը:

— Սեակ, մարիթ լույսը, — և սենյակում մարվող լույսի հետ նա տեսավ փողոցում համազգեստների փայլուն կո- ճակներ. նրանք բազմաթիվ էին...

— Ո՞ւմ եք ուզում:

— Ռուբեն բեյին, մի բողբոլ, — ձայնեց մեկը խոժոռ ու խոպոտ ձայնով:

Մի դող անցավ Գրեթհենի մարմնից. նա փշաքաղվեց:

— Ու՞ր եմ, իմ սեր...

— Ուտիկաններ...

— Ի՞նչ են ուզում:

— Զգիտեմ, հարցնում են քեզ...

Ռուբեն Սեակին թուրքերը տարին այդ գիշեր: Շպրիլյան զով գիշեր էր, գարնան մոտալուտ օրերի հեքով լի...

Առավոտ վաղ ԳրեթՏենը գնաց փնտրելու Սևակի ընկեր-
ներին:

Թուրքերը տարել էին Սիամանթոյին:

Թուրքերը տարել էին Վարուժանին:

Թուրքերը տարել էին...

Դեղին, հորդահոս վարսերն էին անկողնի վրա, տենդով
գալարուն մարմինն էր իր և ականջներում շես գիտեր որտե-
ղից որտեղ արձագանքող իր եղբոր ձայնը... «Իսկ թո ասիա-
ցու բարբարոս գաղափարները պիտի պոկել արմատից...»:

Հնգնվեց, վազեց գերմանական դեսպանատուն.

— Իրավունք չունեն,— գոռաց դեսպանատան ծովային
կցորդին, որ Գուման էր կոչվում և Վիլհելմ երկրորդի սիրն-
լին էր: ԳրեթՏենը նրան լավ էր ճանաչում և ուղեցել էր ան-
ձամբ նրան հանդիպել,— դուք կարող եք խոսել դեսպանի
հետ և նա կարող է կանխել իմ ամուսնուն սպառնացող
վտանգը, նա իմ ամուսինն է, և ես գերմանացի եմ...

Կցորդը դառը, զուսպ ժպիտով նայեց ԳրեթՏենին և...

— Մենք իրավունք չունենք այլ պետությունների ներքին
գործերին միջամտելու, տիկին,— ասաջ և կանգնեց ոտքի,—
իսկ այլ ասելիք չունե՞ք...

Նա այն մարդն էր, որ հետագայում հայտարարեց, թե
թուրքերը միանգամայն ճիշտ են վարվում հայերի հետ:

Ամիսներ հետո, երբ պարզ էր ամեն ինչ, ԳրեթՏենը
կրկին եկավ դեսպանատուն, ներկայացավ դեսպանին և պա-
հանջեց միջամտել իր ամուսնու ազատմանը: Նա լաց եղավ...

— Այդ մասին մտածեիք Գերմանիայում և շամուսնա-
նայիք,— պատասխանեց երդվյալ հայատլաց դեսպան Վան-
զենհայմը, շնական արտահայտությամբ և ավելացրեց.—
իսկ այժմ դուք դժվար թե նկատվեք գերմանացի...

Այս անգամ ինքը ԳրեթՏենը ցատումով կանգնեց ոտքի և
գոռաց.

— Երկու զավակ ունեմ, հեր վանզենհայմ, ծնված գեր-
մանացի մի մորից, և «գիտե՞ք ինչ, նրանցից երկուսին էլ ինքս,
անձամբ, դաստիարակելու եմ այնպիսի ոգով, որ պայքարեն
և ճգմեն մեկը ձեր գերմանական իմպերիալիզմը, մյուսը ձեր
դաշնակից և հոգեղբայր թուրքական ազգայնամոլության իժի

զլուխը, և վստահ եղեք այդպիսին էլ կլինեն, դա... գերմանացու խոսք է... Իսկ թե ո՞վ է իսկական գերմանացին, և՛ս թե դուք, այդ մասին արգեն կասի ժամանակը...

— Իզուր եք բորբոքվել, տիկին,— ինքն իրեն զսպելով վրա բերեց դեսպան Վանգենհայմը,— դա զառանցանք է, Գերմանիան տիրելու է աշխարհին, Գերմանիան, դա ժամանակն է... — և ծիծաղեց դեղին, ստորաբարձ ժպիտով,— իսկ այժմ հրամայում եմ դուրս գալ անմիջապես...

Հետագայում իրականացավ Գրեթհենի հավասարն ու վճիռը. իրականացավ, երբ ինքը Գրեթհենը, սիրո համար աշխարհ եկած այդ կինը, շկար կյանքի համար...

Նա... փոթորկին բացեց կուրծքը:



Ո՞վ կուր այդպես խշտակիս շեմին,
— Քո՛ւյր, դարձրե՛ք է, բա՛ց:
Կմա՛խ մը կանցնի դուստն լալազին,
— Սո՛վն է, դուո՞ղ բա՛ց:
Տապա՛րն է չախշախ դրանքս կուրծին,
— Ջա՛րդն է, դուո՞ղ բա՛ց:

Ռ. Յևակ

Չանդրըր 1915, օգոստոս...

Ամռան շոգ օր էր, կենտրոնացման ճամբարի № 17 բարաքի դուռը բաց անելով ներս մտավ Ռուբենը: Վարուժանը տխուր նայեց նրան: Սեակը անխոս մտտեցավ բարաքի երկհարկանի ծառի կոճղերից շինված անկողինների շարքին և բարձրացավ վերև: Անկողինները վաղուց իրենց սպիտակությունը կորցրած դեղնորակ, հարգով լցված տոպրակներ էին: Նա անխոս կուշ եկավ ձախ կողմի վրա: Նիհարել ու կմախք էր դարձել: Մոտոի վրա մի ժամանակ պատկառանք ներշնչող իր սև մորուքը կարծես ինչ-որ սուր էր՝ խրված դեմքին: Մթազնել էին աչքերը, և դեղնավուն տեսք էր ընդունել գիմազիծը: Ծանր էր տանում նա ճամբարային կյանքը, արգեն հինգ ամիս է, մնում էին նույն տեղում, անորոշ և անստույգ օրերի շարքը թավալում էր, ոչ մի նամակ ու երկառղ Պոլսից:

Ի՞նչ էր անում Գրեթհենը, ի՞նչպես էին իր երկու երեխաները, ի՞նչ ճակատագիր էր վերապահված նրանց: Արդյոք Տի՛շա էին այն շշուկները, որ տարածվում էին ամեն օր, ամեն ժամ, յուրաքանչյուր բոսի ազդելով մարդկային ջղերի վրա:

— Ի՞նչ է, տղա, ի՞նչ է պատահել,— կանգնելով Սեակի անկողնի կողքին հարցրեց Վարուժանը:— Նո՛ր բան ես չեմ...

— Վարուժան,— ասաց Սեակը,— ո՞րտեղ է Սիամանթոն.

— Գնացել է լվացք անելու,— կիսահեղձական պատասխանեց Վարուժանը:

— Կանչի՛ր, բան ունեմ ասելու...

— Ասա՛, սիրելիս...

— Ինձ կանչեց հազարապետը, մասնավոր առաջարկով...

— Քեմա՛լը...

— Այո՛:

— Եվ ի՞նչ:

— Առաջարկում է թուրքանալ և ընդունել մահձեղական կրոնը: Նա խոստանում է, որ կփրկի ինձ, մեկ սպասող ահավոր ճակատագրից: Նա ասաց, այո՛, ուղղակի ասաց, որ ոչնչացնելու են մեզ, արդեն հայություն չէ մնացած ամբողջ արևելքում, տեղահանված և քնաջնջված են: Կհավատաս, Վարուժան, նա ասաց, որ արդեն մեկ միլիոն հայեր այժմ ապրում են երկրային դրախտում, և ասաց, շնական մի ժպիտով, հանգիստ, իսկ վերևից որոշում կա, շխնայել և ոչ մի հայի, լինի նա օրորոցի երեխա, թե անկողնում կաթվածահար պառավ, և այդ բոլորը Քալիթաթի զաղտնի հրահանգն է... ո՛չ մի հայ մտավորական չէ մնացած ողջ թուրքիայում. իսկ մենք, որ ապրում ենք ցարդ, դա նրա մարդասիրության շնորհիվ է, մեր կյանքը, այսինքն, նրան ենք պարտական, բայց չէ՞ որ վերջիվերջո ինքը սոսկ մի պաշտոնյա է, հրահանգների ստրուկ և ստիպված է գործադրել որոշումը, որը խիստ է և անբեկանելի:

— Իսկ ի՞նչ է առաջարկում քեզ թուրքանալուց բացի, Սեակ,— մեղմ հարցրեց Վարուժանը: Նա անցնող հինգ ամիսների ընթացքում սրահում էր իր ջղերի հավասարակշռություն-

նը, միայն մի օր կորցրեց ինքն իրեն, երբ լսեց, որ նույնիսկ ձերբակալել էին Զոհրապին...

— Ուրեմն վերջ,— ասաց տխուր,— շեն խնայում նույնիսկ կղերականներին և նկատի շեն առնում խորհրդարանական անդամների անձեռնմխելիությունը: Խեղճ Զոհրապ,— կրկին էր դառը շեշտով և աչքերիցը արցունքներ էին հոսել: Միամանթոն նայել էր խրոխտ իրեն և մնացել էր լուռ: Նա առհասարակ լուռ էր մնում, և երբ զոռն էր, որ ջղերը գավաճանում են, սկսում էր ինչ-որ աշխատանք՝ լվացք, բարարի մաքրություն:

— Ուրեմն դեռևս մնում ես միամտ, Վարուժան,— հարցրել է Միամանթոն:— Ուրեմն այժմ ես միայն համոզվում, որ լավ բան շեն խոստանում այս բոլորը: Հապա ինչո՞ւ պիտի լինե՞ր անցնող ամիսների այս արհամարհանքը հանդեպ մեզ, շնշմարեցի՞ր մեզ դիտող թուրքերին, որոնք յուրաքանչյուր բողոք ինչ-որ բանի են սպասում: Միամիտներ ենք մենք,— կրկին էր նա,— և խարվեցինք ազգովին, իսկ մենք, զոռն մենք պիտի վերապահ լինեինք նրանց, այդ «երիտասարդ թուրքերի» դատարկ ու ստապատիր խոստումներից... արգարություն, ազատություն, հավասարություն—
— Adalet, hürriyet, müsavat— ատալեթ, հյուրրիեթ, մյուսավաթ: Մենք շիմացանք, որ նրանք ավելի խորամանկ էին, քան սուլթանները, նրանք ավելի արշունարբու, քան Աբդուլ Համիդը:

Սեակը հիշեց Լոզանը. 1911-ի Լոզանը. հիշեց գեղմանական խելագարված ամբոխները և դրոշակը կարմիր... բայց լռեց: Իրավունք ուներ Միամանթոն: Զոհ էր դառնում աշխարհի երեսին ապրող մի հերոս, մի ազնիվ, արի ժողովուրդ, կուլ էր գնում գազանների երախին, անհագ երախին և նվբույան լուռ էր, ինչպես եղել էր միշտ, որովհետև մարդկային տառապանքը, նույնիսկ տառապանքը երբ բացատրվում է ուրիշին, իր մեջ պիտի ունենա սրիկայություն, ստորություն, իր տառապանքովն իսկ շահ պիտի բերի օտարին: Իսկ հայի տառապանքը հայուն համար էր միայն, այդ տառապանքից չէր տուժում կամ օգտվում ուրիշը:

— Զասացիր,— ասաց Վարուժանը,— շասացիր, Սեակ,

Քն ինչ էր առաջարկում Քեմալը փոխան բո ազգութարացության:
Յնցվեց Սեակը և մեղմ պատասխանեց.

— Առաջարկում էր կնուսթյան վերցնել իր աղջկան...

Այլեհին:

— Ի՞նչ... նո՛ւնիսկ...

— Այո՛, — կրկնեց Սեակը և ընկավ խոր մտածմունքի մեջ:



Այլե՛ն... երեք ամիս առաջ էր, հունիսին, հազարապետ Քեմալ բեյի հարազատ աղջիկը ծանր հիվանդ էր... թոքերից: Չանդըրբում դիմել էին թուրք բժիշկների և նրանք մնացել էին անզոր հիվանդության արագ ընթացքի առաջ: Տասնութ-ամյա սիրուն թրքուհի էր Այլեն, նոր էր ավարտել տասնամյան, երբ վրա հասավ հիվանդությունը: Առատ, մինչև կոնքերը իջնող հորդուն սև վարսեր ուներ նա, հիվանդության ներքին տենդից վարդագույն տեսք ընդունած նիհար այտերի խորքում պսպղում էին արտերի և դաշտերի կարոտը արթնացնող աշքերի հուզող կանաչը, և կարծես գարնան առավոտների այգաբացի եղջամբ լիներ իշած այդ կանաչին, տևարար խոնավ էին արտեանունքները... Մի թաքուն ցավ ուներ այդ աղջիկը, որ օրե օր ուտում էր նրան, մաշում... հողեյան մի տազնապ, որի անունը իզուր փորձել էին տալ քաղաքի թուրք բնակիչները: Նա մերժում էր սրեկ դեղ ընդունել, մերժում էր առաջարկված ճաշերը և հյուծվում օրե օր: Մնողքը ընկել էին խոր մտատանջության մեջ, նրանց մեկ հատիկ աղջիկն էր Այլեն և ահա օրից օր, ժամից ժամ մահվան ուրվախանր կախվել էր կյանքի գարնան սեմին նոր ոտք դրած աղջկա գլխին: Հայրը որոշեց Պոլիս տանել նրան: Բայց վրա հասավ տեղահանությունը, և բանակը միացավ զործողություններին: Կենտրոնից վերացրեցին բոլոր տեսակի արտոնությունները, շարժվելը դարձավ անհնար: Թանձր հուսահատության մեջ թաղված, հազարապետի մտքում մի կայծ բռնկվեց: Չէ՛ր կարող աբդոք տեղահանված «գլավուրներ»-ի մեջ մի մասնագետ բժիշկ լինել: Առաջին փնտրտուքն իսկ տվավ իր դրական

արդյունքը: Հայտնի դարձավ, որ մտավորականների շարքում կար Շվեյցարիայից շրջանավարտ, եվրոպայում մասնագիտացած մի երիտասարդ բժիշկ, Ռուբեն Չիլինկիրյան անունով: Քեմալ բեյը իսկույն կանչեց նրան և առաջարկեց նայել աղջկան: Սեակը Այշեի մեջ գտավ իր դառն օրերի փրկության լաստը. նվիրվեց բուժման գործին: Ծիշտ էր ախտաճանաչումը, թորախտ էր աղջիկը, սարսափելի մի հիվանդություն, որ առաջին հերթին պահանջում էր ջղերի զորավոր լարում, կամք, առատ ու կանոնավոր սնունդ, մաքուր օդ: Հայրն ու մայրը մոռացան, որ «գլավուր»-ի, մահվան գոտապարտված մի հայու հետ գործ ունեն, խնդրեցին, պաղատեցին, որ անի ինչ որ կարելի է... Արտոնություն, հատուկ արտոնություն տրվեցավ Սեակին ման գալու Չանդերբում, լինելու տևաբար Քեմալ բեյի տանը: Նա գիտեր, որ նման հիվանդությունների ժամանակ առաջնահերթ խնդիրը կյանքի սեր, ապրելու կիրք ու կամք պարտադրելն է հիվանդին: Նա համակրում էր աղջկան: Այշեն իրեն հիշեցնում էր իր իսկ անցյալը, նրա աղաչող նայվածքի մեջ իր Գրեթհենեն մնացած ինչ-որ նշույլ կար, թե՛ իրեն էր այդպես թվում: Հետո, քաղաքում ման գալը, կյանքի, առօրյայի հետ կապվելը թեթևացնում էր նրա անձնական տառապանքը: Թեպետ նա հասկացավ, որ իրենք արտոբյալներ չեն սոսկ: Չանդերբում ամբոխի խմորվող ախորժակը, թաքուն փսփսուքները հասնում էին իր ականջին: Նա յուրաքանչյուր օր ախուր լուրեր էր տանում Սիամանթոյին ու Վարուժանին: Քեմալ բեյն ու կինը անսովոր լավ էին վերաբերվում իր հետ, դարձնում նրան նույնիսկ սեղանակից և նա օրվա մեջ երկար ժամեր մնում էր աղջկա սնարի մոտ: Իր մասնագիտության հանգեպ տաժած սերը, խոր մարդկային իր սիրտը հակառակ ներքին իր ալեկոծումներին, աշխատում էր, որ գործեր հրաշք ու բուժեր աղջկան: Հենած աղջկա անկողնին, Այշեի այրող ամիլ իր ձեռքի մեջ, նա խոսում, պատմում, անվերջ զրուցում էր նրա հետ, կյանքի, ապրելու կոչ անում նրան: Եվ հետաքրքիրն այն է, որ Այշեն ախորժում էր մորուսավոր և սևաբեխ, դալուկ այգ երիտասարդ բժշկի ներկայությունից: Նրա կանաչ աչքերը խոնավանում էին, երբ բժշկի մեկնելու ժամն էր գալիս: Նա խընդ-

րում էր նրանից, որ մնար դեռևս, խոսեր, պատմեր նրան: Առաջին անգամ Սեակն էր, որ նրան երեխայի նման կերպ-կրեց, գգալով մեկ-մեկ շուրթերին մոտեցնելով տաք թանապուրը: Այլեի շուրթերը զոզում էին, սրսփում էր մարմինը. և իր բազկին կոթնած նրա ազագուն մարմնի շերմությունից ինչ-որ հեռու հեռավոր հիշատակների զարթոնքն էր ապրում ինքը: Կապվեց Սեակը նրան, կապվեց հարազատ մի եզրոր նման և օրից օր իր ուժերը վերագտնող աղջկա հետ ապրեց երանություն, հրճվանք: Օրերը նվիրել էր նրան և այդ մեղ-մացնում էր իր վիշտը: Հազարապետը զոհ արդյունքից, թող-նում էր, որ նա շարժվի ինչպես որ կամենում է: Մի ամիս անց, արդեն Այլեն ման էր գալիս սենյակում: Նա նրա ստեղծագործությունն էր: Ինքն էր կլանք տվել նրան, թելագրել, որ ապրի նա, և տնեցիք զգում էին, որ երիտասարդ բժիշկը արտակարգ ներգործում է իրենց աղջկա վրա: Մայրը սկսեց մտահոգվել և նախազգալ ինչ-որ թոքախտից առավել վատ արդյունքների մասին և մի օր փսփսաց իր ամուսնու ականջին...

— Այլեն սիրահարված է, Քեմալ, — ասաց նա, — ի՞նչ ես կարծում, հո մի բան չի պատահի...

— Կսպանենեմ, — գոռաց սպան և հաջորդ օրն իսկ քաղաքավարի, ինչպես թուրքական դիվանագիտությունն էր թելագրում, երբ սպանելու բռպեն չէ հասած, սիրալիք շնորհակալություն հայտնեց Սեակին և ասաց թե, այլևս կարող է հոգնություն շատանձնել: Այլեն լավացած է բավարար շափով:

Գոհ մնաց և բժիշկը: Նա զգում էր, որ աղջկա աչքերի խոնավությունը և դեմքի սպիտակությունը հաճախ ծածկող կարմրությունը ներքին այլ հուզումների արդյունք էին: Նա զգացել էր, որ Այլեի բռպեներով հայելու առաջ կանգնելը, վարսերի պարը, հետո նույնիսկ հաճախ, երբ նա լսում էր նրա շնչառությունը, հեքը կրծքերի միայն հիվանդության արդյունք չէին: Աղջիկը տխուր նայվածքով երկար նայում էր իրեն, անհանգստություն պատճառելու շափ երկա՞ր ու թախ-ծոտ...

Բժշկի բացակայությունը սակայն ահռելի հակազդեցություն գործեց աղջկա վրա. նա երկու օրվա մեջ կորցրեց ամեն

ինչ և Քեմալ բեյը խելագարվածի նման կանչեց Սեակին...

— Դուք,— ասաց,— խնդրում եմ սխալ չհասկանաք ինձ, անհրաժեշտություն եք նրա համար, հավանաբար մենք անպարեցիներ, սուբթուր բեյ, շարունակեցեք զաւ և առաջվա նման...

Երբ Այշեն տեսավ Սեակին, քնկալ նրա բազուկների մ'էջ և լաց եղավ...

— Դուք իմ փրկարարն եք,— ասաց նա հեկեկալով,— առանց ձեզ ես չեմ կարող ապրել...

Բայց բազաբում բամբասում էին արդեն, մեղադրում հաղարապետին... Երկու սուրի մեջ քնկած.

— Այշե,— ասաց նրան հայրը,— հասկանո՞ւմ ես, թե դու ինչ ես ուզում:

— Ես սիրում եմ նրան, հայրիկ,— ասաց թրքուհին,— սպաննիր ինձ, կա՛մ նա, կա՛մ մահը: Նա միայն կարող էր ինձ փրկել, առանց նրան ես չկամ, հայրիկ...

Տիրեց խոր մտառանջություն: Օգոստոսի սկիզբն էր: Եկել էր վերջնական զազանի հրահանգը: Երկու, երեք հոգի միայն տեղյակ էին կատարվելիքի մասին: Ծամբաբայիններին հանել ճանապարհ և ճանապարհին հանձնել հրոսակախմբերի ձեռքը...: Չքնեց Քեմալը լրիվ զիշերը և առավուսյան Սեակին կանչեց իր մոտ.

— Տոբթուր բեյ,— և ասաց ուղղակի,— ազգիկս սիրում է ձեզ:

Յնջվեց Սեակը, նա գիտեր այդ, բայց հոր կողմից նման խոստովանություն և այնպիսի պայմանների մեջ, որ իրն էր, չէր սպասում: Փորձեց միամիտ ձեռնալ.

— Ի՞նչ եք ասում,— պատասխանեց,— ես նույնպես սիրում եմ նրան, բայց հարադատ եղբոր նման և մի բժշկի, որի համար բոլոր հիվանդները իր բույրերն ու եզրայրներն են:

— Ո՛չ այդպիսի սիրով,— շարունակեց հաղարապետը,— նա սիրում է ձեզ իսկական կնոջական սիրով... Ես չէի նախատեսում նման բան, բայց լսեք ինձ, ինչ որ ասելու եմ: Ձեզ բուրբիդ, առանց բացառության լավ վախճան չի սպասում: Դուք չգիտեք անշուշտ, թե եղածը, կատարվածը սուկ մի տեղահանություն չի: Ոչնչացնելու ենք Ձեր ազգը երկրի

երեսից: Նույնիսկ Բիսմարկն էլ ասել այդ, թե միայն մի հայ է թողնելու աշխարհի երեսին, նա էլ որպես թանգարանի նրմուշ: Թալիաթը հրահանգել է բոլոր վիլայեթներում շխնաշել ոչ մի երեխայի և ոչ մի ծերունու... բնաջնջել անխտիր բոլորին: Մի միլիոնի շափ հայեր արդեն այժմ ապրում են երկնային դրախտում, — Քեմալը ժպտաց այստեղ, — իսկ եթե Չանդըբում տակավին հանդարտ է կացությունը, դա շնորհիվ իմ մարդասիրության, — այստեղ ստեց հաղարապետը, նա վալիից դեռևս երեկ էր լսել վերջնական որոշումը, իսկ այսօր ստացել էր ինքը, ստացել էր առավոտ շատ վաղ, — այժմ, սիրելի տոբթոր, պարզ է, թե ինչ է սպասում ձեզ բոլորիդ... Սո անշուշտ օրենքի, հրահանգի կոպիտ և պատասխանատու խախտում եմ կատարում հազորդելով և տեղյակ պահելով ձեզ: Սակայն դուք փրկեցիք իմ աղջկա կյանքը և աղ ու հաց կերաք իմ սեղանից, նա դեռևս ձեր կարիքն ունի: Եկեք հատուցեմ ես էլ ձեզ: Գրեցեք մի դիմում ինձ ուղղյալ, թե դուք ձեր երազում, հենց երեկ գիշեր, տեսել եք Մուհամմետին, և նա ձեզ առաջարկել է հենվել մարդկուջյան իսկական ու խրավ կրոնին, շարադրեցեք, դուք, կարծեմ, գրող էլ եք: Մեղք եք, երիտասարդ մարդ եք, փայլուն ապագա եք խոստանում, և հիանալի գեղեցիկ գլուխ ունեք, — Քեմալը այստեղ ևս ժպտաց, — եկեք, դարձեք մահմեդական և թուրքացեք...

Դողում էր Սևակը. նողկանքից և ատելությունից. լսածներից դեղնել էր դիմագիծը, բայց կարողացավ տիրել իրեն և հաղիվ ասաց.

— Իսկ ի՞նչ եմ ստանալու փոխարեն...

— Փոխարեն կստանաք ձեր կյանքը, — չոր պատասխանեց հաղարապետը, — և կդառնաք եթե աստված ուզի իմ փեսան, տեսնենք, Ռուբեն բեյ, տեսնո՞ւմ եք, ես կատարում եմ իմ աղջկա ցանկությունը, նա ուզում է ձեզ...

Քեմալ բեյը ևս ղսպեց իր դողը, որ իր ասածների հեռանկարից էր գալիս, բայց ելավ ոտքի, գնաց դեպի պատուհանը, դարձրեց կոնակը Սևակին և նույն շորությամբ.

— Այժմ գնացեք և մի քանի ժամից, քանի ուշ չէ, տվեք ձեր պատասխանը:



Բացվեց № 17 բարաբի դուռը և սեմին երևաց Սիաման-
բոն... նա ևս լսեց պատմությունը և ջղային.

— Ուրեմն եթե Բիամարկը որոշել է երկրի երեսին թող-
նել մի հայ, դա կլինես դու, եղբայրս, կընդունես պայմանը,
իսկ հետագայում հաջորդող սերունդներին, որոնք հակառակ
Բիամարկների գալու են դեռ, կպատմես մեր ժողովրդի Ողի-
սականը: Կպատմես երբ Բիամարկին քշած կլինեն այս աշ-
խարհից: Իսկ Բիամարկի հաջորդներին եթե հանդիպես մի
օր, կհիշեցնես իր ասածը, դա քեզ կսազի, որպես նրա սի-
րած փեսայի:

Վարուժանը մնաց լուռ ու տժգունած:

Սևակը ներկայացրավ Քեմալ բեյին և ավելի պատաս-
խանը.

— Բիամարկն իդուր է որոշել այդպես, Քեմալ բեյ, իսկ
իմ վճիռը ահա հետևյալը, և երկարեց մի փոքրիկ թղթիկ:

Քեմալ բեյը վերցրեց, դեմքին սաղաչելական ժպիտ և...
մնաց սառած: Հայերեն ինչ-որ բանաստեղծություն էր, և
այդ բանաստեղծությունը ասում էր...

Ո՛չ, ո՛չ, արշալույսն իրենց պիտի դա...
Ու եթե չի դա ավոտն ապագա
Պիտ, կովին... մինչ ե՛րբ, մինչև հավիտյան:
Ու երբ դեռ երկրի վրա Ազատության
Համար մեռնին ափ մը մարդեր շնչին,
Անոնք պիտ՝ ըլլան Մարդկության վերջին
Վերջին հայերը...»:

1915 օգոստոս 13-ին Չանդըրըի հյուսիս արևելքում,
Քյունայում, անտառային խիտ մի վայրում արսորի ճանա-
պարհին թուրք ու բուլղոհրոսակախմբեր թալանեցին և սպանե-
ցին հայ հազարավոր մարդկանց, նրանց մեջ երեքի հանդեպ
եղան ավելի հրեշավոր, երեքը, որոնք կոչվում էին Ատոմ Յար-
ճանյան, Գանիել Չուպուքբյարյան, և Ռուբեն Զիլինկիրյան...

Հետո եկավ ամբոխը և մեռելներին թալանեց մի անգամ
ևս...

ՏԵՐ ՈՂՈՐՄՅԱ....

Կիրակի էր... 1915 թվականի ապրիլի 12-ը: Բնությունից նոր էր քաշվել ձմռան սպիտակ բողբ, և մանկամարդ, դեռատի կույսերի նորաբողբոջ ալ պտուկների նման սկսել էին պայթել ձյան տակ, ամիսներ թաղված ծառերի վաղահաս ծիլերը:

Դողում էր հողը գարնանային արբունքից և մրսում իբժերկությունը հանդուզն կրքով շոյող բամիների հեքոտ շքնչից: Իսկ կյանքի, հավիտենական վերանորոգման, զարթնումի աչք պահին, երբ ամեն ինչ փոփսում, հեռում էր ապրելու, սիրո մասին, երբ Մարմարայի կապուտանի չրերն իսկ եռ էին գալիս տարփոտ և խելագար ու փարվում ասերին, անսովոր մի գնացք սուրում էր Անատոլիայի ուղղությամբ...

Անսովոր էր այդ գնացքը այն պատճառով, որ հակառակ հառաչացյալ ու ժամին, նրա ոչ մի պատուհանում չէր երեվում հեռին շուսի որևէ նշույլ: Փակ էին գնացքի բոլոր դռներն ու պատուհանները, և անցքերում կանգնել էին սվինավոր, խտաղեմ ու դաժան ժանդարմներ: Պողպատյա ուլսերի վրա թավալվող շոգեկառքի անիվների մահագույծ սառնությունից խոցարհվում էին դաշտերում կանաչին ալուղ թփերի ու մատղաշ ծառերի աղաղուն իրանները և կարծես ուղում էին վերակենդանացման այդ անմահ ու միշտ կենդանի վկաները թաքնվել իրականությունից: Այդ բուրբի միայն հանդուզն վկան կանգնել էր այնտեղ, վերևում, որպես գեղին, խելագար մի կիսալուսին, որպես մահիկ և անամոթ ժպտում,

հեղինում էրևելք ներքին հրճվանքի թափը շաղ տալիս բյուրավոր աստղեր ցանկելով գարնանային զովությամբ օծուն Մարմարայի լեղակազույն ջրերին:

Գնացքում, գնացքի յուրաքանչյուր կառաշարում, անտարբեր կյանքին ու սիրո, շոքել էր անասելի մի տառապանք: Գնացքում մահվան ուրվականն էր, բնության գրկում կատարվող կյանքի խուլական վազքին զուգահեռ: Գնացքում իր լպիրշ ընդերն ու ժանգոտած ատամներն էր ցույց տալիս դեղին մի մորմոք և նրա համար էլ նա, սևազգեստ այդ արքորականը արտաքին աշխարհը դիտում էր մի այլ ակնոցով...: Նա ծառերի նորարողորջ ծիլերի մեջ տեսնում էր մատաղատի ծառերի գեղուղեջ հասակների տեսքով ազգակից գեղջկուհիների, որոնք, ինչպես խելառ քամիներից անպաշտպան ու միայնակ, բաց էին արել կուսական իրենց լանջերը և չէին իմանում, որ կարող էին և թաղվել, անսպասելի մի ձյան քողի տակ, մահանալ՝ դեռևս շտեսած գարնան օրերի սիրառատ ջերմությունը...

Նրա կրծքից մի սրտակեղև օ՞ֆ, օ՞ֆ դուրս թռավ:

Նա ամառից իր ձայնից: Գնացքում տիրում էր մեռելային լուսություն: Նա նույնիսկ զարմացավ, որ քիչ առաջ կարողացել էր խորհել կյանքի ու սիրո մասին, ինքը, կյանքի ու սիրո մեծ երազողը, ինքը, որ կյանքում որպես կնոջ փարվել էր միայն իր մոր թևերին և որպես մեծ սիրահար, իր դողդոջուն ափերի մեջ ճմլել էր իր մեջ արևների ջերմությունն ու փայլը:

Նա... Մեղանշն՝ ց արդյոք, որտեղի՞ց խուլական այդ տենչը, կյանքի վայրագ այդ անպատմելի սեղը մահ ու անորոշություն գնացող այդ գնացքի մեջ:

Տղամարդիկ, ծանոթ տղամարդիկ էին բոլորը, Պուսի հայ ընտանին. գրողներ, ուսուցիչներ, խմբագիրներ, կղերականներ, ողջ մտավորականությունը: Երեկ դիշեր էր, ուշ դիշեր, անակնկալ հավաքեցին բոլորին, ոճրագործներին վայել դաժանությամբ պահեցին 24 ժամ բանտի խցիկներում, բոլոր տեսակի հաղորդակցություններից կտրված, սոված ու ծարավ, առանց որևէ հարցաքննության և հետազայում փակ ինքնաշարժերով բերին քարափ... Մարայությունու: Ինքն ու շատերը

մի պահ մտածեցին, թե այստեղ էլ վերջ է գտնելու ամեն ինչ... օսմանյան դաժանությունը բաղմամբով վկաներ ունի Սարայպուրնուի հոսանուտ ջրերի մեջ: Այդ ջրերում ինչքա՛ն ազատութեան ճիշ է խեղդվել, խողխողվել ինչքա՛ն արդարութեան կանչ... Բայց քարափում կանգնել էր Բոսֆորի ջրերում երթևեկող ծանոթ մի շոգենավ և... Հայտար փաշա, 225 են իրենք, մի հինգ հարյուր անպաշտոն ու պաշտոնական ստտիկաններ կլինեին միասին, նավուն մեջ: Այդպես է միշտ բռնապետութունը, կարիք ունի քաղաքացիներն ավելի ստտիկանների... Եվ հիմա այդ գնացքը մութ, լիքը, լիքը ժանդարմներով և... սվիններ ու դարանակալ սարսափ, շես իմանում գործված ս՛ր հանցանքի համար, կատարված ս՛ր մեկ պարտադանցութեան հաշվին...

Մեռելային մի լուսթյուն էր գնացքում, յուրաքանչյուրն ապրում էր իր ներքին վշտով, իրենց ետին թողնված սիրելիները, զավակների, հարսների մորմորը կրծում էր յուրաքանչյուրի կուրծքը և ինք լսում էր ականջ խլացնող, անաղմուկ սրտի այդ տրոփը, լսում էր և կարծում, թե հիմա ուր որ է կպայթի իր թմբկաթաղանթը: Սաղայելական աղմուկ, սր ձայն շուներ, շուներ անուն, շուներ հեք և որ արձագանքում էր միայն ուխտերի վրա թավալվող անիվների համաշափ տեմպով...

Թըբը-թըբը, թըբը-թըբը...

Ներքին ջերմից շոգիապատ պատուհաններից այն կողմ էին մնացել վաղուց Իշխանաց կղզիների, գարնանային երկկոյի ջինջ մթնոլորտի մեջ հազարումեկ հեքիաթներ հիշեցնող փայլփլուն լույսերը: Հորիզոնը ժամեր առաջ նախ կարմրին էր տվել, հետո տակավ անսովոր մի մանիշակագույն իշխել էր անհունին և հիմա մութ, մութ լաջվարդ էր ամեն ինչ... Անցել էին Նիկոմեդիան, ուր գիշերային սակավաթիվ անցորդներ և մեծ մասամբ հերթափոխի շտապող հայ բանվորուհիներ կասկածոտ դարմացումով ակնապիշ դիտել էին մթութեան մեջ սողացող անսովոր այդ գնացքը... Անցնում էին ժամերը և անցնող ժամերի հետ անտարբեր տեսքով գնացքին իր սառած աչքերն էր ուղղել հայ կյանքի խարտիշահեր կապուտաշյա Պարտիզակը, կարծես նախա-

զգալով ինչ որ բան, իր հերթին խաժ աչքերը շուկ էր արի Ասլանբեկը: Գեռես հեռու էին մնացել Բյութանիո կանաչապատ ու բերրի դաշտերը, գիշերային սգո թողը դեմքին ու աշխարհի անցողաբձին անտեղյակ, հայ քաղաքազեաների նման, ձորերի ու կիրճերի մեջ կսրաված, քարյուղի լապտերների աղոտ լույսերով աչք էին քթթել ճանապարհի հարյուրավոց գլուղերը... Մի պահ երկնքից իր ծոցի մեջ շուռ տված կապույտով Սարանջան կոհակավորել էր իր ջրերը և փոթորկել իր ընդերքը ի նշան վարմանքի, հետո սրպես սառած բողոք, աչքը հռուկ էր... աստծուն:

Մեղանշն՝ ց արդյոք... Բայց գործված ո՞ր մեկ մեկրի համար, կատարված ո՞ր մեկ պարտազանցության:

Մաղկազարդ էին մրգաստանները, բայց ինքը զգում էր, նախազգում, որ սրսփուն բարդիների ու թախժոտ ուռենիների սովերի մեջ համատարած ինչ-որ երկյուղ դարան էր մտել ճանապարհներում...

Հոգերանական այս գորշ պահին, մեղմ շշուռչով ասված նախադասությունը կարծես պայթյուն լիներ նրա համար: Նա կարծեց, որ ինչ-որ դաշտերի մեջ առանձին կանգնած ընկուղենու բազմաճյուղ մի ծառից կրակեցին իր վրա. բայց խոսողը, կամ խոսել փորձողը գնացրի միակ հայ պաշտանյան էր...

— Վարդապետ, խնդրեմ, ձերբակալյալ ընկերներուդ անունները սա թուղթին վրա գրելով ինձի տուր...

Նա սարսափահար խոնարհեց աչքերը, սրտք անսովոր փայլով պսպղում էին մթության մեջ: Խոնարհեց աչքերը, և սակայն վերջրեց իրեն երկարած թուղթն ու մատիար: Մոմի մի տժույն լույս լուսավորեց այդ բոլորը... և նա դողահար, մազազաթյա մատներով սկսեց գրել...

Սիամանբո— Ատոմ Յարճանյան, բանաստեղծ

Դանիել Վարուժան— Դանիել Չուպուրբարյան, բանաստեղծ

Ռուբեն Աևակ— Ռուբեն Չիլինկիրյան, բանաստեղծ

Ռուբեն Զարգարյան— արձակագիր

Հրանտ Կյուրեճյան— Հրանտ, արձակագիր

Նրվանդ Թոլոյան— Կավոտշ, երգիծագիր, խմբագիր

Սարսուռն էր ամբողջ մարմնով, բայց ճիգ էր անում գրելու և շարունակում էր անունների շարքը, երբ հնչեց ղեղին մորմորը:

— Ո՞վ է լույս վառել այդտեղ...

Թուրք ժանդարմն էր, լավեց հազիվ լսելի մի հևք, և մոմբ հանգավ:

Նրա դողացող մատները մթնում շարունակեցին լրացնել կիսակատար այդ ցանկը, թղթի վրա սահեցին անհավասար տառեր... Կոմիտաս վարդապետ: Իսկ սրտից էլի պոկվեց լուս արձագանքը... օ՞Ֆ, օ՞Ֆ...

Կառաշարի անկյունից, որտեղից որտեղ լավեց մեղմ, շատ մեղմ երգի, ախուր երգի մի հնչյուն, այդ երգը կարծես գալիս էր հեռու հեռուններից և հուշում անպատմելի մի ցավ, ինչ-որ վշտի անասելի մի հոսք էր բերում իր հետ...

Կանչե՞ կոունկ, կանչե՞, բանի գարուն է,
Ղարիպենբու սիրտը զո՞ւնդ-զո՞ւնդ արուն է,
Կոունկ ջա՞ն, կոունկ ջա՞ն, գարուն է...

— Լռե՛լ... — զոռաց ահարկու մի ձայն ղենքի պալթյունի պես:

Ձայնը մարեց...

— Ա՛խ, սիրտս արուն է...

Ամեն ինչ թաղվեց մեռելային լուսվան մեջ, բայց ինքը լսում էր ինչ-որ ականջ խլացնող, բայց սաղաթելական մի աղմուկ, որ ձայն չուներ, չուներ անուն, չուներ հևք, որ արձագանքում էր միայն ուլսերի վրա թավալվող անիվների համաշափ տեմպով...

Փակեց ականջները, արդյոք չէ՞ր խելագարվում, զլո՞ւխը, զլո՞ւխը, աստված իմ, բայց գործված ո՞ր մեղքի համար, կատարված ո՞ր մեկ պարտազանցության...

1915 թվականի ապրիլի 12-ն էր: Բնությունից նոր էր բաշվել ձմռան սպիտակ քողը և մանկամարդ, դեռատի կույսերի նորարողորջ ալ պտուկների նման սկսել էին պալթել ձյան տակ, ամիսներ թաղված ծառերի վաղահաս ծիլերը...

Թըրը-թըրը, թըրը-թըրը, թըրը-թըրը...

Գնացքը առավոտ վաղ կանգնեց էնկյուրիի մոտակա Սենչանգոյի կայարանում... Սառը քամի էր, կայարանի եզրին, լրիվ երկարութեամբ, իրարից երկուական քայլաշափ հեռավորութեան վրա շարվել էին արշուճակալած աշքերով և ցրտից շառագունած դիմազօծերով խոժոռադեմ ոստիկան զորքերի մի հարյուրյակ: Մոտակա տների մեջ հազիվ հատուկենտ ետում էր թեյնիկը, իսկ կայարանի խորքում մի ծերունի ձախ ափի մեջ իր ճկույթ և մատնեմատի օժանդակութեամբ շխլշխկացնելով ձեռքի բաժակը ինչ-որ արծաթաշքրած մի փոքր ափսեի,— սահլեր էր վաճառում, պահարու քիմիոնով, տաք, շուրթեր այրող սահլեր...

Անասելի մի կարոտ, ջերմ ու կորած անհիշելի ժամանակների մի կարոտ արթնացավ զնացքի ուղևորների սրբտում: Նրանք բուռբուր, որ հազիվ երկու օր է դեռ բաժանվել էին տանից, արդեն զգում էին, որ վաղուց, շատ վաղուց կտրվել են կյանքից: Այդ ծերունու կանչը Անատոլիան էր, ձմռան առավոտների Անատոլիայի գյուղաքաղաքների, գյուղերի հի՛ն, հի՛ն կարոտը: Չէ՞ որ նրանց մեծամասնութեան հայրենիքը այստեղ է եղել, այս տափաստաններում, այս կիրճերի ու ձորերի զրկում, և այժմ նրանց թվում էր, թե սահլեր վաճառող ծերունին ինչ-որ իրենց հետ կապ շունեցող և երբեք կապ շունեցած մի հեքիաթի հերոս է, ապրած դարեր առաջ և հիմա հանկարծակի ցցվել է այդտեղ, որպեսզի հուշի կատարվածի մասին:

— Սահլեր, տաք սահլեր,— հնչեց կրկին ծերունու ձայնը...

Նվ այդ ձայնը սոված մարդկանց այդ բազմութեան հոգվուն տվավ ապրելու, տոկալու անհուն տենչ, ա՛հ, եթե հնարավոր լիներ գեթ մի բաժակ խմել այժմ...

— Մերուկ,— հանդգնեցավ ձայն տալ մեկը զնացքի պատուհանից,— մի բաժակ...

— Չե՛նդ,— գոռաց բարձրաձայն մի զինվորական, որ ստքի երկարաճիտ սապոգները զոփելով սալահատակին, ձեռքին թուզթ, ինչ-որ սպիտակ մի թուզթ, գալիս է դեպի

ոստիկան զորքերը: Նա վայրի մի հայացք գցեց կառաշարներին և գիշատչի անզուսպ ձայնով գոռաց.

— Գնացքից մեկ-մեկ իջնեն բոլոր նրանք, որոնց անունները կկարգամ այժմ, ո՛չ ոք հիշատակվածներից բացի, գուրս չգա գնացքից, խստիվ արգելվում է տեղաշարժվել. հասկացա՞ք, դավաճանեն՛ր...

Հասկացել էին վաղուց, բայց հեռուն, կայարանից այն կողմ ծխում էին գյուղական տների երգիկները, և ծերունին լուռ շարունակում էր շխլշխկացնել բաժակը ձեռքի արծաթաշրված, փոքրիկ ափսեին.

— Ռուբեն Զարդարյան, — բամբ հնչեց սպայի ձայնը, — իջի՛ր, Ակնունի, իջի՛ր, Խաժակ, իջի՛ր, Շահրիկյան, իջի՛ր, Զիլինկիրյան, իջի՛ր, իջի՛ր, Տոբո. Տաղավարյան, իջի՛ր, Սարգիս Մինասյան, իջի՛ր:

Մահը գուժկան թևերով սավառնում էր բաժանմունքներում և բարձրաստիճան զինվորականի բերանից արձագանքող յուրաքանչյուր անվան հետ կարծես կայծակնահար էր լինում մի սիրտ և զողահար, անուժ ոտքեր քարշ էին տալիս մարդկային մի մարմին, որի գրպանում կար տրված անվանց փաստաթուղթը: Մարդիկ ասես շնչող էակներ չէին, որ շարժվում էին Սենչանգյոյի կայարանում, յուրաքանչյուրը շարքի կանգնած ոստիկան զինվորի արանքը: Նրանցից մեկը միայն, թուրքական խորհրդարանի անգամ Ակնունին էր, որ դարձավ սպային ու ասաց.

— Դուք իրավունք չունեք մեզ հետ վարվելու ոճրագործների նման, ես պիտի հեռագրեմ Պոլիս և բողոքեմ ձեզանից, վստահեցնում եմ ձեզ, շարաշար սխալվում եք, պարոն սպա...

— Իսկ ո՞ւմ եք բողոքելու... — գեղին, հազիվ նշմարելի ժպիտով հարց տվեց սպան:

— Հենց նորին գերազանցություն Քալիաթին... ներքին գործոց նախարարին, հասկանո՞ւմ եք:

Սպայի դեմքին մեծացավ ժպիտը և շուրթերը գծազրկեցին մահիկի նման մի կիսալուսին: Չես իմանում, նա ժպտաց ներողամտաբա՞ր, թե՞ ցինիզմով, բայց երկար նայեց հարց հարուցողի դիմագծին և զարմանալիորեն լուեց: Արդյոք գիտե՞ր նա, թե Քալիաթը իր կյանքը կպարտեր Ակնունուն, նա

էր ատենին պահել իր տանը, մահվան վտանգ ստեղծելով իր գլխին...

— Դա ձեր իրավունքն է, պեյս,— ասաց քաղաքավարի և հետո, համենայն դեպս զգաց, որ մի քիչ շատ քաղաքավարի ստացվեց այդ բոլորը և սրտաց.— լո՛ւր...

Եվ խորհրդարանի հայ անդամը լռեց:

Իսկ նա, սեւազդեւատ վարդապետը հաշվում էր մտովի, նա անշարժ նստել էր իր տեղում և սպասում էր իր անվան արձագանքին, բայց նրա անունը չկարգացվեց: Յոթնասուղահինգն արգեն իջել էին և նա զգաց, որ կառաշարքներում և կայարանում արեւեց դիվային մի լուսնային, և այն աղմուկը, որ ձայն շուներ ու շուներ անուն, սկսեց զնգալ իր իսկ ականջներում: Նա շէր կարող հավատալ երբեք, որ այդքան միամիտ կարող էին լինել ազգի, ժողովրդի առաջնորդութեան հավակնութեանն ունեցող մարդիկ, և դա նրան ահաւոր վիշտ էր պատճառում, մթապնել էր նրա բանականութեանը, շէր կարողանում ըմբռնել կատարվածը և ուշքի եկավ, երբ ուղեւորի վրա էլի նույն անիվների արձագանքն էր, համաշարի և խելագարեցնող:

Նույն բարդիններն ու նույն ուսիններն էին, դաշտերում նոր ծաղկած կակաշի, հարսուկի, ծծմորի անկանոն շարքեր, հեւտան մայրիկ անտառներ կային, արեւը նոր էր բարձրանում հորիզոնից և իր ոսկե փոշին էր թափում դարնան երազով դողահար, եղլամակալած բուսականութեան վրա: Արտերի մոտից դեղին ու կարմիր լաշակավոր գեղջկուհիներ շտապում էին ինչ-որ տեղ, մեկը նրանցից անտեղյակ ձեռքով արեւ նույնիսկ անցնող զնայքին, արեւը խախտացրեց նրա աչքերը, որ հավանաբար, ցորենագույն կլինեին: Նա հասուն ու լիքը կրծքեր սններ ու շորորվում էր քայլելիս... ոտները բորիկ էին, մի երփներանգ շալվար հասնում էր մինչև սրունքների ծայրամասին:

— Օ՛ ֆ... օ՛ ֆ...

Տախտարիկներ կային երկաթյա ուղեւորի զուգահեռ էլեկտրական ձողալարերի վրա, որոնք սարսափահար մի պահ լքում էին իրենց կայքը և էլի վերադառնում նույն տեղը, ինչ-որ բարակ մի առու դարձնում էր հեւտան և արեւի սրբամակ-

վող հայելիի մեջ զուգվում նազանքով, հետո շարունակում իր ճանապարհը, թեքվելով ու անհայտանալով ինչ-որ ստվերախիտ կանաչությունների մեջ:

— Ինչո՞ւ բաժանեցին այդ յոթանասունհինգին և տարան, ինչո՞ւ, գործված ո՞ր հանցանքի, կատարված ո՞ր մեկ պարտազանցության համար...

Էնկյուրիում նրանց դիմավորեց քաղաքի ոստիկանության սնորհներ, շրջապատված բազմաթիվ ոստիկաններով և եզներ լծված գաղնըներով: Չորսական նստեցրին նրանց կառքերի մեջ և յուրաքանչյուրին տվին մեկական ոստիկան... Անկանոն ու վատ էին ճանապարհները, գաղնրի տախտակները հնացած ու ճաթոտած, ցնցումներից զալարվում էին աղիքները և ստամոքսի սովածութունը ուժաթափ էր անում մարդկանց: Յնցումից մի ծերունի վար գլորվեց կառքից և թավալվեց փոշիների մեջ, քիչ մնաց ետևից եկող կառքը կոխոտեք նրան, թերևս լավ էր, եթե այդպես լիներ: Բայց շտապեցին վերցնել նրան և գրեթե շարտեցին պատահական մեկի մեջ...

Նա՞ վարդապետը, ամբողջ ճանապարհի ընթացքում նայում էր եզներին և իր մտքի առաջ գծազրվում էր հեռու-հեռավոր հարազատ դաշտերի նկարը, ուր ցորենի անծայրածիր տարածութուններ էին, լիքը, հասուն հասկերով: Յորենի այդ դաշտերի մեջ ծծմորի կապույտ, ազազուն ցողունն էր, բարակիքան, նազելի կույսերի դյուրաթեքությամբ: Բայց ա՞հ, գլուխը, գլուխը պայթում էր կարծես ցավից, թե՛ մտքերի հաճախանքից, ինչ-որ մի տեղից անանուխի բույր է գալիս և պրկում ստամոքսը... Եզները... նրա աչքերի առջև ղեռուս շարունակվում էր երազների հոսքը, կարշնեղ մի երիտասարդ, սև, ածխանման վարսերը ճակատին վարում էր արորը, բորիկ էին ոտքերը, ճիշտ քիչ առաջ արտերի մեջ շտապող գեղջկուհու նման, նրա մեջքին մի սպիտակ գոգնոց էր և լիքը, առատ ցորենի սերմեր, նա վարում էր արորը...

Հո՞, հորովել... հորովել... հորովել...

Ա՞յ, եզո ջան... ախպեր ջան...

Ո՞վ էր եղանն ասել եղբայր... Ո՞վ էր իր կյանքի, իր առօրյայի հարազատին մարդացրել այդպես, ա՛յ եղո ջան... Հիմա նույն եղներն էին, լծված քառասուն սալլերի... ա՛յ ախպեր ջան... հորովել: Գլուխը... Անանուխի ինչ-որ բույր կար մթնոլորտում, ո՞վ էր ասել, ո՞ր ազդը, ո՞ր մարդկայնորեն վեհ ժողովուրդը, որ մարդացրել էր նույնիսկ անասուններին: Չէ՞ որ նրանք հաց էին տալիս իրեն, բաժանում իր առօրյան, բրտինքն ու վիշտը, սերն ու ուրախությունը:

Հո՞, հորովել...

Մթնշաղին, երբ արևը թոնրի տեսքով էր հորիզոնում և տներից գալիս էր լավաշի բուրմունքը, նրանք, քառասունչորս դաղնըներ հասան Գալաջճըք գայմազամանիստ գյուղաբաղաբը: Մի գյուղաբաղաբ ու գյուղաբաղաբում մի խարխուլ խան, որից նա, սևազգեստ արտորականը, հիշում է վերմակների վրա վխտացող ոջիլների շարքերը...

Հո՞, հորովել...

Գալաջճըքից Չանգըրը տաս ժամ տեղի ճանապարհը, հսկա մի շենք, որ զորանոց է հիշեցնում: Բարաքներում սա՛ռք, սառը քամի է, որ սանձարձակ սուրում է հյուսիսից հարավ և արևմուտքից արևելք: Առաստաղից երկնքի աստղերն են երևում, մանավանդ մեկը սպողում է բոլորից վառ. դոների առաջ սվինների փայլն է...

Հասակավոր մի արտորական, անունը չի հիշում, մոտեցավ պահակներից մեկին, հանեց իր զրպանից ոսկյա ժամացույցն ու շղթան և.

— Թե որ մեռնեմ, խնդրում եմ սրանք հանձնել իմ ընտանիքին ի Պոլիս, ահա և հասցես գրել եմ թղթի վրա...

Ա՛յ եղո ջան, ախպեր ջան...

Հին երգ է, հին եղանակ, նրա գլխում անանուն, անձայն գրվաչին զնգոցն է... համաշափ և խելագարեցնող:

— Վարդապետ,— լավից ինչ-որ մեկի շշուշը,— վարդապետ, աղոթիր մեր հոգվուն համար: Աղոթե՛լ... Հենց այս բուպեին... աղոթել, բայց ինչո՞ւ, հետո ինքը, ինչո՞ւ ինքը...

չէ որ հիմա իր գլխում աղմուկ է, խլացուցիչ, խեղաբարեցնող մի աղմուկ, նրա աչքերի առաջ այրվող դաշտերի, հրո ճարակ դարձած անծայրածիր ցորենի արտերի նկարն է, ականջներում կույսերի վայնասունը, աղոթել ինչո՞ւ համար, ի՞նչ բանի, դողդողում են ոտքերը, կթոտեցին ծունկերը և նա... փլվեց:

Մունկի եկան և մյուսները, թերևս կարծելով, որ նա պատրաստվում է աղոթելու:

— Վարդապետ, աղոթիր մեզ համար:

Զգիտի իր ձայնն է, թե ուրիշի, բայց այդ ձայնը բարձրանում է սրտի խորքերից, սրտակեղեք բարձրանում է և արձագանքում զորանոցի պատերում, սվինների և աստղերի փայլի հետ, մթազնելով նրանց շողը: Նա երգում է նա, հայ գեղջուկի հարազատը, երգում է նա, Կոմիտասը, երգում է Տեր Ողորմյա...

Տեր ողորմյա, տեր ողորմյա,
Տուր աշխարհիս խաղաղություն,
Ազգիս հայոց ազատություն...
Տեր ողորմյա, տեր ողորմյա...

Բայց սա աղոթք չի: Սա կոչ է խաղաղության և ազատության, բռնության դեմ, ըմբոստության երգ է կոմիտասյան տեր ողորմյան: Նա կանգնեց ոտքի և զարմանք՝ տեսավ, որ իր առաջ կանգնած բաղմության աչքերում վառվում է մի անզուսպ կրակ, մի բոց, մի ընդվզում:

— Տեր ողորմյա...

Նա վախեցավ, դողաց և դողդողացող ձևերեզով ուզեց շոշափել իր ընկերներին... և կրկին շոբեց գետնին...

— Տեր ողորմյա...

Լուռ էին բոլորը, լուռ և զուսպ աճեղ մի ներքին անիմանալի կրակից: Կանգնել էին ոտքի և սպասում էին ինչ-որ բանի, ինչ-որ ահավոր մի պոռթկման, մի գերբնական արդարության, մի ժողովրդի համար, որ իր աղոթքի մեջ, իր խողխողման պահին ցանկանում է խաղաղություն աշխարհին...

Անսովոր, արտակարգ մի պոռթկում դարերի յաթաղանների ահագնության տակ շոբած իր սիրելի վարդապետից...

Իսկ նա՞... Իսկ նա ծիծաղում էր խելահեղ պոռթկումով, ահագնաձայն և թնդացնում զորանոցը, ծիծաղում էր, խեղդվում ծիծաղից և զեհենային այդ ծիծաղների ալիքները արձագանքում էին Չանգըրրիի զորանոցի պատերում, անշարժացած սվինների և երկնքում ահից սառած աստղի արտասովոր փայլի տակ...

1915-ի ապրիլ ամսին էր, մի հիսնամյակ առաջ... և զարուն էր Չանգըրըրում:

Հունիս, 1965

«ԿՓՆՏՐՎԻ...»

Այս պատմվածքը ձոնում էմ մօրս հիշատակին...
Պատմվածք՝ որի գլխավոր անցքերի զգալի մասը վերցրել էմ նրա դառն կյանքից...

1

Տան համար շուկայից գնած մսի, կաղամբի, ստեպղինի և այլ սննդամթերքների կողքին, ձեռքի թերթը ցանցի մեջ տեղավորելուց առաջ, մի անգամ էլ կարգաց հայտարարությունը ու դանդաղ քայլերով սկսեց առաջանալ...

Հայտարարությունը ինքն էր գրել և ուղարկել Փարիզում լույս տեսնող... «Ա...» թերթին: «Կփնտրվի...»

«Ատաբազարի Սուրբ Կարապետ թաղեն Պերվարթենյ Ագապիի աղջիկը՝ Աղավնին կփնտրե 1915 թվականի տարագրության ժամանակ կորսնցուցած իր երկու զավակները: Աղջիկը՝ Եսրափես Պերվարթյանը, որ ութ տարեկան էր, և մանչը՝ Մինաս Պերվարթյանը, որ վեցին մեջն էր հազիվ, երբ տեղահան եղան հայրենի քաղաքեն տատիկի ու պապիկի հետ: Վերջին անգամ զիրենք տեսնողներ եղեր էին Ուրֆայում, որմն հետո լուր չեմ ստացեր: Զարդերու ավարտեն ետքը ևս լուր չունիմ, բայց ժամանակ առ ժամանակ անորոշ տեղեկություններ, հակասական լուրեր հասեր են ինձ: Վերօհիշյալների մասին եթե կան ստույգ բան իմացողներ, կխնդրվի գրել հետևյալ հասցեին՝ Աղավնի Պերվարթյան (այժմ Սողոմոնյան) կոն, բյու Տիտյո, թիվ 35 (Lyon, rue Didieu № 35) երկրորդ հարկ, բնակարան 15:

Արտասահմանյան թերթերեն կխնդրվի արտատպել»:

Կանգնեց, սիրտը տրոփում էր անսովոր կերպով: Հենվեց ձեռնափայտին և պստծուն կանչեց օգնության: Զլինի հենց փողոցում էլ մի բան պատահի: Ընկնի ցած և մահանա, է՛հ

ինչ իմանաս, արդեն ութսունի սեմին է հասել և սիրտը լավ չի աշխատում: Փառք նորից, չէ որ ինքը կա ու կա, բայց ինչքա՞ն սիրելիներն թաղեց, և դեռևս այսքան շարշարանքներից, տառապանքներից հետո հասավ այս օրին: Ծիշոտ է, տըխուր, դառն, շատ դառն բան է այսպես օտարության մեջ, օտար մարդկանց հետաքրքիր նայվածքների տակ հանկարծամահ լինելը... Հետո, հիմարինման ո՛չ անձնագիր, ո՛չ էլ փրկությունը հաստատող որևէ փաստաթուղթ ունի հետը: Երանի մի քիչ մոտ լինելու տանը, բայց եղանակը լավ էր և ինքը փորձություն չդիմացալ: Ցանցի մեջ թերթը կա և թերթի շորթորդ էջում իր տված հայտարարությունը, ուր հասցեն որոշակի տպված է: Բայց մարդիկ ինչպե՞ս իմանան, այն էլ հայատառ մի թերթից, թե հենց ինքը, բյու Տիտյոյի համար 35 տան, 15-րդ բնակարանի Աղավնի տատիկն է: Հանցավորը ինքն է սակայն, ասել են բժիշկները, որ զգուշ պիտի լինել, շուկայի և առհասարակ տան դժվարին աշխատանքները պիտի թողնել երիտասարդներին: Տղան, որ նույնպես բժիշկ է և հիսունն անցել է արդեն, կուլում է ամեն օր իր հետ թև՝

— Մայրիկ ջան, առանձին դուրս գալ չի կարելի...

Հարսն էլ լավն է, բայց նա այսօր շտապ գործով տեղ գնաց: Հետո, ինչ էլ լինի, լավ սակարկել չգիտի: Ծիշոտ է, գնորդ սահմանված են, բայց դարձյալ տես՝ երբ ինքն է իջնում շուկա, հաստատված գներից նույնիսկ մի բան պոկում, զցում է գրպանը: Թոռները համալսարանականներ են, մեկը արդեն վաղուց դարձել է իրավագետ, բայց նրանք ո՛ւր, շուկան ուր: Ամեն մեկը իր գործով է տարված: Հետո, ամենակարևորը թերթն էր: Ում պատվիրում է, ասում է.

— Գրան մա (մեծ մայրիկ) հերթը չի՞, մեկին բաժանորդագրվել ես արդեն, չէ՞ որ բոլորը նույնն են...

Այսուհանդերձ օրվա մեջ յուրաքանչյուրը գնում է ֆրանսիական թերթերից մի քանիսը. է՛լ քաղաքական, է՛լ սպորտի, էլ կինոյի, բայց իր համար մի հատ հավելյալ թերթ գնելը մոռանում են: Բոլորն էլ շատ են սիրում տատիկին, բայց չէ՞ որ հատուկնտ կրպակներում են միայն վաճառվում հայերեն թերթերը: Է՞հ, հայերեն թերթից ի՞նչ են հասկանում որ, հարսն արդեն ֆրանսուհի է, իսկ թոռնիկները խելքը գըլ-

խին կարգալ անգամ չգիտեն: Տղան էլ՝ նույն հոսանքի մեջ
ընկած ասում է.

— Մայրիկ, ինձ հետաքրքրող շատ բան չկա այդ վեր-
թերում, — և չի էլ նայում:

Թերևս ճիշտ է ասում, բայց ինքը վստահ էր, թե այսօր
կհրատարակեն իր հայտարարությունը: Փոստատարին սպա-
սելու համբերություն չունի: Ուզում է ծամ առաջ կարգալ,
իսկ կարգալուց հոգին զովանում է, հանգստանում: Հույսի
հեռավոր մի նշույլ է փայլատակում սրտում: Խղճի հանդեպ
չհատուցված մի պարտք է կատարում կարծես...

Է՛հ, քառասուն տարի է, թերևս հիսուն, տալիս է նույն
հայտարարությունը, և ի՞նչ, տվել է Պոլսում գտնված միջս-
ցին, Պոլսի «Ժամանակ» օրաթերթին: Հետո, տարիներ հե-
տո, նույն հայտարարությունը, որոշ շարադրական տարբե-
րակներով տպել են Բեյրութի թերթերը և հիմա էլ Ֆրանսիա-
յում, Փարիզում լույս տեսնողները: Դեռևս, հավանաբար, ին-
քը չգիտի, արտասահմանյան ինչքա՞ն, ինչքա՞ն օրաթերթեր,
պարբերաթերթեր լույս են ընծայել նույնը, չէ՞ որ ինքը միշտ
շեշտում է... «Արտասահմանյան թերթերեն կխնդրվի արտա-
տպել...»:

Այս բոլորը լավ, բայց արդյունք չկա: Հիսուն տարի է
անցել, այո՛, ուղիղ հիսուն տարի և համառությունը չի կո-
տրվել: Հավատում է, որ նրանք ապրում են, հավատում է,
որ երկրի երեսին ինչ-որ մի տեղ կան, շնչում են նրանք.
ճիշտ է, հակառակ կին լինելուն, հակառակ տատիկ լինելուն,
սնոտիապաշտ չէ, չի հավատում ո՛չ զբրայցներին, ո՛չ ողե-
հարցներին և պիտի ասել նույնիսկ երազներին: Բայց մեկ-
մեկ, երբ սուրճի զավաթ է բաց անել տալիս կամ բախտա-
գուշակներին հարցնում է նրանց ճակատագրի մասին, աս-
նում են թե աղջիկը ապրում է, քրդացած է, կամ արաբացած,
հարուստ մի բեկի կինն է, տղան մահացած է: Մի ուրիշը
թե՛ տղան ողջ է, թշվառ ու անկար, աղջիկն է մահացած: Ու-
զի-չուզի սիրտը հակվում է հավատալու: Ախր ինքը իր սե-
փական ձեռքով գնացք նստեցրեց նրանց, ինչպե՞ս չհավա-
տա...: Այս է պատճառը, որ չուրաքանչյուր տարի փոխանակ
հայկական որևէ եկեղեցում հոգեհանգիստ կազմակերպելու

նրանց հոգուն, տալիս է հայտարարութիւն, չէ՞ որ երկրորդի մեջ հույս կա: Առանց հույսի ինչպե՞ս...

Գեռես մտածում է, որ փոխանակ մզլոտած մի քահանա ուտի իր փողը, թող հայ թերթը շահի: Գեթ այսպիսով, եթե արդյունքի էլ չհասնի, հայ մամուլին կողմնակի կերպով իր լուսման մուծած կլինի: Եթե իր նման հայտարարութիւններ, ծանուցումներ տվողներն էլ դադարեն, ապա ինչպե՞ս կասուրեն հայ թերթերը...

Արևոտ, պայծառ օր է, և այդ է վատը: Բժիշկները մասնավորաբար զգուշացրել են, որ զարնան այս եղանակներին պիտի ավելի ուշադիր լինել: Գարունը բոլոր տարիքների համար էլ վտանգավոր եղանակ է... Ուզում էր նստել մի տեղ ու շունչ քաշել, բայց փողոցի մեջտեղում քառասլին այս ետուզեռի, երթեկի մեջ ումի՞ց կարող ես աթոռ խնդրել: Չմտնե՞լ մի վաճառատուն... Բայց հո չե՞ս խանգարի մարդկանց, թե որ գնելիք որևէ բան շունես, տհաճ մարդ ես բոլորի համար... Ճնշման զգացում կա սրտի վրա, հոգնութիւնի՞ց է, թե հուշերից...

Փոքր էր, շատ փոքր, հազիվ տասնչորսամյա, երբ ամուսնացրին իրեն: Ամուսինը, հազիվ քսան տարեկան, գեղեցիկ տղամարդ էր: Ինքը Ատաբաղարում Հաճի Գրիգորի մետաքսի ֆաբրիկայի բանվորուհի: Սիրահարվեց... Կարմրեց Աղավնի տատիկի ծերունական դիմագիծը երիտասարդական վերհուշներից: Է՛հ, երեխա էր, ո՞ւմ վրա ուզես կարող էր սիրահարվել: Տասնվեց տարեկանում արդեն դարձավ մայր, ծնեց Եպրաքսինն, տասնյոթին ունեցավ երկրորդը... Մինասին և մի քանի տարվա երջանկութիւն ու վերջ: Ինքը շահել թաղվեց ընտանեկան հոգսերի մեջ: Քսաներկու տարեկան էր, երբ թոքախտից մահացավ ամուսինը: Դե՞, գնա ու հաշտվիր կյանքի հետ, գեռես կոկոն, երկու մինուճարներով այրի: Չի հավատում ինքը «աչքի», բայց... աչքով կերան նրան մարդիկ, աչքով կերան: Այո՛, ինքը ո՛չ սնոտիապաշտ է, ո՛չ էլ հավատում է ճակատագրին: Աստուծոն էլ չի հավատում, ա՛խր, կյանքի այդքան զարտուղութիւններից, ցավերից, դավերից հետո ինչպե՞ս հավատա: Այսուհանդերձ...

— Մեղա, մեղա ամենակալին, եթե կաս երբևէ, եթե գոյություն ունես հայի համար...

Աղալմնի տատիկը միշտ կրկնում է «հայի համար»-ը, որովհետև կյանքում իր տեսածները փաստում են, որ եթե եղել է աստված, այդ եղել է այլ ազգերի համար: Հայի համար էլ ի՞նչ աստված, Աղալմնի տատիկի սեփական ճակատագիրը բավ է՝ համոզելու, որ չկա նա...

— Եթե կաս, գեթ մնայիր երկնքում, ինչո՞ւ ես խառնվում երկրային գործերի մեջ,— փիլիսոփայում է հաճախ Աղալմնի տատիկը, բայց շես գիտեր որտեղից եկած մի ներքին մղումով վրա բերում:

— Մեղա քեզ, եթե երբևէ մեղք եմ գործում, աստվածիկըս,— և կարծում է, որ փաղաքշական այդ մասնիկով էլ հանգստացնում է խիղճը:

Ամուսնու, իր այնքան սիրած ամուսնու մահից հետո շուգեց մնալ հայրենի քաղաք՝ Ատաբաղարում: Ի՞նչ աներ, բեռ լինել ծնողների վրա շէր կարելի, հետո հիշատակները խեղզում էին նրան: Յուրաքանչյուր փողոցի անկյունում, Ատաբաղարի համբավյալ «Չարխի» ջրերում նրա հետքերն էին, իր փշրված երազների, իր տենչերի, ձգտումների կոտորվածքները... Ի՞նչ կարող էր անել Ատաբաղարում: Վերցրեց երևիսաներին, թողեց հորն ու մորը և շունչը առավ Պոլսում: Քաղաքում ճանաչված, հարուստ, ամուրի մի մտավորական մարդու տան մեջ տնային ծառայող դարձավ: Աշխատասեր, պարկեշտ, զեղեցիկ կին էր: Իր զավակների հետ ապրում էր հսկա տան սենյակներից մեկում և աշխատում օրնիրուն: Ուշիմ կին էր Աղալմնին: Կարողացավ իր երիտասարդությամբ, մաքրասիրությամբ իր կամքից անկախ տիրոջը համակրանքը փոխակերպել... սիրո: Բայց, ինք զեղջիւհուհի էր, այս որտեղից որտեղ այդպիսի բախտ իրեն, ամուրի հարուստ մի մարդ կարո՞ղ էր նրան որպես կին վերցնել: Իսկ ինք շէր կարող նույնիսկ մի բոսի մտածել այդ կարելիությանց մասին: Վճռեց հեռանալ: Սակայն... պայթեց համաշխարհային պատերազմը: Իրարանցում էր, վախ, անորոշություն... Ի՞նչ էր անելու: Անցնում էին օրերը և ինք զգում էր, որ այդպես շարունակել չի կարելի: Ծիշտ է, լավ էր

վարձատրվում, ապահովել էր իր զավակների ուսման կարելիությունը: Ինքն էլ փոխվել էր այդ տան մեջ: Եկող ու գացող այցելուների խոսակցությունները, զրբերով լի գրադարանները նոր աշխարհ էին բացել իր առաջ և դեռևս շատ, շատ երիտասարդ էր ինքը... Բայց վճռեց ու կրկին մի օր թե՛

— Աղաս, ուզում եմ հեռանալ այստեղից:

Ձգաց, որ շփոթվեց տերը.

— Ինչո՞ւ, — կմկմաց մեղմ, — գոհ չե՞ս տանից, վարձատրությունից:

— Ընդհակառակը, աղաս, բայց ուզում եմ գնալ տուն, մորս ու հորս մոտ...

— Վաղը կպատասխանեմ, — ասաց տերը:

«Վաղը» մինչև լուսանալը շքնեց Աղավնին, արդյո՞ք սխալ որոշում չընդունեց: Ի՞նչ կարող էր անել Ատաբաղարում, արդյո՞ք չի կործանում իր զավակների ապագան, բայց անսպասելի մի առաջարկ վերիվայր շրջեց իր կյանքի ուղին:

Առավոտյան տերը թե՛

— Աղավնի, ես քեզանից մեծ եմ մի տասնհինգ-քսան տարով. բայց լսիր ինչ որ ասելու եմ, կամ առաջարկելու հիմա: Արդյոք չէի՞ր ուղի ամուսնանալ ինձ հետ... Ես խորհել եմ վաղուց, և այս գիշեր էլ գրեթե չեմ քնել լրիվ, որոշումս հստակ է, թե որ ուզում ես...

Այդ բոլորին կարծես կրժքի ձախ կողմում սիրտը սկսեց ուժգին խփել. բայց հիմա հասկանում է, որ այդ խփելուց եթե չմահացավ, այլ էր պարագան, իսկ հիմա՝ այլ...

— Աղավնյալիս, — ասաց, — վաղն իսկ ես կորդեգրեմ երկուսին էլ, միառժամանակ ուղարկիր ծնողներիդ մոտ, կամուսնանանք և խոսք եմ տալիս, ամենաշատը մի քանի ամսից կգնանք միասին և ես կրեբենք:

Աղավնին ինքը իր իսկ ձեռքով հազցրեց նրանց, ուտելիք ու փող գրեց հետները և իր կյանքի ու որոշումների մասին մանրամասն մի թուղթ գրեց հորն ու մորը ուղղված: Եվ թեև ահավար զժվարությունը, բայց համոզեց, որ գոհն մի քանի ամսով հարկ է գնան տատիկի ու պապիկի մոտ,

Թե շատ լավ ապագա է սպասում նրանց, և ինքը ձեռներիցը քոնած տարավ Հայտարփաշա. Անատոլիայի ուղղությամբ մեկնող գնացքների կենտրոնական կայարանը: Ի՞նչ իմանար...

Չէ, Թուրքերի մեջ էլ լավ մարդիկ կային էն օրերին, ինքը գիտի այդ: Տոմսավաճառը նայեց նրան և.

— Քույրիկ, — ասաց, — հայ ես, չէ՞:

— Այո՛:

— Դե, այդ գնացքի համար տեղ շունեմ, թող մյուսով գնան, վաղը...

— Լուր եմ ուղարկել, հեռագրել, նրանց դիմավորելու են, — խնդրեց ինքը:

— Ոչինչ, — ասաց մարդը, — ոչինչ, թող վաղը գնան:

— Խնդրում եմ, — պնդեց կրկին, — խնդրում եմ երկու տոմս ճարեք:

— Իսկ ո՞վքեր են սրանք:

— Իմ զավակներն են:

— Ի՞նչու ես ուղարկում:

— Անհրաժեշտ է:

— Ո՞ւր ես ուղարկելու...

— Ատաբաղար:

— Թող մնան, քույրիկ, — կրկին համառեց մարդը, — թող մնան, հաջորդ գնացքով կուղարկես: — Չգիտես ինչու լաց եղավ և ավելորդ բաներ ասաց.

— Թե ինչու տոմս ավիր ուրիշներին և իմ երեխաների համար չես տալիս:

Մարդը ճարահատ երկու տոմս կտրեց: Փոքրիկները կարծես չէին ուզում պսկվել իրենց մոր փեշից: Նայում էին տխուր, տխուր, դառը, լացակումած աչքերով...

Գնացքը շարժվեց, թաշկինակները մնացին օդում. գնացքի մի պատուհանում դժագրվեց շորս փոքրիկ... առու: Իր կոկորդում խցկվեց մի բան, չէր իմանում ինչ և հիմա հիսուն տարի հետո այդ ծանրությունը մնում է այդպես խրված կոկորդում... Ա՛խ, ա՛խ, աստված իմ, գնացքի այդ պատուհանը...

Անատոլիա մեկնող այդ գնացքից հետո, ուղևորների համար ճանապարհները փակվեցին... Սկսվեց տեղահանությունն ու հայկական գողգոթան: Սկսվեցին ջարդերը:

2

Ամուսնացավ ինքը, աչքերում պարփակած իր երկու միևնուձարների տխուր ու դառը նայվածքը և ամբողջ կյանքում... չներեց ամուսնուն:

Բայց ի՞նչ իմանար նա: Պոլսից արտոբեցին մտավորականներին, այդ թվում և իր ամուսնուն: Այրիացավ երկրորդ անգամ, գրկում տասնամյա մի մանչ զավակ... Պաշտեց ու պաշտում էր նրան, ամուսնուն, հակառակ սակայն ամուսնացավ երրորդ անգամ, ապահովելու համար իր մեկ հատիկի ապագան և պայման կապեց՝ հեռանալ Թուրքիայից Արարական արևելք կամ Ֆրանսիա: Քառասուն տարի է անցել իր երրորդ ամուսնությունից, հիսուն տարի գրեթե վերջին այդ գնացքից: Հիմա կոնոն է: Երրորդից զավակ չուղեց ունենալ, ունի թոռներ սակայն, բայց ի ցավ իրեն տղան երբ ավարտում էր բժշկական համալսարանը, Փարիզից իր հետ բերավ մի կին և ներկայացրեց. Ֆրանսուզի էր: Երրորդ ամուսնուն կորցրեց մի հինգ տարի առաջ... քաղցկեղից: Թոռները նույնպես հասել են, մեծացել: Մեկը զարձեկ է վաղուց իրավագետ, մյուսը դառնալու է բժիշկ: Աշխատեց, որ կյանքում, ամեն ինչ կորցնելի հետո, գեթ կարողանա վրեժը լուծել անցյալից և փրկի ի զին ամեն զոհողություն հալոց Մեսրոպատառ այբուբենը: Զհաջողվեց: Կավ կին է հարսը: Առաջագիմական հայացքներով տեր, լավ մայր: Ինքը գոհ է նրանից, բայց կոկորդում մի բան կա, խցկված մի բան, չի իմանում ինչ... Մի անգամ գաղթերից մաղապուրծ ճողոպրած մի մարդուց, կիրանանում լսեց, թե ինչ-որ Ատարաղարից եկած և Ուրֆայում գտնվող գաղթականների մեջ կային այդպիսի մի սւթ տարեկան աղջիկ Եպրաքս անունով և մի մանչ՝ վեց տարեկան, որոնք ձեռք-ձեռքի բռնած լալով ման էին գալիս: Կորցրել էին տատիկին ու պապիկին... ո՛չ ոք չկար, որ հետաքրքրվեր նրանցով...

Խփեց սիրտը ուժգին, մի աթոռ էլ չկա, որ նստի ու շունչ քաշի մի քիչ: Ինչո՞ւ դուրս եկավ տանից, թերթի համար էր, ուզում էր ըստե՞ս առաջ կարդալ, չհամբերեց, չկարողացավ սպասել փոստատարին: Ամեն տարի ապրիլին, երբ տալիս է հայտարարությունը, կարծես սիրտը հովանում է ինչ-որ բանից, բայց սիրտը... թոռները այսօր պիտի գնան հայկական հավաքույթի: «Շիշ-քեպապ»-ի փարթիլի. ոչինչ, զոնե «շիշ-քեպապ»-ով թող զգան, որ հայ են կյանքում: Հարսը կարևոր մի տեղ գնաց այսօր: Հիմարություն, թող ինքը նստեր տանը, կասեր տղային, կրեեր թերթը, շատ-շատ, թող սպասեր մի օր էլ... Ի՞նչ անել, որ տղան կարող է և մոռանալ, չէ՞ որ բոլոր կրպակներում հայերեն թերթեր չկան:

Դիմացի պատի վրա ինչ-որ դեղին բծեր կան, արևի՞ց է, թե իր աչքին են թվում այդպես... Կարող է և պատահել, որ Ուրֆայից փոխած լինեն ճանապարհի ուղղությունը: Կյանք է, ինչ իմանաս, թերևս այնտեղ են, հայրենիքում, թեպետ ոչ մի բախտագուշակ այգույիսի բան չի ասել իրեն, բայց միթե աշխարհի ամենաուժեղ բախտագուշակն անգամ կարո՞ղ էր հավատալ, որ այդքան շարշարանքներից, տառապանքներից հետո կլինի հայերի համար հայրենիք, այն էլ ինչպիսի՞ն... Ա՛խ, որ մեռներ, գեթ մեռներ հայրենի հողում, հայրենի հողում գերեզման ունենար: Ամուսնուն թաղեց Ատաբաղարում, երկրորդ ամուսնուն ու զավակներին հանձնեց անապատներին, երրորդը թաղվել է Լիոնում, իսկ մոր ու հոր հողաթումբերը անհայտ են... Ա՛խ, գեթ մի աթոռ լիներ... Մեկը զարնվեց թևին: Յանցը պոկվեց ափից, մայթերի վրա ինքը տեսնում է թափված ստեպղիններ և մսի բացված փաթեթ, հետո կաղամբ, որը զլորվում է, զլորվում մայթերի վրա, գավազանը, դեղին բիծը... ու Աղավնի տատիկը ընկավ մայթերին...

Հայերեն թերթեր են իր գրասեղանի վրա, ծալ-ծալ հայերեն թերթեր: Տղան է բերել, իրավագետ տղան: Նայում է նա, Աղավնի տատիկի տղան, թերթերին և աչքը հատում գրասեղանի աջ անկյունում հանդիպող մոր նկարին...

— Ինչո՞ւ առանց լուր տալու փողոց դուրս եկար, մայրիկ,— արցունքոտվում են աչքերը, փախցնում է նայվածքը նկարից ու նայում թերթերին...

«Կփնարվի...

Ատաբաղարի սուրբ Կարապետ թողեն...»

Մայրիկի հայտարարությունն է, հայտարարությունների հավաքածուներ, բազմազան անուններով թերթերի մեջ, թվով մի հինգ տասնյակի չափ: Բոլորը ծալվել են կանոնավոր և ծրարվել վառվռուն, եզրին սակեղույն փուլեր ունեցող յաղմայի մեջ: Ատաբաղարից բերված հի՛ն, հին մի յաղմա...

— Հայրիկ,— հանկարծ լսվում է ավագ տղայի ձայնը:

— Ի՞նչ կա:

— Տես,— ու բերում է սպիտակ թղթի վրա գրված իր ձեռագիրը... Ֆրանսերենով. «Ա... թերթի խմբագրությունը. Խնդրում ենք գաղարեցնել Ձեր թերթի առաքումը մեր հասցեով: Տատիկը մահացավ, հայերեն կարդացող չկա...»

ԲՈՎԱՆԿԱԿՈՒԹՅՈՒՆ

Պատմվածք՝ Վազգո ընկերության, Երազի և տիկնիկներու մասին	3
Գրատուն «Բաֆֆի»	34
Կապույտ մորմոր	67
Բուրդոյի տղան	74
Քաղաքի լուսարացը	86
Հարևան ջան	96
Վարսերը	103
Պատմվածք՝ պատմվածք զրելու մասին	110
Խոհեր բաց երկնքի տակ	113
Խոհեր մարդու մասին	137
Հայոց թաղը	146
Բանաստեղծի Գողգոթան	174
Տեր ողորմյա	197
«Կփնտրվի...»	209

Գեղամ Լևոնի Սևան

Հայոց քաղը

Խմբագիր՝ Մ. Ս. Քերզյան
Նկարիչ՝ Մ. Ռ. Սառյան
Գեղ. խմբագիր՝ Ան. Վ. Գասպարյան
Տեխ. խմբագիր՝ Օն. Ս. Փանիկյան
Վերատուգող սրբագրիչ՝ Լ. Շ. Հովհաննիսյան

Հանձնված է արտադրության 4/11—1967 թ.:

Ստորագրված է տպագրության 6/X 1967 թ.: Թուղթ՝ տպագրական № 2

84×108¹/₃₂, տպ. 13,75 մամ.—11,27 սյայմ. մամ., հրատ. 9,7 մամ.,
սլատվեր 22Տ: ՎՖ 07336, տիրած 7000, գինը՝ 38 կոպ.:

«Հայաստան» հրատարակչություն, Երևան—9, Տերյան 91:

Հայկ. ՍՍՀ Մինիստրների սովետին առընթեր մամուլի կոմիտեի
պոլիգրաֆ արդյունաբերության գլխավոր վարչության 1-ին տպարան,
Երևան, Ալավերդյան փող. № 65:

